

LES
SECRETS D

**S. ALEXIS PIE-
MONTAIS,**

DIVISEZ EN SIX **71315**

Ausquels auons adjoint
AVTRES SECRETS DE NOUVEAU
ajoutez par iceluy, qu'aucuns ont appellé,
le Second Volume:

&
LES RECEPTES DE DIVERS AVTEURS
toutes bien experimentées, & approuvées.

Lisez l'Auertissement: Page. 3.



71,315

hardiment

A ANVERS,
De l'Imprimerie de Christophle Plantin.

1559.
AVEC PRIVILEGE.



EXTRAIT DV PRIVILEGE.



*La Majesté Royale a donné Priuilege à Christo-
phle Plantin, Imprimeur juré de la Ville d'Anuers,
de pouuoir imprimer, ou faire imprimer, vendre &
distribuer, tant en Brabant, que par tous ses Pays
bas de par deça,*

Les Receptes de plusieurs Auteurs: &

*Secrèts de reuerend Seigneur Alexis Piemontois, tous bien
approuuez. Defendant à tous Imprimeurs, Libraires, &
autres quiconques, de faire les semblables en tous ces pays sudsits, ny
ailleurs imprimez, vendre, ny distribuer en nul de ces trois langa-
ges, à sçauoir, François, Flameng, & Espagnol deuant quatre ans ac
complis, sus peine de confiscation des Livres imprimez, & par des-
sus ce de vingt Carolus d'amende pour chacune fois que quelqu'un
auroit à ce contrenenu, ou fait le contraire, cōme plus amplement
est declaré es originaus Priuileges donnez à Brusselles le 13. de No-
uembre. Anno 1559.*


Signé

Ph. de Lens.

Et au priné Conseil, le 2. de Mars, Anno 1557.

Signé de la Torre.

AVERTISSEMENT AV V.
LECTEUR.

 Onſiderant, amy Lecteur, que toutes les autres Impreſſions de ce preſent Liure n'eſtoyent en rien differentes de noſtre premiere Traduction & Impreſſion, fors qu'en omiſſion de l'Epiftre dedicatoire, d'un braue Titre & nouvelle Traduction de deux Epiftres, & peu de Secrets de l'Auteur: j'ay bien voulu pour ta commodité, & plus aſſeuré proffit la faire reuoir par gens bien ſcauans en langue Italienne & Françoisſe, & tresexperimentés en la Medicine: de ſorte que je te puis aſſurer que je redonne maintenant ce preſent œuure plus correct qu'il ne fut onques par cy deuant. Tu as auſſi d'auantage icy vn autre œuure du meſme Auteur nouvellement traduit d'une fidelité non doutable, ne me ſouciant ſi quelqu'un, ou pour gain, ou par malice auroit abuſé quelque Imprimeur, en luy fourrant en la main, les meſmes Secrets ſous le Titre de ſecond Liure du S. Alexis, ce qu'il euſt bien peu faire hardiment ſi les ayant fidelement traduits, laiſſez en leur premier bon ordre, & donnez en lumiere, ſeparez de tous autres, il n'en euſt point mellé d'autres avec,

ni tant s'en faut qu'ils soyent du S. Alexis qu'ils
nt indignes d'estre leus, comme qui ne contien-
nt, pour la plus part, que choses, ou friuoles, &
abusives, ou, qui pis est, superstitieuses & folles: en
quoy, qui quil soit, fait grand tort & deshonneur
à vne si bonne œeuure. Je ray icy d'auantage con-
joint vn autre Liure de Secrets experimentés
& approuués par gens de bon jugement,
tant en la Medicine, qu'en autres
sciences exquisés. Il reste que
tu en vueilles faire ton
proffit, & louer

DIEU

de

ses Graces.

A DIEU SOIS.

Le cinquieme de May 1559.

EPISTRE PROEMIALE DE L'AV-

TEVR POUR LA PREMIERE EDITION.

AV LECTEUR.



CEST qui de long temps m'ont cogneu, ou pour mieus dire frequenté tout le temps de ma vie, peuuent auoir, peut estre, la cognoissance, comme il a plu à la grande benignité de nostre seigneur, de me faire naistre de maison noble (selon la cōmune, pour ne dire vaine, opinion de ceus, qui fondent la noblesse plus és merites d'autrui, qu'és nostres propres) joint ausi que j'ay esté tou-jours assez bié doué des biens de fortune & beaucoup plus que mon estat ne merite. Et diray encore non point par jactance, mais seulement pour auertir les lecteurs beniuoles, & pour rendre grace à la benignité de Dieu que plusieurs sauent que de mon enfance j'ay tou-jours vaqué aus études, ay eu cognoissance de la langue Latine, Greque, Hebraique, Caldée, Arabique, & de beaucoup d'autres nations. Et sus tout m'estant par naturelle inclinatio delecté de la philosophie & des secrets de la nature j'ay voyagé par le monde l'espace de cinquante sept ans, cherchât toujours auoir la cognoissance des personnes doctes de toutes sortes: & de fait j'ay recourré plusieurs beaux secrets, non seulement de gens de grand sauoit, & grands Signeurs, mais ausi de pources femmes, artisans, payfans, & gens de toutes qualitez. Outre plus, jé me suis transporté trois fois en Leuant; & ay recherché quasi toutes les autres parties du monde, tellement que je puis bien asséurer n'auoir jamais sejourné en vne ville plus de cinq mois au plus. Tant y a que ce m'ien estude & desir de sauoit, tant les sciences vniuerselles, que particuliers secrets (joint que c'estoit mon naturel, comme en la plus grande partie des hommes, y a vn instinct naturel de sauoit) a esté tou-jours soustenu en moy d'vne vraye ambition & vaine gloire de sauoit ce que aus autres estoit incogneu: & ay esté tou-jours auaricieus de vouloir communiquer aucun secret, voire aus plus chers amis que j'eussé, m'escusant tou-jours, que si les secrets estoiet manifestez à vn chacun, on ne les appelleroit secrets ains publicz. Or me retrouvant par fortune depuis quel que tēps en ça à Milan ja âgé de quatre vints deux ans, & sept mois, y auoit vn poute artisan bien fort tourmenté du mal de la pierre, lequel auoit demouré deux jours sans pouuoit vriner, alors le chirurgien qui le pensoit, sachant que j'auois beaucoup de secrets, & principalement contre la pierre, me vint trouuer pour luy enseigner ou donner vn secret, ou la medecine pour guarir le patient. Quoy voyant qu'il se vouloit aider & emparer du labeur d'autrui pour en faire ses hōneurs, je ne le luy voulu pas si legerement bailler, mais luy dis qu'il me menast vers le patiēt, & que je le guarirois sans aucun salaire: alors ce medecin, soit de la honte qu'il pouuoit auoir de recourir à autrui, ou peut estre qu'il s'estoit van

te d'auoir ce mesme secret, ou pour vouloir gagner, maintenant d'une
excuse, tantost d'un autre, me tint ainsi l'espace de deux jours, puis à la
fin mi mena. La ou je trouuay le pouure paciēt à l'article de la mort, &
de fait rendit bien tost apres l'esprit, sans auoir plus besoin ne de mede-
cin, ne d'aucun remede pour sa santé, tellemēt que je demouray avec si
gānde pitié & cōpasion que je me prins en haine moy mesmes, & eussē
lors voulu mourir, voyāt que l'ambition, & ma vaine gloire auoit esté
cause que ce pouure hōme n'auoit esté secouru de ce secret, & de la gra-
ce qui m'auoit esté ottroyée de Dieu nostre pere vniuersel & seigneur.
Au moyen dequoy il me print vn si grād remors de cōscience q̄ me vou-
lant sequestrer du mōde, & ne me trouuant pas en bonne dispositiō, ne
deliberation de pouuoir viure dedās vn monastere entre perſonnes re-
ligieuses, & mieus edificées q̄ moy, je me suis reduit à prendre vn lieu ef-
carté de la cité ou j'ay vn peu de terre pour cuitier oisuité, & quelque
peu de liutes avec vn oratoire, menant vne vie austere q̄ j'appelle monā-
stique & religieuse avec vn seul seruiteur qui va à la ville, nō pas à men-
dier, mais pour acheter des viures pour luy & pour moy, iusques à tāt
qu'il plaira au createur de me laisser en cette vie. Et ne me pouuāt oster
de l'entendement d'auoir esté vrā homicide pōur ne vouloir bailler ce
secret à ce medecin, & le remede pour guarir ce poure perſonnage, j'ay
deliberé de publier, & mettre en lumiere tout ce q̄ j'ay de beau & de bō
acquis par long trauail, & sumptueuses experiences: car je pense q̄ peu de
gens en aient autant q̄ moy. Et ne voulāt mettre finō les vrais & aucus
aprouez, j'ay tiré ces jours passez, partie de mes escritures, & partie de la
memoire tous ceus qui m'ont semblé estre les plus sains & veritables,
ne m'arrestant ou ayant pris garde si aucuns d'iceus ont, peut estre, par
cy deuant esté ja mis en lumiere par autres perſonnes, qui par auanture
ne les ont si parfaitement exprimez, & experimētez cōme moy. Pour le
moins les lecteurs en auront ce profit q̄ si au parauāt ils pouuoient dou-
ter si tels secrets fussent veritables, ou non, ils en seront maintenant dū
tout resolus & assurez par moy, qui ne me mettrois pas en cet âge, &
en telle dispositiō de corps & d'esprit à dire meslōges qui fussent perpe-
tuées au mōde, durāt ma vie, & apres ma mort. Ce pendāt q̄ les lecteurs
prenēt biē garde d'observer, & faire les choses diligēmēt: celles qui sōnt
pour la medecine des cors humains, les faent avec l'aide des mede-
cins, jaçoit q̄ plusieurs d'entre eus, à cause d'une certaine rustique enuie et
mal fondée opiniō, ont toujours coutume de blasmer les choses qu'ils
n'ōt pas ordōnées. Et si par fortune celui qui se mettra à les faire ou àu-
cun d'iceus, & q̄ de la première fois ne vint à sa perfection, qu'il cōsido-
re bien qu'il peut auoir failly, & qu'il la retourne à faire avec plus gran-
de diligence, s'assurāt cōme dit est, qu'il n'y a chose en ce huro qui ne
soit experimētée & vrāye, & de tout rendant toujours gloire au seul
Dieu, attendes avec diuine grace de sa Majesté qu'apres ceux cy, je vous
feray présent, de tout ce que j'ay trouué de bon en tant d'années avec
si grands labeurs, voïages, tant de frais & estude.

EPISTRE DE LA SECONDE

EDITION.

ESTANT l'année passée esmeu des mesmes raisons, & poussé de la diuine inspiration, que je vous ay destia dit en l'Epistre precedente, j'ay bien voulu, à la gloire de Dieu, & à l'vtilité publique, mettre en lumiere cette mienne premiere partie des secrets, & pourautant que ma vie religieuse & la presente occasion que j'auois de le bailler à quiconques le voudroit porter à Venise pour imprimer, ne me donnoit pas la comodité de le faire recrire. je baillay la premiere copie ainsi cōfuse, & non pas trop bien ecrüte, & toute pleine de postilles, & corrections, comme je l'auois pour lors, en Langue Latine. l'entendix apres dedans peu de moys que le Liure estoit destia venu en lumiere en Langue Italiëne, & qu'il estoit fort agreable à toutes personnes. Donc i'ay eu si grande joye, & en ay rendu incessamment graces du cœur, & de la langue à Dieu, duquel vient le premier mouuemēt de toute bonne operation. Ainsi avec la mesme grace de sa bonté infinie, je m'estois venu disposant & preparant de mettre en lumiere la seconde partie, ou il y eust des secrets de si grande importance, si rares & si vtils vniuersellement à vn chacun, que le monde les deust auoir autant agreables, comme quelqu'autre don qu'on luy pourroit faire. Mais depuis m'estant suruenu occasion de venir à Milan, & m'estant arresté en la boutique d'un libraire, j'ay veu cette premiere partie ainsi imprimée & apres l'auoir achetée, je l'ay incontinent reueuë, & l'ay trouuée assez bien traduite & bien ordonnée vniuersellement. Toutesfoi on que la copie ecrüte à la main que je baillay, fust mal corrigée, & corrompue en beaucoup de lieux, tellement qu'à grand peine la pouuois-je lire, où pour quelqu'autre occasion que ce soit, tant y a que j'ay trouué dedans ledit Liure beaucoup de choses, & d'assez grande importance, qui sont mal corrigées, & ou il y a faute de mots, voire des lignes entieres, & d'autres ajoutées, ce qui a esté fait, peut estre, à bonne intentiō par celuy qui l'a traduit ou perleu, pour mettre sus la presse, pensant bien faire. A cette cause ayant entendu que ce Liure a esté si cheremēt receu du monde, & que le libraire mesmes m'a dit qu'on n'en peut plus recouurer à Venise de la premiere impressiō, & qu'ils

ont esté tous vendus, & qu'on est en deliberation de les faire de-re-
 chef imprimer, il m'a semblé bon selon mon deuoir d'a tendre encore
 quelques jours, & diserer cette miennne intention de mettre en lumie
 re la seconde partie, & ce-pendant redresser cette premiere, a-fin que
 ceus qui acheteront ceus, qui s'imprimeront d'icy en auant, les ayent
 entiers & parfaits. Et afin que ces premiers de-rechef imprimez ne
 soyent pas seulement augmentez de correction, je vous y ay bien vou
 lu ajouter vn bon nombre d'autres secrets tous nouueaus, & excel
 lens, selon l'ordre du subject de chacun de ces six Liures. Prenez donc
 avec cette seconde edition, non seulement le premier Liure qui vous
 est tant agreable, & qui v'est pas seulement rendu milleur qu'il e-
 stoit au parauant, mais aussi quasi vn autre Liure, qui n'est pas de
 moindre consequence que le premier. Il vous doit estre tant-plus a-
 greable en ce que vous ne ferez pas plus grands frais à l'acheter qu'
 au premier. Receuez-le donc humainement, en attendant la se-
 conde partie que je vous ay dit cy dessus, y ayant tou-
 jours souuenance de n'en remercier & donner
 Gloire & Honneur à autre qu'au seul
 Dieu, qui est la tresabondante
 Fontaine & Source de
 tout bien.

Erreurs suruenues en imprimant.

Secrets. Fueillet 52.a.3. etens-la, & applanis avec le rou-
 leau en fueilles

Adjointes. F.15.a.13. Pour faire le Canfre contrefait.
 F.30.b.12. & l'argent.

Receptes, F.28.a.20. Pour faire recroistre le poil de la bar-
 be, & de la teste, quand il

F.29.b.2. reniennent plus. F.38.a.28. ex buglossa, vul-
 go &c. F.39.a.32. de la seconde espece

LA TABLE DE TOVS LES
SECRETS CONTENVS EN
CE PRESENT LIVRE.

DV PREMIER
LIVRE.



A Maniere & Secret pour conseruer la Jeunesse, & retarder la Vieillesse: maintenir la personne toujours en santé & vigueur, comme en la plus belle fleur de son âge.

Fueillet 1

Pour faire vne liqueur tresprecieuse, & de vertu inestimable: laquelle prise par la bouche, conserme & augmente la chaleur naturelle, & l'humidité radicale, purifie le sang, & nettoye l'estomac de toute superfluité d'humeurs: & par ainsi conserue la santé & la jeunesse, & prolonge la vie à celuy qui en vse. 1

Pour dissoudre & reduire l'or en liqueur potable, laquelle conserue la jeunesse, & la santé, tant prinse à part soy, comme mellée avec la predite liqueur, de laquelle nous auons parlé au deusieme Chapitre de ce present Liure, & peut guarir toute maladie estimée incurable, en l'espace de sept jours, tout au plus long. 4

Potion ou bruuage pour vsfer en lieu de sirop, duisable à gens de tous âges & complexion, qui se veulent purger: lequel, prins quel jour que tu voudras, dechasse les mauuaises humeurs, tant qu'il en trouura sans par apres emouuoir les bonnes, ou faire aucun domage: & est aussi ire-bon pour la verolle, & toute infirmité, tant de l'estomac que de la teste: et est semblablement tresfotil à ceus qui sont en santé, pour en prendre deux fois l'an, en lieu de purgation ordinaire: assauoir, au Printemps, & en Septembre. 6

Remede tresfacile & trebon pour guarir toutes sortes de verolles, lequel se fait à peu de depens, & ne requiert qu'on se tienne au lit, ou en la maison, ains en peut on vsfer en allant par les rues: & d'auantage est trebon pour toutes sortes de douleurs de jointures, en quelle partie du corps que ce soit. 6

Pour

- Pour guarir vne excrescence de chair au dedans de la verge de l'home, combien qu'elle y fust enracinée de long temps. 7
- Pour guarir toute inflammation & mauuaise disposition de foye & par ce mesme secret ont esté guaris certaines personnes qui auoyēt le visage comme lepreux, les jambes grosses, les mains enflammées & scabreuses par dedans. 8
- Pour guarir les émorroydes ou les broches en vne nuit, secret rare, & tres-excellent. 8
- Vn Oignement singulier, lequel guarit toute brulure de feu, sans y laisser aucune cicatrice. 8
- Remede parfait & eprouué pour ceus qui sont fort debilitéz de l'estomac, & qui ne peuuent tenir la viande sans incontinent la vomir. 8
- Remede tres-excellent, avec lequel a esté guarie vne femme de trente-six ans: laquelle par se farder au soleil, ou par autre accident s'estoit tellement gasté l'estomac, qu'en l'espace de deux ans & demy ne s'estoit naturellement purgée: & incontinent qu'elle auoit menagé quelque chose, elle vomissoit tout hors, si qu'elle estoit deuenue jaune & seche comme vn baton. 9
- Trois Remedes fort bons contre les vers des petis enfans. 9
- Le deuxieme Remede. 9
- Le troisieme, et principalement, pour les enfans tant petis ou desdaigneus, que iamais ne prendroyent rien par la bouche. 9
- Pour guarir les enfans de la maladie lunatique, scauoir est quand ils tremblent & se pasment, laquelle leur vient à cause d'un ver à deux testes, qui souuent s'engendre au corps de l'enfant, lequel venant jusqu'au cœur, cause aus enfans vn tel tremblement, & souuentefois les tue. 9
- Remede au mal caduc. 9
- Pour faire huile de souphre, pour guarir toute maniere de chancre, fistules, & playes enueteillies. 10
- Pour oter le venin d'une playe, faite par quelque ser venimeus 10
- Contre morsure de toute beste venimeuse. 10
- Pour tirer vne stesche ou autre ser hors d'une playe. 10
- Contre la toux vehemente des petis enfant. 10
- Pour celuy qui a quelque bossé en la teste, ou qui a la teste enflée par

- par auoir tombé. 10
- Remede trebon pour vn sourd. 10
- Pour guarir vne femme qui ay l'amarry hors de son lieu naturel. 11
- Pour faire venir & croistre le lait à la femme. 11
- Vn trebeau secret pour les gommés ou boutons qui sont demourez de la grosse verolle, tant vieils que nouueaus. 11
- Autre Remede pour les mesmes boutons de la verolle. 11
- Remede trefacile & parfait pour cely qui a receu quelque coup de baton, ou de pierre, ou d'autre chose semblable, & fust il grieuement nauré. 12
- Eau pour guarir toutes sortes de playes en bien peu d'heure: qui est vne chose qu'vn chacun deuroit tou-jours auoir en sa maison, pour les accidens qui peuuent suruenir: ven qu'elle est aisée à faire, & à peu de depens, & qu'elle est de si merueilleuse operation. 12
- Pour faire huile de hypericon, ou mille-pertuis, qu'on appelle en Venise & en plusieurs autres lieux huile rousse: & est d'une telle vertu qu'à grand peine la pourroit on exprimer, tant pour guarir playes qu'autres maladies infinies, desquelles en mettrons les plus notables, & qui ont esté trouuées par experience. 13
- Pour faire huile de chien roux, par le moyen duquel (outre les autres vertus infinies qu'il a) j'ay guarý vn Frere de Saint Onofre, lequel auoit eu par l'espace de douze ans, vn bras sec comme vn baton: tellement que la nature ne luy donnoit plus de nourriture. 14
- Pour faire vn Oignement le plus excellent de tous ceus qui sont au monde, les vertus duquel sont infinies, comme nous dirons cy après. Et deuroyent bien commander les Princes que ledit Oignement fut fait & gardé en leurs republicques: & qu'on le feit en la presence des medecins, comme on fait le triacle: ou pour le moins chacun en deuroit auoir chez soy, & principalement à cause qu'on en peut faire grande quantité: & tant-plus longuement on le garde, tant meilleur deuient. 16
- Remede trefveritable & bien eprouué contre la sieure quarte. 17
- Pour guarir les porreaux ou verrues, secret excellent & trefaisé à faire: eprouué en plusieurs personnes. 17
- Contre pleuresies remede trefproufitable & aisé à faire, lequel en

deux iours a guarir vn marechal qui estoit ia quasi mort, & n'auoit dormy en deux nuits. 18

Autre secret ou remede contre la-dite maladie de pleuresie. 18

Vn autre beau secret contre la mesme maladie. 18

Autre Remede contre le mesme mal. 18

Eau pectorale, de laquelle on donne à boire à celuy qui est tourmenté de mesme mal de costé, ou d'apostumes pleuretiques: laquelle eau a trebonne saueur, & mondifie merueilleusemet la poitrine. 18

Contre ioute maladie de la bouche, du palais, de la gorge, & genciuës. 19

Pour toute playe ou mal de jambe, soit recent ou enuieilly, encore que la jambe fut toute couuerte & mangie jusqu'à l'os. 19

Pour guarir les genous, & les jambes ensiées, rouges & pleines d'humeurs: secret fort beau, aisé à faire, & à peu de depens, & eprouué souuentefois. 19

Remede trecertain contre la maladie sciatique, eprouué souuentefois en diuerses parties du monde. 20

Pilules, de merueilleuse operation & vertu contre la sciatique, desquelles auons fait promesse au Chapitre precedent. 21

Eau pour guarir en cinq iours au plus long, toutes grandes rongnes, tant interieures que exterieures: & est vne eau clere, blanche, & odoriferante, tellemēt qu'on en pourroit donner à vne Roynë, & pour cet affaire, ne se peut trouuer chose plus singuliere au monde. 21

Deux remedes contre la maladie des flancs, ou colique-passion plusieurs fois experimentés. 21, 22

Autre Remede treparfait contre la mesme maladie, & pour faire vriner la personne qui aura esté trois ou quatre iours, ou dauantage sans vriner, & ce en l'espace de demie heure, & rompra la pierre en l'espace de dix ou douze iours. 22

Vn autre remede contre la pierre & la grauelle. 22

Le dernier & le plus excellent remede, de tous, cōtre la pierre, soit és reins ou en la vessie, de quelle qualité ou quantité qu'elle soit. 22

Pour celuy qui cruche sang, par auoir quelque veine de la poitrine rompue. 23

Contre la phthisie, chose eprouuée & facile. 23

Cōtre la douleur des flancs, des reins, & toutes autres doloëces. 23

Contre

Contre puanteur d'alaine.	23
Contre morsure de chien enragé, & contre la rage qui survient à la personne.	23
Pour oter la chair morte qui prouient au nés.	23
Pour vn, qui (pour estre tombé de bien haut) craint d'auoir quelque chose rompue par dedans le corps.	24
Deux remedes contre les ecrouelles, trebons & aisés à faire.	24
Pour sauoir si la femme pourra conceuoir, ou non.	24
Trois remedes fort rares pour oster les loupes de la gorge en cinquante jours tout au plus long.	24
Pour faire etendre & retourner la peau à son lieu apres que la loupe sera guarie.	24
Trois Remedes tres exquis contre la squinancie qui vient à la gorge.	25
Remedes trebons contre les ecrouelles.	25
Pour guarir les ecrouelles par vne substance qu'on prendra par la bouche.	25
Eau celestielle, laquelle a plusieurs belles & notables vertus, comme nous dirons cy apres.	25
Secret tre noble pour guarir vn enragé, soit que le mal luy soit venu par etourdissement de cerueau, ou autrement	26
Pilules de M. Michel l'Ecoffois, lesquelles guarissent la douleur en uieille, & nouvelle de la teste, purgēt le cerueau, eclarcissent la veüe, font auoir bon se memoire, bonne couleur de visage, & sont trebonnes à plusieurs autres infirmités.	27
Contre la douleur des tetins des femmes, remede tres excellent.	27
Pour faire meurir vn froncle, & toutes autres apostumes qui ont besoin de meurissement soudain.	28
Pour resoudre vn froncle ou clou au commencement.	28
Pour faire emplastrum aureum; qui est de tre grande vertu pour toutes sortes de playes.	28
Autre secret tres excellent, qui a esté apporté d'Inde, & est tre bon à plusieurs accidens du corps humain.	28
Contre toute sorte de toux, tant uieille que nouvelle, remede tre certain.	28
Conserue tre noble contre la toux, & à toute angouisse de la poitrine.	28

<i>ne, qui mondifie l'estomac, fait auoir bonne voix, & belle couleur de visage.</i>	28
<i>Trebeau & tresplaisant secret pour guarir la toux, en se frottant la plante des pieds: & est chose certaine & facile.</i>	29
<i>Secret fort beau & facile pour guarir en vn jour ou deux, toutes sortes de playes vieilles, esquelles soit creüe de la chair morte ou superflue, & qui ne se peuuent guarir par autres medecines.</i>	29
<i>Contre toute sorte de peste, tant forte soit elle, chose trescertaine & eprouuée.</i>	29
<i>Parfum trebon contre la peste.</i>	30
<i>Autre remede trebon contre la peste.</i>	30
<i>Pour celuy qui est malade de la peste.</i>	30
<i>Vn preseruatif merueilleux contre la peste.</i>	30 (peste. 30
<i>Emplatre pour faire creuer l'apostume, & tōber le charbon de la</i>	
<i>Encore douze remedes contre la peste.</i>	30. 31. 32
<i>Pour faire rompre le charbon, & toutes autres apostumes pestilenciales, remede prompt & tresaisé à faire.</i>	32
<i>Trebon remede contre les taches de la peste, ou pourpre.</i>	32
<i>Contre la mortalité de la peste, remede trecertain.</i>	32
<i>Pour faire des pomes ou balottes contre la peste.</i>	32
<i>Vn Oignement mortificatif pour la peste.</i>	33
<i>Huile treparfait contre la peste, & tout venin.</i>	33
<i>Vn merueilleux secret pour preseruer la personne de la peste: & a esté eprouuè en Angleterre de tous les medecins, en icelle grande peste de l'an 1348. qui enuabit quasi tout le monde, & ne s'est jamais trouuè personne qui n'ait esté preseruè de la peste, en vsat dudit secret</i>	33
<i>Extreme & treparfait remede pour guarir la personne de la peste, & s'en sont trouuez qui en ont esté guaris en vne nuit: aussi est ledit remede trebon cōtre le pourpre, & taches de peste, les charbons, antrax, & semblables maladies, comme de saint Estienne, & de Saint Anthoine.</i>	33
<i>Trebeau secret & prompt pour guarir la peste, en tirant le venin hors de la partie des aynes, ou charbon, ou antrax, ou autre semblable accident.</i>	34
<i>Aduertissement de tregrande importance, pour se preseruer en temps de peste.</i>	34
<i>Pour acouter l'aigre de citrons, pour en vser comme dit est.</i>	35

L A T A B L E.
DV SECOND LIVRE.

P OUR faire huile imperiale à se parfumer les cheveux, & la barbe, & s'en froter les mains, & les gands, & pour mettre aussi dans la laissine, en laquelle on voudra laver le linge de quelque grand Prince, & la peut on faire à sumptueux, & aussi à petis depens.	36
Pour faire huile de Ben à peu de depens, laquelle de soy mesme sera odoriferante & excellente, & de laquelle vsent les parfumeurs commodieusement pour parfumer les gands, & autres choses.	36
Dix eaux odoriferantes.	37. 38
Huile d'orange, de losemin, de gyrosflées, de noix muscade, de benioin, & de styrax.	38
Huile de mirrhe qui entretient la chair douillette, & maniable, & la fait belle & luisante.	38
La maniere de faire que les huiles ne se rancissent jamais.	39
Poudre d'iris, & de violettes.	39
Poudre blanche pour mettre en petis sachets.	39
Poudre de Cipre.	39
Sauon muscat blanc.	40
Autre sauon blanc odoriferant.	40
Pour faire sauon muscat à la damasquine.	40
Pour tirer le lait du maçaleb.	40
Poudre de ciuette, magistrale, blanche, odoriferante, rouge, noire, & de Cipre.	40
Autre maniere de la faire treparfaite.	41
Poudre odoriferante & tresexcellente pour mettre en coffres.	41
Poudre odoriferante.	41
Huile de benjoin.	41
Poudre trebonne & odoriferante pour tenir sus soy, & és coffres.	41
Pomes contre la peste, & qui donnent odeur à toutes choses.	42
Liqueur royale.	42
Sauon de Naples liquide.	42
Pour faire ledit sauon muscat.	42
Muscardin tresexcellens.	42
Muscardin real.	42
Clissettes de grande perfection, pour nettoyer les dens.	42
Huile de benjoin odoriferante, & de styrax calamita.	43
Pour faire huile de ladanum, & de noix muscade.	43
Autre maniere.	43
Sauon tresexquis, fait de choses diuerses.	43

L A T A B L E

Sauon avec Ciuette,		44
Sauon avec diuerses huiles odoriferantes & excellentes.		44
Sauon rofat.		44
Sauon blanc de bonne odeur à la Damasquine.		44
Sauon parfait.	44	Sauon solide noir. 44
Deux parfums de damas.		44
Trois pommades excellentes.		44. 45
Ipocras tres excellent.		46
Pour faire coussinets de roses parfumées.		46
Lumiere de trebonne odeur.		46
Composition de musc, ciuette, & ambre gris.		47
Parfum de chambre tres excellent.		47
Sauon Neapolitain.	47	Sauon de soye tres excellent 47
Parfum de lampe.	47	Parfum brief. 47
Oiselets odoriferans pour parfumer chambres.		47
Trebon parfum pour acoutrér gands à peu de depens, & qui dure longuement.		47
Cinet te tres exquisite pour parfumer gands, & en oindre les maïs.		48
Huile de roses, & de fleurs tre parfait.		48
Huile trenoble de clous de girofle.		48
Pour faire vn tres excellent parfum à parfumer les chambres, vestemens, couuertures, linceus, & toutes autres choses de quelque grand Prince.		48
Pomes pour oter taches d'huile, & de graisse.		49
Pour faire paste à faire patenotres de senteur.		49

DV TROISIEME LIVRE.

T Rebeau Secret pour confire citrons, oranges, ou citrangules, & tous autres fruits en Syrop, qui est chose seigneuriale.	50
La maniere de purifier & preparer le miel & le sucre pour confire citrons, & tous autres fruits.	50
Pour confire peches à l'Espagnole.	51
Pour faire codignac, à la mode de Valence, de laquelle vsent aussi les Geneuois.	51
La maniere de confire verangenes, ou pomes d'amours, à la Geneuoise, qui est vn fruit apellé en Lombardie, Pomi disdegnosi.	51
Pour faire vne pate de sucre, de laquelle on pourra faire toute sorte	

sorte de fruit, & autres gentilleses, avec leur forme, comme plats, ecuelles, verres, tasses, & autres choses semblables, desquelles on four nira vne table: & en la fin se pourra tout manger: chose delectable aus assistens. 51

Pour faire composition de melons, ou pepons, tresexquise. 52

Pour faire des melons & pepons doux & tresdelicats. 52

Pour confire des ecorces d'orenges, ce qui se peut faire par toute l'année, & principalement au mois de May, à cause que lesdites ecor ces sont plus grandes & plus grosses. 52

Pour cōfire des noix, courges, poires muscatelles, & des cerises. 53

Pour faire morselets à la Neapolitaine, chose tresexquise, car ils sont tresauoureux, confortent l'estomac, & sont bonne alaine. 53

DV. QUATRIEME LIVRE.

EAV odoriferante & trespreciense, de laquelle on peut embrauer linges à s'essuyer la face, car ils font la chair treblanche & coulourée: & plus on la frotte, tant-plus deuiant belle, & dure ainsi par l'espace de six mois: chose experimētée, voire quand ce seroit pour vne Roïne. 54

Pour faire eau qui face la chair coulourée à celui qui l'a palle. 54

Eau trebonne pour faire sembler le visage estre de l'âge de vingt, ou vingt-cinq ans. 54

Eau pour s'embellir la face & toutes autres parties du corps. 55

Eau pour blanchir la peau, & pour oter le hale du soleil. 55

Autre eau pour embellir la face, & la faire paroistre de l'âge de quinze ans. 55

Eau facile pour les dames. 55

Pour faire vn trebeau lustre pour toutes grandes dames. 55

Pour oter les taches du visage. 55

Pour acouter eau de vigne, vulgairēmēt dite larme de vigne. 55

Maniere trebonne pour donner lustre à toute eau distillée. 55

Pour faire eau de melons blancs, laquelle fait belle charnure. 56

Pour faire eau trebonne de courges, tant domestiques, que sauua ges. 56

Oignement de visage, lequel tenu continuellement par l'espace de huit jours, change la peau, & la renouuelle treslegamment. 56

Pour celui qui de nature a le visage trop rouge. 57

Pour faire eau de talcum tre-bonne, laquelle rend la chair fort belle, & dure longuement. 57

Pour faire eau argentée, qui fait la face treblanche, vermeille, & reluisante: & se fait en eau, non pas en vnguent, dont vsent la plus-part des Dames en Italie, combien que chacun ne la fait faire comme il appartient. 57

Pour donner lustre & couleur sus ladite argentée. 58

Pour faire oignement pour le visage. 58

Pour faire vn rouget pour le visage. 58

Trois manieres pour faire la face belle. 58

Pour oter les taches de la face, & faire la peau trebelle. 58

Pour faire vne eau qui rend la face blanche. 58

Autre maniere pour faire la face belle. 59

Pour oter les lentilles ou taches rouges du visage. 59

Pour oter le feu volant du visage, & de toute autre partie du corps. 59

Pour dechasser les pous. 59

Pour faire vne eau qui ote toutes teintures & macules des mains des artisans, & les rend treblanches: & est aussi bonne pour ceux qui sont halez du soleil. 59

Pour faire eau qui rend la chair trebelle, & qui est de garde comme vn baume treprecieus. 59

Eau trebelle pour lauer la face, le col, & la poitrine, & en peut on faire grande quantité: car tant-plus y en aura, tant-milleure sera: elle fait la chair trebelle, ne gatant point les dens, & ne semblera pas que la face soit aidée, mais qu'elle soit ainsi de nature. 60

Pour faire vn rouget trebon pour le visage, qui est naturel, & dure plusieurs jours sus le-dit visage, le rendant toujours plus gay, & plus beau. 60

Autre rouget trebon pour le visage, plus aisé à faire, & à moins de depens. 60

Blanchet excellent & beau sus tous autres. 61

Pour faire les cheueus blons, comme si ce fust fil d'or. 61

Pour faire laissine à se lauer la teste (laquelle outre ce qu'elle conforte le cerneau, & la memoire) fait deuenir les cheueus longs, blons, & trebeaus. 61

- Laisine pour noircir les cheueus 61
- Huile pour oindre les cheueus, laquelle les rend blons, longs, & luisans, comme or bruny. 61
- Maniere trebelle pour se faire facilement les cheueus blons, sans se tenir long temps ou point au soleil: qui est vn secret rare & tres excellent. 62
- Onctiō pour faire cheoir les cheueus de quelque lieu que ce soit. 63
- Huile ou liqueur pour faire cheoir le poil ou cheueus, & se peut garder aussi longuement qu'on veut: il est aussi trebon à toutes occasions. 63
- Auertissement à ceus qui veulent faire tomber les cheueus. 63
- Pour faire que les cheueus ne reuiennent plus, & pour les faire venir tressubtils, & comme la premiere lanūge. 63
- Pour faire vne sorte de toille avec laquelle on ote le poil du visage, du col, & des mains, ou de telle partie qu'on veut. 64
- Secret merueilleus, duquel vsent les grandes Dames Mores, par lequel elles font que leurs filles n'ont point de poil sous les bras, ou en autre lieu qu'ils veulent. Et ce secret ay-je trouué en Sirie, l'an 1521. par le moyen d'vne grand' Dame, de laquelle je guaray la fille. 64
- Deux manieres pour faire toilette de leuānt, dont les femmes vsent pour coulourer leur visage. 64. 65
- Pour teindre la barbe & cheueus blans, en trebeau noir. 65
- Poudre trenoble & tresexcellente pour nettoyer les dens, les rendre fermes & blanches, & cōseruer les gēciues, & ne s'en peut trouuer de millenre, quand ce seroit pour quelque grande Princesse, ou Emperiere. 65
- Pour faire vne conserue tresexcellente à nettoyer les dens, conforter les gēciues, & faire bonne alaine. 66
- Auertissement quand à faire les poudres, & conserues pour les dens. 66
- Poudre treblanche & trebonne pour nettoyer les dens, laquelle est plus agreable aux grans Signeurs, que nulle autre des precedentes. 66
- Eau distillée, precieuse pour incontinent rendre les dens blanches, & les conseruer merueilleusement. 67
- Trois auertissemens d'importance pour entretenir les dens blanches 67

<i>ches & saines, & aussi l'alaine bonne.</i>	67
<i>Decoction pour se nettoyer la bouche, pour rasfermir les dens qui lochent, pour consolider les genciues, & les faire r'encharnier, si elles sont decharnées.</i>	68

DV CINQUIEME LIVRE.

P OUR faire l'asur d'outre-mer treparfait.	68
<i>Pour faire lacta de graine fine.</i>	69
<i>Pour teindre os en couleur verte.</i>	70
<i>Autre maniere de teindre os ou yuoire en couleur d'emerande.</i>	70
<i>Pour teindre les os en rouge, asur, ou toute telle autre couleur que tu voudras.</i>	70
<i>Trebeau secret pour teindre le bois de telle couleur qu'on voudra, duquel vsent aucuns menuisiers, qui font tables & autres choses de diuerses couleurs, & le tiennēt entre eus de telle excellence, que l'un frere ne le veut point dire à l'autre</i>	70
<i>Pour contrefaire le bois d'eben, & le rendre aussi beau, comme le naturel.</i>	70
<i>Pour teindre des peaus en couleur asurée.</i>	71
<i>Pour teindre peaus en garence.</i>	71
<i>Trois manieres pour teindre des peaus verdes.</i>	71
<i>Autre maniere de teindre les peaus asurées & belles.</i>	71
<i>Pour teindre peaus en rouge.</i>	72
<i>Autre maniere pour teindre les peaus en verd.</i>	72
<i>Pour teindre le cordouan en couleur verte, aussi bien acoutré en galle, comme en feuilles.</i>	72
<i>Pour teindre peaus verdes avec fleurs de iris, ou flambe bleüe.</i>	72
<i>Pour teindre des os en couleur turquine, & en couleur rouge.</i>	72
<i>Pour teindre des saies de pourceaux, ou autre chose, pour faire des ecouettes, ou epouffettes.</i>	73
<i>Pour teindre les-dites saies en couleur jaune, verte, & asurée, ou autre couleur.</i>	73
<i>Pour faire purpurine, qui est vne couleur, avec laquelle on fait couleur d'or, pour paindre & pour ecrire.</i>	73
<i>Pour faire la lacque de bois de bresil.</i>	73
<i>Pour faire tablettes blanches pour ecrire avec vne pointe de cuire,</i>	

<i>ure, comme celles qui viennent d'Alemagne.</i>	73
<i>Pour faire de la rosete.</i>	74
<i>Pour surdorer le parchemin, cuir, ou autres tels ourages, de- quoy on se sert au lieu de tapisserie.</i>	74
<i>Pour teindre la soye cramoisie.</i>	74
<i>Pour preparer le bresil, & en faire quatre diuerses couleurs.</i>	74
<i>Pour faire rouget de bresil d'autre sorte.</i>	75
<i>Pour faire l'asur d'outre-mer sans lapis lasuli.</i>	75
<i>Pour faire du verd pour ecrire & peindre.</i>	75
<i>Deux manieres pour broyer l'or fin, duquel on puisse peindre ou ecrire avec le pinceau.</i>	75
<i>Encore vne autre maniere, a sauoir, avec purpurine.</i>	75
<i>Pour faire l'asiete pour dorer d'or bruny.</i>	75
<i>Pour assoir l'or à simple fond.</i>	75
<i>Autre maniere pour coucher l'or.</i>	76
<i>Pour faire couleurs de toute sorte de metaux.</i>	76
<i>Pour assoir de l'or sus vn fond noir.</i>	76
<i>Pour assoir or sus du marbre, ou sus quelque tableau.</i>	76
<i>Pour faire lettres de couleur d'or, sans or.</i>	76
<i>Pour faire lettres de couleur d'argent, sans argent.</i>	76
<i>Pour faire lettres verdes.</i>	76
<i>Pour faire lettres blanches en champ noir.</i>	76
<i>Pour faire du verd, bon pour ecrire, ou peindre.</i>	76
<i>Pour acouter l'asur.</i>	76
<i>Pour acouter le cinabrium pour en ecrire ou peindre.</i>	76
<i>Asiete pour mettre l'or sus drap de soie, ou sustoile, ou marbre.</i>	77
<i>Autre mordent ou asiete pour mettre l'or sus quelque metal ou</i>	
<i>Pour dorer la trenche des liures.</i>	77 (ser. 77)
<i>Pour garder la glaire d'œufs aussi long temps que tu voudras, sans se corrompre, & sans y mettre de l'arsenic, secret qui n'est guie- re cogneu.</i>	77
<i>Deux manieres de faire le mordant pour l'Indicum.</i>	77
<i>Maniere trebelle pour faire or & argent puluerisé, chose tresai- sée à faire, & en viendra vne couleur excellente. C'est vn secret bien rare, qui n'a esté vsé ne sceu jusqu'à present: & se peut brunir ou ver- nir parfaitement.</i>	77

- Pour faire de trebeau vernis, pour vernir ledit or, & tous autres ouvrages peints, ou non peints. 78
- Pour aisement broyer l'or & l'argent, à la maniere acoutumée dont vsent les milleurs maistres. 78
- Pour faire vne liqueur, qui face couleur d'or sans or. 79
- Autre liqueur de couleur d'or, pour écrire & dorer ser, bois, verre, os, & autres choses semblables. 79
- Autre liqueur tre-belle pour faire couleur d'or, à peu de depens: & est vne chose bien aisée à faire. 79
- Pour faire ancre, ou tainture pour écrire en toute perfection. 79
- Maniere trebelle pour faire l'ancre portatif en poudre seche, laquelle il faut (quand on en veut écrire) detreper avec vn peu de vin, ou d'eau, ou de vin-aigre, ou de quelque autre liqueur: & se peut mettre incontinent en œuvre. Avec la-dite poudre se peut aussi amender tout autre ancre pour mauvais qu'il soit. 80
- Pour faire incontinent grande quantité de bon ancre à peu de depens. 80
- Pour faire l'ancre d'Imprimerie. 80
- Pour faire ancre si treblanche, qu'encore qu'on en écrive d'icelle sus le papier blanc, on la pourra bien parfaitement lire: chose qui est trebelle. 81
- Pour faire vne poudre qui ote les taches d'ancre tombées sus papier, ou bien les lettres, & écriture de dessus le papier, qui est vn secret bien rare & profitable. 81
- Pour faire vne sorte de vernis, mais beaucoup meilleur, & plus beau que celuy dont vsent les escriuains, & est moins coutable, & si ne put aucunement, comme fait l'autre vernis. 81
- Pour faire ancre pour reigler le papier à écrire, de laquelle l'écriture seche, se peuuent tellement oter les lignes qu'il semblera qu'on ait écrit sans lignes. 82

DV SISIEME LIVRE.

POUR sublimer argent-vif, c'est à dire, faire le sublimé commun, dont vsent les orseures, les alchimistes, & les dames, & de quoy on se sert en plusieurs choses concernantes la medecine. 82

Pour faire cinabrium, & en faire pains de cent, ou deux cents livres, aussi grands qu'on voudra, comme sont ceus qui viennent d'Al-
le-

lemaigne, lequel secret n'a encore esté sceu, jusqu'à present, d'aucun qui soit en Italie.	84
Pour asiner & refaire le borax.	86
Maniere trebelle pour bien aisément faire eau forte milleure que nulle autre.	88
La vraie & treparfaite pratique de jetter medailles, & tout autre ouurage de bas relief, tant en arain, comme en or, argent, cuiure, plomb, étain, que de cristal, verre, & marbre.	89
Sept manieres de terre ou sable pour jetter en moule toute matiere fusible.	89. 90
Trebelle maniere pour rendre toutes les terres tressubtiles, & quasi impalpables.	90
Pour faire la magistra, de laquelle on ramoitira les-dites terres à faire moules.	90
Pour faire lutum sapientie treparfait.	91
Aucunes choses lesquelles on doit tou-jours auoir prestes, & en ordre, qui se veut meller de fondre.	92
La maniere qu'on doit tenir quand on veut fondre medailles, ou quelque autre chose.	92
Pour jetter en moule en terre liquide avec le pinceau, qui est plus facile qu'avec la forme: mais cette façon ne seruira, que pour vne fois: & aussi ne peut-on fondre choses, qui soyent trop subtiles, & qui ne peüent s'entretoucher.	94
Pour faire vn blanc, à blanchir les medailles, ou autres choses nouvellement fondues, & aussi pour renouveler les medailles d'argent vieilles.	94
Pour dorer le fer avec eau.	95
Le mesme en vne autre maniere.	95
Pour dorer le fer avec fueilles d'or, & avec eau, ou bien avec or amalgamé, avec argent-vif, comme les orseures ont acoutumé de dorer l'argent.	95
Pour teindre le fer en couleur d'arain, ou aussi pour dorer l'argent, qui se montre plus beau, & dure beaucoup plus longuement.	95
Eau, ou teinture pour mettre dessous les diamans, tant bons que faus, c'est à dire, faits de saphirs blancs, comme dirons cy apres.	96
Pour contrefaire diamans de saphirs blancs.	96

Pour engrossir des balais delies, à mettre dedans anneaux.	96
Pour faire doublets de rubis, & d'emeraudes, comme on fait à Milan.	96
Pour faire pate de piereries, comme emeraudes, rubis, safirs & semblables qui ne soient que d'une piece trebien coulourées par dedans & par dehors.	97
Pour faire emeraudes, & autres piereries.	97
Pour calciner le cristal, & le calcidoine, pour mettre és sudites mixtions des pierres precieuses.	97
Eau pour endurcir les dites pierres.	97
Pour calciner l'argent fin.	98
Trois manieres de calciner l'argent.	98. 99
Excellente & tresfacile maniere de dorer le fer, cuiure, & argent pour sembler or massif.	99
Treparfaite maniere de dorer, & de faire euanouir l'argent-vif de la chose dorze.	99

DES SECRETS DE NOUVEAU ADIOINCTS.

S ECRET trebeau & tresvtil fait de noix verdes.	2
A qui seroit trop echauffé, ou enfroiduré, & qui seroit trop interessé avec femme, remede fort singulier.	2
A la lepre, & à qui auroit le visage escharbouillé ou enluminé, & plein de boutons, & grosses bubes, à cause de la mauuaise disposition du foye, & de l'estomac.	2
Contre enfleure de pieds causée par cheminer, defluxion d'humeurs, ou autrement.	3
Remede souuerain & tresfacile, pour vn qui par maladie, ou melancolie, ou par autre occasion quelconque seroit deuenu las & debile de complexion, de sorte qu'à grand' peine se peut soustenir sus les pieds	3
Pour ne se point enyurer, quand bien on boyroit tout le jour vin pur & beaucoup. Qui est chose trebonne pour ceus qui ont le cerueau debile, ou à ceus qui ont à se trouuer en festins & banquetts là ou il leur faille boire diuerses sortes de vin.	3
A qui se seroit hurté ou meurtry la main ou autre membre contre	tre

tre vn bois ou pierre, ou autre chose semblable, sans l'auoir rompue, remede fort bon & vtile. 3

Contre escoulement de la semence genitale tant aus hommes qu'aus femmes, qui est quand on pert sa semence maugré soy, remede fort excellent. 3

Liqueur souueraine & de peu de coust pour tenir tou-jours en la maison pour vn besoin, laquelle guarit toutes playes, en deux jours, & conserue encore la chair autant bien que le balseme naturel. 3

Pour les os pourris & corrompus, & pour les fistules profondes en la chair, qui sont maladies comme desesperées & incurables aus medecins, secret excellent par dessus tout autre. 3

A prendre beaucoup de poissons, & faire lumiere de nuit. 4

Contre puanteur d'alaine prouenant de l'estomac. 4

Pour conforter l'estomac à qui l'a debile. 4

Pour ceux qui ne peuuent retenir la viande en l'estomac. 4

Pour oster les callosités & verrues. 4

Autre beau secret pour oster les cloz, & poreaux d'être les doigts. 4

Secret fort rare pour emporter les poreaux, ou verrues. 5

Pour chasser de la maison les mousches, les araignes, les scorpions & autres bestes. 5

Contre les moucherons. 5

Pour faire en peu de temps roses, & gyrostées de toutes sortes, blanches, rouges, verdes, jaunes, & incarnées. 5

Pour faire croistre arbres de toutes sortes, lesquels porteront le fruit assez plus gros que l'ordinaire. 6

Pour adoucir les oliues en moins de huit heures avec laisnie. 6

Deux remedes pour guerir la tigne. 7

Autre secret pour la tigne, lequel n'est de nulle estime, toutesfois eprouué, est trouué de merueilleus effect. 7

Autre maniere pour guarir la tigne simple. 8

Eau trenoble & approuuée contre la rongne. 8 (ment. 9

Trois remedes contre eschaudures faites par feu, eau, ou autre. 9

Autre onguent encores à faire belle consolidation. 9

Autre remede contre quelque eschaudure que ce soit. 9

Secret fort rare à faire pilules de terebenine. 9

E'ectuaire de nerprun, ou luleb solutif, de merueilleus effect en- 10
cor pour les goutes.

Huile bonne & eprouuée contre le venin. 10

La maniere de faire l'huile sainte, ou huile de vie, profitable contre plusieurs & diuerses maladies, comme se verra en la presente declaration cy apres. 10

Recepte souveraine pour ardeur d'vrine. 11

Secret tres-viile & fort propre à oter soudainement toute sorte de tache, soit en drap fin ou non fin. 11

Pour oter l'huile du saouon commun dur, qui est la maniere de le purger, & luy oster la puanteur, & estant ainsi purgé sent bien lon & se peut exploiter en toutes mixtions, pour en faire pelottes parfumées, pour mettre à part en petis vaisseaus avec quelque liquur, afin de le tenir tous-jours mol pour en lauer les mains. &c. Et est la maniere dont ils vsent en Syrie, & pourtant l'appellons icy saouon damasquin simple, qui se dit puis apres damasquin composé, quand on y a mellé les senteurs, comme auons mis par cy deuant. 11

Pour oster taches de dessus les draps d'or, de soye, de laine, de linge, de camelot, ou de toute autre telle chose. 12

Pour faire paste d'ambre noire, à faire patenostres de senteur. 12

À faire bonn' huile de noix muscate, d'aspic, de storax odoriferant, de benjoin de bonne senteur, & de ladanum. 12. 13

Pour faire huile de fleurs d'orèges, & d'autres fleurs de senteur. 13

Pour faire vn parfum soudain en la chambre d'un malade. 13

À faire parfums longs & ronds, pour bruler en la chambre. 14

À faire poudre de Cypre fine & odoriferante. 14

À broyer l'ambre pour mettre en compagnie pour donner odeur, & en faire marques de patenostres. 14

Pour faire Muscardins fins blancs, & rouges. 14

À contrefaire l'ambre. 15

Pomate blanche fine odoriferante pour Seigneurs. 15

Autre Pomate en forme d'onguent, fort bonne contre les creueures de la bouche, du nez, des mains, & des pieds, & est bonne encores pour toute maladie chaude. 15

Autre vnguent meilleur que cestuy, & bien approuué. 15

Saouonnettes de barbiers faites en plusieurs sortes, & de diuerses odeur. 16

Autrement. 16

Pour faire vne liqueur facilement & à peu de depens à vser con-

Finuellement pour maintenir tou-jours la chair vnie, delicate, & lui sante.	17
Pour oster toutes taches de la face, subtilier la peau, oster les lentilles, & contregarder la charnure trebelle.	17
Eau rare à faire les mains tresbelles, & la face.	17
Pour oster les marques & cicatrices demourées de la verolle, ou autre telle maladie.	17
Pour faire drappeaux de couleur violette à paindre, ou ecrire.	18
Pour faire croistre la barbe, & les cheueus qui ne tōberont pas.	18
Pour oster le poil ou cheueus d'ou tu voudras.	19
Pour faire noirs les cheueus, ou poil gris.	19
Pour faire croistre intontinent les cheueus.	20
Pour blanchir les cheueus à l'ombre sans soleil, qu'ils deuiendront luisans & blancs comme argent.	20
Paste molle comme pomate à se lauer les mains, & est bonne pour creueure des mains, de la bouche, & du nez, maintenant la chair delicate, & de bonne senteur.	20
Pour faire charnure treblanche.	21
Pour faire charnure trebelle & luisante.	21
Pour eclarcir & nettoyer la face de toute macule.	21
Pour chasser le feu volage, boutons, lentilles, & autres taches.	21
Autre secret pour oster semblables taches.	22
Pour effacer les rubis & rougeurs qui naissent en la suce par echauffement de foye.	22
Quatre maneres de Sauō pour oster toute tache d'vn drap.	22.23
Semblable pour les taches gresseuses.	23
Pour oster taches d'escarlatae ou de velous, sans que la couleur se perde.	23
Pour oster les taches d'vn drap de foye blāche, ou de velous taint en graine ou cramoyfi.	23
Pour oter taches d'ancre, ou de vin hors d'vn drap de laine, ou de lin.	23
Pour rendre la couleur à vn drap qui l'auroit perdue en ostant vne tache.	24
Pour faire vne eau à oster toute sorte de taches hors d'vn drap de couleur.	24

Pour oster huile ou gresse, sans mouiller le drap.	24
Pour nettoyer le poil, & essuyer la sueur sous les aisselles.	24
Eau pour blanchir les dents.	24
Pour faire saüon noir à lauer, avec tous les signes qu'il demonstre & fait au bouillir.	25
Les signes que fait le saüon au cuire, s'il est trop fort ou doux, ou liquide, ou blanc.	26
A faire asur trebeau sans la pierre de l'asur.	28
A faire vn verd comme vne esmeraude, qui sera trebeau.	28
A teindre le marbre & albastré en couleur d'asur, ou violet.	28
A faire eau verde, pour en teindre drapeaux qui se gardent pour faire des couleurs quand on en a besoing, mettant les-dits drapeaux tremper en eau. Et est bon aussi à teindre cartons de liures, pour en luminer, & pour peindre en toutes choses, & est chose fort belle & singuliere.	29
A faire orisfel, qui est vne couleur dont on teint les draps fins en violet, & se fait en peu d'endroits d'Italie.	29
Autre maniere de faire l'orisfel sans l'herbe, & cestuy cy se peut faire en tout lieu, & en tout temps, & est de grande importance.	30
A broyer l'or & l'argent.	30
A faire lettres de relief d'or & d'argent.	31
A faire quelque gentillesse, ou armoiries, ou autres choses sus vne giroflée, ou rose.	31
Pour donner beau lustre aus peintures.	31
A faire vne sorte d'eau verde clere.	31
A faire vne eau qui teint toute chose, os, & bois.	31
A faire vernis de mastix pour induire sus les peintures faites à l'huile.	32
A faire vne peau blanche à taches noires de couleur de Leopard, ou Panthere, & les cheueus blancs noirs.	32
A faire vne pierre de mixtion composée, que en la baignant avec la satine, fait feu.	32
Pour faire le verdet bien beau à la moderne.	32
Autre verdet plus brief.	32
Pour faire l'inde bon & bleu.	33
A faire couleur verde, rouge, jaune, & turquine, sans corps pour escrire	

ecrire sus papier.

33

A faire le jaune. 33

A faire le Turquin. 33

33

A faire le ciment fort pour incorporer dedans le lapis lasuli, puis le retirer en son temps, ou quand on veut. 33

A faire le second ciment plus doux, pour faire l'asur d'outre mer. 34

Pour purifier l'huile de semence de lin pour l'asur d'outremer. 34

A faire la lessive pour laver l'asur d'outre-mer. 34

Quel doit estre le vaisseau, auquel se mont toutes les eaux avec lesquelles on lave l'asur d'outre-mer, qui sont sondrilles, & se recueillent & se mettent avec l'autre asur. 35

La premiere partie de cognoistre les vertus & bontez avec les marques du lapis lasuli pour faire l'asur d'outre-mer. 35

En quelle sorte il faut calciner, ou bien preparer la pierre dudit lapis pour le vouloir broyer. 36

La maniere de tirer l'or du lapis lasuli, apres qu'il est broyé. 36

Comme se fait la liqueur avec laquelle se broye le lapis lasuli, pour faire l'asur d'outre-mer. 36

En quelle sorte se broye le lapis lasuli sus le porphyre, & de ses marques. 37

Comment s'incorpore le lapis lasuli, apres qu'il est broyé, au ciment fort, ou en la paste ou ciment plus doux. 37

Comment on tire l'asur hors du ciment. 38

De quelle couleur sont les azurs quand ils sortent du ciment, & quelles marques ils ont. 39

En quelle maniere on lave & purifie les azurs incontinent qu'ils sont hors du ciment. 39

A parfaitement purifier les-dits azurs avec le jaune d'œufs de gelive. 39

Comment on coule les azurs apres qu'ils sont purifiez, nettoyez, & lauez. 40

A faire dorure qui se donne sus les cuirs qu'ilssembleront d'or, & l'apliquant sus argent & verre, les fera sembler d'or. 40

A faire pate de Camateux, pour imprimer ou former les petites figures & images qui sont es pierres des aneaux. 40

A contrefaire les perles qu'ellessembleront naturelles. 41

Pour imprimer medailles de relief avec gôme de tragacanta. 41

<i>A faire pate pour jeter toutes medailles.</i>	41
<i>A faire medailles & figures releuées, avec colle de poisson.</i>	42
<i>A tirer l'huile de Talcum artificiellement, & de ses vertus.</i>	42
<i>Pour calciner le talcum soudainement.</i>	43
<i>A faire que tout metal ressemble argent.</i>	43
<i>A contrefaire toute sorte de feuilles verdes, quesembleront naturelles.</i>	43 (44)
<i>A faire vne paste de papier pilé pour imprimer en formes à sons.</i>	
<i>A retirer vn dessein fait en moulle avec sauon noir.</i>	44
<i>A faire pate en ballotes blanches pour la face des Dames.</i>	44
<i>Deux eaus souveraines pour les dames.</i>	44. 45
<i>La maniere d'embellir la face, selon le commun,</i>	45
<i>A faire ballotes qui ne laissent croistre les poils, & sont tomber ceus qui y sont, les laissant aussi croistre à cens qui veulent.</i>	45
<i>Pour faire croistre les cheueus à vn qui n'en auroit nuls, & les faire venir longs en peu de temps.</i>	45
<i>Pour faire les cheueus longs, & crespes, en abondance & beaux.</i>	45
<i>Pour remplir les endroits chauues & faire croistre les cheueus.</i>	46
<i>Pour conseruer les dents.</i>	46
<i>Poudre excellente pour les dents.</i>	46
<i>Pour blanchir les dents.</i>	46
<i>Pour raffermir les dents qui lochent.</i>	46 (jours. 46)
<i>Eau merueilleuse pour oster verrues & poreaus en moins de deux</i>	
<i>Pour les clox ou callositez.</i>	46
<i>A faire pommes, ou ballotes, ou pate nostres d'ambre.</i>	47
<i>A faire pommes de ladanum pour l'esté.</i>	47
<i>Pommes de senteur contre la peste.</i>	47
<i>A purger le storax liquide.</i>	47
<i>Eau pour dorer ce que voudrez.</i>	47
<i>Pate de patenotres.</i>	37
<i>A faire eau odoriferante & singuliere, de laquelle mettant vne goutte en vn grand vaisseau d'eau simple, ou de roses, se conuertira en souveraine bonté, & a esté faite du temps des Mamelucs en Damas, parquoy s'appelle eau Arabesque.</i>	47
<i>Secret excellent pour faire eau de face.</i>	48
<i>Pour blanchir les mains.</i>	48
<i>Eau pour la face.</i>	48
<i>Pour effacer les lentilles de la face, ou d'autre part.</i>	48

L A T A B L E.
DES RECEPTES DE DIVERS
AUTEURS.

C ONTRE toute douleur de teste, excepté de la verolle.	2
Preservatif contr' epilepsie.	2
Deux remedes contre mal caduc.	2
Deux remedes contre paralysie.	2
Contre frenesie.	2
Remede experimenté contre la grand douleur, tintement, & sour- deesse des oreilles.	2
Autre remede bien cogneu & experimenté.	3
Remede pour estancher le sang coulant des narines.	3
Autre, bien experimenté, & de merueilleuse efficace à cecy.	3
Deux autres remedes pour le mesme.	3
Pour la douleur des dens, remede eprouué.	3
Autre remede, fut que le mal soit engédré de froid, ou de chaud.	3
Deux autres remedes pour le mesme.	3
Deux remedes pour la puanteur de la bouche, & du nez.	3
Trois gargarismes bien bons contre la squinantie.	4
Pour amollir & meurir apostume en la gorge, emplatre fort sou- uerain.	4
Contre crachat de sang prouenant des poulmons.	4
Pour le mesme autre remede eprouué.	4
Autre remede trouué fort singulier.	4
Autre remede de merueilleusement grande vertu.	4
Autre Secret pour le mesme, experimenté certain, & bon à toute heure.	4
Deux autres pour le mesme.	4
Trois remedes contre vlcération des poumons, & crachat de ma- tiere purulente.	4. 5
Remede contre la courte alaine.	5
Pour le mesme mal, potion à prendre trois fois le jour.	5
Deux autres secrets experimentés, & bons pour les pauures.	5
Remede contre pleuresie.	5
Decoction pectorale trebonne contre la pleuresie.	5
Autre remede tre certain contre toute pleuresie, & experimenté,	5

comme diuin pour engarder l'homme qu'il n'en meure.	6
Oignement pour faire apostumer & mourir la pleuresie.	6
Emplaire pour le mesme mal.	6
Encore pour le mesme.	6
Contre la toux chaude, scauoir est quand le malade en est tellement molesté qu'il ne peut bonnement dormir.	6
Deux autres contre la mesme, si la voix en estoit enrouée.	6
Electuaire experimenté pour le mesme.	6
Pilules pour la toux froide.	6
Encore pour la toux.	6
Oignement pour la mesme.	6
Contre tremblement & batement de cœur fort bon, mais principalement aux femmes, qui sont fort sujettes à cela.	7
Remede contre le mesme. & trebon pour restaurer les forces debilitées par trop grand' ardeur de sieures.	7
Autre remede, avec lequel je me suis tou-jours bien trouué.	7
Epitheme contre le mesme mal.	7
Oignement fort bon pour les paures qui n'ont point la puissance d'acheter la sudite fomentation.	7
Autre composition fort bonne en temps de peste, tant pour en estre preserué que guery.	7
Autre Oignement fort bon, & principalement pour enfans qui sont tourmentez des vers.	7
Remede contre les vers des petis enfans.	8
Remede contre douleur d'estomac.	8
Autre pour le mesme quand tous autres remedes ne prouffiteroūt.	8
Fomentation singuliere pour le mesme.	8
Encore cinq remedes pour le mesme.	8
Fomentation fort bonne contre le mesme mal.	8
Sachet à porter contre le mesme mal.	8
Breuuage pour le mesme.	9
Autre remede pour appliquer à l'estomac.	9
Autre remede bien experimenté & bon, principalement pour les enfans, trauailleux de douleur d'estomac: ce qu'on cognoit s'ils routent & vomissent.	9
Deux Remedes contre apostume en l'estomac.	9

Emplatre.	9	Estuement.	9
Remedes contre vomissement.			9
Oignement fort bon contre vomissement cholérique.			9
Autre remede contre vomissement phlegmatique.			9
Deux Remedes contre le hoquet & jauglout.	9		10
Remedes contre la douleur du foye, causée par ventosités.			10
Autre de moult grande efficace.			10
Deux remedes trouués fort bons contre le foye apostumé.			10
Deux Remedes contre hydropisie.			10
Breuage de grand' efficace contre l'hydropisie ventuse.			10
Autre Remede fort bon à prendre apres que le corps est purgé			10
Contre l'hydropisie nommée ascites, Breuage fort bon, à prendre une fois la semaine.			10
Contre la mesme, electuaire singulierement bon, lequel ne se de- vroit reueler qu'à bons amis,			10
Oignement contre la mesme.			11
Autre Oignement fort bon.			11
Remede contre la jaunisse.			11
Remedes contre la colique.			11
Remede pour jamais plus n'auoir la colique.			11
Autre remede à prendre pendant le torment de la colique.			11
Poudre fort bonne pour estre incontinent guarý dudit mal.			11
Remede que j'ay trouué fort bon cõtre toute douleur d'entrailles.			11
Autre fort bon, tant pour se preseruer dudit mal, que s'en guarir.			12
Clystere avec lequel j'en ay guarý plusieurs.			12
Deux autres contre le mesme mal.			12
Oignement contre le mesme.			12
Recepte trebonne, laquelle print le Pape Clement septieme, en sa derniere maladie.			12
Remedes contre flux de ventre cholérique. Syrop.			13
Oignement fort bon contre le mesme.			13
Remedes contre le flux de ventre dysenterique.			13
Autre breuage fort bon.			13
Autre remede.			13
Autre breuage fort bon, en cas que le malade eut aussi grand do- leur de ventre (comme souuent il aduient) à cause de l'exulceration			13

corrosion des intestins.	13
Autre remede quand la douleur est grande.	13
Deux suffumigations pour le mesme.	13. 14
Autre remede pour le mesme.	14
Oignement fort bon contre toute caquesangue.	14
Remedes comme enflure & oppilation de rate.	14
Fomentation contre le mesme mal.	14
Oignement contre le mesme.	14
Autre fomentation contre le mesme.	14
Remedes contre douleur, tumeur, & ventosité de matrice.	15 —
Autre experimenté par aucunes femmes.	15
Autre remede fort bon, & bien cognu des femmes.	15
Encore vn autre.	15
Fomentation.	15
Oignement fort bon.	15
Cerot pour apliquer sus la matrice, si le mal estoit inueteré.	15
Remede pour faire venir le tēps des femmes detenu & empeché.	15
Autre remede fort bon aussi pour faire jecter l'auortement.	15 —
Lauement fort bon pour le mesme.	15
Contre trop grand flux de fleurs.	16
Oignement contre le mesme.	16
Contre prefocation de matrice.	16
Contre la mesme de quelque cause qu'elle vienne.	16
Encore trois remedes contre la mesme.	16
Remedes pour quand la matrice sort de son lieu, ou tombe.	16
Cerot fort bon.	16
Remedes pour resoudre la matrice apostumée.	16
Autre emplatre pour le mesme.	17
Cerot.	17
Remedes contre les vlcères de l'amarré.	17
Breuuage.	17
Remedes contre le flux blanc des femmes.	17 —
Autre contre le mesme.	17
Breuuage.	17
Poudre encore contre le mesme.	17
Remedes contre la chaude pissé. Syrop.	17.

Breuage contre la mesme, à prendre trois heures deuant le diner, & à midy.	17
Contre Gonorrhœa qui est escoulement de semence genitale.	17
Oignement pour le mesme.	17
Autre remede souverainement bon.	18
Remedes pour quand on pisse sang.	18
Oignement pour le mesme.	18
Cerot pour le mesme.	18
Remedes contre la grauelle.	18
Autre remede bien experimenté, duquel je me fais souuent bien trouué.	18
Encore deux remedes contre la mesme.	18
Trois Receptes pour hater l'enfantement, & adoucir la douleur du travail.	18. 19.
Autre remede fort bon, mais tel toute fois qu'il ne se doit donner, sinon qu'en grãde necessitè, ou bien si l'enfant estoit mort au vêtre.	19
Remedes pour quand l'on ne fait que pisser outre son gré.	19
Autre pour le mesme mal.	19
Remedes contre la pierre en la vessie.	19
Remede & preseruatif contre le mesme mal.	19
Autre pour le mesme.	19
Oignement tres excellent pour guarir des hemorrhoides.	19
Emplatre contre le mesme.	19
Bain chaud excellent & trebon contre les mesmes.	20
Autre remede de fort grande vertu.	20
Remedes contre tumeur & enflure des couillons.	20
Autre contre l'enflure dure.	20
Cerot contre le mesme.	20
Oignement contre le mesme.	20
Emplatre.	20
Remedes contre la douleur sciatique.	20
Remedes contre phlegmons. Emplatre pour meurir & suppu rer l'apostume.	21
Autre pour le mesme.	21
Autre pour le suppurer tout incontinent.	21

Contre feu volage ou erisipeles.	21
Autre medecament bien bon pour guerir le mesme mal quand il ne fait que commencer ou augmenter.	21
Contre tumeur slegmatique.	22
Onguent pour la rogne, fort bon pour oindre les petits enfans qui pour leur petitesse ne peuuent endurer la purgation.	22
Autre onguent fort bon aus petits enfans, & ceus de grand' age, pour en vser deuant ou apres la purgation.	22
Autre remede.	22
Bain pour le mesme.	22
Contre le mal S. Main.	22
Onguent pour les ampoules, & pustules de la face, dites petite verolle.	22
Autre remede bien experimente.	22
Contre la forte toux des petits enfans.	22
Contre la sueur puante.	23
Contre la douleur des yeus.	23
Pour la toye aus yeus,	23
Contre la difficulte d'ensanter, & retention de la secondine.	23
Pour quand le siege sort.	23
Contre douleur d'entrailles.	23
Contre difficulte d'vrine, excepte celle qui est causee par la pierre.	23
Pour les hommes.	23
Pour les femmes.	23
Contre les morpions.	23
Contre chancre.	23
Contre les syrons & demangeison.	23
Contre enflure des coullons.	23
Pour faire isir les syrons des mains & des pieds.	24
Remede pour la sourdesse des aureilles.	24
Remede pour fistules.	24
Pour la rongne aus mains.	24
Eau de tregrad & merucilleus effect pour garder le corps humain de beaucoup d'infirmitex.	24
Quelles operations viennent de telles distillations.	24
Autre eau ou balsme bien pres pour le mesme.	24

L A T A B L E.

<i>Autre eau pour en faire merueilles jusques à en estre tenu pour prophete.</i>	25
<i>Poudre fort bon ne pour conserner la veue.</i>	25
<i>Contre douleur de flancs, ou pleurisie.</i>	25
<i>Contre fieures quartes.</i>	25
<i>Pour guarir vieilles playes & chancres de jambes.</i>	25
<i>Contre tigne.</i>	25
<i>Contre ventositez, ou colique, ou douleur de matrice.</i>	25
<i>Pour oster les callositez des pieds.</i>	25
<i>Pour faire vin-agre treparfait.</i>	26
<i>Contre mal caduc, ou epilepsie.</i>	26
<i>Contre rompure d'ensans.</i>	26
<i>Contre douleur de ratelle.</i>	26
<i>Pour estancher le sang.</i>	26
<i>Pour guarir en quatre jours echaudure d'eau, ou d'autre chose, sans onguent ny emplastre, & est eprouué.</i>	26
<i>Pour estancher le sang.</i>	26
<i>Contre les vers des petis ensans.</i>	26
<i>Pour guarir hemorrhoides, ou morenes.</i>	26
<i>Contre toute sorte de douleur.</i>	26
<i>Contre spasme ou enslure prouenant de la playe de quelque beste venimeuse.</i>	26
<i>Pour ceus qui ne peuuent pisser à cause de quelque grauelle, viscosité, ou carnosité.</i>	26
<i>Contre sourdesse.</i>	27
<i>Contre oppilation.</i>	27
<i>Contre eslourdissement de veue.</i>	27
<i>Pour ceus qui ne scauent retenir la viande.</i>	27
<i>Contre douleur de teste venant de trop boire.</i>	27
<i>Contre toute douleur de teste.</i>	27
<i>Trois remedes contre douleur de teste durant continuellement.</i>	27
<i>Contre migraine venant soudainement.</i>	27
<i>Contre demengement de teste.</i>	27
<i>Contre vlcères de teste, tant aus hommes, que aus ensans.</i>	27
<i>Contre playes vieilles & pourries.</i>	27
<i>Pour garder que la chair dans vne playe ne croisse trop.</i>	27

Pour oter & guarir de la tigne.	27
Pour faire mourir les pous.	28
Contre distillation de cerueau, & pesantent de teste.	28
Contre catterres prochains à venir.	28
Pour restraindre catterre.	28
Pour faire recroistre le poil de la barbe, & de la teste, quand il chet de luy mesme.	28
Pour garder que les cheueus ne tombent.	28
Pour faire croistre la barbe & les cheueus.	28
Deux remedes pour faire reuenir les cheueus.	28
Pour faire les cheueus crespes.	28
Pour faire les cheueus noirs.	28
Pour garder que les cheueus ne viennent chanus & blancs.	28
Pour noircir les cheueus.	28
Contre douleur des yeus.	29
Deux remedes contre eblouissement de veue.	29
Contre eblouissement & debilité de veue.	29
Contre la tache de l'œil.	29
Pour oter les cheueus nuisans aus sourcils.	29
Pour garder que les poils, estans arrachez, ne reuiennent plus.	29
Contre toutes douleurs des oreilles.	29
Contre douleur des oreilles, & surdité, & pour purger les apostumes d'icelles.	29
Contre douleur des oreilles.	29
Contre le son & tintement, ou bruit des oreilles.	29
Contre tous maus d'oreilles.	29
Contre sourdesse & difficulté d'ouyr.	29
Contre douleurs d'oreilles, sourdesse, boïe, & ordure, vers, & eau y estant.	30
Pour estancher le sang sortant du nez.	30
Pour guarir la maladie, qu'on dit poupe, ou noli me tangere.	30
Contre puanteur de bouche.	30
Deux remedes contre douleur de dents.	30
Pour faire tomber & cheoir les dens.	30
Pour blanchir les dens qui sont noirs.	30
Pour ceus qui sont enrrouez.	30

Pour guérir les ecrouelles.	30
Pour cognoistre les ecrouelles.	30
Contre la toux & distillation de la poitrine, & du poulmon, & defluxion des yeux, douleur de vésie, & quand le tuyau de l'vrine est estoupé: laquelle chose est cause qu'on ne peut pissier, sinon avec grand de difficulté. Aussi pour ceux qui jettent le sang par la bouche, ou avec l'vrine: aussi contre le flux de ventre, & colique, & douleur ou pesanteur de ventre, & cholere: & contre vn vomissement, lequel prouient sans fièvre. Aussi contre toutes douleurs du corps, excepté de la teste: & mesmement contre vlcération de poulmon, si on en donne vn ou deux electuaires.	30
Contre toute forte toux.	31
Contre toux tant forte qu'elle soit.	31
Pour quelcun qui a auallé vne sangsue.	31
Contre la toux vieille.	31
Contre flux de sang sortant de l'artere, du poulmon, ou du foye.	31
Pour restraindre vn tregrand vomissement.	31
Pour ceux qui ne peuuent retenir la viande dans l'estomac, ains vomissent.	31
Trois remedes pour estancher ou appaiser la soif.	31
Pour appaiser le sanglot, ou hoquet.	31
Pour appaiser le sanglot qui vient souuent.	31
Remede souverain pour ceux qui ont le col penché sus les espaulles, à cause des nerfs retirez, aussi pour ceux qui ont les gouttes.	31
Pour oster la puanteur des aisselles.	31
Contre apostumes venans à la racine des ongles.	31
Pour faire reuenir incontinent les ongles estans tombés.	31
Contre males dertres.	32
Pour oster la galle ou feu volage venant au visage.	32
Contre les bourgeons ou pustules qui viennent en la face, tant pour cause de la chaleur du soleil que autrement.	32
Contre toutes taches, pustules ou vlcères en la face.	32
Pour oster la noirceur du col, & les taches du visage.	32
Deux remedes contre meurtrissure du visage, faite par cheute, ou batture.	32
Contre verrues & malandres.	32

Contre enflure d'estomac, douleur de reins, grauelle, fleume, colique, hemorrhoides, & maladies du fondement, aussi pour restraindre les fleurs des femmes, & pour ceux qui ont mal au foye, & en la ratelle, aussi pour ceux qui toussissent ordinairement, & pour ceux qui tombent du mal caduque.	32
Deux remedes contre douleur de ratelle.	32
Contre douleur de rable.	32
Contre enflure ou vlceres des reins, & des roignons.	32
Contre douleur de grauelle, & pour faire vriner.	32
Contre douleur de reins.	33
Contre grauelle.	33
Contre douleur de vessie, & grauelle.	33
Contre caguesangue, ou trenchées de ventre.	33
Contre espraintes & trenchées de ventre.	33
Pour ceux qui ont trenchées, & trop grand flux de ventre.	33
Contre colique.	33
Contre douleur de colique venant subitement.	33
Contre douleur de boyaus ou entrailles.	33
Pour arrester flux de ventre.	33
Contre trenchées de ventre ou dysenterie.	33
Pour cognoistre la maladie occulte de quelcun, & le guerir.	34
Pour guarir ceux qui jettent le sang par le fondement, & pour ceux qui ont le sang corrompu.	34
Contre les vers qui s'engendrent dans le corps des hommes.	34
Contre espraintes, ou desir insatiable d'aller à la selle avec peu d'effort.	34
Contre douleur colique.	34
Contre vlceres du cul, ou fondement.	34
Pour guarir les hemorrhoides, & ceux qui perdent leur sang.	34
Contre vlceres du fondement, & contre vne maladie, qu'on nomme communement le mal saint Fiacre.	34
Deux remedes pour faire fondre vne apostume estant és aines.	34
Contre blessure ou escorchure de peau par echauffement, & par long chemin, és pieds ou entre les cuisses.	34
Contre enflure & douleur de la plante des pieds.	34
Pour tirer hors les choses qui se plantēt au corps, comme espines.	34

Pour tirer hors toutes choses fichées au corps.	34
Pour faire cheoir verrues.	34
Pour oster les clous & fronces, ou duretez des pieds.	35
Pour soudainement appaiser la douleur des gouttes.	35
Deux remedes contre toutes douleurs des pieds.	35
Composition preseruatine contre la peste, excellente comme Theriaque ou mitridat.	35
Autre composition en poudre ou autre forme, pour le mesme.	35
Pilules communes fort propres pour le mesme.	35
Deux antidots ou medicaments preseruatifs & confortatifs de vil prys, faciles à trouuer, & preparer pour les pauvres.	36
Les choses de senteur comme poudres, pommes, eaus, parfums: & premierement poudre à plusieurs vsages.	36
Parfum.	36
Pomme de senteur.	36
Autre pomme aromatique plus conuenable pour l'esté.	37
Remedes exterieurs à purger l'air: des plus faciles, plus prompts, & qui sont de moindre prys pour ceus qui ont moins de pouuoir.	37
Poudre contre les vers.	37
La somme du regime.	37
Poudre cordiale contre le venin la peste, pour les riches & puissans, & pour les princes.	37
Pour les poures, poudre qui n'est pas de moindre efficace que la seconle.	37
Potion pour les pauvres, & es lieux ou il y à faute ou moins de suc ou de syrop de citron, ou de limon, ou de grenades.	38
Potion souuent experimentée, vile & salutaire, & laquelle selon aucuns n'a jamais eilé trouuee vaine.	38
Opiate.	38
Potion ou bruuage conuenable apres chascque prise de l'opiate dite, ou à meller avec les prises d'icelle opiate pour les plus puissans ou les mediocres, selon le lieu & la saison.	38
Potion pour les pauvres.	38
Potion pour emouuoir la sueur.	38
Autre potion facile comme pour les pauvres.	38
Epitheme cordial assez froid.	38
Epitheme cordial pour les pauvres qui pourra aussi seruir au foye.	(39)

Epitheme hepaticque ou pour le foye.	39
Medicaments locaux de bubon : & premierement pour attirer & resoudre, cataplasme ou liniment.	39
Autre attractif facile.	39
Autre bien bon en forme d'emplatre.	39
Medicaments de la seconde espee qui sont caustiques ou vesicatoires, desquels le premier est bien fort.	39
Autre cataplasme.	39
Autre plus fort.	39
Deux medicaments mondificatifs.	39
Emplatre incarnatif.	39
Vnguent repercussif & resolutif contre chancre.	39
Emplastre diaponipholygos de Theodorice, pour empescher ou oster la corrossion du chancre. Il est repercussif, refrigeratif, & desiccatif.	39
Vnguent bien doux pour les chancres vlcereux, lequel aussi est sedatif de douleur en ceus qui ne sont pas vlcereux.	40
Liniment merucilleusement vertueux contre rongement grand, & ambulatif du chancre, & pour arracher toute la malice a' iceluy.	40
Emplatre mitigatif & tredoux pour les chancres, mesme des mamelles.	40
Deux manieres pour endurcir le fer.	41
Pour endurcir couteaus, fourmoirs, & autres semblables.	41
Pour endurcir vne lime.	41
Pour endurcir quelque autre matiere.	41
Deux sortes de rendre quelque instrument d'acier dur, & bien trenchant.	41
Pour contregarder de fendre quand on endureyt.	41
Pour endurcir en telle sorte qu'elle demeure dure.	41
Huit manieres pour amolir le fer ou l'acier.	41
Deux manieres pour rendre le cristall mol, tellement qu'on le puisse briser en pieces.	42
Deux sortes pour amolir le fer.	42
Pour vn peu amolir ce qui est trop dur.	42
Pour amolir fer ou acier en telle maniere qu'on le puisse courber & dresser a son plaisir.	43
Pour souder toutes choses, & premierement pour souder le fer froid.	(43)

• Pour fonder quelque chose chaude.	43
• Pour fonder cuiure.	43
• Pour fonder fer.	43
• Pour faire vne poudre, laquelle rendra tout metal liquable & mol.	43
• Vn autre sus arain.	43
• Pour faire mordre en fer, acier, couteais, barnois.	43
• Pour grauer avec eau.	44
• Vn autre plus forte & plus mordante.	44
• Pour faire couleur d'or ou d'argent à mettre sus tout metal, & pour faire vne astiete aussi d'or ou d'argent sus fer ou cloche ou pierre, laquelle ne se defera point à l'eau.	44
• Quatre couleurs d'or pour mettre sus l'estain ou le cuiure.	44
• Couleur d'or sus estain.	44
• Pour argenter du cuiure.	45
• Pour dorer fer ou acier.	45
• Pour faire vne eau à dorer sus fer ou acier.	45
• Pour tenir tout fer ou acier nettement, & aussi tout instrument de guerre.	45
• Pour rendre à vn drap sa couleur perdue.	45
• Trois manieres pour oster taches d'vn drap.	45.46
• Eau pour oster taches hors de drap blanc.	46
• Pour oster taches de gresse ou d'huile hors de drap blanc.	46
• Deux manieres pour oster taches de gresse, & d'huile hors de toutes sortes de drap, quand ce seroit du blanc.	46
• Pour oster taches de vin hors de toute sorte de draps.	46
• Pour oster toutes taches hors de drap de soye.	46
• Pour oster toutes taches hors de velours cramoisi.	46
• Pour coller velours, & le faire roide.	46
• Eau pour oster toutes taches hors de drap d'or, & de velours	46
• Pour faire saoune à oster toutes taches.	46
• Pour oster taches d'encre, de noir, ou autre chose, hors de drap, ou de linge.	47
• Pour oster taches hors d'escarlata ou de velours de couleur, sans en rien toutefois endommager la couleur.	47
• Pour oster taches d'huile jus de parchemin, ou de papier blanc.	47

Pour taindre filet ou toile en brun.	47
Pour teindre filet ou linge en bleu.	47
Teinture bleue, pour teindre toutes choses.	47
Autre maniere pour teindre en bleu.	47
Trois manieres pour teindre en rouge.	48
Pour faire rosette belle.	48
Deux manieres pour teindre bois, os & cornes en verd.	48
Pour teindre cornes, os, & bois en rouge.	48
Pour teindre en jaune.	48
Pour teindre en noir.	48
Pour amollir cornes.	48
Deux manieres pour amollir cornes de telle sorte qu'on les pourra imprimer en figures.	49
Pour jetter cornes en moule comme plomb.	49
Deux manieres pour faire pierres d'ambre cleres.	49
Pour polir & donner lustre aus pierres precieuses.	49
Pour faire pierre qui s'allumera la mouillant avec le doigt.	49
Pour amollir cristal & pierres precieuses de sorte qu'on le pourra tailler comme fromaige, & qu'estant mis en moule, deviendra de-rechef dur.	49
Pour contrefaire perles lesquelles seront fort belles, comme naturelles.	50
Pour teindre draps de soye, qui ont perdu leur couleur en noir.	50
Pour teindre coiffes ou soye en rouge.	50
Pour teindre filet de couleur terrace.	50
Pour taindre filet en noir.	50
Pour taindre filet en gris.	50
Pour preparer le Mercure, & l'endurcir de sorte qu'on le pourra liquesfier, & mettre en œuvre.	50
Pour faire formes, ou moules esquelles se pourront exprimer choses subtiles & delicates.	51
Matiere pour fondre.	51
Matiere faite de papier, ou autre chose pour exprimer quelque sorte de figure qu'on veut sur ser blanc. &c.	51
Pour bien dorer.	51
Maniere de broyer l'or pour dorer.	51

Pour dorer du cuiure.	51
Pour dorer fer.	51
Pour oster la dorure d'un argent doré, de sorte que l'argent demeure entier.	51
Pour separer l'argent du cuiure, soit qu'il soit en monoye ou autrement.	52
Poudre laquelle mettant sus quelque chose argentée en osterá l'argentine.	52
Pour conuertir le cuiure en arein.	52
Pour fondre parfaitement tout metal.	52
Pour donner au cuiure couleur d'or.	52
Pour faire vermillon.	52
Pour faire asur.	52
Pour faire verdet.	53
Pour faire blanc de plomb.	53
Pour faire boras des orseures.	53
Pour faire lutum sapientie.	54
Pour luter avec du linge, lequel ne se brule pas.	54
Pour resouder verres.	54
Autre lutum sapientie.	54
Trois manieres pour separer l'or de l'argent.	54
Pour separer or & argent sans feu, & eau forte.	55
Pour separer l'or & l'argent avec vne poudre.	55
Deux manieres pour rendre l'or plus doux.	55
Pour rendre plus doux or & argent.	55
Pour rendre plus doux tous metaux, & autres choses non molles, de telle sorte qu'elles seront douces & molles, pour se laisser forger.	55
Huile qui rend tous metaux doux.	55
Deux manieres pour separer l'or du cuiure.	55
Poudre à separer or & cuiure.	55
Pour lauer l'or jus du cuiure.	55
Pour rassembler l'or hors du fil de drap d'or.	55
Pour dorer que ne se puisse effacer par eau que ce soit.	56
Pour rassembler en vn l'or qu'on a raclé jus des lettres & images.	56
Pour donner couleur d'or à l'étain.	56
Pour oster la doreure d'une tasse dorée par dedans.	56


L A T A B L E.

Pour rendre l'or doux apres la fonte ou liquacion.	56
Pour donner couleur à l'or qu'il deuienne doux.	56
Pour fondre or jusques à douze & neuf carats.	56
De neuf carats.	56
Pour bouillir or & argent, afin qu'ils recoient belle couleur.	56
Pour donner couleur à l'or.	56
Pour donner pois à l'or.	56
Pour purger argent, & l'affiner.	57
Pour rendre l'argent doux.	57
Pour affiner l'argent	57
Pour faire l'argent bel & blanc.	57
Pour tirer l'or & l'argent de quelque monnoye.	57
Pour scauoir si l'argent a en soy de l'or, ou non.	57
Pour argenter le cuyure.	57
Pour amortir le mercure qu'il puisse endurer le marteau.	57
Pour dorer acier ou fer.	57
Pour separer or & argent du metal ou fer.	57
Pour donner couleur au cuiure de sorte qu'il ressemblera à or en couleur qu'il puisse endurer le feu vne ou deux fois, & qu'il soit doux pour le labourer.	58
Pour donner au cuiure couleur d'or, & le rendre fusible, qu'il endure le marteau, & se laisse mettre en œuvre comme or.	58
Argent d'estain à faire vaisselle ou autre chose.	58
Deux manieres pour facilement argenter vaisselles de cuiure par dedans & par dehors.	58
Eau rouge qui fait ressembler à or tout ce qui est estain dedans.	58
Eau separatiue bien forte.	59
Eau de tartre.	59
Deux manieres pour blanchir cuiure.	59
Pour faire que bétain ne craque point.	59
Pour faire or de mercure.	59
Pour conuertir le cuiure en or.	59
Pour prendre salamandres pour s'en seruir.	60
Pour affiner or avec les salamandres.	60
Argent de salamandres.	60
Autrement.	60
Pour faire crocus martin.	60

L A T A B L E.

Pour faire es <i>yslum</i> ou <i>crocum veneris</i> .		60
<i>Coagulatio Mercurij</i> .		60
La mere de toutes eaux pour faire tous metals liquefiables.		61
Pour calciner le Soleil.		61
<i>Calx Lune.</i> 61	<i>Calcinatio solis.</i>	61
<i>Calx Lune.</i>		61
Trois manieres pour calciner Venus.		61. 62
Pour calciner Saturnus.		62
Calcination de Jupiter ou Saturnus.		62
Pour calciner l'estain, & le faire blanc & dur.		62
Pour calciner Mars. 62	<i>Purgatio Veneris.</i>	63
Pour calciner alun.		63
Pour preparer sel commun.		63
Pour preparer sel armoniac.		63
Pour faire sel alcali.		63
Pour faire sel boras.		63
Eau de Mercure. 64	<i>Aqua salis Armoniaci.</i>	64
<i>Aqua lactis virginis.</i> 64	<i>Aqua salis alcali.</i>	64
<i>Aqua croci Martis.</i>		64
Pour calciner le tartre.		64
Pour calciner escailles d'œuf.		64
Pour calciner tuia.		65
<i>Aqua lunaris.</i> 65	<i>Aqua causata.</i>	65
<i>Aqua caustica.</i>		65
<i>Aqua auripigmenti.</i>		65
<i>Aqua de sale communi preparato.</i>		65
Eau de jaunes d'œufs.		65
Huile de tartre. 66	<i>Oleum laterinum ou Petroleum.</i>	66
<i>Gleum benedictum.</i> 66	<i>Oleum sulphuris.</i>	66
Pour purger le souphre. 66	Pour sublimer le souphre	66
<i>Oleum ouorum.</i> 67	<i>Oleum auripigmenti.</i>	67
<i>Oleum lunare.</i> 67	<i>Oleum sulphuris.</i>	67
Pour sublimer le Mercure. 67	Pour grader l'or.	67

FIN DE LA TABLE.



LES
SECRETS DE REVEREND
S I G N E V R A L E X I S
P I E M O N T O I S .

L I V R E P R E M I E R .

¶ *La Maniere & Secret pour conseruer la Ieunesse, & retarder la Vieillesse: maintenir la personne tousiours en santé & vigueur, comme en la plus belle fleur de son aage.*

Tout cecy est retiré en partie de long estude, & plusieurs experiences, que vn grand Personnage a fait, par beaucoup d'années, au seruice d'vne puissante Dame. Estant chose trestertaine, que vn vieillard, agé de septante ans, tout cheuu, de trelinauaise complexioo, & sujet à plusieurs sortes de maladies, est tourné comme en agé detrente-six ou trente-huit ans.

P R E M I E R E M E N T F A V T T O V -
jours auoir en memoire & deuant les yeux, que nulle grace ne aucun bien se doit fermement esperer, que de Dieu seul. En la grande clemence & bonté duquel, assure & acertené de la conscience, par sa grande foy, cryoit ce grand Prophete, & se resiouissoit en soy mesme; disant: *Renouabitur, sicut aquila, iuuentus mea.* Et par la mesme clemence & bonté, prolongea, d'autant d'années, la vie à Ezechias: & feit que Moise véquit cent & vint ans, & d'auantage: sans que jamais vne de ses dentz luy commençasse à mouvoir, ou que sa veüe s'obscurcit ou s'ffoiblît, ne sentît vne seule douleur de teste. Luy doncques, comme trespuissant & tresbening createur & pere de l'vniuers, ayant assigné à l'homme le terme de sa vie, & abandonné au vouloir de son arbitre: & ayant ainsi donné les vertus & proprietés aux choses, le laissant ordinairement executer leurs mouuemens, a aussi laissé pouuoir aus creatures humaines de se conseruer en santé, iusques au terme ordonné à nostre vie en vniuersel, ou particulier. Mais pour autant que ne scauons employer les choses selon qu'elles sont conuenables

à nostre nature, & à noz occurences & necessitez, nostre façon de viure desordonné nous fait viure la plus part en maladie, precipiter la ieunesse, & abbreger nostre vie de beaucoup. Ayant doncq tous-jours nostre pensée ferme en luy, & réplis de foy & de deuocion, disant, au nom de sa bonté infinie, à nous mêmes: *Longitudine dierum replebo eum, et ostendā illi salutare meum,* Commencerons, comme inspirez de luy, & assurés de nous aider de la vertu des choses, icy bas créés, de sa tresclément Ma jesté, seulement pour nostre benéficé. Et voulant pour le bien publicque communiquer aucunes choses, tant par moy cerchées & trouuées par longue experience, comme acquises dernièrement d'un mien grand amy, qui aussi, par grande diligence & experience, a sept ans tout du long esprouué ceste maniere de garder, & restablir la fanté & jeunesse, metteray premierémēt la maniere de faire vne liqueur miraculeuse, conseruatiue & re stauratiue de la chaleur naturelle, & de l'humeur radicale, auf- quelles deux choses principalement cōsiste la santé, la vigueur, & la vie du corps humain.

¶ Pour faire vne liqueur tresprecieuse, & de vertu inestimable: la- quelle prise par la bouche conserme, & augmente la chaleur na- turelle, & l'humidité radicale, purifie le sang, & nettoye l'esto- mac de toute superfluité d'humours: & par ainsi conserue la san- té & la jeunesse, & prolongue la vie à celuy qui en vse.

AV mois de May, à soleil leuant, tu amasseras, en vne escuel le, ou vaisseau de verre, ou tel autre vaisseau plombé bien net que tu voudras, la rousée qui sera cheute sus le romarin, sus la bourache, & autres bonnes herbes, excepté la sauge: car c'est vne chose seüre, que sous la sauge sont acoutumées se ras- sembler quelques bestes venimeuses, qui l'infectent & inueni- ment de leur alaine: & bien que les fueilles, par estre bien la- uées, se puissent purifier & nettoyer de telle exhalation, si est ce toutefois, que si la rousée qui tōbe sur les fueilles viēt à pren- dre tel venin, il n'est possible de la purifier aucunement: pour- tant ne doit on pas amasser la rousée sus la sauge. Apres donc, auoir amassé autant de rousée q bon te semble, aye trois phio- les toutes prestes, de telle grandeur que tu voudras, lesquelles empliras vn peu plus qu'à demy: l'vne de sucre, l'autre de
maunc,

manne, & la tierce de miel, demourant la reste des phioles vuides: puis les par-empliras toutes de ladite rousée, les bouchant tre bien de cire blanche, & les courant de quelque linge. Garde les ainsi dans vn bufet, ou autre lieu hors du soleil, tant que sera besoin d'en vser, comme nous dirons apres. Puis pren le jus de pomes de coin, & aye du bon agaric en quelque petite phiole, mis en pieces seulement, & non en poudre: lequel couriras dudit jus de pomes de coin, en telle sorte comme tu as fait du sucre, & des autres choses es phioles, & le garde bien couuert. En apres tire le jus de toutes ces choses: à sçauoir, de roses rouges, ou incarnates, de cicorée, d'endiue, de fumeterre, de buglose, de bourache, de mauue, de houblon, de fueilles & fleurs de violettes de mars: & prendras de chacun desdits jus autant de l'vn comme de l'autre: puis melle bien tout ensemble. Puis pren vne liure ou deux de aloé epaticum, ou autant que tu voudras: car tant plus y en aura, tant mieus vaudra, à cause que ledit aloé ainsi embruë & préparé, comme nous dirons, est medecine tresexquise & familiere pour la garder en la maison, & pour en prèdre quelques petits lopins ou pilules, vne fois la semaine, quand on s'en va coucher: car il garde le corps de putrefactiõ, et de toutes mauuaises humeurs: & est tresprofitable à toute douleur de jointures, & aussi à la verolle, comme cy apres nous declarerons par le menu. Prend donc dudit aloé bon & frais telle quantité que tu voudras, & le mets en vne tasse de verre, ou plat net, comme dessus est dit, sus vne fenestre, ou en quelque autre lieu au soleil, l'abruuant desdits jus meslés ensemble, luy en donnant autant à la fois, qu'il suft. pour le rendre humide, & en faire comme vne saulfe assez espeisse. Couure puis la tasse d'vn linge bien net, ou d'vn papier, pour seulement le cõtregarder de la poudre, le laissant ainsi au soleil. Et lors qu'il sera quasi deuenu sec, abruue le de rechef, comme dessus, & le laisse au soleil. Ce feras, par tant de fois, que tu luy aye fait boire autant de jus, que la pesanteur de la moytié de l'aloé seule porte: c'est à dire, si l'aloé poise deux liures, fais luy boire à plusieurs fois vne liure desdits jus. Puis pren les choses ensuiuantes: turbit demie once, canelle fine, spica nardi, atarum, squinanthum, carpobalsamum, xilobalsamum, lignum aloes, bdellium ou mirrhe et mastic, de

chacun vne once, avec demie once de safran: Toutes choses bien puluerisées, et mises en vne paele bien plombée et nette, y verseras tant d'eau commune, qu'elle surpassé lesdites matieres d'une bonne paume, les laissant bouillir à petit feu, par l'espace d'une heure, ou d'avantage. En apres couleras ladite decoction, et peu à peu en arouseras, de fois à autre, ledit aloé au soleil, comme as fait cy dessus: et ce feras, par tant de fois, que l'aloé aura beu toute la decoctiō. Ce fait, tu l'osteras du soleil, et sera vne chose tresprecieuse pour garder à la maison, comme auons ja dit: laquelle aussi entretient le corps en santé, la teste nette, et fait auoir bonne couleur, et vie alaigre et vigoureuse, à ceux qui en vsent. Qui n'a la puissance de faire ceste mixtion, en la maniere susdite, il la peut faire en cette maniere. Garde diligemment ledit aloé en petites escuelles de bois, pour en faire ce, que dirons cy apres. Pren pareillement eau de vie, qui ne soit trop fine, ny aussi de la premiere distillatiō, mais distillée deux ou trois fois, tout au plus. Et mettras en diuerses petites phioles de verre (les vnes plus grandes que les autres) toutes les choses suiuanes, bien puluerisées, c'est à dire, celles qui se pourront pulueriser: mettant aussi sur chacune tant de ladite eau de vie, qu'elle la surpassé de trois doigts en la phiole, faisant comme s'ensuit. Pren vne once de petites perles fines, bien lauées en eau claire deux ou trois fois: puis sechées et mises en jus de limons, ou de citrons, ou d'orenges bien coulé, et les laisse ainsi par l'espace de trois jours: puis les mettras aiusi qu'elles seront avec tout ledit jus qui sera demouré de reste en la phiole, y versant de l'eau de vie, tant qu'elle les surpassé de trois doigts, cōme dessus. Puis pren vne once de fin coral rouge, & le mets pareillemēt en jus de limons, ou de citrons, faisant en toutes manieres comme des perles, le mettant semblablement en vne phiole à part, avec eau de vie, y adioustant quatre onces de vitriol Romain ou de Hongrie, bien rubifié. Ce fait, pren les fleurs & cimes de romarin, de bourache, de buglosse, de sauge, de chelidoine, d'ysope, de scabieuse, de rue, d'ypericō ou mille pertuis, de l'herbe que les Italiens appellent fiore d'ogni mese, o Primo fiore, qui semble estre nostre soucy, avec aussi toutes les plus tendres fueilles des herbes susdites: puis estampe tout legeremēt en vn mortier de pierre ou de bois, & les mets

tout ensemble en vne phiole ou en plusieurs, avec autant d'eau de vie qu'elle les surpasse de trois ou quatre doigts, comme auons dit des autres choses, & les laisse ainsi la phiole bien estoupee de cire ou cotton. Pren apres vne demie once de safran bien puluerisé, & le mets en vne phiole, à part soy, avec eau de vie, à la maniere des autres: puis mets quatre onces de tiriaca, avec eau de vie, en vne autre phiole, à la maniere sudi- te: & prendras canelle fine vne once, clous de girofle le quart d'une once, ligni aloés vne once, anis vne once, semence de fenoiil vne once, semence d'ache demie once, grains de geneure quatre ou six onces, ameos demie once, semence & escorce de cedre de chacū deux onces, mirrhe demie once, styrax liquida le quart d'une once, benjoin vne once, sandalorum vne once, de toutes sortes de mirabolans de chacune trois onces, des pignons mondifiés trois onces, ambre jaune que les Apotica- res appellent carabé, deux onces, racines de dictamum blanc, verdes ou seches trois onces, la huitième partie (ou tant peu que tu voudras) d'une once de musc. Toutes ces choses soient bien estampees & mellées ensemble: puis mets les en vne phio le avec leur eau de vie, comme est dit des autres. Il faut, par apres, bien boucher toutes lesdites phioles ou autres vaisseaus avec cire & cotton, & finalement avec parchemin: puis les mettre, par l'espace d'un jour, au soleil, & la nuit suivante à l'air. Le lendemain prendras quelque grand vaisseau de verre bien espés, sans couuerture, pour à chacune fois pouuoir regar- der dedens: & en iceluy verseras tout bellement l'eau de vie, qui sera en toutes lesdites phioles, coulouree chacune de sa sub- stance, en telle maniere qu'il ne s'y entremelle aucune partie des matieres qui sont au fond. Apres auoir versé toute ladite eau de vie audit vaisseau, comme est dit, tu le mettras en quel- que lieu, à reserue, hors du soleil: Mais sois aduertý q̄ les trois premieres phioles, à scauoir, avec le sucre, la manne, & le miel en la rousée, ne se doiuent jamais mettre au soleil, mais se doi- uent garder tant qu'on les voudra mettre en ceuure, comme nous dirons. Et apres que tu auras versé l'eau de vie hors de toutes lesdites phioles, tu y en remettras encore d'autre, puis les remettras toutes bien bouchees au soleil, & de nuit à l'air, comme dit est. Apres les verseras toutes avec l'autre au- dit

vaisseau de verre, & mettras de rechef en chacune phiole au-
 tre eau de vie, en faisant comme dessus: & faut continuer cette
 mesme chose jusques à sept ou dix fois, ou tant que tu ver-
 ras que l'eau de vie ne se coulourera plus en aucune maniere,
 & qu'elle aura prinse toute la substance des drogues qui sont
 és phioles. On ne sçauroit changer ladite eau de vie trop sou-
 uent, pourtant qu'il faudra faire passer toutes lesdites eaus de
 vie par vn balneum marie, comme dirons cy apres: par lequel
 en feras aussi aisement passer vne grande quantité, qu'une pe-
 tite, & aussi que par ce moyen ne perdras aucune partie de la
 vertu ou substance des choses sudites, l'ayant toute atiree avec
 ladite eau de vie, de laquelle il faudra premierement auoir fait
 prouision de quatre ou cinq flâcons. Alors te cōuendra pren-
 dre toutes lesdites eaus de vie amassées audit vaisseau, & mel-
 ler trebien le tout ensemble, avec les trois premieres phioles,
 où est le sucre, la manne, & le miel, avec la rousée: & puis apres
 la phiole à l'agaric, & trois onces du sudit aloé préparé & a-
 rousé. Apres mets toutes ces choses en vne grande phiole fai-
 te de bon verre & espesse, à fin qu'elle ne soit en danger de rom-
 pre en la maniant. Et pour la mieus asseurer, apres auoir bien
 tout mellé ensemble, tu pourras partir toutes les substances en
 plusieurs petites phioles pour les faire passer à plusieurs fois,
 ou en vn mesme temps, en diuers fourneaus, en ceste maniere:
 Tu ajanceras les phioles avec paille ou estoupes au fond d'un
 chaudron, auquel y ait de l'eau: & soit ledit chaudron mis sus
 vn fourneau, & ce s'appelle distiller par balneum marie: puis
 mettras à la phiole son alembic de verre, avec son recipient,
 pour receuoir toute l'eau distillée: & te faut bien luter & ser-
 rer toutes les jointures de l'alembic & du recipient que la sub-
 stance ne s'euente: puis faut faire ton feu en telle maniere, que
 le chaudron bouille doucement, & ainsi distilleras & feras pas-
 ser au recipient toute l'eau de vie, claire comme vn cristal, la-
 quelle, pour auoir esté passee par plusieurs fois, sera milleure
 à toutes choses que l'autre, & principalement pour prendre en
 la bouche, pourtant qu'elle reseruera vne partie de la vertu des
 choses, sus lesquelles elle aura este mise. Et te faut entendre que
 de toute la substâce qui sera en la phiole ou és phioles, de cinq
 parties, seulement, les trois ou les quatre soyent distillées, &

que le reste demeuré au fond desdites phioles . Ce fait, laisse refroidir le fourneau & le chaudron: & en detachant l'alembic & le recipient, osteras les phioles, gardant tre-bien cette eau distillée pour t'en seruir, comme auons dit: & puis mettras toute la substance qui sera demourée esdites phioles non distillée, en quelque autre phiole grande & espeffe, bien garantie de paille ou d'osiers, en la bouchant trebien de cire & de coton, & puis d'vn double parchemin, & la serre proprement en quelque lieu loïn du soleil, & arriere de toute chaleur. Cetteliqueur n'a point sa pareille en excellence de vertu, laquelle, prise par chacune semaine vne fois ou deux la quantité d'vne cuillerée, conserue la santé, dechasse toutes mauuaises complexions du corps humain, entretient & r'enforce tellement la chaleur naturelle, & l'humidité radicale, & maintiët la personne en sa vigueur, de teste & d'esprit, rend le visage si bien coulouré, l'alaine douce, le corps jeune & robuste, qu'on ne sauroit assez dignement estimer sa vertu: & encore moins expliquer & louer la grand bonté de Dieu le createur, qui donne telle vertu aus choses créées, & ouure l'entendement des homes pour les cognoistre & en sauoir vsfer au profit & vtilité de ses creatures . Or la maniere d'en vsfer est telle: Au Printemps on la peut prendre seule ou avec vn peu de broüet de chair de veau, de mouton, de pigeons, ou de poullailles, ou bië en maluoisie, ou quelque autre bon vin blanc. En Esté la faut prendre avec eau de buglose, ou esdits brouets où ayent esté cuites bourache, buglosie, laitues, cicorée, endiue, ou bien aucunes desdites herbes: & en tout temps est trebon d'en prendre vne cuillerée mise en demy verre de lait de femme qui ait enfanté, ou qui nourrisse vn fils, ou bien en lait de cheure. Et se doit obseruer la quantité ou le nombre d'en vsfer souuent, selon les personnes & le temps: car il en faut donner plus souuent, & en plus grande quantité à vn home debile & ancien, & à ceus qui auront esté nouuellemēt malades, ou qui seront denaturez, qu'à vn jeune home, & bië dispos: & aussi en peut on prendre plus souuent, & en plus grande quantité en Yuer qu'en Esté. Or tu dois entendre que toutes les fleurs, herbes, & autres choses susdites ne se retrouuent ensemble en vn mesme temps: parquoy ladite liqueur ne se peut faire à vne fois,

mais commenceant la premiere ou seconde semaine de May, il sera bien la fin du mois de Septembre ou d'Octobre, auant que tu puisse auoir fait : & pourtant tu dois mettre, de fois à autre, chacune chose en son temps & saison, selon que tu les pourras auoir, & la mettre en quelq ue vaisseau à part soy, ou avec les autres choses selon qu'elles doiuent estre conjointes, à la maniere que dessus est dit, & continuer d'a coutrer lesdites choses, selon le tems qu'on les peut recouurer. E T encor, ou tu ne pourrois fournir toutes les choses sudites, pren celles que tu pourras auoir, pourueu que ce qui restera ne soit de trop grande importance: mais il seroit plus expedient, & plus seur auoir de tout, veu qu'il n'y a rien qui soit de grand coust, & trop difficile à recouurer. E T si, en outre, tu veus auoir ton cas en extreme perfection, il ne restera q̄ de faire vne dissolution phisicale d'or fin : puis quand tu en voudras prendre, pren deux parties de ladite liqueur, & vne partię de la dissolution de l'or, laquelle nous enseignerons, à faire, cy apres: combien que nous ne ferons aucune mention en ce present Liure de la plus parfaite maniere de faire telle dissolution, laquelle nous auons acquis par grande estude & obseruation, & par l'auoir souuentesfois experimentée, ce que nous ferons tant pour n'estre pas bien possible de la pouuoir demonstrier par ecriture, sans en faire la demonstration, que pour autres certaines raisons : mais bien en mettrons aucunes autres manieres bonnes, veritables, & de telle importance, que, peut estre, ne s'en est trouuée de meilleure jusques à present.

¶ *Pour dissoudre & reduire l'or en liqueur potable, laquelle conserue la jeunesse & la santé, tant prinse à part soy, comme melée avec la predite liqueur, de laquelle nous auons parle au deu-sieme Chapitre de ce present Liure, & peut guarir toute maladie estimee incurable, en l'espace de set jours, tout au plus long.*

P R E N plein vne phiole ou bocail de jus de limons, & le mets chauffer tant qu'il commence quasi à bouillir: puis l'oste du feu, & le coule trois ou quatre fois parmy vn linge, le faisant apres distiller par vne languette de feutre : puis pren deux liures de miel cru, & le mets au feu en vn pot net, y entremellant ledit jus de limons, & y adjoutant demie liure de sel commun, qui soit net, blanc, & bien puluerisé: melle bien tout en-

sem-

semble, & le laisse bouillir tout bellément tant qu'il ne reste plus d'écume au miel. Pren apres ce qui sera demouré de reste dans le pot, & le mets à distiller dans vn matelas de verre, faisant petit feu au commencement, & puis peu à peu le croissant, & fort apre & grand à la fin: & lors que tout sera refroidi, ouure la phiole, & verse l'eau du recipient en vn flacon, l'estoupant fort bien, à fin qu'elle ne s'euente. Ce fait, faut rompre le matelas, & prendre la lie qui sera restée au fond, & la mettre en vn pot couuert, lequel faut luter pour pouuoir resister au feu: & apres le mettre en quelque fournaise à verrier, ou de potier de terre, ou de briques, ou à chaus, de sorte qu'il soit en vn grand feu, par l'espace de deux ou trois jours. Apres que ladite substance sera retirée, broyez-la trebien, & la poisez, & pour vne liure d'icelle adjointe quatre onces de manne, & deux onces de sucre candis, & s'il n'y a vne liure, mettes y moins de manne & de sucre, vous gouvernât par la proportion, ou mesure de quatre onces de manne, & deux de sucre, pour vne liure desdites lies calcinées. Puis mets le tout en vn matelas de bon verre, bien luté & verse dessus l'eau que tu auras parauant gardée en la phiole, y adjointant deux fois autant d'eau de vie fine, qu'il y en auoit en ladite premiere phiole. Et ayant ajencé le matelas sus le fourneau avec son alembic & son recipient, & bien serré & luté toutes les jointures, tu feras distiller la matiere tout doucement à petit feu: car elle se distille legerement: & quand elle ne distillera plus, r'enforce ton feu, de sorte qu'il puisse faire distiller tout ce qui sera possible. Mais il te faut laisser l'eau, avec la phiole, sus le fourneau, sans la mouuoir aucunement, tant que tu la voudras mettre en œuure. Ce fait, pren feuilles d'or trefin, qui soit de vingt quatre carats, bien afiné par quelque ciment, ou avec l'antimoine, & prens desdites feuilles, selon la quantité que tu voudras, & en vne tasse de verre, les broyez trebien avec miel, ou avec julep rosat ou violat, comme on a acoutumé de l'acouter pour escrire, dont nous en mettrons treparfaitement toutes les manieres au cinquième Liure de ce volume. Et apres qu'il sera bien broyé, & ayant osté le miel avec eau chaude (comme sera dit au mesme lieu) tu le mettras distiller en vn bocal de verre: puis ayant detaché le recipient du

mattelas que tu auois laissé au fourneau, mets ladite eau en
 vne phiole à long col, & bien bouchée de cire blanche, ayant
 premierement mis sus ledit or, qui est au bocal, la hauteur de
 cinq doigts de ladite eau : & y mets en apres l'alembic avec le
 mesme recipient: premier lutant trebien les jointures, faisant
 que l'eau, qui sera sus ledit or, se distille à petit feu, ne croissant
 point ton feu sus la fin, pour faire tout distiller : & ne te sou-
 cie si l'or demeure quelque peu humide. Ce fait, oste l'alem-
 bic dudit bocal, sans (toutefois) oster ne detacher le recipient
 d'avec l'alembic, & sans bouger l'eau du recipient. Mais pren
 quelcun pour t'aider, lequel, ce pendant que tu osteras l'alem-
 bic de dessus l'vrinal, verse sus ledit or l'autre mesme eau que
 tu gardois en la-dite phiole bouchée de cire blanche : & en
 fais mettre autant comme à la premiere fois : à sçauoir, de la
 hauteur de cinq doigts : puis remets tout incontinent l'alem-
 bic sus ledit bocal, en serrant & lutant trebien les jointures,
 comme deuant, & faisant la distillation, comme dessus, &
 ainsi consequement, tant que toute l'eau, de ladite phiole, soit
 distillée sus ledit or. Et finalement tu verseras l'or du bocal en
 vne phiole qui soit vn peu grande pour tenir toute l'eau que
 tu y auras distillée à plusieurs fois, comme auons dit au Cha-
 pitre precedent: puis y mettras l'alembic avec son recipient, &
 fay que, par l'espace de quinze ou vingt jours, l'eau du bain
 soit chaude, sans bouillir, tellemēt que ne se puisse encore rien
 distiller. Fais en apres bouillir l'eau, & distiller tout ce qui se
 pourra distiller : & au fond de la phiole te restera l'or dissout
 en liqueur treprecieuse : lequel tu garderas en vaisseau de ver-
 re bien estoupé. Et le voulant auoir encore plus subtil, tu le
 pourras faire sans l'oster de ladite phiole, en y remettant la-
 dite eau, & la faisant distiller de rechef, sans (toutefois) tenir
 l'eau sans bouillir, comme tu as fait parauant : mais la feras
 bouillir & distiller tout d'vne venue, & peut on reiterer cette
 distillation tant de fois qu'on veut: car tant plus est elle distil-
 lée de fois, & tant mieus vaut. Ce que faisant, tu auras vn
 vray, naturel, & treparfait or potable, duquel prins seul tous
 les mois vne fois ou deux, ou bien avec ladite liqueur, dont
 auons parlé au deuxieme Chapitre de ce Liure : & est tresex-
 cellent pour conseruer la jeunesse, & la santé, & pour guarir,

en bien peu de jours, toute maladie enracinée & jugée incurable. Ledit or sera aufsi duiſable à pluſieurs autres operations & effets, comme pourront aſſez facilement juger les nobles eſprits & diligens chercheurs des ſecrets de la nature.

En cette meſme maniere, obſeruat toutes choſes de point en point, peut on faire d'argent batu en fucilles, pour auoir ſemblablement vn argent potable de merueilleuſe vertu, non pas touteſois telle cōme l'or: & t'afſeure qu'il y a ja cinq ans paſſez que je vey vn home Anglois auoir vne eau d'argent acoutree, peut eſtre, en vne autre maniere, ſelon que la nature a pluſieurs chemins diferens, tendās touteſois à vne meſme fin, de laquelle eau ledit Anglois faiſoit beaucoup de choſes eſtimees comme miraculeuſes, en guariffant pluſieurs langoreuſes maladies & infirmités humaines.

¶ *Potion ou bruuage pour vſer en lieu de ſirop; duiſable à gens de tous aages & complexion, qui ſe veulent purger: lequel, prins quel jour que tu voudras, dechaffe les mauuaiſes humeurs, tant qu'il en trouura ſans par apres emouuoir les bonnes, ou faire aucun domage: & eſt aufsi trebon pour la verolle, & toute infirmité, tant de l'eſtomac que de teſte: & eſt ſemblablement treſutil à ceus qui ſont en ſanté, pour en prendre deux fois l'an, en lieu de purgation ordinaire: à ſcauoir, au Printemps, & en Septembre.*

P R E N des mauues, & les fay tant bouillir en eau, qu'elles ſoyent toutes defaites: puis coule la decoction, & pren de la poudre de ſené, & de l'ecorce de bois d'Inde appellé lignū ſanctum, ou gaiac, de chacun ſept onces bien pulueriſé & tamisé, ſel armoniac deux drachmes: & ce pendant mettras la decoction de mauue ſur le feu, avec demie liure de miel, & ſoit ladite decoction enuiron de deux phioles communes, à laquelle faut ajouter demie liure de tartre de vin, puis le laiſſer bien bouillir tout doucement par l'eſpace de demie heure, en eſcumant trebien le miel. Apres cela, faut la couler & mettre ainſi toute chaude, petit à petit, en vn pot, auquel les choſes ſudites ſoyent: à ſcauoir, le ſené, le gaiac, & le ſel armoniac. Or en verſant faut toujours bien mouuoir les choſes ſudites avec vne ſpatule de bois, ou quelque autre baton. Puis, tout
incon-

incontinent, faut couvrir le pot de son couvercle, en serrant tre bien, & lutant tout autour les jointures, de sorte que rien ne puisse respirer: & ainsi mettras le pot sur le feu, par l'espace de deux pater noſter, & non plus. Puis l'oste du feu, & l'envelope en vn oreiller de plumes bien chauffé au feu, ou en vn cuvier ou baril, plein de ſon bien chauffé; ou en quelque drap fort chaud, à fin d'estre bien estuuvé, & le laisse ainsi par l'espace de dix ou douze heures. Il faut par apres ouvrir le pot & couler ladite substance par vn tamis, ou étamine, ou canevas clier, & faudra auoir apareillé vn demie bouteille ou phiole de vin blanc, auquel ayent esté mises trois ou quatre onces de reubarbe taillee par petites pieces, & que la-dite reubarbe ait esté en ladite infusion, par l'espace d'un jour ou deux: lequel vin tu verseras avec la decoction des choses sudites ainsi coulee, comme dit est: & y ajouteras vne once de aloé epaticum, préparé comme auons dit cy dessus: ou pour le moins apareillé comme les Apoticaireſ le vendent, & l'apellent aloé lotum, avec jus de roses, ou autrement, & le faut mettre bien puluerisé avec vne demie once de casse: & faut garder toute cette composition en vn flaque, ou autre vaisseau bien couuert. La maniere de la prendre, est, de la faire vn peu chauffer la matinee à l'aube du jour, & en prendre vn demy verre ou d'auantage, selon l'exigence de la maladie, & la qualité de la personne, & l'ayant prise, se faut tenir vn peu au lit, & dormir, s'il est possible: puis apres se leuer & pourmener parmy la maison, ou aller à ses affaires qui voudra. Il seroit toutefois beaucoup plus seur de se tenir en la maison, & principalemēt à cause du mouuement du corps: & en peut on vser par .5. .7. .9. ou onze matinees: car la pluralité ne peut endomager. Aussi est ledit bruage de bonté tant exquisite pour le corps humain, qu'il n'est besoin d'vsr d'autre maniere de purgatiō ou medecine.

¶ Remede tresfacile & trebon pour guarir toutes sortes de verolles, lequel se fait à peu de depens, & ne requiert qu'on se tienne au lit, ou en la maison, ains en peut on vsr en allant par les rues: & d'auantage est trebon pour toutes sortes de douleurs de iointures, en quelle partie du corps que ce soit.

PREN 3. liures de miel crud, & vne liure de jus de Soucy, qui est vne herbe apellee des Italiés, Primofiore, o fior d'ogni mese,

meſe, laquelle a la feille largette & graſſette, ou pulpeuſe, cler-
 verde, la fleur jaune, en forme de clochette: laquelle fleur, pour
 ce qu'elle ſe troeue en tout temps, eſt appellée fleur de tous
 mois, ou Primeſleur. Du jus d'icelle donques prendras vne li-
 ure, le tirant encor de la fleur ſi en recouurez, ſi non, de l'her-
 be ſeuſe: puis pren demie liure de lignum ſanctum mis en pou-
 dre, avec vne raſpe, & l'ayant laiſſé bouillir en eau commune,
 par vne bonne eſpace de temps, le faut couler. Et mettez ledit
 miel, & le ſuc de l'herbe ſudite, en vn pot, y adjoutant trois
 onces de aloé epaticum, préparé comme deſſus, ou comme les
 Apoticaireſ le vendent, laué avec jus de roſes. Et puis, ſus le-
 dit aloé pulueriſé, faut verſer tant de la-dite eau, en laquelle
 aura bouilli le bois de gaiac, qu'elle auance au dit pot quatre
 ou ſix doigts de haut: puis y adjoute deux onces de vinaigre de
 ſquille, & le laiſſé bouillir tout bellement; par l'eſpace de de-
 mie heure, ou peu dauantage, en ecumant tou-jours bien le
 miel: & quand il aura quati aſſez bouilli, il y faut mettre deux
 ou trois onces de canelle fine bien pulueriſée, & le laiſſer en-
 core vn peu ſur le feu: puis l'ayant oſté du feu, & mis en reſer-
 ue, en faut faire vn peu chaufer la matinée, plein vn verre: &
 apres l'auoir beu, mâche quelque peu d'vne pome de coin; ou
 d'vne corine, ou des grappes verdes, ou d'vne pome de grena-
 de aigre, ou de quelque autre choſe ſtiptique, & aſtringente
 que tu voudras: puis demeure encore au lit, & dors quel-
 que temps. Puis leuez vous, ſi vous voulez, & allez dehors, &
 faites voz beſoignes: combien que (comme nous auons dit)
 le demourer à la maiſon ou au lit, eſt tou-jours le milleur à
 tout home qui vſe de medicine. Et faut prendre ce bruuage de
 jour à autre: mais ſi le mal n'eſt trop vehement, il ſuffira de
 deux fois la ſemaine: ce faiſant, tu verras vne merueilleuſe ope-
 ration, & ne ſera ja beſoin d'vſer de bois ſaint, ne d'autre choſe
 qui ſoit. Ce ſeul remede eſt ſuffiſant pour tous, & a eſté eprou-
 ué par pluſieurs fois, & en pluſieurs perſonnes.

¶ Pour guarir vne excreeſcence de chair au dedans de la verge de
 l'home. combien qu'elle y fuſt ematinée de long temps.

PREN la lie du miel diſtillée, ou, ſi tu n'en peus auoir, pren
 du miel, & le faiſ bruler en vn pot: puis mets la lie noire, qui
 ſera reſtee au fond, en vn autre pot, ou en vne poelle de fer, &

la mets calciner en vne fournaise de verrier, ou telle autre, en grand feu, par l'espace de trois ou quatre jours, de quoy auras vne substance aussi jaune, comme or: laquelle sera excellente pour mettre sus toute maniere de playes: car elle mäge la mauuaise chair, mondifie & consolide la bonne, sans aucune douleur: ce qui la fait estre beaucoup milleure à toutes playes que n'est le Precipitatum, dont communement vsent les Chirurgiens. Pren donc de cette poudre vne once, merde de chien deux onces, tartre de vin blanc demie drachme, qui est la moitié de la huitieme partie d'une once, sucre fin vne drachme, alun de roche brulé vne drachme, tutia vne drachme, toutes ces choses soyent bien puluerisées & passées par vn fin tamis: ayes-en apres des fueilles d'oliuier verdes, & les pile en vn mortier de pierre, les aroufant d'un peu de vin blanc, lesquelles bien pilées, il te faut esprandre à la presse, ou entre deux taillours pour en tirer le jus, & y adjouter autant de jus de plantain: puis mettre tout ensemble en vn petit pot au feu, apres y bouter peu à peu lesdites poudres, en mellant trebien le tout incessamment: & en fin y faut adjouter vn peu de cire verde, & vn bien peu de miel rosat, qu'il soit comme vn oignement liquide, & le garde. Cest oignement est tresprecieus pour consumer toute excrescence de chair en quelque lieu tendre, comme est à la partie honteuse, & aunez, auquel on n'ose appliquer choses fortes & mordantes. Or quand il t'en conuendra vser pour carnosité dans la verge virile, tu prendras premierement vne firingue telle qu'on vse pour enfler les grosses balles à jouer, & l'empliras de vin blanc, auquel auront bouilli des roses seches, & feilles de plantain, auquel aussi melleras vn peu de lait de femme, ou de cheure: puis laueras trebien de vin le dedens du membre viril, par le moyen de celle firingue. Pren puis apres vne petite chädelle de cire, longue, de telle grosseur qu'elle puisse entrer en la verge, à la pointe de laquelle tu mettras vn peu du sudit oignement, le chauffant vn petit, & le mets en la verge aussi auant qu'il sera possible, tant que tu trouue la carnosité, & y laisse ledit oignement vn peu de temps: puis apres l'osteras, & feras ainsi soir & matin, te couchant & demourant au lit le ventre en haut quand tu y mettras la-dite chandelle avec l'oignement, & verras vn merueilleus effet: car

il guar

il guarira parfaitement, en bien peu de jours, sans aucun peril.

¶ Pour guarir toute inflammation & mauuaise disposition de foye:
& par ce mesme secret ont esté guaris certaines personnes qui auoyent le visage comme lepreux, les jambes grosses, les mains enflammées & scabreuses par dedens.

PREN farine, ou amidon d'orge, qu'on trouue tous iours facilement chés les Apoticairez, & la fais bouillir vne demie heure en eau commune: puis la coule, & mets en vn autre pot neuf qui soit bien net, y adjoutant vn peu de manne, de cico-ree, de houblon, d'endiue, & de bourrache: fais bouillir tout cecy ensemble, tât que tout soit dissout, & y adjoute vne once de sandal: puis coule tout, & pren en vn linge rare autant de casse extraitte qu'il en pourroit entrer en deux noix, & mets ledit linge, avec la casse en infusion dedans, tandis que l'eau sera chaude, en le pressant si fort de deux doigts, que toute la substance d'icelle se passe en ladite eau: puis y mets du sucre ou des penides, tant que tu voudras. De ce bruuage, qui est de fort amiable saueur, faut prendre, de jour à autre, vn petit verre du matin, estant couché au lit la poitrine en bas, & s'endormir si on peut, & apres se leuer, & faire ses affaires: ce que faisant, on se trouuera en peu de jours trebien guarir. Mais note que cecy se doit faire en Esté, & non pas en Yuer: & celuy qui a l'estomac fort froid, il pourra porter deuant la poitrine quelque piece d'escarlate ou autre drap, & s'oindre aucunes fois l'estomac d'huile apareillé pour debilitation d'estomac, dont cy apres en mettrons la parfaite composition.

¶ Pour guarir les emorrhoydes ou les broches en vne nuit,
secret rare, & tres excellent.

PREN fueilles de sèhu verdes, & les fais tât bouillir en eau qu'elles soyent comme dissoutes, puis prens vne piece de drap rouge, large comme la paume de la main, ou vn peu dauantage, & l'estens sus la paume de ta main. Or il faut que le patient soit au lit, le ventre en bas, pour luy mettre sus les emorrhoydes lesdites fueilles tout aussi chaudes, qu'on les aura ostées du chaudron, y ayant parauant mis dessus vn peu d'huile d'oliue. Pren apres vne autre picette, avec autres fueilles, & oste les premieres, continuant cela, & changeant toujours de fueilles, si ce n'est toute la nuit, au moins aussi longuement qu'on pourra

pourra: & faut aussi, ce pendant, laisser dormir le patient à son plaisir, lequel du matin se trouuera aussi bien dispos, comme si jamais n'eust eu mal.

¶ *Vn Oignement singulier, lequel guarit toute brulure de feu, sans y laisser aucune cicatrice.*

PREN le clair de deux œufs, deux onces de tutia Alexandrina, deux onces de chaus viue lauée en neuf eaus, vne once de cire neuue, avec autant d'huile rosat qu'il suffira, & en fais vn oignement, lequel tu trouueras trebon à ce qu'auons dit.

¶ *Remede parfait & éprouué pour ceus qui sont fort debiliés de l'estomac, & qui ne peuuent tenir la viande sans incontinēt la vomir.*

AYANT prins deux liures de cire rouffe, & fait prouision d'vne ecullée d'huile d'oliue, pren des pieces d'albatre, & les embrase au feu, puis les esteins audit huile: embrase les de rechef, puis les esteins encore: & continue la mesme chose jusques à trois ou quatre fois. Ce fait, puluerise l'albatre, & le melle avec la sudite cire, & avec ledit huile; auquel aura esté deteint l'albatre: puis mets tout distiller par vne retorte lutée, le fond decouuert, & y fais tel feu que toute l'huile se distille avec tout ce qui se pourra distiller: puis le garde & y ajoute jusques à demie once de mirre puluerisée. Et quand on la veut mettre en œuvre, il en faut prendre en vne poellette de cuiure, ou de fer, ou bien de terre plombée: puis auoir les sommets & fneillas d'aluyne, qui est vne herbe amere, & les mettre audit huile, faisant bouillir ou frire le tout ensemble: puis le prendre ainsi tout chaud, & s'en froter la poitrine jusqu'à la gorge, & ce ferés du soir quand le patient sera au lit, & rendra l'estomac trefort. IL faut vsér en son manger de romarin le plus qu'on peut, soit cru ou autrement, & mesmement aussi en mettre au vaisseau ou on met son bruage. Et vséra semblablement de la tresexcellēte eau de vie, dōt nous parlerons cy apres.

¶ *Remede tres excellent, avec lequel a esté guarie vne femme de trente six ans: laquelle par se farder au soleil, ou par autre accident s'estoit tellement gasté l'estomac, qu'en l'espace de deux ans & demy, ne s'estoit naturellement purgée: & incontinent qu'elle auoit menagé quelque chose, elle vomissoit tout hors, si qu'elle estoit deuenue jaune & seche comme vn bâton.*

V N Moine de l'ordre S. Augustin, home tressauant, & plein de merueilleus secrets, guarit ladite femme par ce Remede de suiuant: & en l'espace de dixsept jours, la rendit autant saine, belle, & coulourée, comme elle auoit esté deuant sa maladie. Il auoit premierement fait vn petit fourneau à la façon de cestuy qu'on cuit le pain, lequel il chaufoit de romarins, & estoit ledit fourneau de façon comme le four d'vn Boulenger, auquel il mettoit cuire des petis pains & tourteaus, lesquels il dōnoit seuls, sans autre chose, à māger à ladite femme huit ou dix jours, & luy donnoit à boire du vin blanc petit, sans y bou- ter de l'eau: aussi luy dōnoit viandes gentilles avec de la canelle & du sucre: & toutes les matinées luy donnoit, en vn verre, enuiron vn doigt de l'eau, preparée comme s'ensuit: Eau de vie demy bocal, en laquelle il mettoit la pelure jaune d'vn demy citringle, ou orange coupée par pieces, fleurs de romarin vne poignée, canelle fine vne once, safran le quart d'vne drachme, benjoin vne drachme, avec vn peu de musc: & la faisoit du tout lauer ou baigner en decoction de romarin & autres herbes odoriferantes, vne fois la semaine: & tous les soirs luy faisoit oindre sa poitrine avec la-dite huile distillée & bouillie avec aluyne. Et sus tout luy comandoit de tenir de nuit vn coussinet sus l'estomac, & la faisoit demourer du matin tard au lit: il luy faisoit aussi aucunes fois manger de la confection de Diambre. En cette maniere la rendit en dix-sept jours belle & saine, comme elle auoit esté parauant, combien que nul medicin y eut jamais sceu trouuer aucun remede, durant tout le temps de sa maladie pour l'aider.

¶ *Trois Remedes fort bons contre les vers des petis enfans.*

PREN la fleur de froment trefinement belutee, autant qu'on en pourroit tenir sus trois escus d'or: puis la mets en vn verre, & y verse de l'eau de puis, ou de fontaine, tant qu'il y en aura assez pour detremper ladite farine, comme si ce fust du lait: puis le donne à boire à l'enfant, & incontinent verras qu'avec sa fiente sortiront les vers tous morts, qui est vn tre-beau secret.

¶ *Le deuxieme Remede.*

PREN vn citringle, ou vne pome d'orange, & y fay vn trou de la grandeur d'vn tournois, par lequel feras en pres-
 fant

ant sortir le jus : & y ayant fait vne fosse jusqu'au milieu, & auantage, y verseras de l'huile de laurier, jus de rue, jus d'auyrie, triacle, farine de lupins : mets bouillir vn peu de temps tout cecy, puis le verse en vne ecuelle, & en oins le nombril, l'estomac, les temples, les narines, & l'extremité des pouls de l'enfant, & verras incontinent vne merueilleuse operation.

¶ *Le troisieme, & principalement pour les enfans, tant petis, ou desdaigneus, que jamais ne prendroient rien par la bouche.*

A Y E Z de l'eau de vie tre-bonne, de laquelle tu laueras bien ou mouilleras la poitrine & l'estomac de l'enfant : puis surpoudre lesdits lieux mouillez de la poudre de mirrhe tresubtile, & faisant coucher l'enfant, quelque peu de temps, la poitrine en haut, & avec les doigts mouillez en ladite eau de vie, & poudre de mirrhe, luy viendrez à toucher les narines, & verrés incontinēt qu'avec la fiente sortirōt les vers tous morts :

¶ *Pour guarir les enfans de la maladie lunatique, scauoir est quand ils tremblent; & se pasment, laquelle leur vient à cause d'un ver à deux testes, qui souuent s'engendre au corps de l'enfant, lequel, venant jusqu'au cœur, cause aus enfans vn tel tremblement, & souuentefois les tue.*

P R E N les tiges tendres de ferula, & les sèche à l'ombre: puis les etampe trebien, & les passe par le tamis: pren apres de ladite poudre, racine de gentiane, & de brione longue de chacun le quart d'une once, & vne drachme de mirrhe. Toutes ces choses bien puluerisées, mettras en vne ecuelle, ou en quelque autre vaisseau que tu voudras, mouillées d'un peu d'eau, puis en prēdras à deux doigts, & en mouilleras les leures & la bouche de l'enfant. Fay cecy par trois ou quatre fois, & tu verras sortir le ver mort avec la fiente. Cecy ay-je souuētefois veu par experience: & plusieurs enfans, qui, par faute de bon remede, ont esté tués de telle maniere de vers, lesquels apres les auoir ouuerts, on leur a trouué le ver attaché au cœur. Et au mesme accident diuont aussi fort bien les autres remedes, que auons mis cy deuant contre les vers.

¶ *Remede au mal caduc.*

P R E N germandrée cuillie au mois de May quand elle est en fleur: sèche la à l'ombre, puis la reduis en poudre. Et quand

tu la voudras mettre en œuvre, pren le moyeu d'un œuf ou de deux, & les demelle avec vne cuillier pleine de ladite poudre: puis les mets cuire, & les donne à manger au patient. Fay cecy soir & matin, huit jours de long: mais ce pendant il faut qu'il s'abstienne de vin, & de compagnie charnelle, de toutes sortes de legumes, de salade, de chair salée, & de toutes autres choses, qui sont de difficile concoction. Secret trebon & trenoble.

¶ Pour faire huile de souphre, pour guarir toute maniere de chancre, fistules, & playes enuieillies.

PREN du souphre mis en poudre, & l'ayant detrempé avec de l'huile commun, mets-le en vne courge distillatoire, de sorte qu'il soit reduit comme de la paste, laquelle tu distilleras par la bouche de ladite courge: & l'huile, qui en distillera, mettras en vne phiole, l'emplissant à demy: puis paracheue d'emplir ladite phiole d'eau de plantain, & du jus de carduus-benedictus, & la laisse ainsi bouillir vn peu de temps. Apres laue la playe d'eau de vie, ou de vin blâc, & puis y applique du dit huile: & en bien peu de jours la rendra parfaitement guarie.

¶ Pour oster le venin d'une playe, faite par quelque ser venimeux.

PREN assâ fetida, & galbanum, de chacun vne once, & les mets tremper en vinaigre, par l'espace d'une nuit, puis les mets dissoudre au feu, & les passe par vn linge, y entreneillât deux onces d'unguentum diabasilicum: applique la par apres sus la playe, & incontinent ledit unguent tirera à soy, & mortifira tout le venin, tellement que la playe se pourra en apres curer comme toute autre maniere de playe: & en cas de necessité, il suffira d'auoir seulement de l'assâ foetida, pour tirer le venin de ladite playe.

¶ Contre morsure de toute beste venimeuse.

INCONTINENT que la personne se sentira mordue de quelque beste venimeuse (ou au moins le plustost qu'il luy sera possible) prenne rameaus verds de figuiers, & presse, par trois ou quatre fois, du lait d'icelles feilles en la playe. Au mesme sert aussi la semence de moutarde mellée avec vinaigre.

¶ Pour tirer vne flesche ou autre ser hors d'une playe.

PREN jus de valeriane, en laquelle tu mouilleras vne tente, & la mettras en la playe., mettant dessus de ladite herbe pilée, puis fais ta ligature comme il appartient, & parainsi en re-

tireras le ser. Tu gueriras par apres la playe selon l'exigence.

¶ *Contre la toux vehemente des petis enfans.*

P R E N du jus de persil, poudre de commun, lait de femme, & melle bien tout ensemble : puis le donne à boire au petit enfant, & fais apres telle onction. Pren semence de lin, fennum grecum, & les mets bouillir en eau commune: puis presse avec la main la substance desdites herbes, laquelle tu melleras avec du beure, & en oindras la poitrine de l'enfant en la rechaufant.

¶ *Pour celuy qui a quelque bossse en la teste, ou qui a la teste enflée par auoir tombé.*

P R E N vne once de sel commun, miel cru trois onces, commun trois onces, tourmētine deux onces, entremelle bien tout au feu: puis l'estés sus vn linge, & en fais vne emplatre, laquelle tu mettras toute chaude ius la teste: elle la fera du tout desenfier, & la guarira treparfaitement.

¶ *Remede trebon pour vn sourd.*

P R E N de la mente, sauge, poulicul, romarin, ysope, armoise, mentaltrum, calamentum, camomille, mille-fueille, herbe de saint Iean, aluyne, auronne, centaure, de chacune vne poignée, mets les bouillir en vne poelle nette, avec autant de bon vin blanc, comme il y aura d'herbes: & laisse bouillir tout ensemble tant que la tierce partie en soit diminuée: puis fais faire chez l'Apoticaire l'huile suiuant: huile vicil deux onces, huile de poreaus, huile d'amandes de chacune vne once, jus de rue demie once, maluoisie vne once & demie : mets toutes ces choses en vne phiole à long col, & les laisse si longuement bouillir à petit feu, que ledit jus & la maluoisie soyent quasi tous consommés : puis l'oste du feu, & mets dedens les drogues suiuentes bien reduites en poudre: à sçauoir, spica nardi, coloquinte, castoreum, mastic, de chacun vn grain & demy: bouche bien ladite phiole que rien ne se puisse euenter: puis la mets en vne poelle pleine d'eau : & la fais bouillir par l'espace de trois heures. Oste la par apres du feu, & verse lesdites liqueurs en vn petit flascō, ou quelque plat, lequel tu mettras au soleil, & l'y laisseras jusqu'à ce que tout soit deuenu bien cler: & l'ayant coulé par quelque linge fin, & bien pressé la substance, mettras vn grain & demy de musc en vne ecuelle, & l'incor-

poreras trebien, peu à peu, avec ladite huile : puis la garde en vne phiole bien bouchée avec cire & parchemin. Pren apres la poelle avec lesdites herbes, & les mets bien chauffer au feu: puis apres pren pour couuercle vn entonnoir fait de fer blanc: & quand tu t'en iras coucher, couure la poelle, du dit entonnoir, & fay que ladite poelle soit bien chaude: puis, par la petite ouuerture dudit entonnoir, en prendras la fumee en l'oreille, par l'espace de demie heure. Ce fait, chauffe ladite huile tant qu'elle soit tiède, & en fais degouter deux ou trois gouttes en l'oreille: puis l'estoupe d'un peu de coton musqué, & t'en va dormir. Or il te faut, en receuant les parfums, auoir des feues seches en la bouche, & apres les auoir machées, cracher dehors, afin qu'en les machant tu faces ouuir les cōduits des oreilles. Et, avec la grace de Dieu, tu te trouueras guarý en peu de jours, pourueu que ton mal soit aucunement curable. Si d'a uenture cecy ne te profite, tu n'as que faire de chercher autre remede qui soit. Si tu as aussi quelque bruit és oreilles, vse de ladite medecine, & tu verras, avec l'ayde de Dieu, chose merueilleuse: car elle te guarira la sourdité, & l'eusse tu eüe trente ans, pourueu que tu ne l'ayes eüe dés ta natiuité. Vse aussi de pilules pour te purger la teste, & mange toujours bõne viande.

¶ *Pour guarir vne femme qui ayt l'amarrí hors de son lieu naturel.*

PREN vne pierre viue qui ait esté sous la terre sans auoir eu vetie de l'air de long temps, & la mets en quelque creuset couuert en vn grand feu: & quand elle sera bien chaude, mets la dedans vn tonnelet, & l'arouferas de vinaigre, & feras que la femme se tiendra dessus la-dite pierre pour en receuoir le parfum: puis la feras coucher au lit: car cecy se doit faire au soir. Tu prendras apres du jus de rue, & feras vne ballote de coton, à laquelle tu atacheras vn fil, à fin de l'attacher à la cuiße: puis mouille ladite ballote audit jus de rue, & la mets en la bouche de l'amari, laquelle incontínét prendra ladite ballote, & la tirera dedans, lors se remettra en sa place. Parquoy faudra bien lier la ballote que d'a uenture elle ne demeure dedans. Fais apres vn vnguent comme s'ensuit, duquel tu oindras les reins de la femme: Pren pain-porceau & rue, autant de l'un que de l'autre, & les estampe tre-bien: puis les mets bouillir en vne

poelle avec huile vieille, tant que tout soit diminué d'un tiers. Ce fait, laisse tout refroidir, & ayant pressé hors toute la substance, tu la verseras en vne autre poelle neuue, y adjoutant vn peu de cire neuue, & rechaufant tout ensemble, tant que tout soit bien incorporé : puis luy en oindras les reins, & mettras apres des estoupes chaudes dessus: puis la maillote, comme on fait les petis enfans. Et faut qu'elle se couche au lit sus ses reins, & la teste plus basse que les fesses. Cecy feras de nuit à autre, par trois fois, & sera guarie. Elle doit aussi manger choses chaudes, comme pigeons, & gelines, avec espices & autres choses semblables. Elle se guarira sans aucune douleur, & eust elle eu la maladie l'espace de trente ans.

¶ *Pour faire venir & croistre le lait à la femme.*

P R E N feuilles de fenoi verdes, & en fais decoction, soit en vin ou en eau, de laquelle donneras à boire à la femme, tant à son repas, comme autrement, le plus souuent que faire se pourra, & sera abondante en lait. En outre, si la femme n'a point ordinairement son flux menstrual, comme il appartient, cecy luy seruira d'une bonne medecine.

¶ *Vn trebeau secret pour les gommès ou boutons qui sont demourez de la grosse verolle, tant vieils que nouveaux.*

P R E N bole armenic, vin-aigre, & huile rosat, & en fais vn defensif, oignant à l'entour les boutons trois ou quatre doigts en largeur : puis pren deux parties d'huile de euphorbium, huile violat vne partie: melle les ensemble, & en oins les boutons, apres les auoir premierement bien lauez de vin noir, fort chaut. Et quand tu auras fait cette onction avec la-dite huile de euphorbium, mets dessus quelque bandelette ointe de beure, le laissant ainsi trois ou quatre heures, ou aussi longuement que tu voudras : puis decouure les boutons, & si tu ne trouues des vesiés, fais encore vne fois comme parauant, jusques à ce que les voyes. Apres pourras percer lesdites vesiés, ou les laisser rompre d'elles mesmes : puis les guarir de quelque oignement solidatif.

¶ *Autre Remede pour les mesmes boutons de la verolle.*

L A V E les boutons de vin, & fay le defensif sudit: puis pren trois parties d'vnguentum aureum, & vne partie de sublimat trebien broyé : melle le sublimat avec ledit oignement, & le
mets

mets avec vne emplatre sus les boutons, l'y laissant vn jour ou dauantage si tu peus, & trouueras les boutons consummez, & la chair toute gaye & belle, qui semblera chose miraculeuse. Et s'il ne donne bonne operation à la premiere fois, il le faudra reiterer deux ou trois fois, selon que les boutons seront durs & vieux. Or quand les boutons seront du tout dissouts, pren du beure laué avec du vin: puis le mets sus vn linge, & l'aplique dessus, si guariras parfaitement. Note que ledit vnguent avec le sublimat tirera à soy toute l'aquosité, & mauuaises humeurs du bras ou jambe, sus lequel tu l'auras appliqué. Parquoy il ne guarira point seulement le lieu ou tu le mettras, ains purgera tout le membre de toute mauuaise humeur, qui y pourroit estre, & pourtant s'en fait vne eau trebonne, pour guarir les rongnes, comme dirons cy apres. Il guarit encore tous autres accidens, sus lesquels on en fait application exterieure: & (comme nous auons dit) tire à soy toute l'aquosité, & humeur du membre, sus lequel il est appliqué.

Quand donc tu le voudras appliquer sus les boutons, ou sus quelque autre lieu corrompu, mouille trebien le linge, & la bande que tu mettras dessus: mouille bien aussi le lieu infecté tout autour: car ladite medecine tirera à soy toute corruption par lesdits lieux ou trouuera yssue: & est vn secret tresdigne & tresexquis à toutes choses, pourueu qu'il soit bien appliqué.

¶ *Remede tresfacile & parfait pour celuy qui a receu quelque coup de baton, ou de pierre, ou d'autre chose semblable, & fust il griueuement nauré.*

PREN tapfus barbatus velu, & l'estampe, puis en pren le jus: & si la playe saigne, tu l'essuyras, & nettoyetas bien, la lauant de vin blanc, ou d'eau: puis mettras dudit jus sus la playe & appliqueras par dessus l'herbe, de laquelle tu auras prins le jus: apres feras ta ligature, & la laisseras ainsi vn jour entier: lors verras-tu chose miraculeuse.

¶ *Eau pour guarir toutes sortes de playes en bien peu d'heure: qui est vne chose qu'vn chacun deuroit tousiours auoir en sa maison, pour les accidens qui peuuent suruenir: veu qu'elle est aisée à faire, & à peu de depens, & qu'elle est de si merueilleuse operation.*

PREN vne liure de cire jaune neuue, ou bien autant que tu voudras, & la laisse fondre au feu en vne poelle nette: puis la

verse en vne autre poelle, ou ecuelle, où il y ait de la maluoisie, ou vin grec, ou autre vin blanc, qui soit trebon: oste la par apres dudit vin, & la refonds: puis la verse encore sus ledit vin, faisant ainsi jusques à sept fois. Pren puis apres ladite cire, & la mets fondre au feu, y entremellant vne poignée de briques subtilement broyées: incorpore bien tout ensemble, & le mets en vne retorte de verre lutée, jusqu'au milieu du col: puis la laisse distiller premierement à petit feu, par l'espace de huit heures: apres feras ton feu plus grand, & en la fin tregrand.

Mais il faut sus tout bien serrer les jointures dudit vaisseau, & du recipient, lequel faut qu'il soit vn peu grand. Apres que le fourneau & toutes les autres choses seront refroidies, tu osteras l'eau du recipient, & la verferas en vne phiole trebien bouchée de cire, & toille cirée, si qu'en nulle maniere ne se puisse euent: & ne la mets point en quelque lieu où la chaleur du soleil, ou du feu vienne: car elle est de substance si tressubtile, qu'elle s'enuoleroit ou euanouiroit incontinent.

Ladite liqueur est trebonne pour toute sorte de playe: & en faut mouiller la playe, & lier dessus vne piece de linge qui soit mouillée en ladite eau. Et entre beaucoup d'experieces qu'on en a veu, est celle, qu'on a experimenté à vn seruiteur du tres illustre Seigneur, Mon-seigneur Leonello Pio de Carpe, resident à Venise, l'An 1548. lequel seruiteur ayant receu vn coup de poignart sus le col ou pied, qui est vn lieu treperilleus, ne feit autre chose qu'y mettre de ladite eau, laquelle vn certain gentilhomme dudit signeur auoit en sa maison: & en l'espace de deux jours fust tellement guarý, qu'à peine y pouuoit-on veoir la cicatrice.

Elle est aussi merueilleusement bonne pour tous nerfs retirés, & à beaucoup d'autres accidens. Et si cette eau sudite est bien naturellement faite ou distillée pour la deuxieme fois, elle est de substance si subtile & penetratiue, que si on en met vn peu sus la paume de la main, on la verra penetrer tout en vn moment, & laisser le lieu sec, comme si jamais n'y eust esté mise. Pourtant ceus qui ont quelque intelligence s'en pourront aider à diuerses maladies, en y adjoutant quelque autre liqueur, ou poudre, telle qu'ils voudront faire penetrer en la chair.

¶ Pour faire huile de hypericon, ou mille-pertuis, qu'on appelle en Venise & en plusieurs autres lieux huile rousse: & est d'une telle vertu qu'à grand peine la pourroit on exprimer, tant pour guarir playes qu'autres maladies infinies, desquelles en mettrons les plus notables, & qui ont esté trouuées par experience,

O N doit cueillir, au mois de May ou de Iuing, l'herbe appelée des Grecs Hypericon, des Latins perforata, & des François mille-pertuis, auant qu'elle commence à fleurir: puis l'estamper en vn mortier de marbre, ou de bois bien net, & la mettre ainsi estampee en vne phiole, ou en vn bocal de verre: apres y verser tant de vin blanc qu'elle en soit toute couuerte, & y ajouter la hauteur de deux doigts de bon huile d'oliue, la laissant ainsi audit verre bien serré, & faut apres cueillir ladite herbe avec ses fleurs le jour saint Iean, s'il se peut faire, sinon, quelque autre jour d'icelle semaine, à sçauoir, entre le 20. & 30. jour dudit mois, du matin, apres q le soleil sera leué, puis mettre toutes les fleurs à part, & estamper trebien l'herbe avec ses tiges, apres qu'on l'aura coupée bien menue: puis l'oster du mortier, & y estamper aussi vn peu les fleurs que tu auras gardées à part, & les meller avec leur herbe qui aura esté estampee premiere. Mais il faut qu'il y ayt quatre pars de fleurs, & vne & demie de l'herbe, en contant l'autre herbe qui aura esté cueillie en May, & deuant le jour Saint Iean, & laquelle aura esté mise en ladite phiole, ou vaisseau de verre, avec le vin, & l'huile d'oliues. Il faut apres meller toutes ces choses ensemble, & les mettre en quelque phiole ou bocal, ou bien en quelque pot de terre plombé avec ledit vin, & huile d'oliues, & y ajouter de rechef autre vin & huile, tant que tout soit couuert comme parauant, puis mettre tout cecy au soleil en quelque vaisseau bien estoupé. Et douze ou quinze jours apres quand la semence de mille-pertuis sera meure, il en faut cueillir du matin apres soleil leuant: puis l'estamper trebien, & apres la meller avec l'herbe sudite, & les fleurs: mais il n'y faut pas ajouter de vin, ains seulement de l'huile d'oliues. Et faut que ladite semence soit en quantité autant pesante que la quar-te ou tierce partie de l'herbe sudite, deuant que le vin y fust adjouté: il faut aussi que l'huile soit en telle quantité, qu'elle surpasse toutes les substances d'une grande paume ou deux.

Mets en apres vn chaudron d'eau au feu, avec du foin, ou de la paille au fond : puis mets y ladite phiole ou bocal, la hant ou appuyant si bié qu'elle ne soit en danger de rōpre quand l'eau commēcera à bouillir. Cette maniere de mettre ainsi les phioles en vn chaudron d'eau bouillante, est apellée des Philosophes modernes, Balneū marie, & s'acoutre en telle sorte tant pour distiller à l'alembic, comme pour faire putrefaction, euaporation, ou dissolution : desquelles choses nous parlerōs plus au long en la seconde partie quand nous serons paruenus à la matiere de distiller. Il faut parapres faire bouillir l'eau dudit chaudron avec la substance qui sera dedés, par l'espace de trois ou quatre heures, selon la quantité desdites substances, tant que le vin, ou au moins la plus part d'iceluy soit euaporé, ce qu'on cognoistra en cette maniere: Pren vn peu de ladite substance au bout d'vn baton : puis le boute au feu, & s'il brule sans mener bruit, c'est signe qu'il n'y a plus de vin. Il faut que ladite phiole ou bocal soit decouuerte ce pendant que l'eau bouillira, tellement que le vin se puiſt euaporer. Et si ladite substance est si grande en la phiole ou bocal, qu'elle passe cinq ou six liures, tu y mettras les choses suiuanes, selon le pois, & la mesure que nous mettrons, en gardant toujours bonne proportion, selon la quantité du pois de l'herbe & huile qui sera plus ou moins de cinq liures. Premièrement, pren souphre vis, ou en cannes, demie liure, sel blanc commun huit onces, de lumbrics plein vne ecuelle bien laués premierement en eau, & puis en vin, miel rosat, ou autre (mais qu'il soit bouilli & bien ecumé) quatre onces: dix onces de tourmentine lauée vne fois ou deux en eau de puis, ou de riuere, ou de fontaine, lard de porc bien batu demye liure, jus de tapsus barbatus, jus de blanc ou noir dictamnum, ou de l'vn & de l'autre, de chacun quatre onces, safran trois onces, racines de dictamnum, racines de gentiane, racine d'imperatoria, racine de carline, racine de valeriane, & raciné de chelidoine de chacun deux onces. Et si les dites racines sont verdes, il les faudra trebien estamper : si elles sont seches, il les faudra pulueriser: vne once de mirrhe, deux onces de cire rouſse, deux onces de triacle fin, vne once de semence de citrons, trois onces de semence de lierre bien meure, quatre onces de semence de

ce de laurier bien meure, six onces d'eau de vie, vne once de canelle, demie once de lignum aloés. Toutes ces choses soyent trebien estampées & mises en ladite phiole ou bocal avec ladite herbe, fleurs & huile: & faut bien serrer ledit vaisseau, à fin que la substance ne s'eueute ou euapore. Fay apres du feu sous le chaudron, de sorte que l'eau en deuienne chaude sans bouillir, & l'etretien ainsi par l'espace de deux ou trois jours: tant plus longuement, tant mieus vaudra. Si d'auenture le feu s'esteint de nuit, il n'y a point grand danger, tu le pourras refaire du matin, mais il le te faudra entretenir tant plus longuement. Ayant donc par apres osté la phiole ou bocal dedens le chaudron, & l'ayant laissée au soleil tout le reste de l'esté, garde la en ta maison bien couuerte: & tant plus vieille deuendra telle huile, tant milleure sera. Mais il sera bon d'y adjoûter tous les ans du nouueau jus de l'herbe sudite, & des fleurs & semence bien estampées, & que lesdites fleurs, herbe, ou semence nouuelle soyent bouillies, par l'espace de quatre ou six heures, en huile d'oliues: puis faut verser toutes choses ainsi chaudes, sus l'autre huile vieil dessudit: & de la à trois ou quatre ans sera encor bon d'oster l'huile de tel vaisseau, & presser trebien toutes les fleurs & l'herbe, apres les jetter ennoye, & en mettre d'autres: & quand on feroit le mesme tous les ans, l'huile n'en vaudroit que mieus. Si toutes les choses sudites ne se peuuent recouurer en vne saison, il n'y a point de danger, car on les y pourra bien mettre à chacunefois qu'on les aura trouuées: & si on ne les peut recouurer toutes, il y faut mettre celles qu'on pourra auoir.

Les vertus de cette huile tant excellente sont infinies, desquelles nous mettrons seulement celles qui sont trouuées par experience, tant de nous comme d'autres, en nostre presence, & par nostre ordonnance.

Premierement, elle a autant ou plus de vertu que le vray baume, & est bonne pour toute douleur froide, tant par dedans, que par dehors le corps. A la maladie sciatique & froide goutte, en la chauffant puis s'en frottant: Pour la sieure quartie, tierce, & continue, quand d'iceluy chaud on s'en oint les reins vne heure deuant que la sieure vienne. Elle guarit merueilleusement bien la colique passion quand on s'en frotte

bien chaudement la poitrine & l'estomac: & quād on en met
 és clysteres avec les autres substances, comme nous dirons au
 Chapitre de la Colique passion. Quand on s'en frotte le pe-
 nil, il fait bien vrinet. Si la femme a le fruit mort au ventre,
 prenant trois ou quatre drachmes de ladite huile, elle s'en de-
 liuera incontinent. Elle est bonne pour toute douleur de poi-
 trine, & d'estomach. C'est sus tout vne chose miraculeuse
 pour la peste, & s'en faut oindre les reins, & en boire deux
 drachmes, ou deux drachmes & demie avec du bon vin blanc:
 mais note qu'il en faut boire deuant la sixieme heure apres
 qu'on aura sentu la maladie, & en froter aussy le lieu de la ma-
 ladie. Pour blesseures c'est vne chose non- pareille, quand on
 les en frotte, estant chauffée: Et guarit touce maniere d'vlcere,
 tant vieille que nouvelle, & toute froissure ou contusion. Elle
 est bonne à autres choses infinies, comme vn chacun pourra
 journellement experimenter. Et sus tout elle est trebonne à
 la retraction des playes & semblables.

¶ *Pour faire huile de chien roux, par le moyen duquel (oultre les au-
 tres vertus infinies qu'il a) j'ay guarý vn Frere de Saint Ono-
 fre, lequel auoit eu, par l'espace de douze ans, vn bras sec, comme
 vn baton: tellement que la nature ne luy donnoit plus de nour-
 riture.*

P R E N vn jeune chien de poil roux, & le tien trois jours
 sans manger: puis l'estrange d'vne corde, & le leisse coucher
 mort, par l'espace d'vn quart d'heure. Fay ce pendant bouillir
 vn chaudron d'huile, & y mets ledit chien tout entier, ou en
 pieces, c'est tout- vn, moyennant qu'il y soit tout avec la peau
 & le poil: & le fais ainsi bouillir tant qu'il soit fort bien de-
 fait, tenant toujours le chaudron couuert. Ce pendant pren-
 dras jusques à huitante ou cent scorpions; & les mettras en
 vn bassin de cuire, eschauder au feu tant qu'ils soient fierement
 irritez: lors les mettras audit chaudron avec l'huile, & le
 chien, y adjoutant aussy vne bonne ecullée de vers de terre,
 ou achées bien laüées, vne grande poignée de mille-pertuis,
 vne poignée d'altea ou guimaue, & vne poignée d'hiebles,
 avec vne once de safran. Fay bié bouillir toutes ces choses en-
 semble, tant que toute la chair du chien soit defaite. Et à cause
 qu'il y faudroit trop d'huile, tu pourras premierement met-

tre au chaudron deux parties d'eau commune, & vne partie d'huile: en besongnant, tu y pourras ajouter de l'eau, tant que le chien soit tout defait, comme dit est: puis le laisseras refroidir. Apres en osteras les os & les herbes, en les pressant trebien, afin que toute leur substance demeure en ladite huile: puis les jette enuoyé. Ce fait, tu prendras seulement ce qui sera sus l'eau: à sçauoir, l'huile, & la graisse, & jetteras l'eau, s'il y en a beaucoup: mais s'il n'y en a guere, tellement qu'on puisse à peine discerner l'huile de l'eau, tu prendras tout ensemble, car vn peu d'eau n'y fauroit estre q̄ bonne. En apres passeras tout par vn tamis, ou caneuas qui soit premierement mouille de vin blanc: puis prendras vnguentum agrippe sept ou huit onces, moelle de jambes, & d'os de pourceau vne liure, moelle de jambes d'ane de la jambe de deriere vne liure, ou autant que tu en pourras recouurer. Mets toutes ces choses ensemble avec ledit huile & graisse, & les fais bouillir au feu: puis y ajoute vne ecullée ou demie d'huile rosat. Et quand elle bouillira, tu y ajouteras trois onces de mastic, deux onces de gommi elemi, huit onces de cire roussie: mais il faut que le mastic & la gomme soyent fort bien puluerisés & tamisés. Et quand tout cecy aura bien bouilli par l'espace d'vne demie heure, laisse le refroidir, & le mets au soleil en quelque vaisseau bien couuert; par l'espace de certains jours: lors auras vne substance tresexcellente à toute infirmité froide, & à plusieurs autres choses. Et comme j'ay de-ja dit, j'en ay veu l'experience en vn Frere de Saint Onofre, c'est à dire, de ceus qui portent l'habit rouan: mais (comme il disoit) il ne se tenoit point en monastere, à cause de ladite infirmité de son bras senestre, qui estoit aussi sec qu'vne branche d'arbre seche. Il me disoit encore qu'il ne luy souuenoit plus si cela lui estoit aduenü par maladie, ou par naurure. Ledit bras estoit deuenü plus grêle que l'autre, quasi la moitié, de sorte que ledit bras n'auoit aucune vertu, & ne s'en pouuoit aider nullement. Je luy feis donc oindre dudit huile (que j'auoye mis au soleil, l'Esté de l'An 1547.) par l'espace de deux miseres: puis le fey demourer au soleil tant que ledit huile fut tout seché, & eut penetré audit bras: & en cinquante-cinq jours on commença à veoir parfaitement que les veines donnoyent nourriture

au membre. Neuf jours apres, le bras fut remplý de chair, comme l'autre: & avec l'aide de nostre Seigneur, demoura sain, & guarý comme si jamais n'y eut eu mal. Ce-dit oignement ou huile tant precieuse est bon à toute iufirmité froide, & aussi à la podagre: principalement à toutes contractions & playes, encore que la personne fut naurée jusq'au milieu du corps, en y mettant de cette huile, il verra chose miraculeuse: & est aussi trebonne pour les nerfs. Moy reuenant de Ierusalem, en l'An 1518. en vne nauire dont le gouuerneur s'appelloit Pierre de Chioggia, nous fumes assaillés de cinq fustes de pirates, au deça de Corphu, & l'vn des mariniers tellement ataint d'vn coup de bombarde, qu'il en eut le bras cassé, & du mesme coup fut vn autre frapé en la poitrine. Le medecin vouloit couper le bras. Mais entre les autres choses que je portois avec moy, je trouuay vne boîte dudit oignement, duquel je luy fey oindre le bras: & en l'espace de six ou sept jours il fut guarý miraculeusement. P'en ay prins plusieurs experiences, tant en moy-mesme comme és autres: & en ayant donné à plusieurs autres pour s'en aider, m'ont dit l'auoir trouuée de vertu miraculeuse.

Si tu fais cette huile au temps qu'on trouue l'herbe de millepertuis, tu y mettras l'herbe, la fleur & la semence: mais si c'est au temps qu'on ne la trouue point, apres auoir fait la premiere decoction du chien, & coulé, comme auons dit, tu remettras encore vne fois bouillir l'huile & la graisse, y adjoutant de l'huile de mille pertuis, dont nous auons parlé parauant, ou comme tu le pourras auoir: à sçauoir, la moitié autant que sera toute l'autre huile & graisse. Et si tu ne trouue point de guimaues, tu y pourras mettre en son lieu de l'vnguent Dialtea, qu'on trouue communement chés les Apoticares. Et quand tu mettras bouillir le chien au chaudron, il sera bon d'y mettre jusques à trois tortues terrestres, & non pas aquatiques: ainsi sera le-dit oignement tres-excellent pour la podagre. Vn quidam de ma conoissance âgé de trente-sept ans, tourmenté de la podagre, auquel j'auoye fait prendre de cette huile, & s'en oindre vn peu au lieu de la douleur, & à l'entour, y adjoutant deux parties d'huile rosat, vne partie d'huile violat, & deux parties du-dit huile de chien, me dit, qu'il

qu'il y auoit trouué vn merueilleus allegement. Et estant la dite douleur retournée par quatre fois en temps diuers, apres s'en estre oingt trois fois (comme dit est) la douleur ne luy retourna plus en l'espace de trois ans que nous fumes ensemble en la cité de Rome, qui fut l'An 1514. & se nommoit le sudit bon amy, Diego Portugalois, procureur, & habitoit au mont Iordain. Depuis estant party pour aller à Venise, & de la en Leuant je n'ay ouy parler de luy: mais bien luy soit à jamais: car pour vray c'estoit vn homme de bien, & de bonnes meurs.

¶ Pour faire vn Oignement le plus excellent de tous ceux qui sont au monde, les vertus duquel sont infinies, comme nous dirons cy apres. Et deuroyent bien commander les princes que le-dit Oignement fût fait, & gardé en leurs republicues: & qu'on le feit en la presence des medecins, comme on fait la triacle: ou pour le moins chacun en deuroit auoir chés soy, & principalement à cause qu'on en peut faire grande quantité: & tant-plus longuement on le garde, tant milleur deuient.

PREN premierement huile rosat, huile de violettes, huile de nenuphar, huile d'aspic, huile de costum, huile de laurier, huile de noix muscates, huile de fleurs de Iosemin, de chacune vne liure. L'huile de noix muscates, & de canelle se fait, en bouillant noix muscates, ou canelle trebien estampées en huile d'oliue. Et à la mesme maniere feras l'huile, ou la decoction du xilobalsamum, du carpobalsamum, du lignum aloé, de la mirrhe, de l'encens, de la gomme du lycrre, du mastic, & des clous de girofle, & suffira bien de mettre seulement de l'huile des-dites epicerias la moitié autant que se monte chacune des autres, a-sauoir, demie liure. Il faut semblablement faire l'huile de camphre: mais il ne la faut point faire bouillir, ains seulement bien chauffer l'huile d'oliue en vne poellette: puis la verser ainsi toute chaude bien loing arriere du feu sus le camphre: & la faudra subitement couvrir: car le camphre est si subtil & delicat qu'il s'euaporeroit incontinent, & s'euanoirait: de sorte que si on regarde au couuercle, & aus bords de la poelle, on trouuera que le Canfre est monté, & s'est attaché à cause qu'il n'a peu sortir. Il faut mettre seulement vne

de-

demie once de camphre , pour chacunes deux ou trois liures de toute la quantité des autres huiles ensemble : puis y adjoûter vne liure d'huile de tourmentine , faite par distillation, & trois onces d'huile de styrax liquida : apres mettre toutes ces huiles ainsi mellées ensemble en vn grand chaudron de cuire estaimé, qui soit haut & étroit, a-fin que toutes les choses qu'on y voudra mettre, par apres puissent estre bien couvertes des-dites huiles: & doit auoir le-dit chaudron yn couuercle qui le serre bien & justement : puis le faut mettre sus vn feu leger, & bouter dedens trois de ces lezards noirs & venimeus, trois serpens, trois coleuures, trois aspics, trois viperes, trois chenilles, trois crapaus , dix tarantoles, cinquante scorpions. Et si tu peus encore recouurer quelques bestes venimeuses, mets les dedens toutes viues, si ce n'est à la premiere fois, au moins à chacune fois que tu en pourras auoir : puis apres que tu auras bien couuert le chaudron , tu luy donneras vn feu leger par l'espace de cinq ou six jours. Il sera bon de mettre le-dit chaudron en maniere de fourneau, comme pour faire le sal nitrum, ou comme les chaudrons au saouon. Fay apres par l'espace d'vn jour, le feu vn peu plus grand, tant que toutes les bestes venimeuses soyent defaites au-dit huile, au-quel sera bon d'y auoir premieremêt mis vn pot de bon vin blanc. Puis ayant osté le chaudron du feu , & prins toutes les-dites bestes, presse-les fort bien en quelque canevas mouillé en vin blanc. Pren apres de l'huile de mille-pertuis, composé, comme auons dit cy dessus, la moitié autant que tout l'huile des-dites bestes venimeuses , & la tierce partie d'huile de chien roux, melle bien tout ensemble, & y adjoûte des fleurs de chelidoine , fleurs de mille-pertuis en telle quantité que tu voudras, y mettant aussi vne poignée de sel blanc, du jus de taspus barbatus, & de dictamum blanc , à discretion : jus de crespin rouge, si tu en peus recouurer. Ce crespin rouge est vne herbe comme les chardons, mais de fueilles plus petites, & plus tendres , & se mange quasi par tout en Italie avec la salade. On l'apelle en aucuns lieux Cardonello, & à Venise, Sigone. Le rouge est du tout semblable au blanc ou au verd , & n'en est en rien diferent que de couleur: c'est vne herbe tre-precieuse. J'ay trouué vn home qui fendit quasi vne fois la teste à vn che

ureau : apres il y appliqua seulement du jus de la-dite crespine rouge: plus conjoignit la playe ensemble , & la lia d'une bande: deux jours apres le cheureau fut guaruy aussi sain que paravant. Il est aussi tre-bon en temps de peste, comme nous dirons cy apres. Si donc tu peus auoir du jus de la-dite crespine, ou cardoncelle rouge, tu en mettras vne liure avec les-dits huiles, & autant du jus de carduus-benedictus, vne liure de fleurs du-dit carduus-benedictus, vne once de lignum aloé en poudre, vne once de safran. Mets toutes ces choses biē mellées ensemble au soleil, tout au long de l'esté en plusieurs vaisseaus de verre, ou de terre plombée, bien couuerts de papier, ou de toile. Puis le garde comme vne chose tre-precieuse: les vertus du-quel n'est possible de pouuoir exprimer.

Le-dit huile est tre-bon, principalement à toutes manieres de contractions de membres, & de playes vieilles & nouvelles, contre les fistules, chancre & ecrouelles, quand on en frotte le lieu, ou quand on y applique des estoupes de chanure mouillées au-dit huile, & commençant au quartier brisant de la Lune (moyennant l'ayde de Dieu) les-dits accidens se guariront auant la nouvelle Lune. Aussi est bon le-dit huile contre toute sorte de venin, s'en oignant autour du cœur si le venin est prins par la bouche: & si on est mors de quelque beste venimeuse, ou blesé de quelque fer venimeus, il faut fort bien presser le sang dehors la playe, & puis frotter bien le lieu, & tout autour avec le -dit huile. Il est semblablement bon contre tous membres refroidés, & quasi à toutes les maladies qui peuuent suruenir au corps humain, auxquelles on fait application exterieure.

¶ *Remede tresveritable & bien éprouué contre la fieure quarte.*

ON doit premierement tre-bien couvrir le pacient en vn lit, enuiron demie heure auant que la fieure vienne, & mettre des braises deuant son lit: puis prendre vn verre de vin grec ou de maluoisie, avec autant de poudre d'assarabac qu'on en mettroit, par deux fois, sus vn écu d'or, ou vn peu dauantage: & faut que le vin soit chaut ou tiede, & le pacient bien couuert, ayant chauffé le lit premier, pour le faire tre-bien suer: & tant-plus sera esmeu à vomir, tant-mieus vaudra, car cela sera signe de bonne operation. Il faut aussi que le-dit pacient endure la

fueur le plus qu'il pourra, & qu'il s'effuie de quelque linge. Apres que la fieure sera paſſée il peut demourer au lit s'il veut ou il ſe peut leuer, manger, & faire ſes beſongnes. Puis il faut prendre ſauge, rue, & bourſe de paſteur, autant de l'un que de l'autre, & bien eſtamper tout enſemble, & arroſer de vin-aigre blanc, & fort: puis en mettre ſus le pous du bras deſſous la jointure de la main, & le lier de quelque bandelette, l'y laiſſant par l'eſpace d'un jour, & l'oſter le lendemain. Quand la fieure voudra retourner encore vne fois, tu prendras de rechef les-dites herbes verdes, arouſées de vin-aigre, comme deſſus: puis les lie ſus le bras, & reprens la poudre d'aſſarabac, en faiſant demourer le patient au lit, comme auons dit, tant qu'il ſue trebien. Ainſi doit on faire juſques à trois fois, & avec l'aide de Dieu, le patient ſe trouuera totalemēt guarý. Il en y a pluſieurs qui ont eſté guaris à la deuſième fois, & d'autres qui ne l'ont fait qu'une fois. Cette maniere eſt la plus aiſée à faire qui ſoit au monde pour telle maladie, & eſt auſſi bonne pour la fieure tierce. Aucuns n'ont point prins la poudre par la bouche, ains ont ſeulement vſé du remede ſus le bras ſans ſe mettre au lit: mais ſe pourmenās, & faiſant leurs beſongnes s'en ſont trouués guaris. Les autres ont eſté guaris par ſeulement prendre les-dites poudres avec le vin, ſans vſer des herbes ſu-dites.

¶ *Pour guarir les porreaus ou verrués, ſecret excellent, & tresaiſé à faire: eprouué en pluſieurs perſonnes.*

PREN vn écu d'or, ou vn aneau ſans pierre, ou bien quelque autre piece d'or, laiſſe la bien embraser au feu, puis en cauteriſe bien les porreaus ou verrues. Et ſi tu n'as de l'or, fay le avec quelque piece de fer embrasée, ou bien avec vn charbon de feu, & les laiſſe ainſi vn bien peu de temps, les lauans apres de leſſiue forte. Fay cecy juſques à trois fois en vn jour, ou biē en pluſieurs. Pren apres du raifort (de ceus qu'on mäge crus) qui ſoit gros, & y fais vne foſſe auſſi grande que tu pourras, laquelle tu empliras de ſel commun, trebien pulueriſé, puis referme le trou de ſa piece, & mets ainſi le raifort en vne écuelle, par l'eſpace d'une nuit: le lendemain trouueras que l'eau du raifort, c'eſt à dire, l'eau du ſel avec la vertu du raifort ſera épandue en la-dite écuelle, de laquelle tu laueras ſouuentefois le jour

le jour les-dits porreaus, en mettât dessus du cotton ou quelque linge mouillé de la-dite eau: lors verras qu'en vn jour ou deux les porreaus seront cheus, ou pour le moins aisés à arracher. Ce fait, oins le lieu d'vn oignement appellé vnguentum aureum, ou laue les de la mesme eau. Si tu n'as point de gros raiforts, tu pourras faire la-dite eau de petis raiforts taillés par petites pieces arrangées dedans vne ecuelle: puis vne rengée de sel, puis vne rengée de raiforts, & trouueras l'eau sudite. Cette eau est encore merueilleusement bonne à la surdité, comme nous dirons cy apres plus amplement.

¶ *Contre pleuresies remede treproustible & aisè à faire, lequel en deux jours a guarì vn marechal qui estoit ja quasi mort, & n'auoit dormy en deux nuits.*

P R E N vne pome qu'on nomme Melo appio en Italien, & est jaune & odoriferante: & si tu n'en peus auoir, pren des pomes apellées rosates, ou bien quelque autre pome quasi semblable des plus delicates qu'on mange communement: puis y fay vne fosse, ostant vne partie du dedans, en telle maniere tou tefois que la fosse ne passe point tout outre. Mets en cette fosse trois ou quatre grains d'encens mâle, autrement apellé olibanum: puis recouure ladite fosse de la piecette que tu en auras ostée, & la mets ainsi cuire sous les cendres en telle sorte qu'elle ne se brulè point, & qu'elle deuienne bien tendrette. Oste la par apres du feu, & la party en quatre, avec tout l'encens qui est dedans: puis la donne à manger au patient, elle luy fera incontinent rompre l'apostume, & le guarira du tout. Le marechal su-dit auoit ja ferré les dents, tellement qu'il les luy falloit ouurir avec vne cuilier, ou avec vn couteau. On luy mit donc en la bouche le mieus qu'on peut, & incontinent se retourna de sa poitrine sus le bois de son lit, & cracha vne grande partie de la matiere qui estoit sortie de l'apostume rompue: puis se mit à dormir plus de neuf heures: & estant eueillé, il demanda à manger, & se trouua du-tout guarì, qui estoit chose digne de rendre louenge & action de graces au seigneur Dieu tout-puissant.

¶ *Autre secret ou remede contre la-dite maladie de pleuresie.*

P R E N de la folle farine, qui est celle qui s'atache à l'entour du moulin, & en faites de la paste avec de l'eau: puis en

fay des petis tourtelets de la grandeur d'un écu dor, ou vn peu dauantage: & le ayant fait cuire en vne cuillier de fer, ou en vne poellette avec huile de scorpion, mettez-en vn ainsi sus le mesme lieu, ou le patient sent sa maladie, & ce aussi chaud qu'il le pourra endurer, en le frottant du-dit huile de scorpions: & quãd l'un des tourtelets sera quasi froit, tu y en remettras vn autre biẽ chaud, & rechaufferas le premier audit huile, & ainsi consequement en osteras l'un, & remettras l'autre jusques à dix ou quinze fois, apres l'apostume se rompra incontinent, & en crachant la matiere dehors, le malade (avec l'aide de Dieu) se trouuera guarý.

Vn autre beau secret contre la mesme maladie.

O V V R E vn pain blanc, nouueau cuit, par le milieu, & oins trebien, de bone theriaque, l'une & l'autre moitié du costé de la miẽ, & les mets chauffer au feu: puis mets l'une des moitiés sus le lieu de la maladie, & l'autre droit à l'encontre à l'autre costé du corps: apres lie les tre-bien qu'elles ne se puissent bouger, les laissant ainsi vn jour ou nuict, ou jusqu'à ce que l'apostume se rompe, ce que j'ay aucune-fois veu faire en deux heures, ou moins. Oste par-apres le pain, & incontinent le patient se mettera à cracher, & euacuera cette putrefaction de l'apostume: puis quand il aura dormy, tu luy donneras à manger, & moyennant, l'aide de Dieu, il sera bien tõt guarý.

¶ Autre Remede contre le mesme mal.

PREN vne dent de porc-sanglier: & si la maladie se tient à la partie dextre de l'home, il faudra prendre vne dent de la machoire dextre: si autrement, il faut prendre vne dent gauche: toutefois il s'est trouué par experience, estre tout-vn de quelle machoire ce fut. Racle la-dite dent d'un couteau sus vne table nette, ou sus vn papier: puis pren tant d'icelle raclure que tu saurois mettre sus deux écus d'or, & la donne à boire au patient avec vn peu d'eau d'orge, ou d'eau pectorale, ou de brouet de cichés rouges, ou de vin blanc avec vn peu d'eau. Cecy a tou-jours esté trouué tre-bon, & tre-veritable.

¶ Eau pectorale, de laquelle on donne à boire à celuy qui est tourmenté de mesme mal de costé, ou d'apostumes pleuretiques: laquelle eau a tre-bonne saueur, & mondifie merueilleusement la poitrine.

PREN racines de guimauues, ou d'altea, & les nettoye tre-bien par dehors de leur écorce, & de la dure substance, qui est par dedans: puis les taille bien menues, & apres les auoir bien estampées, pren en demie liure, & la mets bouillir, en vne grande poelle, avec les choses suiuanes: Miel rosat, ou miel crud de mie liure, orge mondé liure & demie, jujubes quatre onces, figes seches trois onces, raisins pressés, ou autres raisins (desquels on aura osté les pierrettes) trois onces, scabieuse avec les racines bien mondifiées deux liures, trois pomes appia, ou rosates, ou semblables pomes douces qu'on mange, taillées par petites picettes, olibanum ou encens mâle vne once: & si tu peus auoir chardon benit sec, ou verd, tu y en mettras vne petite poignée. Mets apres bouillir tout-cecy tant qu'il soit bien defait: puis en coule le jus, & presse vn peu les herbes, & l'orge: & en donne à boire au patient, tant à son repas, comme autrement, & du soir deuant qu'il s'en aille coucher: tant-plus en boira, & tant-mieus vaudra: mais qu'il boiue petit à petit, a-fin qu'elle ne descende par trop grande impetuosité. On pourra vser de cette eau, soit qu'on vse des-dits remedes ou non: car de soy mesme elle mondifie la poitrine, meurit, & fait rompre l'apostume: & en doit on vser encoré vn jour ou deux, apres que l'apostume sera euacuée, a-fin de tant-mieus mondifier la poitrine & l'estomac.

Ladite eau est aussi merueilleusement bonne à toute sorte de toux, & à toute autre maladie de la poitrine, & de l'estomac. Cette eau me fut donnée à Boulongne l'An 1543. du Seigneur Hierosime Ruscelli, avec laquelle, en cette mesme année, il s'estoit guari de ladite maladie, en bien peu de temps, sans tirer sang, & sans vser d'autre remede qui fut, fors seulement de cette eau.

¶ *Contre toute maladie de la bouche, du palais, de la gorge, & genciues.*

PREN feuilles d'oliues, & les estampe avec eau de plantain, puis les presse, & en tire autant de jus que tu pourras. Duquel jus seul j'ay autrefois vsé moy-mesme, & l'ay donné aus autres contre toute maladie de bouche, & l'ay toujours trouuée d'vne vertu miraculeuse. Mais si la douleur du palais, ou de la bouche estoit si grande, qu'il y eut de la mauuaise

chair qui s'augmentât & mangeât toujours de plus-en-plus: alors donoie dudit jus de fueilles d'oliuier vn demy verre, eau de rose demi verre, ou vn peu mois, miel rosat vne once, du dedās de la casse la grosseur d'vne feue, alun de roche brulé deux drach. tartre de vin la huitième partie d'vne once, sucre fin ou gros demie once, eau de plantain vne once, de la decoction de bismaue vn verre. Toutes lesquelles choses je laissoie bouillir tout bellement par l'espace de deux pater noster : puis les laissoie refroidir, & faisoie avec ladite liqueur gargouiller, souuentefois le jour, la gorge du patient. C'est vne chose nonpareille : mais aucunesfois quand la maladie estoit excessiue, j'y faisois adjoûter le quart d'vne once de verd d'Espagne. La-dite eau est aussi merueilleusemēt bonne pour guarir tous mauuais chancreus accidens entour les parties honteuses.

¶ *Pour toute playe ou mal de jambe soit recent ou enuicilly, encore que la jambe fut toute couuverte & mangée jusqu'à l'os.*

PREN agrimoine, & la mets bouillir en vin blanc, apres l'auoir vn peu pilée : puis y adjoûte autant de fueilles d'oliuier semblablement pilées, vn peu de roses seches, laisse bouillir tout cecy ensemble, par l'espace de deux miserere: apres laue trebien la jambe (c'est à dire, la playe, & tout à l'entour) avec le-dit vin tiede. Puis pren les poudres suiuintes, a-sauoir, aristologie longue, & ronde, mastic, mirrhe, sang de dragon, aloé epatic, tutia, escorces de courges brulées de chacune vne once, momie, & bole-armenic de chacun vn quart d'once biē estampez, & tamisez, mets tout sus le-dit mal, puis pren les herbes bouillies en vin, comme est dit, & les lie dessus avec vne bande, en la changeant deux fois le jour, ou pour le moins vnefois, & verras la jambe toute guarie en bien peu de jours.

¶ *Pour guarir les genous, & les jambes enflées, rouges & pleines d'humeurs: secret fort beau, aisé à faire, & à peu de depens, & eprouué souuentefois.*

PREN la peau d'vn chien, si tu en peus auoir: ou si-non, pren la peau d'vn agnelet blanc, ou bien d'vn cheureau, & entrenche vne piece de la largeur d'vne paume, ou dauantage, & vne autre piece de la longueur d'vne paume, ou vn peu plus puis mets fondre, en vne poelle au feu, les choses suiuintes: raisine de pin deux liures, galbanū cinq onces, mastic vne once

musc, ambre, ciuette, de chacun cinq carats, ou autant que tu voudras, & romps le mastic entre deux papiers : puis mets la raifine, & le galbanum fondre en vne poelle à petit feu, & quand ils serot bien fondus, tu y mettras le mastic, & les mouueras tre-bien avec vn petit bâton, a-fin que rien ne se brule, étens-le apres tout chaud sus la-dite peau, de l'epaisseur d'vn demy doigt : puis pren douze ou quinze de ces petites bestes qu'on apelle pourcelets de saint Anthoine (desquels il se trouue grande quantité sous les pierres es lieux humides) & les pile en vn mortier, avec vn peu de sain de porc : puis en fais vne onction par dessus la-dite emplâtre, chauffant ladite peau au feu, & la mettant sous les genous, ou sous le gros de la jambe bien ferme: apres la laisse ainsi deux ou trois jours : mais si la jambe est velue, il en faudra oter le poil avec vn rasoir, car l'emplâtre si atacheroit. Quand tu l'auras otée, si tu vois qu'elle ait engendré des petites vessies, perce-les, & les essuie.

Ce fait, laue-les de vin, auquel aura esté faite la decoction d'aignemoine, de fueilles d'oliuier, de roses, & de plantain : apres essuie-les. Nettoye aussi la-dite emplâtre, en remuant vn peu l'oignement: & apres l'auoir rechauffé au feu, mets la de rechef sus la jambe. Fais ainsi tous les trois ou quatre jours, & verras que l'emplâtre aura en peu de temps tiré à soy vne grande aequosité de la jambe, & en aura osté la rougeur, inflammation, & tumeur. Et s'il y a playe, tu la guariras comme auons dit dessus.

¶ Remede treccertain contre la maladie sciaticque, eprouué souuentefois en diuerses parties du monde.

PREMIEREMENT, fais telle confection que s'ensuit: Pren 3.liures de miel cru, & le mets en vne poelle avec deux verres d'eau: puis fay-le bouillir tout bellement, tant que tu verras monter l'ecume, laquelle il te faudra oter. Puis apres racines d'acorus vulgaire, ou glayeuil jaune, & les nettoye tre-bien : puis les taille par petites piecettes, & les estampe bien: Pren en vne liure pour lesdites trois liures de miel, & les mets petit à petit en la-dite phiole, en les mouuant tou-jours, les laissant ainsi cuire, par l'espace d'vne grosse heure. Mets y aussi par apres vne once de canelle fine bien pulu crisée: puis l'ote du feu, & la garde en la mesme poelle, ou en quelque autre

vaisseau que tu voudras. Donne au patient de cette conserue
 du soir quād il s'en ira coucher jusques à quatre ou cinq cui-
 lérées & du matin tempre autant. Donne luy en ausfi deuant
 son repas, & apres: tant-plus souuēt en mangera il, tant-mieus
 vaudra. Si c'est en Yuer, rechaufe luy vn peu: & ce pendant
 qu'il en vse, fay le tou-jours tenir sus les fesses, c'est à dire, sus
 l'os, auquel est la maladie sciatique, avec l'emplatre declarée
 au precedent Chapitre, a-sauoir, de raifine, galbanum, mastic,
 porcelets, &c. Puis l'oste au bout de dix jours, & la mets sous
 la cuisse encore dix jours. Apres ote la encore vne fois la net-
 toyant & remellant, & la mets sous le gros de la jambe enco-
 re dix jours: & à chacune fois tu verras quelle aura engendré
 des petites vessies, & tiré à foy toutes les aquosités, tellement
 qu'elle en otera la douleur, & la guarira. C'est vn secret bien
 rare contre telle maladie, à laquelle bien peu de medecins jus-
 qu'à present ont sceu trouuer remede certain. Si d'auenture
 la maladie estoit enuieillie, baille aucunes fois au patient tel cly-
 stere que s'ensuit. Pren manue, mercuriale, fenail verd ou sec,
 aluynes, rue, concombre sauuage debrisé, de l'vn autant que de
 l'autre: puis y adjoutant deux poignées de son, mets tout
 bouillir en eau commune, tant que la tierce partie en soit di-
 minuée: puis le laisse refroidir. Pren apres vne eculée & de-
 mie de cette decoction, trois cuilliers de miel ecumé, huile de
 camomille, & huile de rue, de chacune vne once & demie: mel
 le bien tout ensemble, & en fay vn clystere, lequel tu bailleras
 du matin au patient: puis le feras coucher sus le mesme cote
 de la sciatique. Deux jours apres luy bailleras vn autre clysté-
 re, apres trois jours encore vn: & puis quatre jours apres vn
 autre, continuant ainsi vn mois de long. Si le mal est si endur-
 cy qu'il ne se vueille guarir par les remedes su-dits, qui sont
 toutefois miraculeus, tu luy pourras bailler les pilules suiuan-
 tes: puis au troisiéme jour, puis au quatriéme, puis au cinquié-
 me: & ainsi jusques à six ou sept fois. Mais les pilules ne prou-
 fiteront de rien au patient, s'il ne se garde de māger choses sa-
 lées, ou aigres, & de toutes sortes de legumes: semblablement
 de boire eau, ou vin blanc. Plusieurs ont esté guaris seulement
 avec la-dite emplatre, ne laissant mesme de faire tous leurs
 affaires: les autres ont ausfi vsé de la conserue. Mais en tāt d'an-
 nées

nées n'en ay eu que deux , auxquels (pour oter la maladie tant entuieillie) il ait failly vser des-dites pilules & clysteres, par lesquelles il furent parfaitement guaris. J'en ay aussi eu vn qui n'vsoit que seulement de l'emplatre, & de la conserue, duquel l'os sciaticque estoit forty, surcreu, & endurey, & avec le-dit remede il fut parfaitement guarie en l'espace de septante jours, & retourna le-dit os en son premier estat. Mais il me dît que ce pendant qu'il vsoit dudit emplatre & cōserue, vne Nonain luy conseilla de prendre de jour à autre, jusques à quatre fois, la grosseur d'une noix de tourmentine lauee en eau de bourrache, & qu'il la print sans m'en faire mention, dont il s'en trouua bien guarie en peu de temps.

¶ *Pilules, de merueilleuse operation & vertu, contre la sciaticque, desquelles auons fait promesse au Chapitre precedent.*

PREN pilules alephangines, hermodactil grand & petit, de chacun vn scrupule, trois grains de sel gemma, & les demelle avec jus de roses, puis fay de toute cette substance cinq pilules, & du commencement quand le mal sera bien grand, tu prendras cinq des-dites pilules de quatre jours en quatre jours : & quand il se commencera à decliner, tu les prendras seulement au cinquième jour, puis au sisième, puis au septième, puis au huitième, tant que tout sera fait : & les pren toujours du matin à l'aube du jour, te gardant pour le moins six ou sept heures sans manger. Or combien que les-dites pilules ne soyent pour garder la chambre, & qu'elles n'esmouuent point le corps, toutefois ne faut il point boire de vin blanc, ne d'eau, ne manger choses salées, n'aucune sorte de legumes, ne des oignons, ne des aux, ne choses semblables, (comme est dit dessus) pourueu que le mal soit enuieilly.

¶ *Eau pour guarir, en cinq jours tout au plus long, toutes grandes rongnes, tant interieures que exterieures: & est vne eau claire, blanche, & odoriferante, tellement qu'on en pourroit donner à vne Royne, & pour cest affaire, ne se peut trouuer chose plus singuliere au monde.*

PREN eau de plantain deux verres, eau rose vn verre, eau de fleurs de citrangules ou d'orenges demy verre, ou encore moins: mets tout cecy ensemble en vne poëlle nette, ou bocal

à cuire eau: puis y mets vne once de sublimé, c'est à dire, d'argent vif sublimé blanc, comme on trouue cōmunement chez les Apoticaire: & faut qu'il soit fort bien puluerisé. Puis le laisse bouillir tout bellement, par l'espace d'un quart d'heure: & l'ayant oté du feu, laisse-le refroidir, puis le mets en quelque phiole. Laue t'en au soir les bras, ou autres lieux rōgneus, & les laisse secher d'eus mesmes: laisse-les ainsi le jour suiuant sans les lauer: puis les laue de rechef au troisieme jour, mais pas au quatrieme. A la premiere & à la deuxieme fois que tu t'en laueras, tu feras sortir toute la rongne que tu auras au corps: & à la troisieme fois tu les secheras, tellemēt que tu te trouueras tout net, & par dehors, & par dedans. Il n'y a nul remede au monde plus noble, & plus aisé à faire, que cestuy: en delaisant toute sorte d'oignement puant, ou de bain, ou des choses qu'on prend à la bouche. Cette eau rend la chair blanche. Et veu qu'elle tire ainsi toutes les humeurs malignes, salées & corrompues, tant au dedans comme au dehors du corps, il est facile à croire qu'elle est tre-bonne contre la verolle, contre la podagre, & plusieurs autres maladies, selon le jugement de celuy qui la voudra mettre en œuure: & principalement, à cause que ledit sublimé est trebon pour faire manger toute chair corrompue & morte, & pour guarir toutes playes estimées incurables, cōme nous dirons cy apres.

¶ *Contre la maladie des flancs, ou colique-passion, plusieurs-fois experimenté.*

A cause qu'il semble tou-jours qu'avec la douleur des cotés soit aussi conjointe la grauelle, ou la pierre, il sera bon d'vfer tou-jours de ces deux remedes preseruatifs, tresaisés à faire à vn chacun de quelle condition qu'il soit. Le premier est, d'auoir tou-jours en sa maison des noyaus de peches, & en manger tou-jours cinq ou six deuant le repas, avec du sel & du pain, lesquels outre ce qu'ils preseruent de la maladie du coté, ils gardent aussi de deuenir yure, & que le vin ne fait pas grand mal à la teste: ils font auoir bon apētit, ils aident fort à l'estomac, & à la poitrine, ils dechassent semblablement toutes manieres de vers du corps. L'autre preseruatif est, de souuentefois manger de l'armoise en lalade, en potage & autrement. Plusieurs en Italie, au lieu de l'armoise, prennent l'herbe matricaire,

taire, qui est de saueur fort amere: mais ce n'est pas celle que j'entens dire: ains l'armoise, que je dy, est vne herbe qui a les feuilles à la maniere du persil: mais beaucoup plus longues, & a vn tige au milieu qui s'endurcit, & est de couleur verd-obscur par dessus, & blanc par dessous: Et en plusieurs lieux on l'appelle herbe de Saint Iean, & s'en caindent les paysans, & les femmes. Icelle n'a saueur qui soit, ny douce, ny amere, de sorte qu'en la mâchant se trouue plu-stost douce qu'amere, tirant à la saueur de la mauue, & pourtant est elle bonne pour manger en salade, en potage ou autrement. Si tu ne la peus auoir tou-jours verde, tu la pourras garder seche, ou en poudre, ou distillée: & tant-plus en vseras, tant-mieus vaudra.

Outre ce qu'elle preserue de la douleur du coté, de la grauelle, & de la pierre: elle est aussi trebonne à toutes autres maladies du corps. Or quand aucun se sentira malade dudit mal de coté, il sera trebon d'vsr des clysteres, & principalement de cetuy ensuiuant. Pren siente d'vne âne noir, si tu en peus auoir: sinon, soit d'vn âne blanc: & faut que la siente soit fraîche, laquelle tu mettras bouillir en vin blanc, y adjoutant vne poignée d'anis, vn peu d'huile de camomille, vn peu d'huile de capres avec vne poignée de bran ou son: laisse tout bouillir ensemble, par l'espace d'vn misetere, ou vn peu d'auantage: puis l'ote du feu, & en presse la substance dehors, laquelle demourera au vin, duquel tu feras vn clystere au malade, aussi chaud qu'il le pourra endurer, & qu'il le tienne dedans le corps ausis longuement qu'il pourra, il le trouuera tres excellent.

¶ *Autre Remede contre la douleur des flancs, ou colique-passion.*

PREN vn demy verre, ou moins, du jus des grains de berberis quand ils seront bien rouges, & bien meurs, puis boute dedans autant de corail rouge bien puluerisé que tu pourrois mettre sus deux écus d'or, & le donne à boire au patient.

¶ *Autre Remede treparfait contre la mesme maladie, & pour faire vriner la personne qui aura esté trois ou quatre jours, ou d'auantage sans vriner, & ce en l'espace de demie heure, & rompra la pierre en l'espace de dix ou douze jours.*

PREN poudre tresfine de virga aurea, & en mets plein vne cuilier avec vn œuf frais cuit mollet, & le donne à boire au patient

cient du matin à son dejeuner, & qu'il demeure pour le moins quatre heures par-apres sans manger, lors il rendra son vrine en moins de demie heure. Si-tu continue cecy par l'espace de dix ou douze jours, comme dit est, tu luy feras pissier la pierre sans aucune douleur.

¶ *Vn autre Remede contre la pierre & la grauelle.*

PREN semence de violettes bleues, ou violettes de Mars vne liure, semence de glouteron avec ses gosses, ou glouterons bien meurs vne liure puis les mets secher au four (car ils seroient autrement trop difficiles à etamper) les pilant par-apres avec toute leur semence. Ce fait, pren vn lieure vis, & l'etrangle d'vne corde, a-fin qu'il ne se perde rien du sang: mets-le ain si tout entier, ou en pieces en quelque vaisseau, pieds, entrailles, teste & tout: puis le mets bruler au four, si que tout, tant les os, la peau, que la chair se reduisent en poudre, le touchant avec les doigts: ce que fait l'etamperas trebien, & melleras la poudre avec les deux autres poudres su-dites: fauillés de chène seches, & bien puluerisées quatre onces, saxifraga seche demie liure, grains de laurier cinq onces. Toutes ces choses soiét bien puluerisées & tamisées & mellées. Donne de cette poudre au patient autant qu'on en mettroit sus vn écu dor, la luy faisant boire du matin à jeun en du vin blanc, faisant ce par plusieurs fois. C'est la plus exquisite chose qui soit au monde, tant pour la grauelle que pour la pierre: mais pour la grauelle il en faut prendre moins, & non pas si souuent comme on fait pour la pierre.

¶ *Le dernier & le plus excellent Remede, de tous, contre la pierre, soit és reins ou en la vessie, de quelle qualité ou quantité qu'elle soit.*

A V mois de May lors que les bœufs sont en pasture, tu prendras de leur fiente, non pas trop fraiche, ne trop seche: puis la feras distiller tout bellement (a-fin qu'elle ne sente la fumée) en quelque vaisseau de verre, ou de terre plombé, dont il en sortira vne eau sans saueur, & sans puanteur, laquelle sera tre-bonne pour otér toute tache du visage, si on s'en laie du soir & du matin. Tu garderas la-dite eau en vne phiole bien bouchée: puis prendras trois ou quatre raiforts, lesquels on mange en salade: taille les bien menus, puis les mets en vne phiole, & l'emplis de vin grec, ou de bone maluoisie, ou d'au-

tre bon vin blanc, les laissant ainsi au soleil, & à l'air vn jour, & vne nuit. Pren apres vne partie de ce vin, deux parties de ladite eau de fiente de bœuf, demie partie d'eau de fraises, trois ou quatre gouttes de jus de limons, ou de citrangules: & qu'il y ait de toutes ces eaus ainsi proportionées ensemble vn demy verre, ou vn peu plus, esquelles tu mettras vne piece de sucre, ou vn peu de miel rosat: car l'vn & l'autre seruent tant à la faueur, comme à l'vtilité de la substance. En apres y mettras de la poudre du Chapitre precedent autant qu'on en pourroit mettre sus vn écu dor, puis la donne à boire au patient, & tost apres tu verras vn merueilleus effet: car plusieurs à qui j'en ay donné n'ont point attendu plus de demie heure qu'ils n'ayēt incontinent rendu l'vrine, en laquelle ils ont trouué tant de petites pierrettes, que toutes ensemble elles reuenoyent à la grosseur d'vne noix, & aus autres d'vne noisette: en continuant le-dit remede ils se sont finalement guaris. I'en ay autrefois fait prendre à vn gentil-home Milanois, par l'espace de douze jours, lequel les medecins estimoyent pour mort, & en voyoyent faire incision, mais en l'espace des-dits douze jours je luy fey sortir tant de pierres que toutes ensemble reuenoyent à la grosseur d'vn œuf, je luy faisois rendre son vrine parmy vn linge qui estoit étendu sus l'vrinal, pour amasser les pierrettes: & la troisieme matinée il vouloit prédre le verre vn peu moins que plein, & peu apres voulant rendre son vrine, il se print à crier pour la grande douleur qu'il sentoit en la verge: apres que cette douleur fut passée, regardant au drap, il trouua vne pierre longue & grosse comme vne feue, vn peu pointue à l'vn des cotés, laquelle, peut estre, en passant de trauers parmi la verge, lui auoit causé cette grāde douleur. Or jaçoit q̄ plusieurs tant anciens que modernes, ayent écrit plusieurs remedes contre ladite maladie, si ne s'en est il toutefois onc trouué de plus seur, plus veritable, & plus prompt que cestuy cy. La-dite eau & la poudre se peuuent garder long temps, mais il faudroit à chacune fois renouveler le vin dudit raifort, & le jus de limon, ou de citrangules, car en l'espace de deux jours (le vin principalement) rend si grande puanteur qu'à peine la pourroit-on endurer.

¶ Pour celuy qui crache sang, par auoir quelque veine de la poitrine rompue.

P R E N fiente de souris reduite en poudre, autant qu'on en sauroit mettre sus vn écu, & puis la mets en vn demy verre de jus de plantain avec vn peu de sucré, ou de penides, puis la donne à boire au patient du matin, deuant dejeuner, & du soir deuant coucher. Ce que continuant, le rendras du tout sain & guaruy.

¶ Contre la phtisie, chose éprouuée & facile.

P R E N vne herbe apellée farfara, ou pas de cheual, & l'incorpore avec du lard de porc batu, & vn œuf frais: fay tout cuire ensemble en vne poelle: puis le donne à manger au patient, continuant cecy par neuf matinées: lors verras chose merueilleuse. Cecy est aussi tre-bon pour engraisser vne personne.

¶ Contre la douleur des flancs, des reins, & toutes autres doléances,

P R E N trois quarts d'once de styrax-liquida, gr. de chapon, ou de geline, graisse d'oye, graisse de canar, de chacun cinq drachmes, huile rosat quatre drachmes, cire rouge deux drachmes & demie, beure demie drachme: fay fondre les graisses, l'huile, & le beure tout ensemble, & les coule & melle. Puis y ayant adjouté le styrax, etens-le sus vn linge, & le mets ainsi tout chaud sus la place de la douleur, si en verras incontinent la guarison.

¶ Contre puanteur d'alaine.

P R E N feuilles de romarin avec des fleurs, si tu en peus auoir, & les mets cuire en vin blanc avec vn peu de mirrhe, de canelle & de benjoin: & prenant dudit vin souuentefois en la bouche, trouueras vne chose merueilleuse.

¶ Contre morsure de chien enragé, & contre la rage qui suruiuent à la personne.

P R E N fleurs de chardon sauuage sechées à l'ombre, & puluerisées, donne à boire de telle poudre en vin blanc, la coquille d'vne noix à demy pleine, & en trois fois il fera guaruy: chose trouuée par experience.

¶ Pour oster la chair morte qui prouient au nés.

P R E N le jus de porreaus qui n'ont point esté replantez, puis y adjoute vn peu de cire verte, & en fais vn oignement, y ad-

y adjoutant vn peu de poudre subtile de tartre de vin, & mets souuent d'iceluy oignement au nés du pacient, si verras chose merueilleuse.

¶ Pour vn, qui (pour estre tombé de bien haut) craint d'auoir quelque chose rompue par dedans le corps.

PREN vn demy verre d'huile d'oliue, & mets dedans de la poudre de semence de cresson alenois la quantité d'vne demie coquille de noix, puis le donne à boire au pacient à vne fois ou à deux. Il seroit bon de le faire seigner incontinet qu'il sera tombé, ou le plustot qu'il sera possible: & subit apres la seignee luy donner le-dit bruuage. Et qui ne pourra boire la-dite huile, qu'il prenne la poudre avec du vin. Si on ne pouuoit auoir de la seméce de nasturce, qu'on luy baille de la poudre de Mesué, de laquelle on trouue toujours assez chez les Apoticaire: & s'il s'est froissé ou blessé par dehors, oins le lieu affecté d'huile rosat, puis mets dessus des fueilles de myrtus, & de roses seches: ainsi le guariras treparfaitement.

¶ Contre les écrouelles, Remede trebon & aisé à faire.

PREN l'herbe nommée farfara bien estampée avec ses racines, & mellees avec de la farine de semence de lin, & graisse de porc mâle: fais en vne emplatre, & la mets sus le mal, la changeant deux fois le jour, & toutes les ecrouelles se resoudront en sueur. Apres qu'elles seront guaries, laue souuent le lieu avec du vin chaud, par l'espace de dix ou quinze jours.

¶ Autre Remede contre la mesme maladie.

PREN les coüillions d'vn cheual, & les mets en vne poelle entre les braises, les y laissant si longuement qu'on les puisse pulueriser, puis donne à boire de la-dite poudre en vin blanc la pesanteur de deux tournois, continuant à ce faire par l'espace de vingt & vn jour: par ainsi luy feras bouter par la bouche toutes ces ordures, & le guariras du tout.

¶ Pour sauoir si la femme pourra conceuoir, ou non.

PREN de la presure de lieure, & l'ayant defaite en eau chaude, fais la boire à la femme du matin à jeun, puis la fais demourer dans vn bain chaud: & s'il luy suruient douleur de ventre, elle pourra conceuoir: si non, elle ne conceura jamais.

¶ Remede fort rare pour oster les loupes de la gorge en cinquante jours tout au plus long.

PREN

PREN racines d'ebulus trebien lauées & bouillies en vin blanc, & pren aussi les choses suivantes: esponge brulée demie liure, & deux cens grains de poiure. Toutes ces choses biē puluerisées, mets les bouillir audit vin avec les racines d'ebulus: & les ayant trebien laillé cuire, coule le vin, & le garde en vne phiole bien bouchée en quelque lieu fort humide, puis donne de ce vin à boire au pacient trois fois le jour, à chacune fois plein vn verre: a-sauoir, du matin, à midy, & du soir. Et ce pendant qu'il vse de cecy, il ne doit manger autre pain que d'orge, & boire son vin pur sans eau. Il se doit aussi garder de manger aucunes sortes d'herbes, & poisson, aux, porees, ou autres choses semblables. Telle maniere de regime doit-on commencer à la pleine lune, en continuant jusqu'à la fin d'icelle, & en apres jusqu'au quartier croissant de l'autre lune: c'est a-sauoir que la Lune soit par deux fois decruë, qui sera en tout quarante-cinq jours, & sans aucune doute le pacient guarira.

¶ *Autre Remede plus aisé à faire.*

PREN camomille seche puluerisée & mellée avec miel, puis en pren vne cuillerée du matin en la bouche, & autant du soir, la laissant ainsi aualler de soy-mesme: continue cecy tant que tu sois guarý, & vse de bon gouuernement, comme dessus est dit.

¶ *A la mesme maladie chose eprouuée & veritable.*

PREN polipodium croissant au tronc d'vn chataignier, si tu en peus recouurer: sinon, pren en de l'autre, & le puluerise, puis en donne au pacient avec du vin, ou du miel, deux fois le jour, à chacune fois autant que tu en pourrois mettre sus vn écu: continue cecy par l'espace de vingt & vn jour, commençant au quartier brisant, & faisant toujours bonne diette, comme dit est.

¶ *Pour faire etendre & retourner la peau à son lieu apres que la loupe sera guarie.*

PREN les boutons qui demeurent sus le rosier, apres que les roses sont cheutes (& sont comme patenostres en façon d'œufs) avec la semence qui est dedans, alun de roche, balauftium autant de l'vn que de l'autre, puis les mets bouillir en vin-aigre blanc, tant que tout soit venu à la moitié, mets y aussi la moitié autāt de sumach estampé que de l'vne des cho-

ses sudites, & les mets bouillir de rechef tant que tout le vinaigre soit quasi tout consommé. De ce qui restera tu oindras le lieu tout autour: par ainsi y feras étêdre la peau côme doit estre

¶ Remede tres exquis contre la squinancie qui vient à la gorge.

PREN eau de scabieuse vne liure, eau de vie vne once, mel-le tout ensemble, & l'applique sus le mal, & te trouueras guarý en trois heures.

¶ Autre contre le mesme mal.

PREN des arondelles, & les mets cuire au four, puis les puluerise, & les mets par la bouche sus le mal, s'il est possible: si non, tu y entre-melleras du miel rosat, & vn peu de farine d'amidon, apres le mettras en la bouche, le laissant auallèr de soy-mesme, & verras chose miraculeuse.

¶ Autre contre le mesme mal.

PREN huile de vitriol romain, & en mets deux ou trois gouttes en vin blanc, duquel tu gargariseras souuentefois.

¶ Remede trebon contre les ecrouelles.

PREN ceruse bien estampee quatre onces, huile d'oliue huit onces, laisse bouillir cecy ensemble cinq ou six heures en le mouuant incessamment: & quand il sera deuenu bien noir, il sera assez cuit: etens en apres vn peu sus vne piece de char-mois, ou de linge, & le mets sus le mal: si les écrouelles sont rompues, elles se guariront incontinent, si non, elles se refou-dront, puis guariront du tout.

¶ Pour guarir les ecrouelles par vne substance qu'on prendra par la bouche.

FAY acouter vne geline comme pour manger, mais qu'elle soit bouillie en vn grand pot, ou en vn chaudron, avec beaucoup d'eau sans sel, laisse-la tant bouillir que tous les os soyènt separez de la chair: puis pren les-dits os, & les seche au four, ou au feu, sans toutefois les laisser bruler, ou deuenir noirs, apres puluerise-les tre-bien, puis pren de la semence de Sesamum, aussi tre-bien puluerisée & mellée avec la-dite poudre d'os de geline, de l'vn autant que de l'autre. Pren puis apres de ces deux poudres ensemble, plein vne cuillier, & les melle avec miel les faisant prendre au patient du soir quand il s'en va coucher, & du matin quand il se leue. Cecy se doit faire depuis le com-

mencement du quartier brisant jusqu'à la fin : c'est vn secret tres excellent. Il m'est aussi aduenu enuers aucuns, esquels ledit mal estoit tant enuicilly que le remede sudit ne leur auoit point aidé, ausquels j'ay fait prendre avec la-dite poudre l'huile cy apres specihée, laquelle se doit faire comme s'ensuit: Pren vn certain petit serpent qui est aueugle, & se trouue le plus souuent entre le foin, il a la peau epesse & dure, & s'apelle en plusieurs lieux d'Italie Lucengola : mets-le bouillir en huile d'oliue, tant qu'il soit tout defait, puis frote les ecrouelles de la-dite huile, & mets des estoupes de chanure dessus, les y laifant trois ou quatre jours: apres fais vne nouuelle onction, & y mets de rechef des estoupes. Par ce-dit remede les aye-je tous guaris treparfaitement, graces au seigneur Dieu toutpuissant.

¶ Eau celestielle, laquelle a plusieurs belles & nosables vertus, comme nous dirons cy-apres.

PREN clous de girofles, noix muscates, gingembre, zeduarria, poiure long, poiure rond, semence de geneure, pelures d'orenges, fleurs de sauge, basilic, romarin, marioleine, mente ronde, grains de laurier, poulieul, gentiane, calamente, fleurs de sehu, roses blanches & rouges, spica nardi, lignum aloés, cubebes sauuages, cardamomum, canelle fine, calamū aromaticum, sticados, chamedrios, chamepitheos, melligetta, mastic, encens mâle, aloé epaticum, semence d' Janet, semence de matricaria, figues seches, raisins secs, dates, amandes douces, pingnons de chacun vne once, miel blanc six onces. Puis preu du sucre autant pesant que toute la-dite composition, & melle bien tout ensemble, y mettant aussi pesant d'eau de vie que toute la-dite substance poise, mais il faut que la-dite eau de vie soit distillée cinq fois par l'alembic, receuant tou-jours la bonne: melle bien toutes les choses su-dites en la-dite eau: puis mets le tout en vne phiole bien bouchée, le laissant ainsi, par l'espace de deux jours. Tu le mettras apres sus le fourneau avec son alembic & son recipient, le faisant distiller à petit feu, dont en sortira vne eau clere & precieuse, continue ainsi le feu tant que l'eau commence à changer couleur, & sorte blâche: alors change de recipient, & reçois la-dite eau blanche à part, car elle n'est bonne, sinon pour blanchir la face, & il n'y a taches ny lentilles au visage, lesquelles lauées de cette eau par l'espace de quinze jours

ze jours ne s'en aillent, laissant la face & la peau blanche, re-
luisante, & odoriferainte: & est cecy vn lauetment bien rare &
propice pour grandes princesses. Tu melleras la premiere eau
qui est tre-clere avec autant d'eau de vie, laquelle s'apelle mel
balsami, Or ayant mis & laissé toutes ces choses en vne phio-
le bien bouchée, par l'espace de deux jours mets les distiller à
petit feu, puis reçois & mets à part la premiere eau, qui en di-
stillera fort clere & tresodoriferainte. Quand tu verras que
l'eau commencera à sortir comme eau de pluye, change de re-
cipient, & reçois icelle semblablement à part soy, tant que tu
en verras sortir la troisieme qui sera de couleur sanguine, la-
quelle tu verseras en vne phiole, puis la boucheras bien avec
cire: garde la songneusement comme chose tresprecieuse: car
elle est de plusieurs excellentes vertus, dont les plus nobles sont
celles que nous auons mis cy-apres.

La premiere est, que si tu en mets vn peu sus vne playe nou-
uelle, il n'y faudra point d'autre medecine.

La seconde est, qu'elle est bonne à toute vieille playe, con-
tre le chancre, contre la louue, cōtre noli-me-tangere, & à tout
autre mal naissant, il en faut mouiller le mal tous les deux ou
trois jours vne fois, & par ainsi en l'espace de quinze ou vingt
jours seras tout guarý.

La troisieme est, que si aucun a le charbon, ou le mal saint
Anthoine, ou de saint Estienne, ou autre mal pestilencial, si on
le laue de la-dite eau, il se mortifiera en l'espace d'vne heure.

La quatrieme est, qu'elle est bonne contre le mal des yeus,
pourueu que l'œil ne soit creué ou perdu: si tu y en mets vne
goutte du matin, & autant du soir, tu le guariras en quinze
jours. Et jaçoit qu'elle soit aucunement piquante, icelle pi-
queure se passe incontinent, tellement qu'elle ne pourra faire
aucun domage aus yeus.

La cinquieme est, que si aucun a la pierre aus reins, & en la
vessie, s'il en boit trois gouttes ou vne drachme avec vn peu
de vin blanc, ou de broüet de ciches rouges, il s'en trouuera
deliuré en peu de jours.

La sixieme est, qu'elle guarit les emorroydes, ou les broches
quand on s'en laue tous les jours vne fois.

La septieme est qu'elle guarit soudain toute maladie de l'a-

mari, & la colique, quand on en boit plein vne cuilier avec broüet de geline, ou de choux.

La huitieme est, que quand on en baigne les nerfs retirés ou endurcis, il s'etendent, & guerissent en bien peu de jours.

La neuuieme est, qu'elle guarit les yeux coulans quand on y en met vne goutte du matin à jeun.

La disieme est, qu'elle est tresvtile pour guarir toute maniere de rongne, tigne, & autres choses semblables, les en lavant souventefois.

L'onzieme est, que quand on en met vne goutte en l'oreille du soir, ou du matin, elle en ote toute douleur, & ote les vers qui s'y engendrent.

La douzieme est, qu'elle guarit toute morsure venimeuse quand on en laue le lieu de la morsure venimeuse, & est beaucoup meilleure en tel accident que n'est la teriaque.

La trezieme est, qu'elle tue toute sorte de ver au corps humain, quand on s'en frotte les narines, & quand on en boit vn bien peu.

Et finalement, elle est aussi tre-bonne à toute blessure venimeuse, & à toute playe incurable, elle guarit les ecrouelles, la maladie qu'on appelle mal Saint Gilles, & à toute autre maladie qui est hors du corps, & se peut-on lauer de la-dite eau, ou la boire. Elle est aussi bonne à toute froide maladie, pour restaurer vieilles gens, ou ceus qui sont consommez & debilittez par famine, par maladie, ou par douleur d'esprit. Elle conferue l'humidité radicale, & la chaleur naturelle, elle maintient la santé, & entretient l'home en longue vie à quiconque en vse comme il appartient.

¶ *Secret trenoble pour guarir vn enragé, soit que le mal luy soit venu par etourdissment de cerueau, ou autrement.*

PREMIEREMENT luy feras faire quatre clisteres par quatre matinées, l'vne apres l'autre. Le premier clistere soit simple: c'est à dire, fait d'eau, en laquelle auras bouilly du son de froment, huile commun, & du sel. Le deusieme soit d'eau bouillie avec mauues, mercuriale, parietaire, & feuilles de violettes avec huile & sel. Le troisieme soit d'eau bouillie avec huile, sel, vin cuit, & miel. Et le quatrieme clistere soit de toute semblable decoction que la troisieme, y adjoutant endives,
bu-

buglose, & les sommets des branches d'ebulus. Et apres que cette decoction sera coulée, tu y mettras vne once de casia fistula, & demy quart d'once de metridat. Or luy ayant donné ces quatre clisteres par quatre diuerses matinées, tu luy donneras apres cette medecine: Polipodium de chesne frais bien etapé vne poignée ou deux, puis en tire le jus, & le mets en vn verre la hauteur de deux doigts, y adjoutant deux onces de miel rosat, & vn quart d'once d'electuaire de roses, ou aromaticum rosatū, & autant de diafenicon. Toutes ces choses bien incorporées ensemble donne-les à boire au patient du soir quand il s'en ira coucher deux ou trois heures apres soleil couchant, & luy donne tiede. Si d'aventure il ne le vouloit prendre, fay le lier & tenir par force, & luy fais ouvrir la bouche, & bouter quelque bâton entre les dens, puis luy verse a nsi la medecine en la gorge, comme on fait aus cheuaus. Apres qu'il aura tout prins, si c'est en Yuer, tu le feras ainsi demourer demie-heure assis sus son lit, bien couuert tout autour, a-fin qu'il ne se refroidisse: si c'est en esté, tu le pourras laisser aller par la maison à son plaisir, mais garde bien qu'il n'en sorte. Quand la medecine aura fait son operation, pren l'oignement qui s'ensuit: a-sauoir, liure & demie du jus de racines d'ebulus, auquel adjouteras autant de beure: mets bouillir cecy ensemble quelque bonne espace de temps, tant que tout le jus soit quasi consommé, puis y adjoute huile de camomille, huile rosat, huile de mille-pertuis de chacune vne once. Incorpore bien toutes ces choses au feu, & en fay vn oignement, du-quel tu oindras le patient depuis le col jusqu'aus pieds, bras, & jambes, & tout: mais il faut que l'oignement soit chaud, & qu'on l'en frote si bien qu'il puisse penetrer. Continue ainsi, par l'espace d'un mois, l'oignant tous les soirs & matins, ou pour le moins vne fois le jour. Le troisieme ou quatrieme jour apres que l'auras commencé à oindre, fais vn cautere sus la jointure où coûtüre de la teste, avec vn fer embrasé, & du commencement mets sus le-dit cautere vn linge avec du sain de porc, l'y laissant par l'espace de huit ou dix heures: puis mets vn ciche enuelopé en fueilles d'hierre, & mets sus la-dite fueille d'hierre vne piece de semelle de foulier, faite tenue & deliée, luy liant de quelque bande sous la gorge, eu

fous la teste, de sorte qu'elle y puisse tenir: & change le-dit ci-
che du soir, & du matin. Si d'aüecture il se passoit quatre mois
deuant que le pacient receut guarison, il faudra commencer
de rechef à luy donner les mesmes clysteres, & les mesmes
medecines, en l'oignant comme dessus: & sans point de faute
(moyennant la grace de Dieu) il guarira.

Il doit manger pour les premiers jours poullailles, mou-
ton, veau roty: puis on luy pourra donner roty & bouilly avec
potage d'amidon, de porrée, de mauue, & aussi des œufs frais,
adjoutant épiceries en sa viade, & luy faisant aucunetois man-
ger (soit en potage ou autrement) de la betoine, sauge, mar-
jolaine, & mente, ne le laissant nullement manger choses sa-
lees, ny aigres, legumes, aux, oignons, ne choses semblables: &
luy faire aussi boire du vin blanc avec de l'eau: qu'on luy face
aussi tou-jours porter quelque bonne odeur, & écouter la mu-
sique: qu'on luy parle souuentefois sagement, l'admonestant
aussi d'estre sage: qu'on le reprenne de sa folie quand il en fe-
ra, ou dira. En tel cas vaut beaucoup l'autorité de quelque bel
le femme pour luy dire toutes les choses su-dites, car les bon-
nes admonitions sont de tresgrande vertu, pour acoiser le cer-
ueau troublé de quelque maladie ou passion que ce soit.

*¶ Pilules de M. Michel l'Ecoffois, les- quelles guarissent la douleur
enuieillie, & nouvelle de la teste, purgent le cerueau, eclarcissent
la veüe, font auoir bonne memoire, bonne couleur de visage, &
sont trebonnes à plusieurs autres infirmités.*

PREN aloé laué trois scrupules, racines de courges sauua-
ges, mirabolans de toutes sortes, diagridij, mastic, grains de
laurier, & roses de chacun demie drachme, safran vn scrupule,
mirrhe demie scrupule: etampe bien tout ensemble, & en fais
pilules avec du jus de chous, & en pren trois ou quatre quand
tu t'en vas coucher, tous les trois ou quatre jours vne-fois.

Contre la douleur des tetins des femmes, remede tres excellent.

PREN deux moyeus d'œufs frais, la pesanteur de deux
deniers de cire neuue, vn peu d'huile rosat, vn peu de tutia pre-
parée en eau rose, mets fondre toutes ces choses au feu en vne
poellette nette, & quand tout sera froid, il le faut etendre sus
vn linge, puis le mettre sus le mal: mais il faut auoir premie-

rement laué le-dit mal avec du vin blanc, auquel on ayt bouilli des fueilles de roses, fueilles de plantain, & fueilles d'o liuier verdes ou seches, & apres l'auoir essuié, apliquer dessus l'emplatre a pareillée comme auons dit, & incontinent le mal se guarira.

¶ *Pour faire mourir vn fronce, & toutes autres apostumes qui ont besoing de meurissement soudain.*

PREN mie de pain, raisin seché au four ou autrement, puis bien etampé: du beure, du sain de porc, du leuain, du lait de vache, safran quelque peu. Fay de tout cecy vn oignement, & le mets sus le mal, mettant premierement vn peu de safran en poudre sus le propre lieu ou tu voudras auoir l'ouuerture, & là dessus le-dit emplatre, le laissant ainsi jusqu'au soir, & le change du soir & du matin, ainsi le feras tu incontinent mourir & enfondrer, puis l'accoutre avec huile rosat, & moyeus d'œufs par vn jour entier, apres purge l'ordure avec quelque oignement attractif. Finalement y apliqueras oignement d'aloë & de tutia, ou d'autres semblables oignemens cōsolidatifs

Pour resoudre vn fronce ou clou, au commencement.

PREN vn citrangule, ou vne pome d'orange, & la partis par le milieu, puis pren vn peu d'estoupes en vne ecuelle, & pisse dessus: apres les presse à la main, & y boute vn peu de sel commun biē puluerisé, & le mets ainsi tout chaud sus le mal, & mets sus les-dites estoupes la moitié du citrangule, ou orange, liant tout cecy de quelque bande, & le changeant soir & matin, incontinent la matiere corrompue se resoudra.

¶ *Pour faire emplastrum aureum, qui est de tregrande vertu pour toutes sortes de playes.*

PREN pix greca, ou colofonia, soufre, encens blanc, tant de l'vn comme de l'autre. Toutes ces choses soyent bien etampées, & mellées avec le clair ou blac d'œufs, puis oings de cette mixtion vne piece de parchemin, presse apres bien la playe avec deux doigts pour en faire sortir le sang, & mets dessus le-dit parchemin le liant d'vne bandelette, & la playe se guarira en brief. Le present secret auoit vn Chirurgien Neapolitain, & ne le vouloit dire à personne du monde, sinon que luy mesme estant blessé, le commanda ainsi faire à son compaignon pour l'apliquer sus la playe qui estoit en la main.

¶ Autre Secret tres excellent, qui a esté apporté d'Inde, & est
 tre-bon à plusieurs accidens du corps humain.

LE carduus-benedictus mangé, guarit toute douleur de
 teste, rend bonne ouye, & bonne memoire, il ote l'etourdiffe-
 ment, conforte le cerueau, fait bonne veüe, non seulement quand
 on en mange, mais aussi quand on en frotte les yeux du jus,
 ou qu'on y met la poudre ou l'eau d'iceluy. Purge aussi l'esto-
 mac, la gorge, & le flegme, il fait auoir bon appetit, il conforte
 la poitrine, il consume les catarrhes, il guarit la douleur du
 ventre. Le vin de sa decoction, & l'eau, qui en est distillée, se-
 che toutes mauuaises humeurs: Mangé, guarit la ratelle & la
 pierre: & quand on en fait des clisteres avec de l'vrine, il gua-
 rit toutes ventosités, apostumes, & peste, pourueu qu'on boi-
 ue le jus, ou la poudre incontinent qu'on sent le mal. Et si on
 met de son cotton blanc, & velu, qu'il a apres qu'il est flory,
 sus quelque playe qui ne soit point mortelle, elle la guarit en
 trois jours sans douleur ou dommage. La-dite herbe fait auoir
 bonne alaine, quand on la mâche elle fait auoir bonnes dents,
 & boñnes genciues, elle guarit le mal de l'amarrì, alaignit le
 cœur, quand on en fait des clisteres avec vrine d'enfant mâle,
 elle guarit du mal caduc: la douleur du coté quand on en boit
 avec vin blanc chauffé: & avec eau chaude, guarit toute sorte
 de fieure quand on en prend quatre heures deuant qu'elle vien-
 ne, mais il se faut bien couvrir tant qu'on sue. Si le nombril
 des petis enfans tombe, tu mettras bouillir la-dite herbe en
 vin, & en laueras le nombril: elle est aussi trebonne contre tou-
 te morsure de serpent, & tout autre venin.

¶ Contre toute sorte de toux, tant vieille que nouvelle,
 Remede tre certain.

PREN souphre bien puluerisé demie once, & le mets en
 vn œuf frais, cuit mollet, melle bien tout ensemble: puis y ad-
 joute du benjoin, la grosseur d'un ciche legerement etampé,
 & le bois du matin à jeun: fais en autant du soir quand tu vas
 dormir, & seras guarý à la deusieme, ou troisieme fois. Mais
 si la toux est fort enuieillie, il te le faudra faire tant plus souuēt

¶ Conserue tre noble contre la toux, & à toute angosse de la poitri-
 ne, qui mondifie l'estomac, fait auoir bonne voix, & belle cou-
 leur de visage.

PREN racines de guimauues mondifiées, & raillées par petites piécettes, bien ctâpées en vn mortier de pierre: puis pren quelque grand pot ou chaudron qui tienne six ou sept phioles: emplis-le d'eau, & y mets bouillir les choses suiuanes: regueliffé, ysope verde ou seche, sauge, romarin, chardon benit, figues, & raisins secs, amidon ou farine d'orge, de chacune chose à discretion, & à ton iugemēt de l'vn autāt q̄ de l'autre: puis y mets encore vne poignée de cicorée avec les racines, laisse bouillir tout cecy audit chaudron, par l'espace d'vne heure, ou heure & demie, & les laisse apres refroidir tant q̄ tu y pourras tenir la main: ote puis toutes lesdites substāces, & les mets en vn canevas qui soit net, & presse fort bien toute la substance en ladite eau du chaudron: mets y aussi deux ou trois liures de la-dite racine de bimaue etampee, comme dessus, puis la remets bouillir trois heures ou dauantage: ote-la par-apres du feu, & en fais tout ainsi qu'à la premiere fois: mais s'il auoit tant bouilli que toutes les racines fussent defaites, il ne seroit ja besoin les écoulér ou presser par le-dit canevas. Ce fait, pren la decoction, & la mets en vn pot au feu, avec autant de miel, ou vn peu moins, la laissant ainsi bouillir tout bellement, & otant bien toute l'ecume qui viendra dudit miel.

Après qu'elle aura ainsi bouilli vne bonne espace de temps, ajoute y vne once, ou autant que tu voudras de canelle, & vn quart d'once ou dauantage de benjoin etampé, & vn peu de musc: puis l'ote incontinent du feu, & le couvre, a-fin qu'il ne s'euente: principalement, si tu y as mis du musc, lequel s'evanouiroit avec la fumée, parquoy tu y peus mettre le musc quand l'eau sera deuenue tiede: ainsi auras-tu vne conserue excellente pour vser tout au long de l'yuer, tant du soir, que du matin, & toutes les fois que tu voudras: car elle ne peut estre que bonne: mais le matin & le soir la faut rechauffer, & en prendre deux ou trois cuillerees à la fois. Et qui la voudra plus espeffe, qu'il y ajoute de la poudre de sucre ou penides: & si on la veut plus claire, il y faut mettre vn peu plus de la premiere decoction, dont auons parlé. Ce secret est d'vne telle excellence, que, si on en vse en yuer, comme dit est, il sera impossible qu'on soit tourmenté de la toux, de catarrhe, ou d'autres maladies semblables: & chacun en deuroit vser continuel-

lement, & en auoir tou-jours en sa maison.

¶ *Irebeau, & treplaisant secret pour guarir la toux, en se frottant la plante des pieds: & est chose certaine & facile.*

PREN deux ou trois testes d'aus mondifices, & les etampe trebiè, puis y adjoute du sain de porc, & de rechef les etampe bien: & du soir quand tu voudras aller coucher, tu te chauferas bien les plantes des pieds, & les oindras tre-bien de ladite confection, puis les chauffe tant que tu le pourras endurer, les frottant quelque peu de temps: & estant couché au lit, tu te feras lier les pieds de quelque linge bien chaud, & frotter aussi l'eschine, dudit oignement, par ainsi te trouueras guarry en trois soirs, & fut ja la toux bien grande. Si tu veus à ton repas vser de la su-dite decoction en ton vin ou autrement, ou bien de quelque autre eau pectorale, tu ne t'en trouueras que bien de l'estomac, & de la teste, & oteras de tant mieus la toux, & toutes autres mauuaises dispositions du corps.

¶ *Secret fort beau & facile pour guarir, en vn jour ou deux, toutes sortes de playes vieilles, esquelles soit creuë de la chair morte ou superflue, & qui ne se peuuent guarir par autres medecines.*

PREN trois onces de tourmentine (lauée premieremēt en eau commun, puis en eau rose, ou de plantain) & vn moyeu d'œuf, huile rosat once & demie, du sublimé demie drachme: melle bien tout ensemble, & en fais vne emplatre, puis l'applique sus le mal. Et à cause qu'elle tire aucunement, fais ce defensif: Pren deux parties d'huile rosat, vne demie partie de vin aigre, vn peu de bole-armenic à discretion, melle le tout, & en frotte quatre ou cinq doigts ou dauantage à l'entour du mal. Et tien le membre infecté pres du feu, à-fin que ce pendant que la chair morte se mangera, tu ne sente pas si grande douleur. Apres que la chair morte sera toute mangée, tu y applique ras vne bandelette avec du beure, & l'y laisseras vn jour entier lors verras chose merueilleuse.

¶ *Contre toute sorte de peste, tant forte soit elle, chose trescertaine & eprouuée.*

PREN vn oignon, & le trenche par le trauers, puis fay vne fosselette en chacune piece, lesquelles tu empliras de triacle fin, & remettras les pieces ensemble comme elles estoyent parauant: apres les enuelope d'vn linge mouillé, le mettāt ainsi cuire

cuire sous les cendres: & quand il sera bien cuit, tu en presseras tout le jus dehors, & en donneras à boire au patient vne cuillerée, incontinent il s'en trouuera de mieus, & se guarira sans point de faute.

¶ *Parfum trebon contre la peste.*

PREN mastic, ciprés, encës, macis, aluync, mirre, lignū aloë, oiselets de cypre, tegname, musc, ambre gris, noix muscate, mirre, laurier, romarin, sauge, roses, seu, clous de giroflé, geneure, rue, pois rase. Toutes ces choses etampees, & mellées ensemble mettras sus les braises, & en feras vn parfum en la châtre.

¶ *Autre Remede trebon contre la peste.*

PREN des grains de laurier meurs, & en ote l'escorce noire, puis les mets en poudre auec vn peu de sel, & incontinent qu'on se sentira entaché de la peste, & qu'on a la fièvre chaude, il faut prendre plein vne cuiller de la dite poudre inellée auec vn peu de vin-aigre & d'eau; puis le chauffer vn peu & le boire, apres se couvrir tre-bien, & dormir assez: par ainsi suant trebien, on se trouuera incontinent guarý. Mais si la fièvre vient auec froidure, en lieu du vin-aigre, il faut prendre du vin, & puis faire tout le reste, comme est dit dessus: chose eprouuée en plusieurs.

¶ *Pour celuy qui est malade de la peste.*

PREN dictamnum blanc, tourmentille, coral blanc, gentiane, bole-armenic, terre sellée, eau d'endiue, eau de feuilles de rue, eau rose, vin-aigre blanc, eau de scabieuse. (Et l'accident suruenant, faut faire cecy dedãs quatre heures) Pren des choses su-dites estampées chacune à part soy, & les mets en quelque verre ou autre vaisseau, & fay de tout à ta discretion vn bruuage, faisant que le vin-aigre surpasse vn peu les autres choses, & que le patient le prenne chaud, puis se face couvrir en son lit, tant qu'il puisse bien suer, si sera guarý.

¶ *Vn preseruatif merueilleux contre la peste.*

PREN dictamnum blanc, aristologie ronde, carline, veruaine, gentiane, zeduaría, corne de cert, de chaçū deux onces, etampe vn peu tout cecy auec vne poignée de rue, puis pren vne phiole qui tienne pour le moins six chopines, & l'emplis du milleur vin que tu pourras trouuer; auquel tu mettras toutes les choses su-dites, & les laisseras ainsi: puis, en temps dan-

gereus, tu prendras, toutes les matinées auant sortir de la maison à jeun, vn demy verre dudit vin : mais il faut auoir parauant prins vne noix, vne figue, & deux ou trois branchettes de rue. Si tu fais cecy la matinée, tu seras assuré pour ce jour la

¶ *Emplâtre pour faire creuer l'apostume, & tomber le charbon de la peste.*

P R E N huile commun vn quart & demy, & le mets au feu en quelque vaisseau, puis mets dedans quatre onces de ceruse bien etampée, litarge d'argent tresubtile trois onces, cire commune quatre onces, & le laisse ainsi si longuement au feu que tu le puisse étendre avec le doigt sus le marbre. Ce fait, oste-le du feu, & verse dessus vn peu de vin-aigre, mais il t'en faut tenir loin, a-fin qu'il ne te faille en la face : puis fais de cet oignement vne emplâtre aussi grande que tout le mal, & y fais vn trou au milieu de la grandeur d'vn tournois: & fai par apres vne petite emplâtre d'oignement mortificatif de la grandeur dudit trou: puis fay encore vne autre emplâtre de la mesme grandeur, laquelle tu mettras sus ladite emplâtre, tellemēt que l'emplâtre de l'oignement mortificatif soit entre deux, & la laisse sus le mal par l'espace de vingt-quatre heures, puis changeras seulement cestuy du milieu, c'est à dire, le mortificatif, & y en mettras vni autre semblable, lequel tu y laisseras aussi vingt-quatre heures: & tout autour aussi auāt que l'emplâtre s'etend, oins le lieu bien épés de sain de porc non salé, ou de graisse de geline, a-fin da l'adoucir, par ainsi tu le feras dur au milieu, & tout autour feras vn cercle de chair tendre, tellement que le mal en sortira. Et les quarante-huit heures passées, apres en auoir tiré l'emplâtre, mets dessus vne autre emplâtre faite de sain de porc non salé, & incontīnēt en cherra vne chair morte en maniere d'vn pommeau: & y restera vn trou qu'il te faudra medeciner de quelque oignemēt, ou bien de diaquilon magnum: & quand la chair commencera à croitre, tu y apliqueras de l'alun brulé, par l'espace de vingt-quatre heures, & puis l'oignement su-dit par dessus.

¶ *Vn autre remede contre la peste.*

P R E N vn sommet de rue, vne teste d'aux ou demie, vn quartier de noix, vn grain de sel: mange cecy toutes les matinées, en continuant vn mois de long, & sois tou-jours alaigre,

Cette

Cette recepte est aussi bonne contre les vers.

¶ Autre trebon Remede contre la peste.

PREN eau de vie, eau de melisse, eau de plantain, de chacune vne liure, & quand tu en voudras vser, ce qui se doit faire de jour à autre, tu en prendras autât de l'vn comme de l'autre, faisant que tout ensemble en y ait vn bon doigt de hauteur en vn verre, puis le bois, si feras guaranty de la peste. Cette eau est aussi bonne pour les fistules & playes, & est bien eprouuée.

¶ Recepte trécertaine contre la peste.

PREN vne phiole, ou vn autre verre, & l'emplis jusqu'à la troisieme partie de triacle fin, & vn tiers d'eau de vie, & l'autre tiers d'vrine d'enfant mâle qui soit vierge, & bien saint: melle bien tout ensemble, & en dône à boire au patient à son dejeuner par trois matinées, a-sauoir, toutes les matinées vn verre. Cecy a esté eprouué en la cité de Venise, l'an 1504.

¶ Encore contre la peste.

INCONTINENT que la personne se sentira entachée, qu'elle prenne du meilleur triacle qui se pourra trouuer, & apres en auoir auallé vne partie, qu'elle en prenne la grosseur d'vne chataigne, & le mette sus le mal qui commence à croistre, en frottant trebien tout l'entour dudit mal. Apres, il faut incontinent prendre vn pigeon, & le partir tout vif par le milieu avec les plumes & tout, puis le mettre ainsi tout chaud sus le mal naissant, tant qu'icelle partie du pigeon soit deuenue verte, & le triacle roux: lors l'en oteras, & verras que du pigeon sortira vne eau verte, laquelle sera tout le venin qui estoit en icelle partie. Il faudra apres medeciner le lieu avec l'emplatre suiuaute: Pren deux parties de sain de porc non salé, & de l'aluyne bien etampée vne partie, puis l'applique sus le mal.

¶ Contre la peste, chose souuentefois eprouuée & experimentée.

PREN mastic deux onces, euforbium vne once, spica nardi cinq onces, puluerise cecy & le donne à boire au patient. S'il est au dessous de dix ans, donne luy en vn scrupule: & s'il est de dix à vingt ans, vne demie drachme: mais s'il est au dessus de vingt ans, tu luy en donneras vne drachme, puis preñ l'herbe nommée pentaphilon, & l'envelope comme vne po-

me ronde en vne piece de linge, laquelle tu mettras sous les cendres chaudes, par l'espace de quatre miserere, & apres l'en auoir retirée, coupe-la en trois par le milieu, & la mets sus la douleur, laquelle tu feras incontinent cesser.

¶ *Preferuatif contre la peste, souuentefois experimenté.*

EN temps dangereux tu prendras trois branchettes de rue, vne noix & vne figue sèche: mange tout cecy, & tu t'en trouueras bien.

¶ *Vn autre.*

PREN fiente d'home de dix à douze ans, & la fais secher, & apres pulueriser: puis en mets tout au plus haut deux cuillerées en vn verre de vin blanc, & la donne au patient pour le moins six heures apres qu'il ait eu le mal, & le plustost sera le milleur. Cecy a esté trouué veritable en plusieurs personnes, mais il y faut mettre vn peu de musc, pour oster la puanteur.

¶ *Vn autre.*

PREN du jus d'vn oignon blanc, du miel, du vin-aigre, du jus de rue, & de mille-fueille autant de l'vn que de l'autre, melle tout ensemble, & en donne à boire au patient deux tiers d'vn verre, mais qu'il soit donné chaud, & deuant les six heures apres que le mal luy sera venu, puis le fay tre-bien suer en son lit. Cette chose a esté experimentée & trouuée de grande perfection en vn-chacun.

¶ *En temps suspect de peste.*

PREN poulieul avec sucre rosat, & en fais vn electuaire, duquel vseras en temps suspect de peste à jeun la grosseur d'vne chataigne: chose eprouuée de plusieurs.

¶ *Vn autre trebien eprouuée contre la peste.*

PREN des noix quand elles sont verdes, tendres, & bonnes pour cōfire, puis les mets en vin-aigre par l'espace de huit jours, apres les en ote, & les deromps, les mettant ainsi en l'alembic sans le vin-aigre, & en distillera de l'eau, de laquelle tu donneras au patient chacun jour vn demy verre: & quand tu luy en auras donné, fay-le bien suer en son lit.

¶ *Secret treparfait contre la peste.*

PREN vne once d'aloé epaticum, demie once de mirrhe, demie once de safran: puluerise & tamise l'aloé & la mirrhe ensemble, puis puluerise le safran, & le detrepe avec vin blanc
odori-

odoriferant, tellement que ce soit comme vne fausse: mets y apres les-dites poudres, & melle bien tout ensemble, s'il est de besoin, tu y mettras du vin dauantage, tant que de tout s'en puisse faire masse. Es si tu le veux faire bien fort, pour chacune once y ajouteras demie once de diagridium, & demie once de camphre.

M. François Alberti prenoit trois huitièmes des-dites pilules, sans diagridium, & les detrépoit en bon vin, puis les donnoit au patient le plustost qu'il pouuoit: apres le faisoit trebien suer en son lit, car par la sueur se resouloit le venin.

Autre secret trebon.

PREN fleurs de noix, & les seche à l'ombre, puis quand les noix seront en saison de confire, pren-en, & les taille par petites picettes, lesquelles tu mettras en fort vin-aigre par l'espace de trois jours: puis les ote, & les melle avec les-dites fleurs, les distillât par l'alembic de verre, ou de terre plombée. Garde cette eau bien curieusement, & quand quelcun se sentira entaché de la peste, donne luy en le plustost qu'il sera possible deux onces & demie, ou trois onces, & luy dechasseras la maladie par le cours du ventre, ou par vomissement, ou elle fera croître l'apostume, laquelle tu feras rompre avec les ruptoires qui sont descris en ce mesme Liure, & guarira incontinent.

¶ *Pour faire rompre le charbon, & toutes autres apostumes pestilenciales, remede prompt & tresaisé à faire.*

PREN sel commun bien puluerisé & tamisé, puis l'incorpore avec vn moyeu d'œuf, & le mets sus le charbon, & sois bien asseuré, que (moyennant la grace de Dieu) il tirera à soy tout le venin de la peste, tellement qu'en peu de temps il se guarira: remede souuentefois experimenté.

¶ *Tre-bon Remede contre les taches de la peste, ou pourpre.*

PREN raponticum frais, racines de dent de chien, racines de tourmentille, dictamnium blanc, de chacun deux onces, étampe bien tout, & le mets en vn pot ou phiole, avec eau de puis, ou de riuere, ou bien de fontaine, à discretion, plustost trop, que peu, tant qu'elle surpasse la moitié d'vne paume ou dauantage, apres laisse-le bouillir à petit feu clair, & sans fumée, tant qu'il soit diminué du tiers, puis l'ecoule, & sera de

couleur comme vin, garde-le en vn vaisseau de verre, & quand il sera besoin, tu en donneras au patient vn verre du matin, & autant du soir, deux heures deuant souper, & faut qu'il soit bien chaud: puis le couriras bien, & le feras suer. Quand les taches ou pourpre sortiront, il deuiendra comme ladre, & sera bien tost guarý.

¶ *Contre la mortalité de la peste, remede trecertain.*

PREN gentiane, zeduar, racines de tormentille de chacun deux onces, sandal rouge, dictamnum blanc & frais, corne de cerf brulée, perles blanches, bole-armenic, aristologie ronde de chacun vne once, camphre demie once, sucre blanc deux onces, de toutes ces choses bien puluerisées prendras à chacune fois vne drachme, avec trois onces d'eau d'endiuc, ou d'ozeille: melle l'eau & la poudre ensemble avec la grosseur d'une noix de fin triacle. Mais il faudra donner cette medecine deuant q̄ la maladie ait duré douze heures, car elle est alors plus seure. Si daventure apres les douze heures elle ne besongne point si fort, si faut il toutefois auoir bonne esperance. Et si le patient est encore en âge d'enfance, tu luy en donneras demie drachme avec vne once & demie de l'une des-dites eaus, & avec vne telle quantité de triacle. Le-dit bruuage n'est point solutif, & ne donne aucun tourment, mais amortit seulement le venin. Si aucun auoit mangé, ou beu quelque venin, cecy luy fera vne trebonne medecine: elle est aussi trebonne contre la fiere chaude. Note aussi, que, s'il est possible, le patient se doit faire saigner deuant qu'il prenne ladite medecine: si non, qu'il se face saigner apres, a-sauoir, du mesme coté qu'il sentira la maladie.

¶ *Pour faire des pomes ou balottes contre la peste.*

PREN ladanum demie once, storax calamita vne once, diambre, diamusci de chacun demie drachme, camphre deux grains, clous de girofle quinze greins, noix muscate, macis, de chacun demy huitieme, roses damasquines vn scrupule, canelle demie drachme, spica nardi quinze greins, musc, ciuette, de chacun huit grains, violettes fines demie drachme, lignum aloés quatre grains, calami aromatici la grosseur d'une feue, ambre fin quatre grains, mirrhe la grosseur d'une feue. Puis etampe premierement le ladanum avec vn pilon chaud, apres etampe bien

pe bien le storax calamita, & toutes les autres choses chacune à part soy: puis melle tout ensemble, & etampe tou-jours avec vn etampon, ou pilon chaud, y adjoutant à chacune fois maintenant storax liquida, maintenant eau rose, tant que toutes les choses soyent bien incorporées: puis en fay des pomes.

¶ *Vn Oignement mortificatif pour la peste.*

PREN quatre onces d'eau des sauoniers, & la mets bouillir tant qu'elle soit deuenue comme oignement, puis pren du bois de saux, ou des feues, & les mets bruler: éteins apres les charbons en vin-aigre, & les mets secher à l'ombre, de sorte qu'on les puisse étamper & tamiser. Item pren chaux viue à discretion, & la melle avec la-dite eau de sauon: puis pren icelle poudre tant qu'il y en ait à suffisance, & demie once de sain de porc non salé: melle tout ensemble, puis pren des cantarides demie drachme, puluerise & melle ensemble, & en fais oignement, lequel s'il estoit vn peu duret, adjoute y vn peu de miel, car il ne doit point estre dur: laisse-le ainsi en vn vaisseau bien serré, & s'il y vient quelque huilè dessus, tu l'oteras tout bellement.

¶ *Huile treparfait contre la peste, & tout venin.*

PREN de l'huile du plus vieil que tu pourras trouuer, si nbn, prends-en du nouueau, & le mets bouillir l'espace d'une heure: & pour chacune liure dudit huile, mets y cinquante ou cent scorpions, ou autant que tu en pourras auoir, mets tout cecy en vn pot à decouuert, lequel tu mettras en vn chaudron d'eau à bouillir, tant que le tiers de l'huile ou vn peu moins soit consommé. Puis ote les scorpions, & coule l'huile par vn canevas en vn autre pot ou phiole, laquelle bien etoupée tu mettras au soleil par l'espace de deux ou trois mois: si ce n'est point en esté, tu la mettras sus les cendres chaudes, par l'espace de deux ou trois jours. Mais auant que la mettre au soleil, ou au feu, a-sauoir, quand les scorpions seront ostés, & l'huile coulé, tu y ajouteras les choses suivantes, a-sauoir, rheubarbe deux onces, licorne 2. onces, triacle 1. once, eau de vie 3. onces: & quand aucun se sentira entaché de la peste, ou de quelque venin, tu l'oindras dudit huilè vers la partie du cœur, & tous les pouls: lors verra chose miraculeuse.

¶ *Vn merueilleus secret pour preseruer la personne de la peste: & a esté eprouué en Angleterre de tous les medecins, en icelle grande peste de l'an 1348. qui enuabit quasi tout le monde, & ne s'est jamais trouué personne qui n'ait esté preserué de la peste, en vsant dudit secret.*

PREN aloé epatic, ou cicotrin, canelle fine, & mirrhe, de chacun trois drachmes, clous de girofle, macis, lignum aloé, mastic, bole-armenic de chacun demie drachme. Toutes ces choses soient bien etampées en vn mortier net, puis mellées ensemble, & apres gardées en vn vaisseau bien serré, & en pren toutes les matinées la pesanteur de deux deniers, en vn demy verre de vin blanc, ou il y ait quelque peu d'eau, & le bois du matin à l'aube du jour. Ainsi pourras-tu (moyennant la grace de Dieu) seuremēt aller en toute infection d'air, ou de peste

¶ *Extreme & treparfait remede pour guarir la personne de la peste, & s'en sont trouuez qui en ont esté guaris en vne nuit: aüst est ledit remede trebon contre le pourpre, & taches de peste, les charbons, antrax, & semblables maladies, comme de Saint Estienne, & de Saint Anthoine.*

PREN la semence ou les grains de lierre d'arbre ou de mur & non pas de celle qui se trouue sus la terre, & faut cueillir les dits grains bien meurs, & deuers la partie septentrionale, s'il est possible, ou si non, pren-les cōme tu les pourras auoir, encore qu'ils ne fussent pas bien meurs: mets-les secher à l'ombre, puis les garde en vne boîte de bois, comme vne chose treprecieuse. Et si aucun est entaché de la peste, pren des-dits grains & les mets en poudre dedans vn mortier bien net, puis donne au pacient en vn demy verre de vin blanc de ladite poudre, autant qu'on en mettroit sus vn ecu d'or ou dauantage: puis le couure en son lit, & le fais tre-bien fuer. Ce fait, luy feras changer de chemise, de linceus, & autre couuerture de lit s'il se peut faire: si non, qu'il change à tout le moins de chemise, & de linceus. Aucuns ayans prins de la-dite poudre du soir, se sont si bien trouuez du matin, qu'ils se sont leuez, acourez, & pourmenez par la maison: & finalement guaris du tout. I'ay veu vn Milannois, l'an 1523. en Aleppe, qui auoit la peste, & vn charbon sous la cuisse, & vn autre sous le bras senestre: & ayant prins de la-dite poudre du matin, puis de re-
chef

che f du soir suiuant, il trouua que les deux sudits accidens estoient rompus d'eus mesmes, par la vertu de cette tant excellente medecine, enuoyée par la grande clemence du seigneur Dieu tout-puissant.

Parquoy je conseillerois volontiers qu'en toutes villes esquelles on pourra auoir la commodité de ce faire, d'auoir des plantes d'hierre, soit dedans la ville, ou bien dehors, a-fin d'estre tou-jours pourueu desdits grains, lesquels on feroit cueillir tous les ans, & garder diligemment pour s'en aider es accidens qui peuuent suruenir.

¶ *Trebeau secret & prompt pour guarir la peste, en tirant le venin hors de la partie des aynes, ou charbon, ou antrax, ou autre semblable accident.*

PREN vne geline viue, & luy tire les plumes du cul, & du lieu par où elle pond ses œufs, puis la mets tellement que la-dite partie soit sus le mal, & qu'elle soit comme assise sus le charbon, ou lieu de la peste, la tenant ainsi quelque bonne espace de temps. Lors l'oteras, & verras que la-dite geline aura tiré tout (ou au moins en partie) le venin, & qu'en peu de temps elle mourra, & fera bon de faire cecy avec deux, ou trois ou plusieurs gelines, incontinent l'vne apres l'autre, lesquelles tireront tout le venin hors du mal. Ce fait, oindras le lieu de bon triacle, & ne cesse point ce pendant d'vser d'autre remede par la bouche dont auons parlé cy-deuant, a-sauoir, des grains de l'hierre, ou de laurier, ou de quelque autre remede que tu trouueras le plus prest. Si le charbon estoit si dur qu'il ne se vouloit rompre, tu pourras vser des remedes sudits, pour le faire rompre: a-fin q̄ tout le venin sorte, & se retire arriere du cœur.

¶ *Aduertissement de tregrande importance, pour se preseruer en temps de peste.*

A cause que les mauuaises humeurs qui sont au corps humain reçoient facilement la corruption, & l'infection de l'air, il est bon d'entretenir l'estomac, & la teste purgée, de ne se charger trop de boire & manger, de s'abstenir de viandes grosses, & fumeuses, de se purger le plus souuent, qu'il est possible, par quelque medecine familiere, comme casia, ou quelques pillules, comme sont pilules de mastice, ou d'aloé, ou d'autres choses semblables: & sus tout d'vser souuentefois de tartre de

vin, qu'il faut puluerifer très-bien, & le detremper avec eau chaude, & puis le couler: En apres le mettre sécher du tout, comme on fait du sel blanc, puis garder icelle poudre, & en mettre trois onces avec vne livre de sucre rosat, & du matin en prendre plein vne bonne cuillier, tant qu'il y en ait vne once, ou dauantage, & fay cecy de jour a autre, car il t'entretiendra le corps net, & purgé: & qui ne le peut faire avec sucre rosat, qu'il prenne le tartre estampé, & le detrempe en broüet de chair, ou de chous, en mouuant très-bien, tant que tout ce qui se peut defaire soit defait, puis laisse vn peu tout reposer, & verse apres tout bellement le broüet en vne ecuelle, puis jette enuoye les fondrilles, & bois le broüet: Fay cecy tous les jours és heures du repas, ou au moins de jour à autre, ou toutes les fois que bon te semblera. Il sera aussi bon de manger en son potage, choses qui purgent le sang, comme buglose, bourache, cicorée, laitues, & autres semblables: & sus tout, de ne tenir jamais l'estomac trop chargé, ne trop vuide, ou à jeun: & du matin de bon heure prendre aucuns des preseruatifs sudits, comme la poudre qui a esté eprouuée en Angleterre (ainsi qu'auons recité) ou autres choses semblables. Puis deux ou trois heures deuant le diner prendre aucuns desdits autres preseruatifs, cōme la rue avec vne figue, & avec la noix, qui est vne chose fort bonne, ou aucunes des confectiōs sudites, ou vne piece d'escorce de citron confite, ou plein vne cuillier de l'aigre, ou jus de citrons, acoutré cōme dirons cy apres: & en vser aussi à son repas en maniere de saussé, & apres le repas vser de semence de citron confite en sucre, comme on fait la coriandre, aussi des amandes, qui est vne chose trebonne contre toute maniere de venin. Et semblablement à son repas manger du blanc, & du dedans d'vn citron avec vn peu de sucre, si on veut, & le manger avec la chair, ou avec le pain, comme on mange les limons. Du matin, à midy, & du soir quand on s'en va coucher, il seroit aussi trebō de se baigner vn peu les mains, les temples, & les poulx des veines, & le nés, de vin-aigre rosat ou autre, avec lequel il faut ajouter vn peu de camphre, d'eau rose, lignum aloés, xilobalsamum qui en pourra auoir: sinon, vn peu de canelle en son lieu. Il fait tous-jours bon garder telle maniere de vin-aigre, aupres de soy, en quelque phiole pour en vser

en vser quand il sera temps: car c'est vn preseruatif tre-bon, & si on ne peut auoir le vin-aigre composé, cōme dit est, qu'on vse de vin-aigre de vin pur.

Il sera aussi bon de porter quelque parfum, ou quelque bonne odeur, soit es gans, chemise, mouchoir, bonnet, barbe, ou le pendre au col, & pareillement de tenir en la main quelque vne des pomes de senteur, su-dites. La maison se doit toujours tenir aussi nettement qu'il est possible, sans qu'elle sente aucunement l'vrine ny autre ordure que ce soit, & la doit on tenir bien ferrée, lauuant souuent les fosses & retraits. On doit aussi tenir le moins qu'il est possible de draps ords, & puans. Les riches doiuent souuentefois faire parfumer leurs maisons de quelque noble parfum, dont en mettrons vne quantité au Liure suiuant. Les poures doiuent faire prouision de fueilles & de bois de laurier, de romarin, geneure, de ciprés, & en vser aussi souuent qu'ils pourrōt, les brulant au milieu de la chambre, ou de la maison, & principalement du soir, & du matin. Semblablement de pelures d'orenges, & de limons, ou autres choses odoriferantes. Le storax calamita, & le ladanum sont à bon marché, & sont tre-bons en cet affaire.

Quand à la disposition du courage, il faut considerer que la tristesse, ou melancolie corrompent le sang & les autres humeurs, debilitent le cœur, & deprauent la nature, pourtant les doit on fuir autant qu'il est possible. D'autre part la grand alairesse fait dilater, & elargir les porres, & le cœur, tellement qu'il est plus enclin à receuoir le mauuais air, & le venin, qui sont choses fort penetrantes. On se doit aussi garder de boire trop de vin, car il alaignit demesurémēt la personne. Or à cause qu'en temps de peste vn-chacun s'epouante, tellemēt qu'il ne semble point qu'ō puisse aquerir la maladie par estre trop alai gre (si ce n'est qu'on soit yure cōme dit est) mais biē au cōtraire par estre trop triste: car la tristesse viēt biē d'elle mesme sans qu'ō la cherche: ce q̄ne fait l'alairesse: pourtāt est il bon vser d'a trempance, se pourmenant & recreant honestement, sans trop vser de compaignie charnelle. Et sus tout, il faut toujours auoir ferme esperance en Dieu, estre toujours prest & delibéré de mourir quand il luy plaira nous appeller, sans tant estimer cette vie mondaine, & sans craindre tant la mort, laquel-

le n'est autre chose qu'une issue de cette vie remplie de calamités, & une entrée à la vie éternelle pleine de tous soulas & plaisirs.

¶ Pour acourcr l'aigre de citrons, pour en user, comme dit est.

PREN l'aigre, c'est à dire, le jus de citrons, autant que tu voudras, & le mets en une poelle plôbée, puis y adjoute deux onces de miel ecumé pour chacune liure dudit jus, un peu de sucre à discretion, un peu de canelle en poudre. Laisse un bien peu bouillir cecy ensemble, puis le garde, & en prend devant le repas, & à ton repas en lieu de sausse, qui est un trebon remède, tant pour se preserver contre l'infection de l'air, comme pour le dechasser apres qu'on en sera infecté.

C'est aussi une tre-bonne medecine pour prendre incôntinent qu'on se doute d'avoir prins quelque venin au corps.

FIN DU PREMIER
LIVRE.

LES

SECRETS DE REVEREND
S I G N E V R A L E X I S

P I E M O N T O I S .

L I V R E D E V S I E M E .

¶ Pour faire huile imperiale à se parfumer les cheuens, & la barbe & s'en frotter les mains, & les gands, & pour mettre aussi dans la laissie, en laquelle on vouldra laver le linge de quelque grand Prince, & la peut on faire à sumptueux, & aussi à petits depens.



R E N demie once d'ambre gris, duquel on vŕe pour parfumer, & le taille aussi menu que tu pourras, styrax calamita bien gras & gommeus huit onces, lequel semblablement couperas bien menu, & le mettras en vn bocal ou phiolé, avec deux liures d'eau rose, & deux liures d'huile de roses damasquines, six clous de girofle legere-ment pilez, vn demy quart d'once de canelle fine, puis ayant bien etoupé le-dit vaisseau d'vn peu de cire, l'enveloperas de quelque linge, & le mettras ainsi sous du fien chaud, l'y laissant par l'espace de huit jours: en apres le verseras en vn vaisseau plombé, le faisant bouillir à petit feu, par l'espace de deux heures. & puis l'otant, laisse-le refroidir. Ce fait, tu amasseras avec vne cuillier d'or ou d'argent, ou de quelque piéce de verre, toute l'huile qui nagera par dessus, & en y ayant adjouté autant de musc, & de ciuette que tu vouldras, la fait garder en quelque phiole, & la laisser ainsi au soleil, par aucuns jours, ayant premierement bien bouché la-dite phiole avec cire, & parchemin. Lors auras vne liqueur treprecieuse pour odorer, ou sentir, & pour conforter le cerueau, resister à la corruption de l'air, & par ce tre-bon en temps de peste. Et l'ambre, le styrax, & autres choses demeurées au fond dudit vaisseau, auquel tout aura esté bouilli, seront trebonnes pour faire pommes de

senteur à mettre entre les linges, ou porter es mains, ou pour en faire patenostres, ou bruler en la chambre au lieu de parfum, & qui voudra faire la-dite huile à moins de depens, il le peut faire sans musc, ny ambre, ou y en mettre moins qu'auons dit.

¶ Pour faire huile de Ben à peu de depens, laquelle de soymesme sera odoriferaute & excellente, & de laquelle vsent les parfumeurs comodiousemēt pour parfumer les gands, & autres choses

CE que les parfumeurs modernes apellent Ben, ce sont noisettes, que les Latins apellent, nux vnguentaria: les Grecs, Balanos myrepfica, ou myrobalanos: & les Arabes, Ben. De ces noisettes se tire vne huile, comme d'amandes douces & autres choses semblables. Or ce Ben a deux proprietés qui sont de tresgrande importance, & necessaires à ceus qui veulent parfumer. L'vnē est, qu'il n'a en soy odeur quelconque, parquoy ne change, ny aneantit l'odeur du musc, ou de l'ambre, ce qu'il fe roit, s'il auoit quelque odeur particuliere. L'autre, c'est qu'il est de treslongue durée, & ne se corrompt ou deuiet quasi jamais rancide, cōme sont toutes autres huiles en peu de temps. Les parfumeurs detrempent le musc, & l'ambre coutumierement avec cette huile, lors qu'ils veulent parfumer les gands, ou faire autres mixtions: mais il y a vn inconuenient, c'est que lesdites poudres detrempées avec ladite huile, & reduites en paste, ne sont pas si penetrantes, & n'en dure pas l'odeur si longuement, comme si elles estoient plus penetrantes. Parquoy voulant faire ladite composition plus parfaite, pren lesdites noisettes de Ben, & apres les auoir trebien nettoyées, rompsles en quatre parties, & les mets sus vn tamis bien cler: puis pren du musc, de l'ambre, & de la ciuette autant que tu voudras, en vn vaisseau de parfumeur, & y adjoute trois ou quatre gouttes d'eau nette: en apres detrepeles avec vn peu d'eau rose, tant qu'ils soient comme vne paste tendre: puis mets le vaisseau pour parfumer sus le feu, à la maniere comme on parfume les chambres: & fais que toute la fumée soit receue par lesdites noisettes. Ce fait, en tireras l'huile, qui sera tresexcellente, tant pour en vser à part soy, cōme pour parfumer gands, & toutes autres choses.

¶ Pour faire eau odoriferante & tre-bonne.

PREN douze liures d'eau rose damasquine, eau de lauende, clous de girofle, & canelle, de chacune vne drachme, du macis, cardamomū, musc, ambre, de chacun demy scrupule, ecorces de citrons seches, sandalum citrinum, ireos de chacun demie drachme, benjoin, styrax calamita de chacun vn scrupule, de tout cecy soit faite vne cōposition selon l'art, laquelle mettras en vn vaisseau de verre bien etoupé, la laissant ainsi par l'espace de quinze jours. En apres soit distillé par balneum marie, & l'eau qui en sortira soit mise en vne phiole bien serrée au soleil par l'espace d'autre quinze jours, & alors sera vne eau de tregrande excellence.

¶ Seconde eau odoriferante.

PREN feuilles de roses damasquines, fueilles de giroffes toutes fraiches de chacune vne liure, fleurs de romarin : fleurs de lauende, fleurs de Iosemin, marjoleine, serpolet, sariette, de chacune trois onces, ecorce de citron seche vne once. Apres, canelle, benjoin, styrax calamita, de chacun deux drachmes, noix mustade, macaleb de chacun vne drachme: mais il faut vn peu piler les herbes, & bien broyer les especes, puis mettre tout ensemble en vn pot de terre bien plombé : & apres l'auoir laissé au soleil, par l'espace de deux jours, le distiller in balneo marie. A l'eau qui en vient soit adjouté vn scrupule de musc fin, la laissant apres en vne phiole de verre bien bouchée par l'espace de vingt ou trente jours. Lors sera vne chose magnifique

¶ Tierce eau odoriferante.

PREN six liures d'eau de roses damasquines, vn verre de maluoisie, trois litres de fueilles de roses damasquines fraiches, fleurs de lauende, fleurs d'aspic verdes, de chacune quatre onces, fleurs de cheure-fueille, fleurs de Iosemin, fleurs d'oluiers de chacune liure & demie, fleurs d'orengier seches trois onces, ecorce de citron seche quatre drachmes, clous de girofle drachme & demie, canelle, ireos, styrax calamita, benjoin de chacune deux scrupules, noix muscate vn scrupule. Toutes lesdites especes soient premier bien puluerisées, & puis mises toutes ensemble, en vne phiole bien etoupée, par l'espace de dix jours: en apres soit le tout distillé in balneo marie. Et à l'eau qui en sortira soit adjouté musc & ambre, de chacun vn scrupule

pule & demy. Il la faut tenir au soleil, & garder en lieu net.

¶ *Quatrieme eau odoriferante.*

P R E N clous de girofle bien puluerisés deux drachmes, poudre de sandalum citrinum, & macaleb de chacun vn scrupule, & dix liures d'eau de roses damasquines, & eau de l'herbe que les Italiens appellent solfanella quatre liures, eau de lauende vne liure. Tout cecy soit laissé ensemble par l'espace de quatre jours, en apres mis en l'alembic, & distillé. A l'eau qui en viendra soient adjoutées les especes suivantes tre-bien puluerisées, a-sauoir, clous de girofle, canelle, benjoin, storax calamita de chacun demie drachme: & puis de rechef le distilleras par balneum marie. Finalement y adjouteras du musc, & de l'ambre, en tout vn demy scrupule. Et l'eau soit gardée en vne phiole, ou autre vaisseau de verre bien serré.

¶ *Cinquieme eau odoriferante.*

P R E N quatre liures d'eau de roses damasquines, eau de lauende, eau d'aspic de chacune trois onces, eau de fleurs de limons ou oranges, eau de fleurs de myrte, fleurs de Iosemin, de marjoleine, de chacune demie liure, benjoin, storax calamita de chacun vne drachme, musc demy scrupule. Mellez le tout ensemble, & le gardez en phioles bien etoupées six jours de long. Puis distille in balneo marie, & tiens l'eau en vaisseau de verre par l'espace de quinze jours au soleil, la gardant en apres pour t'en seruir.

¶ *Sixieme eau odoriferante.*

P R E N fleurs de romarin verdes deux liures, ambre vn scrupule, trois liures d'eau nase, laissez tout ensemble en vn vaisseau bien etoupé dix jours durans. Puis l'eau distillée par balneum marie soit gardée en phiole de verre bien serrée.

¶ *Septieme eau odoriferante.*

P R E N eau nase quatre liures, eau de roses damasquines deux liures, avec demy scrupule d'ambre. Toutes ces choses tre-bien mellées ensemble, & mises en vne phiole de verre bien etoupée, seront laissées au soleil par l'espace d'un mois entier, puis les faut garder.

¶ *Huitieme eau odoriferante.*

P R E N quatre liures d'eau de roses damasquines, avec six onces d'eau de lauende, fleurs de Iosemin trois liures, avec vn scrupule

scrupule de fin musc. Tu garderas bien tout cecy ensemble en vn vaisseau bien etoupé, par l'espace de dix jours: apres le distilleras in balneo marie, tant que tout en soit sorty. Puis le garderas en vne phiole de verre, pour quand tu en auras à faire, & la trouueras merueilleuse.

¶ *Neufuiesme eau odoriferante.*

PREN ecorces d'orenges, & de citrons verds de chacun demie once, clous de girofle vn scrupule, fleurs d'aspic nouvellement cueillies six onces. Toutes ces choses se doiuent meller ensemble comme dessus est dit, atiec six liures d'eau de roses de damas: & apres les auoir laissées aucuns jours en vn vaisseau couuert, on les doit distiller in balneo marie. L'eau qui en viendra sera tresexcellente.

¶ *Dixiesme eau odoriferante.*

PREN 2. liures de feuilles de roses de damas, macaleb demie drachme, demy scrupule de trebon ambre: & ayant premiere-ment pilé ce qui est de besoin, tout se doit mettre sus cendres chaudes par deux ou trois jours: mais ayant le distiller, il le faut laisser tremper par dix jours, en dix liures d'eau de roses de damas, & puis ainsi le distiller in balneo marie. L'eau se doit par apres garder au soleil par l'espace de quinze jours.

¶ *Huile d'orenge tresexcellente.*

PREN vne liure d'amandes douces bien nettoyyées, fleurs de limons ou d'orenges, autant qu'il te plaira, lesquelles tu par tiras en trois parties égales: en apres etendras la tierce partie d'icelles fleurs sus vn linge treblanc en vn tamis, etendant aussi separément sus icelles la moitié des dites amandes, lesquelles tu recouuriras d'vn autre tiers des dites fleurs: & puis le reste des dites amandes, lesquelles tu couuriras finalement du reste de tes fleurs, de sorte que les amandes soient toujours au milieu des fleurs audit tamis, & ainsi les laisseras ensemble par l'espace de six jours, renouellant les fleurs à chacun jour, & puis les amandes. Ce fait, tu pileras les amandes en vn mortier & les presseras en vn beau linge blanc, au pressoir, tant que tu en faces sortir vn huile tresclair, auquel adjoüteras vn peu de ciuette, de musc, & de benjoin. Apres le laisseras huit jours au soleil en vn vaisseau bien etoupé.

¶ Huile de Iosemin & de giroflées.

PREN amandes douces bien nettoyyées & pilées, fleurs de josemin autant que tu voudras, & les mettant lit sus lit, les laisseras en lieu humide, par dix jours de long, ou dauantage, puis les osteras. Et au pressoir en tireras l'huile, la vertu duquel sert à beaucoup de choses diuerses. En la mesme maniere peut on tirer huile de giroflées, & autres fleurs.

¶ Huile de noix muscade treparfait.

PREN noix muscadés, des milleures que tu pourras trouuer, & selon la quantité de l'huile que tu voudras auoir : puis les ayant coupees par petites piécettes, y ajouteras autant de maluoisie qu'elles en soient toutes couuertes, les laissant ainsi par l'espace de trois jours. Apres les retireras, & les mettras sécher en quelque lieu net, par l'espace de deux jours. Finalement les chaufferas au feu en les arroustant d'eau de roses: puis les presseras comme dessus, au pressoir, & en tireras de l'huile qui sera tresexcellent à beaucoup de choses, & se doit garder en vn vaisseau net, bien etoupé.

¶ Huile de benjoin fort excellent.

PREN fix onces de benjoin trebien puluerisé, lequel tu laisseras dissoudre vn jour entier en huile de tartre, & eau de rose, de chacune vne liure: & puis à canne close le distilleras par l'alembic, puis apres la garde comme chose tresexcellente.

¶ Huile de styrax tresexcellent.

EN cette mesme maniere se fait aussi l'huile de styrax. Pren styrax liquida autant que tu voudras, & le mets en eau rose par deux ou trois jours. Puis le distille come le benjoin, en la maniere que dessus. Premierement il en sort eau, & puis huile tresexcellent & precieus.

¶ Huile de mirrhe qui entretient la chair douillette, & maniable, & la fait belle & luisante.

PREN œufs cuits durs, & les coupant par le milieu, en osteras le jaune: puis les empliras de mirrhe bien puluerisée, & les remettras en quelque lieu humide, auquel ladite mirrhe se puisse dissoudre en huile petit à petit. Cet huile ne rend point seulement le visage ou autre partie du corps molle & maniable, mais en oste aussi toutes cicatrices.

¶ *La maniere de faire que les huiles ne se rancissent jamais.*

P R E N pour chacune liure d'huile deux grains de sel, vn grain de limaille d'erain, alun de roche autant que de sel, & fais vn peu bouillir toutes les-dites choses ensemble avec tel huile que tu voudras, in balneo marie: apres les conleras, & les laisseras par huit jours au soleil. Puis garde telle huile tant que tu voudras sans craindre que jamais diminue, rancisse, ou se corrompe.

¶ *Poudre d'iris.*

P R E N iris eleüe autant que tu voudras, & apres l'auoir tre-bien puluerisée, detrempe-la aussi tre-bien avec eau rose, l'estendant par apres sus vn tamis couuert. Ce fait, pren storax calamita, & benjoin de chacun demie once, puluerise-les bien, puis en fais infusion en vn demy verre d'eau rose, sous le-dit tamis bien couuert tout à l'entour, de peur qu'il ne respire, & le fay bouillir sus la braise. Ainsi l'iris, s'essuyant, vient à recevoir le parfum des-dites substances. Cette poudre sera tresexcellente pour donner odeur aus acoutremens, & à toutes autres choses.

¶ *Poudre de violettes.*

P R E N iris, boutons de roses, de chacun vne liure, écorces de citrons seches quatre onces, girofles, sandalum citrinum, lauede bien seche, coriandre, de chacun deux onces, noix muscade vne once, marjoleine seche, storax calamita, de chacun vne once & demie, benjoin eleu six onces. Puluerise & tamise subtilement toutes les-dites choses, & la poudre sera faite: laquelle tu garderas en vne phiole de verre, bien etoupée, à celle fin, qu'elle ne s'euente.

¶ *Poudre blanche pour mettre en petis sachets.*

P R E N sandalum citrinum le quart d'vne once, poudre du milleur benjoin qui soit, iris, de chacun vne once, & les fais bouillir en eau rose, à suffisance: puis pren alun brulé, & bien tamisé douze onces, laisse-le en la-dite eau, & en fais pillules, ou trochisques de la grosseur de lupins, lesquelles tu laisseras trebien secher à l'ombre: en apres les pulueriseras, & les passeras de rechef par le tamis, puis sera faite. Mais si tu la veus faire musquée, pren ambre, & musc, de chacun vingt & quatre grains, ciuette dix-huit grains, & mellant tout ensemble en
empli-

empliras des sachets de toille, ou de tafetas, ou de sandal, lesquels tu pourras mettre és garde-robes, entre les acouttemens, ce qui est chose tresmagnifique.

¶ Poudre de Cypre.

PREN vne herbe qui se trouue au tronc des noyers, ou des chénes, laquelle est comme petit poil, & se doit cueillir en Ianuier ou Feurier quand il fait sec. Mets-la secher, & puis la laue de belle eau de riuere, ou de puis, & la mets de rechef secher à l'ombre, & l'ayant lauée ainsi par trois ou quatre fois, tu la mettras en eau rose, par l'espace d'vne heure: en après la pulueriseras tresubtilement, & tamiseras, mais il faut que le tamis auquel on doit etendre la-dite poudre, soit toujours vn peu arousé d'eau rose, la courant tre-bien, a-fin qu'elle ne s'euente nullement: & après la faut parfumer avec les choses suiuantes, a-sauoir, benjoin, storax calamita, de chacun deux onces, timiane vne drachme, lauende demy drachme, lignum aloé vn quart d'once. Pile chacune chose à part grossement: puis les melle ensemble, & diuise en quatre parties, l'vne desquelles se doit mettre sus le fourneau, en vn vaisseau dedans le tamis, la laissant illec jusques à ce qu'elle soit toute consommée, & feras ainsi par quatre fois, c'est à dire, jusques à ce que toutes les quatre parties de la poudre dudit parfum soiēt brûlées. Mais il faut prendre garde que la poille, ecuelle, ou autre vaisseau, auquel seront mises les-dites poudres pour estre brûlées, soit mis sous le tamis, auquel est la poudre: & que le tamis soit si bien couuert que rien ne s'euente, de sorte que la poudre du tamis reçoie tout ledit parfum. En après tu prendras vne once de la-dite poudre, & y entremelleras petit à petit, six grains de ciuette, & vingt-six grains de musc fin, tre-bien puluerisés ensemble. On garde cette poudre en phiole, ou vaisseau de verre bien serré, a-fin que rien ne s'euente, & la doit on mettre en lieu sec. Cette est la plus excellente poudre qu'on sauroit faire.

Il est bien vray que de Cypre & d'Orient on apporte à Venise quelques pomes de couleur jaune, qu'ils apellent Butri, & disent que c'est fiente de bœuf amassée en May, & par plusieurs fois arousée d'eau rose: puis sechée, & finalement reduite en pomes, lesquelles ces parfumeurs broient, & sans les
plus

plus parfumer au tamis, y ajoutent benjoin, musc, & ciuette plus ou moins, selon qu'ils la veulent faire bonne.

¶ *Sauon muscat blanc.*

PREN sauon rasé ou gratté, autant que tu voudras, lequel (après l'auoir tre-bien detrempé en eau rose) laisseras huit jours au soleil: après y ajouteras vne once d'eau, ou de lait de macaleb, douze grains de musc, & six grains de ciuette, & reduisant le tout en forme de paste dure, s'en font pomes tresexcellentes.

¶ *Autre sauon blanc odoriferant.*

PREN sauon de Venise, du plus vieil que tu pourras trouuer, lequel tu couperas ou gratteras d'vn couteau, & le mettras par six jours au soleil. Et après l'auoir bien broyé, le dissoudras en vn vaisseau plombé, avec vne liure d'eau rose tre-bonne, le laissant bouillir à petit feu, puis ajouteras ireos puluerisé quatre onces, amidon six onces, sandal blanc deux onces, styrax liquide vne once, huile d'aspic vne once, & en le mouuant continuellement d'vn baton, le laisseras puis après refroidir. Finalement en feras des pomes, comme tu voudras.

¶ *Pour faire sauon muscat à la damasquine.*

PREN vne liure du millieur sauon que tu pourras trouuer, & après l'auoir gratté ou raclé bien menu, pren canelle fine, noix muscades, styrax calamita de chacun vne once, lignü aloés deux drachmes, benjoin parfait deux onces, poudre de girofles vne once. Ayant tre-bien puluerisé toutes les choses su-dites, tu y ajouteras vne drachme de poudre de Cypre, vn peu de musc & de ciuette: puis le detremperas en eau rose, & après le laisseras par quaranté jours au soleil, en le mouuant souuentefois. Lors en feras des pomes, ou petis pains, lesquels tu garderas en boites de bois avec du coton.

¶ *Pour tirer le lait du macaleb.*

A cause que l'usage du lait de macaleb est requis en plusieurs compositions, comme dessus est dit, nous en enseignerons la maniere pour le tirer, qui sera telle: Pren le macaleb, qui sont grains odoriferans ainsi apellez, lesquels pileras en vn mortier, avec eau rose, ou autre eau odoriferante, tant qu'ils deuiennent comme sause, & l'ayant mis en vn sachet de toile, en tireras le lait au pressoir, ou entre deux aiselles. Puis bro-

broyeras de rechef avec la-dite eau, ce qui sera demouré au sachet, & le presseras de nouveau, tant qu'il n'en sorte plus de lait. Mais sois aduertý que ce lait ne duré point plus de deux ou trois jours: pourtant le te faudra il incontinent mettre en oeuvre.

¶ *Poudre de ciuette tresexquise.*

PREN sucre candy autant que tu voudras, & le mets en vn mortier d'erain: puis apres l'auoir bien pilé, y ajouteras autant de ciuette, qu'il te plaira: & en feras poudre, laquelle tu garderas bien serrée.

¶ *Poudre magique.*

PREN roses damasquines, ciperus Alexandrin, sandal citrin de chacun vne once, iris demie once, ligni aloés, calamius aromaticus, galanga, benjoin, de chacun vn carat, giroffes demy carat, musc cinq grains, ciuette trois grains. Tu feras de tout cecy vne poudre tresfine, & l'incorporeras bien, la gardant en vne phiole trebien etoupée.

¶ *Poudre blanche odoriferante.*

IRIS elite trois onces, sandal blanc deux onces, roses de damas, ligni aloes, benjoin, ciperus Alexandrin, de chacun deux onces, musc quatre grains, ciuette trois grains: pile-les à part, & les tamise: puis les incorpore ensemble au mesme mortier d'erain, ou tu les auras pilées, & en garde la poudre en vne phiole bien bouchée.

¶ *Poudre rouge.*

ROSES de damas deux onces, sandali rubri vne once, ligni aloés, ciperi Alexandrini de chacun vn carat, iris demy carat, clous de giroffes vn scrupule, musc fin trois grains, ciuette deux grains, ambre deux grains. Broye-les, & melle ensemble, & les garde.

¶ *Poudre noire.*

CIPERI Alexandrini, ligni aloés, de chacun demie once, sandali citrini, roses de damas, ladanum terreus de chacun vn quart, clous de giroffes vn carat, musc trois grains, ciuette deux grains, puluerise-les, & les garde.

¶ *Poudre de Cipre tresexquise.*

PREN vne liure d'herbe de chéne, c'est à dire, mousse de chéne, & la laue tre-bien en eau nette, tant que l'eau demeure claire:

claire: puis l'etendras sus vne table au soleil, tant qu'elle soit bien sèche: en apres l'arouferas d'eau rose: & l'ayant laissée ainsi couuerte en vne ecuelle ou plat, vn jour entier, tu l'etendras au soleil bien chaud. Quand elle sera assez sèche pour piler, püluerise-la, & la tamise tresubtilement, repilant le plus gros, & le retamisant, pour en tirer le plus qu'on peut. Tu arouferas cette poudre d'eau rose musquée, & l'etendras sus vn grand tamis renuersé, bien deliée, sous lequel tamis feras vn parfum comme s'ensuit, le couurant tres-bien d'vn drap, que rien ne s'euente, & que la poudre puisse attirer tout le dit parfum, qui sera tel: Benjoin deux carats, ladani demy carat, storax calamita deux carats, ligni aloes demy carat, musc fin demy grain. Pile chacune des-dites choses grossièrement, & apres melle les toutes ensemble, puis mets petit à petit la poudre sous le tamis en quelque tés, avec vn peu de feu, & la boute en la maniere d'encens, t'arestant toujours de fois à autre, tant que la partie, premierement mise, soit consommée. Or, tout ledit parfum acheué, si tu veus faire la-dite poudre tres-exquise, sus chacune once ajoute y les choses suiüantes: Benjoin vn carat, musc quatre grains, ciuette deux grains: pile-les à part tresubtilement, & les melle avec la-dite once de poudre, tellement que tout soit bien incorporé ensemble: puis la garde bien: car elle est tres-exquise.

¶ *Autre maniere de la faire tres-parfaite.*

P R E N siente de bœuf fraîche, & la sèche au soleil, ou au four, puis la pile & tamise, l'aroufant bien par apres d'eau rose, & la laissant ainsi au vaisseau par l'espace d'vn jour, puis la remets secher au soleil. Et quand elle sera sèche, rebaigne-la, & la reseche jusques à trois ou quatre fois. Pour la dernière fois tu l'arouferas quelque peu dauantage, de sorte qu'elle puisse demeurer attachée au fond du vaisseau, lequel doit estre bien plombé & net, apres tu la renueras bien, & la parfumeras du mesme parfum de la première poudre dessusdite. Puis l'ayant par plusieurs fois parfumée, la laisseras bien secher au dit vaisseau, prenant aussi bien garde qu'elle ne s'euente. Et apres qu'elle sera bien sèche, etampe-la, & tamise de rechef, puis la garde en quelque phiole. Et la voulant rendre tresfine, pren vne once de ladite poudre, trois grains de musc fin, qua-

tre carats de benjoin, deux grains de ciuette: broye bien, & incorpore le tout ensemble, & le garde.

¶ *Poudre odoriferante & tresexcellente pour mettre en coffres.*

PREN boutons de roses autant que tu voudras, & les seche à l'ombre: puis les mets és grandes chaleurs, en vn vaisseau net, y mettant telle quãtité d'eau rose fine, qu'elles soient souleuées par icelle, puis les mouuant bien, laisse-les par apres au soleil (couvertes d'vn linge) tant qu'elles soient bien echauffées. Quand elles seront bien seches, & qu'elles auront beu tout l'eau rose, pren pour chacune liure de roses dix grains de must, & yn quart de girofles fins subtilement puluerisez, en y adjoutant peu à peu de la-dite poudre, & mellant bien tout ensemble, tant qu'il se vienne à incorporer: mais deuant que tu y mette la-dite poudre, egoutte si bien le vaisseau, qu'il n'y demeure goutte d'eau au fond. Apres etens les-dites roses dans vn bassin de cuiure, ou pour le mieus d'erain, qui soit bien vni & plat, & les mets au soleil, quand il est fort chaud, les courant par dessus, tellement toutefois qu'elles se puissent secher, puis fais en poudre, & la garde. Et si tu veus donner odeur aus accoutremens, pren les-dites roses ainsi sechées, auant les pulueriser, & les mets en quelque sachet de linge bié delié, lequel pourras mettre en tes coffres, ou garde-robes, pres les acoutremens.

¶ *Poudre odoriferante.*

PREN boutons de roses rouges, & les broye en vn mortier, comme si tu en voulois tirer le jus, puis les mets au soleil trechaud, en les arroufant d'eau rose musquée, & les arrouse & seche par plusieurs fois: apres fais en de la poudre, laquelle tu parfumeras avec poudre de cipre, comme les autres iudites, & la garde en vne phiole.

¶ *Huile de benjoin.*

PREN benjoin tant que tu voudras, & le mets sous le fu mier en vne phiole bien etoupée (qu'il ne se puisse euenté) par l'espace de quinze ou vingt jours: puis le coule, & le garde en phiole: car c'est vne huile tresexquise.

¶ *Poudre trebonne & odoriferante pour tenir sus soy,*
& és coffres.

PREN quatorze onces de roses nouvellement sechées,
clous

clous de giroffes fins deux drachmes, seméce d'aspic vne drachme, styrax demie once, canelle fine demie drachme. Broye-les, & les garde en vne phiole bien etoupée. Tu y peus aussi adjoûter (si tu veus) deux grains de musc fin, ligni aloés demie drachme.

¶ *Pomes contre la peste, & qui donnent odeur à toutes choses.*

STYRAX vne part, ladani vne part, clous de giroffes demy part, camphre à discretion, mais moins que de nulle autre desdites substances, de spica nardi bonne quantité, & de noix muscades aussi: de tout cecy feras vne paste avec de l'eau rose, en laquelle tu detremperas gomme dragant, & gomme Arabique, les mouuant & brisant tre-bien. De cette pate tu feras des pomes pour tenir en la main, & flairer.

¶ *Liqueur royale.*

M V S C, ambre gris, ciuette, de chacune quatre grains, broye le tout ensemble, & l'incorpore avec vn peu d'huile d'amanthes douces, & en fais liqueur, laquelle tu garderas en vn vaisseau d'iuoie bien etoupé, & en vseras comme de ciuette.

¶ *Sauon de Naples, liquide.*

PREN laisiue forte, avec deux parts de cendres de cerrus, qui est vne espece de chêne appellé hetre, & vne de chaux viue, & la fais tant forte qu'elle puisse tenir vn œuf frais nageât entre deux eaus. Pren huit pots de cette laisiue bien chaude, vn pot d'axunge de cerf bié coulée & nette: melle-les & mets sus le feu, prenant garde qu'elles ne bouillent. Mets le tout en vn grand vaisseau bien plombé, & à fond large, le laissant au soleil l'esté, & le remuant quatre ou cinq fois le jour, avec vn baton, & entés qu'il le faut laisser de jour au soleil, & de nuit au serain (moyennant qu'il ne pleue pas) continuant ainsi par l'espace de huit jours. Laisse-le rafermir à ta fantasie, qu'il demeure neantmoins en forme de paste, & plus sera vicil, plus sera bon. Pren puis apres de certe masse autant que tu veus, & la mets en vn vaisseau plombé, la remuant tre-bien avec vn baton, & y adjoutant tant que tu voudras d'eau rose musquée fine. Tiens-la huit jours au soleil, la remuant, de fois à autre, comme dessus est dit: & si elle s'endurcit trop, adjoute y de l'eau rose, tant qu'elle ne soit ne dure, ne molle, & en remplis autant de boitclettes, que tu voudras.

¶ *Pour faire ledit savon muscat.*

M V S C fin autant que tu veus, bien pilé en vn mortier d'erain, en y adjoutant eau rose quelque peu chaude, & les ayant mellé ensemble, mets les au vaisseau où est ton savon, les meillant tre-bien ensemble, & les laisse vn peu reposer, puis en remplis des boitelettes à ton plaisir.

¶ *Muscardsins tresexcellens.*

GOMME dragant detrempee en eau rose, tant qu'elle soit molle & blanche, fais en comme vne paste, & en pren la grosseur d'une noisette, puis la broye en vn mortier d'erain, y bou tant vn peu de poudre de sucre tre-bon, & demy grain de fin musc detrempe en eau rose, melle bien tout ensemble. Et si tu les veus milleurs, mets y plus de musc, & de sucre, apres mets y autant de macis puluerisé, qu'on pourroit tenir sus vn tour nois, & le melle de rechef tre-bien, puis y boute vn peu de farine d'amidon puluerisée: mais il y vaudroit mieus mettre du sandal rouge, bien derompu, à discretion, & l'y bouter peu à peu, tant qu'on en puisse faire vne paste conuenable, laquelle tu tailleras à ta fantasie, & la mettras secher à l'ombre. Et si tu la veus auoir de diuerses couleurs, adjoutes-y telles couleurs bien puluerisées, que tu voudras, moyennant que ce soient couleurs, ou il n'y ait point de poison, ne de peril: tu peus aussi dorer ou argenter les su-dites pieces, comme on fait les confitures, & seront treparfaites.

¶ *Muscardin real.*

GOMME Arabique cinq onces, sucre fin quatre onces, amidon trois onces, & pour chacune once des choses sudites dix grains de musc fin, qui montera en tout cent & vingt grains, & sera parfait.

¶ *Clissettes de grande perfection, pour nettoyer les dens.*

P R E N poudre de corail rouge quatre onces, des tés de pots de galeres deux onces, os de Seche vne once, de pierre-ponce vne once, clous de girofle, canelle, & mastic de chacun vne drachme, perles etampées demie once, sang de dragon vne once, musc fin trois grains, etampe bien tout, & le passe par le tamis: puis le melle bien ensemble, & l'incorpore avec gomme dragant trempee en eau rose: reduis le tout en

paste,

paste, & en fay des dentifrices, desquels te frotant les dens, les rendras non seulement trebelles, mais aussi les cōtre-garderas.

¶ *Huile de benjoin odoriferante.*

METS vne liure de benjoin, trebien puluerisé, en vn vaisseau court & large, de sorte que tu y puisse bouter la main: apres y adjoute deux liures d'eau rose, & melle bien tout ensemble, puis le couure de sa chapelle de verre bien liée d'un linge, & toutes les jointures bien etoupees. Donne luy au commencement petit feu, tant que l'eau en soit toute tirée (& est cette eau celle dont nous auons parlé cy deuant) & fay par apres croitre le feu petit à petit, & lors que tu en verras sortir l'huile, mets y soudainement vn autre receptoire qui soit bien net, & fay dessous vn bien grand feu, a-fin que toute l'hulle en sorte, laquelle toute distillée, en sortira certaine gomme en forme de manne, laquelle sera trebonne pour garder. Et quand tu voudras faire eau odoriferante, pren vn bocal plein d'eau de puis bien nette, & y mets vn peu de la-dite gomme: elle le rendra odoriferante, mais il la faut bien mouuoir. Si tu la veus milleure, pren de l'eau rose, non pas de puis. En cette maniere pourras tu faire huile de storax calamita.

¶ *Huile de storax calamita.*

PREN storax calamita autant que tu voudras, avec telle quantité d'eau rose qu'il te plaira, & mets le tout en vn large bocal sans serrer les jointures, mais fais que la chapelle soit vn peu de trauers, a-fin qu'elle puisse prendre air, & ne change point le feu. mais entretiens-le selon que tu verras qu'il en sera besoin. Et quand l'huile en viendra, change de receptoire, & alors fay plus grand feu, & en reçois l'huile, & la garde, car elle est tresexquise.

¶ *Pour faire huile de ladanum.*

PREN ladanum fin, & bien mondifié, & en fay comme tu as fait du benjoin. Mais si tu le veus autrement, tu en peux prendre autant que tu voudras, & apres l'auoir brisé le mettre tout mouille en vn vaisseau d'erain, en y adjoutant vne liure d'eau rose, & demie liure d'huile d'amandes douces: couure trebien le vaisseau de sa couuerture, & l'etoupe de linges emplâtrés, le laissant ainsi secher: apres mets-le sus vn petit feu, qu'il puisse bouillir tout doucement deux ou trois heures. Ce

fait, le retireras du feu, & le laisseras refroidir, auant que tu le decouures, puis le tireras yitement hors, & le mettras en vne phiole. Et (a-fin de le mieus conseruer) mets-y vn peu d'allun de roche brulé, ou bien quelque peu d'ambre gris. Et la voulant mettre en phiole, l'y dois mettre la plus claire qu'il est possible.

¶ *Huile de noix muscades.*

P R E N telle quantité de noix muscades qu'il te plaira, lesquelles trebien brisées au mortier, tu mettras en vn vaisseau large, versant dessus vn peu d'eau de vie, de forte que les noix soyent toutes bien mouillées. Laisse-les ainsi reposer par deux ou trois jours, en les mouuant aucunefois le dessus dessous, & fay que le-dit vaisseau soit bien etoupé, puis y adjoute autāt d'eau rose, qu'elle surpasse les noix de deux ou trois doigts & les couure de la chapelle, la ferrant trebien. Distille-les premierement à petit feu, tant que toute l'eau en soit sortie: puis change de receptoire, en augmentant le feu, tant que tu en faces fortir l'huile: & quand tu verras que tout sera quasi forty, tu feras le feu bien grand, & garderas ledit huile en phiole.

¶ *Autre maniere.*

P R E N noix muscades vne liure, lesquelles bien derompues il te conuiendra mettre en vn vaisseau de terre neuf bien plombé, puis verser dessus de la maluoisie, ou quelque autre bon vin, tant qu'elles en soient toutes couuertes, & que le vin surpasse les noix de deux doigts pour le moins: apres y ajouteras encore, pour le moins deux liures de beure frais, & melлерas tout ensemble, ferrant ou etoupant tre-bien le vaisseau, & le laisât à la chaleur en quelque poisle, ou autre lieu chaud par l'espace de quatre ou cinq jours, puis le feras bouillir sus les cendres chaudes à petit feu, tant que le vin soit bien consommé: apres le couleras par vn linge neuf & rare, auant qu'il se refroidisse. Mets puis apres l'huile par certains jours au soleil, en vne phiole de verre, tant que la matiere epeisse soit toutē descendue au fond. Finalement coule-le vne autrefois, & le verse en vne autre phiole pour le garder.

¶ *Sauon tresexquis, fait de choses diuerses.*

P R E N aluminis catini, a-sauoir, cendres de fode trois parts, chaux viue vne part, laisſiue si forte qu'elle tienne vn
œuf

œuf nageant entre deux eaus, trois pots, vn pot d'huile vulgaire: melle bien tout ensemble, en y adjoutant le blanc d'vn œuf bien batu, & plein vne petite ecuelle de farine d'amidon, & vne once de vitriol romain bien puluerisé, & le melle continuellement par l'espace de trois heures, puis le laisse reposer, par l'espace d'vn jour, & sera parfait. Finablement tire-le hors & le coupe par pieces: apres le mets secher par deux jours, au vent, mais non pas au soleil. Vse toujours de ce fauon, quand tu te voudras lauer la teste, car il est fort sain, & fait les cheveux beaux.

¶ *Sauon avec ciuette.*

PREN dudit fauon autant que tu voudras, & le mets quelque peu au soleil dedans de l'eau rose, y adjoutant poudre de ciuette, & le mellant tre-bien. Si tu adjoute encore du musc, il en sera milleur, pourueu que le musc ait esté au parauant detrempe en eau rose.

¶ *Sauon avec diuerses huiles odoriferantes & excellentes.*

PREN du sudit fauon qui ait esté quelque temps au soleil dedans de l'eau rose, & y adjoute vn peu d'huile de benjoin, ou de quelque autre huile odoriferante, & le melle tre-bien: mais il conuient mettre les huiles avec discretion, selon la quantité du fauon.

¶ *Sauon rosat.*

PREN roses fraiches bien etampées, & les incorpore avec ledit fauon, comme dessus. Ce que tu pourras aussi faire à ton plaisir de toutes autres sortes de fleurs.

¶ *Sauon blanc de bonne odeur à la damasquine.*

AYANT coupé, à la damasquine par petites pieces, du plus vieil fauon qu'il te sera possible de trouuer, tu l'étendras sus vne table, en lieu où il se puisse essuyer, ou secher: puis l'ayant laissé là, par l'espace de huit ou dix jours, le faut apres estamper legerement, & en faire poudre: & icelle cryblée, y ajouteras quatre onces de irios, sus dix liures de la-dite poudre: sandalum blanc trois onces, macaleb deux onces, farine d'amidon vne once, & le tout bien puluerisé, le melleras avec dix liures de poudre du fauon sudit: puis le tout conjoint, le mettras au mortier avec vne once de storax liquida, & plein l'escaille d'vne noix d'huile d'aspic, & l'ayant bien étampé

tout ensemble sera fait. Apres^s fais-en des pomes ou quarreaus cōme tu voudras, avec farine d'amidon: puis les sèche à l'ombre, & les garde, car c'est chose excellente.

¶ *Sauon parfait.*

PREN six grains de musc detrempez en bonne eau rose, quatre grains de ciuette reduite en poudre, & les mêle avec ledit saumon: mais il faut que le musc detrempe soit chaud, & par ainsi auras vn saumon fort parfait.

¶ *Sauon solide noir.*

PREN dix liures de ladite poudre de saumon bien criblée, clous de girofles quatre onces, macis trebon deux onces, macaleb de damas, ciperus, sandali citrini, storacis liquidæ de chacun vne once, huile odoriferante à suffisance: & ayant etampé ce qui se doit etamper, en fay comme dessus est dit. Mais si tu le veus plus exquis, adjoutes-y du musc detrempe en eau rose, comme dessus, avec vn peu de ciuette, apres incorpore bien tout, & en fais pomes ou quarreaus, ou cœurs, ou telles autres formes qu'il te plaira: puis les fay sécher à l'ombre: par ainsi tu les trouueras d'vne singuliere & bonne odeur.

¶ *Parfum de damas.*

MVSC fin quatre grains, ciuette deux grains, ambre gris, sucre fin de chacun quatre grains, benjoin vn grain, storax calamita gras trois grains, ligni aloes deux grains: puluerise-les bien, & mets tout ensemble en vne petite poelle au parfumoir apres y verferas tant d'eau rose, ou de nase, qu'elle soit plus haute de deux doigts que toutes les drogues, en faisant dessous petit feu, qu'il ne puisse bouillir, & lors que l'eau sera cōsommée, y en verferas d'autre: & ayant continué cette maniere d'ainsi faire par quelque nombre de jours, auras vn excellent saumon.

¶ *Autre parfum de damas.*

PREN storax calamita quatre onces, benjoin trois onces, ladani, ligni aloés, canelle, de chacune vne once, sperma ceti vne drachme, musc quatre scrupules, clous de girofle vne drachme, eau rose huit onces, etampe-les, & mets au parfumoir.

¶ *Pommade excellente.*

PREN seize ou vingt pomes de paradis, ou de cappendu, ou de S. Iean, ou autres pomes de bonne odeur, auxquelles estant

estant pelées & mises par quartiers, ficheras en chacun quartier, quatre ou six clous de girofle, puis les mettras en vn vaisseau de terre plombé, avec autant d'eau rosé qu'elle les surpasse. Lors les couvriras d'une assiette, ou quelque autre vaisseau net, les laissant ainsi reposer vn jour entier. Verse puis apres tout en quelque vaisseau neuf bien plombé, y adjoutant quatre liures de sain de porc frais, beau, bien nettoyé de sa chair & de sa peau, taillé bien menu, & bien batu avec le couteau: fais dessous petit feu, qu'il ne se brule, puis en l'ecoulant par vn drap bien rare, tu le feras degoutter en quelque vaisseau plein d'eau fraiche, & ainsi nettoieras la graisse par trois ou quatre jours, en la tenant au mesme vaisseau, & changeant souvent la-dite eau par chacun jour: car tant-plus souvent la changeras, tant-mieus le purgeras. Oste puis apres ledit sain, & les pomes, & l'eau rosé ensemble, & tire la graisse hors du vaisseau, l'ecoulant bien, & y adjoute vn peu de spica nardi, avec deux onces de clous de girofle, vne once de canelle, vn quart de sandalum citrinum, vne once de benjoin, & autant de storax calamita. Broye toutes ces especes ensemble, & les mets en vn fin linge, en guise de boursiettes: mais que le linge soit vn peu large, & le lie tre-bien, a-fin que les especes ne s'epardent parmy la graisse. Fais les puis apres bouillir à petit feu, loin de la flamme, ou mets y deuant quelque quarré, ou brique, les laissant ainsi bouillir tout doucement par quatre ou six heures, tant que toute l'eau rosé soit évanouye, ce qui se pourra éprouver en cette maniere: Boute vn petit baton jus qu'au fond du vaisseau, & l'en retire vitemment, puis le secoue dans le feu: & s'il brule sans bruit, c'est signe qu'il n'y a plus d'eau: si non, attens tant qu'elle soit toute bien consommée, la mouuant aucune fois, a-fin qu'elle ne sente le brulé. Pren aussi bonne garde à la fumée, car s'elle prenoit vne fois la senteur de la fumée, on ne l'en sauroit jamais oter: & quand tout sera bien cuit, pren huit onces de cire blanche, & la mets audit vaisseau, mellant tout ensemble, & le laissant ainsi fondre vn quart d'heure avec les-dites matieres, lesquelles tu dois mouvoir de fois à autre. Tire-la puis apres du feu, la laissant reposer par vn quart d'heure, a-sauoir, tant que la grosse substance soit descendue au fond: puis la coule tout bellement à

trauers deux linges neufs & rares, en vn vaisseau bien plombé, auquel il faut auoir deux ecullées d'eau rose: mais garde toy bien de presser tant q̄ la lie en sorte au mesme vaisseau (mais bien en vn autre) car elle seroit vn peu roussette. Laisse-la ainsi refroidir jusqu'au lendemain au matin, & quand elle sera bien solide, partis-la en quatre parties, & la mets en vn rond vaisseau plombé, la remuant bien fort avec vn baton, ou pilon y adjoutant peu à peu de bonne & fine eau rose musquée, & la mouuant tant que elle soit bien incorporée. Or si d'auenture tu vois qu'elle ne s'incorpore biē, mets la vn peu sus le feu: puis quand elle sera chaude, verse de l'eau rose dessus, en la mouuant bien fort, tant qu'elle deuienne bien deliée, mais pren bien garde au feu. Apres garde-la en vaisseaus nets & neufs.

¶ *Autre pomade.*

PREN pomes de paradis, cappendu, ou semblables, & les mets sus vne tuile pour les cuire au four, puis les ayant mondifiées, & oté les pepins, broye la chair, ou moelle qui reste, & la passe par vn canevas bien delié & fin. Pren puis apres autant de graisse de cheureau que tu as de pomes, & la fais semblablement passer par vn canevas, faisant le tout bouillir ensemble en vn vaisseau neuf plombé, tant que l'eau rose soit consommée: puis y adjoute du musc, clous de girofle, noix muscades, & semblables matieres à ta discretion, pourueu qu'elles soient bien brisées, comme auons dit cy dessus, & les fais pareillement bouillir à la maniere dessusdite, puis les coule, & les garde.

¶ *Autre pomade.*

PREN sain de porc frais, & le mets en vn vaisseau neuf, avec de l'eau rose dessous, & ce pendant qu'il se fond en iceluy, tu en tireras hors ce qui est fondu & desfait, a-fin qu'il ne sente le brulé: puis le mets en eau freche, par l'espace de dix jours, en le lauant tre-bien, par chacun jour, neuf ou dix fois, & le mouuant à chacune fois, & changeant tou-jours d'eau. Pren par apres des pomes sudites, & les nettoye de leurs pepins, les coupant par quartiers, sans les peler: puis les mets par trois jours tremper en eau rose musquée: pren aussi quinze clous de girofle detrempés vn jour entier en eau freche, souvent renouelée, & les mettant puis apres en vn linge fin, les fai-

faisant bouillir en eau rose, à petit feu, par l'espace d'une heure: puis ayant trebien écumé toute l'ordure, mets y dedans trois onces de cire blanche, & le fais vn peu bouillir: apres coule tout ensemble en vn vaisseau neuf plombé, le laissant ainsi vne nuit entiere. Ce fait, en oteras toute la pommade blanche, & à cause qu'il demourera encore vn peu d'ordure au fond, tu la mettras en vn mortier avec de l'eau rose, & la mouueras, comme on fait les feues: tant-plus la demelleras, & y mettras d'eau rose, tant-plus la r'afineras: mais il faut que le mortier soit bien net. Puis preu du sain d'un jeune porc, & le mets tremper en eau freche, le laissant ainsi par quatre jours, mais il faut souuent changer d'eau, & le nettoyer bien de ses pellicules, veines, & cartilages. Pren semblablement vingt pomes des dessudites, & pour chacune mets y trois ou quatre clous de girofle, & les ayant parties en quatre, sans mondifier, pile-les vn peu. Mets bouillir puis apres la-dite axunge ou sain, en eau rose fine, tant que la-dite eau soit consommée, & apres l'auoir fait bouillir tout bellement, mets y les-dites pomes pilees, & les fais bouillir, en y adjoutant vn peu de canelle fine, spica nardi, noix muscade, & autres especes, telles que bon te semblera. Et quand elle aura assez bouilli, coule-la par vn linge, en quelque vaisseau net: il seroit bon d'y adjouter vn peu de suif de veau bien purgé à la maniere sudite. Et lors qu'elle sera cuite & coulée, melle tout ensemble, & le mets en vaisseau net: c'est vne chose tresexquise.

¶ *Ipcras tres excellent.*

PREN canelle vne once, gingembre deux drachmes, meligette trois drachmes, clous de girofle deux deniers, noix muscade, galanga, de chacune vn denier: etampe le tout, & le mets en vn colatoire: puis pren vne chopine de tre-bon vin rouge, ou blanc, & vne chopine de tre-bonne maluoisie, ou autre puissant vin: melle bien tout ensemble: puis pren vne liure de sucre affiné, & l'ayant bien etampé, mets-le en l'autre vin, puis le verse sus le colatoire, auquel auras mis ledit vin, avec les especes: puis l'ayant tiré hors, tu le remettras dessus, par tant de fois qu'il deuienne clair, côme parauant, en le mouuant quelquefois dedans le-dit colatoire. Et note que cecy est pour en faire seulement vn flacon. Parquoy si tu en veus faire dauantage,

tage, il te faut prendre plus grande quantité des dites matieres. Et pour le faire tres excellent tu pourras lier vn peu de bon musc dans vn fin linge, au bout du colatoire, de telle sorte que toute la substance passe par dessus, laquelle par ce moyen prendra l'odeur dudit musc.

¶ *Pour faire cousinets de roses parfumees.*

P R E N boutons de roses rouges nettoyes de leurs testes & chapiteaus: seche-les à l'ombre sus vne table, ou sus vn linge. Arouse les-dits boutons d'eau rose, & les laisse secher, faisant cecy, par cinq ou six fois, en les retournant toujours, afin qu'ils ne viennent à se moisir: puis pren poudre de cypre, musc, & ambre, reduits en poudre, selon que tu les voudras faire excellents: car tant-plus y en mettras, tant-milleurs seront: mets y aussi lignum aloes tre-bien puluerisé. La-dite poudre soit mise avec les boutons mouillez d'eau rose muscade, mellant tre-bien ensemble les boutons avec la poudre, afin que tout se puisse bien incorporer: & ainsi les laisseras vne nuit entiere, les couurant de quelque linge ou tafetas, que le musc ne se puisse euaporer. Ce que fait, pren finalement des sachets de tafetas, de telle grandeur que tu voudras, & selon la quantité des boutons que tu y voudras mettre avec toute la poudre. Puis fermeras les sachets, & pour estouper les coutures auras vne mixtion de musc, ambre & ciuette faite à la maniere comme pour cirer, de laquelle froteras le long des coutures, afin de boucher les trous qui se font en coulant. On peut aussi coudre quelque ruban (d'or ou de soye ou de ce qu'on veut) sus les-dits coutures. Ceus cy sont les milleurs que l'on face: & (comme j'ay dit) plus y mettra-on de musc, ambre, ciuette, & aloé, tant-milleurs seront ils. Si tu les veus faire à moins de depens, pren des boutons tels qu'auons dit dessus, preparez en la mesme sorte: & au lieu du musc & de l'ambre, mets-y de la poudre de clous de girofle, canelle, iris, & vn peu de maïs, tenant la mesme sorte de parfumer les boutons, comme dessus.

¶ *Lumiere de trebonne odeur.*

P R E N camphre vne once, encens blanc deux onces, puluerise-les, & en fais des pomes ou boules avec vn peu de cire, puis les mets en vn vaisseau, avec de l'eau rose, & les allume
avec

avec la chandelle, elles rendront lumiere trebelle & tresodoriferante.

¶ *Composition de musc, ciuette, & ambre gris.*

P R E N drachme & demie de trebon ambre, & le broye sus vne pierre de Porfire, avec huile de Iosemin, ou de citrangles, premierement seul, puis quelque peu avec du musc, tant qu'il s'ufise: puis y adjoute par apres des roses damasquines, & du benjoin, de chacun vne once, irios vne drachme & demie: toutes ces choses puluerisees & passees par l'estamine, les broyeras avec vne drachme de ciuette, tant & si longuemēt qu'elles soyent reduites en forme d'vnguent. Ce fait, on la garde en corne, ou vaisseau de verre bien ferré.

¶ *Parfum de chambre tres excellent.*

P R E N storax calamita, benjoin, ligni aloes, de chacun vne once, charbons de faux tre-bien puluerisez cinq onces. Ces choses mellées avec eau de vie, tant qu'il suffise pour en faire paste, fais-en des tortelettes, ou telles formes que tu voudras, & puis les garde. Et quand il te plaira en vser, mets-la au feu, car en se consommant petit à petit, elle rendra vne singuliere odeur, au lieu où tu la bruleras.

¶ *Sauon Neapolitain.*

P R E N graisse de cerf, ou de vache, ou de jeune veau, ou de cheureau vne liure: mets la en vn vaisseau de terre biē plôbē: & apres l'auoir tre-bien coulée, y bouteras par dessus, à discretion, de la maistresse laisiue des sauonniers (laquelle est la premiere & la plus forte des trois sortes, desquelles ils vsent) & tiens la-dite graisse en la chaleur du soleil, la mellant tre-bien illec, & pareillement au serain: mais garde bien qu'il n'y vienne de l'eau. Quand tu verras qu'elle sera vn peu sechée, mets encore, autant qu'il sera besoin, de laisiue seconde & tierce, dequoy vsent les-dits sauonniers, mellées ensemble: frottes en quelque peu sus ta main qui soit bien nette, & s'il rend ecume, c'est signe qu'il est fait.

¶ *Sauon de soye tres excellent.*

P R E N quatre fagos de fauas, ou troncs de feues, & vne mesure de chaux viue, & mets en vn colatoire, le tout bien mellé: l'vn avec l'autre, & l'entasse autant que tu pourras: puis y fais vne foissette au milieu, l'emplissant d'eau, tant & si souuent qu'elle commence à couler par dessous: car elle se ressuiera sou-

uentefois auant qu'elle distille. Apres pren quatre mesures de ce qui est coulé, & vne de suif sec ou dur, & bien ecoulé: & les mettant en vn chaudron au feu, fais-les tant bouillir qu'il diminue de la sixieme part, ou vn peu dauantage. Puis le mets en vn vaisseau au soleil, le mouuant trebien par l'espace d'vn jour, tant que toute la laisiue soit embüe, & que tout soit deuenü bien dur: il sera lors treparfait.

¶ *Parfum de lampe.*

PREN ligni aloés vn quart, benjoin vne once, storax calamita demie once, musc vn scrupule, ambre gris demy scrupule, eau rose à suffisance. Tu mettras toutes ces choses bien puluerisées en la lampe.

¶ *Parfum brief.*

PREN eau rose vn verre, clous de girofle, tre-bien puluerisez, la pesanteur d'vn denier: pren apres la palette, & la fais rougir au feu: puis mets dessus de la-dite eau rose, avec la sùdite poudre de clous de girofle, la faisant ainsi consommer, petit à petit: mais il faut que l'eau rose soit musquée, & ainsi feras vn parfum de mout bonne senteur.

¶ *Oiselets odoriferans pour parfumer chambres.*

PREN timiame vne liure, storax liquida deux onces, storax calamita trois onces, ladani vne once, charbons de saux, & tragacantum autant que tu voudras: mais detrempe la poudre des charbons & tragacantum avec eau rose, & les laisse ainsi par trois jours tremper en icelle eau, puis en fais paste.

¶ *Tre-bon parfum pour acouter gands à peu de depens.*

qui dure longuement.

PREMIEREMENT, les gands soyent grans & gros, ausquels tu donneras vn peu de ciuette du long des coutures: puis les laueras en eau rose, deux ou trois fois, en les pressant bien fort. Pren apres eau rose deux parts, eau de fleurs de mirte vne part, melle-les ensemble, en y adjoutant deux parts d'eau de nase, & les laue si longuement qu'ils ne sentent plus le cuir: mets-les par apres en vn plat, & les laisse la couuerts de la-dite eau, & say-poudrez de poudre de cypre, par l'espace d'vn jour ou deux. Ce fait, ote-les, & presse vn peu, puis les mets secher à l'ombre. Quand ils seront à demy secs, donne leur la ciuette en cette maniere: Mets aurât de ciuette que bon
te sem-

te semblera en vne ecuelle avec vn peu d'huile de Iosemin qui ne soit pas trop vieil, lequel feras dissoudre au feu: puis en oings tre-bien les gands par dedans, & les frotte aussi tre-bien entre les mains, les echaufant au feu, tant qu'il te semblera que la ciuette soit bien penetrée, & les laisse ainsi quelque peu de temps. En apres frotte-les tre-bien d'vn drap, a-fin que la ciuette penetre tant-mieus, & se vienne à amolir: puis les tire & etens, les laissant ainsi par l'espace d'vn jour, & quand ils tesembleront humides, elargis-les, & les ensles: apres laisse-les ainsi tant qu'il soient à demy essuyez. Pren puis bon parfum à bruler, & les tiens ouuerts dessus la fumée, a-fin qu'elle penetre par la partie inferieure, c'est a-sauoir, par ou on bou te la main. Cecy feras-tu trois fois le jour, par l'espace de vint jours, en les mouillant à chacune fois d'vn peu d'eau parfumée, & les enuelopant de quelque linge blanc: pren par apres du musc & de l'ambre, autant que tu voudras, & les mets en vn plat d'estain, avec huile de Iosemin, ou de benjoin, ou quelque autre huile: laisse-les bien dissoudre au feu avec quelque peu d'eau parfumée, puis oings-les bien avec vn pinceau par dehors, & non pas par dedans: oins aussi les coutures de ciuette, & les mets par quelques jours entre roses bien seches. Finalement mets-les, par l'espace de trois ou quatre jours, entre deux matras: lors ils seront excellens, quand ce seroit pour faire present à vn Empereur.

¶ *Ciuette tresexquise pour parfumer gands, & en
ordrer les mains.*

PREN vin blanc trois liures, suif de bouc, de mouton, ou de cheureau vne liure: fais le tout bouillir ensemble à petit feu sus les braises, en vne poelle bien couuerte: puis apres le cote du feu, & les ayant laissé refroidir, mets les en vn plat avec de l'eau claire, & les laue bien par cinq ou six fois: puis les remets en eau claire vne nuit entiere. Ce fait, pren de l'eau rose vne liure, vin blanc deux liures: & avec cecy fais bouillir la graisse sus la braise à petit feu sans fumée, tant que la moitié en soit consommée: puis pren des naueaus doux, & les fais bien cuire sous les cendres, toutefois sans bruler. Et pour chacune liure de graisse pren demie liure du blanc interieur desdits naueaus, & les fais bouillir en eau rose, par l'espace d'vne
dem. 6

demie heure, puis les passe par le tamis, & les mets en vn mortier avec huile de Iosemin, ou de citrons, ou semblable, ou avec vn peu de camphre : apres prendras vne ecuelle, ou le cul d'vn verre mouillé d'eau rose par le dedans, auquel tu feras la forme de la cinette, y adjoutant premierement trois onces de ceruse bien puluerisée pour chacune liure de suif, & fera chose excellente & seigneuriale.

¶ *Huile de roses, & de fleurs treparfait.*

PREN semence de melons trebien mondifiée, & estampée, & l'arrange par liets avec fleurs de roses ; par l'espace de huit jours, puis pren vn sachet de toile mouillé en eau rose, ou d'autres fleurs, auquel mettras la-dite semence : puis l'ayant bien lié, mets-le au pressoir, & en tire l'huile, qui sera tresprecieuse, & laquelle tu garderas bien ferrée.

¶ *Huile tre noble de clous de girofle.*

PREN amandes mondifiées avec le couteau, & brisées, mets-les tremper en eau rose ; puis les acoutre en cette maniere : Pren clous de girofle etampez, & les mets tremper en eau rose, & couure le vaisseau diligemment, les y laissant tant que l'eau ait pris la vertu des clous de girofle : mets aussi tremper les amandes en la-dite eau, & les y laisse tant qu'elles soyent bien enflées d'icelle. Et apres les en auoir retirées, & fait secher au soleil, mets-les de rechef enfler en la-dite eau ; & les laisse apres trebien resecher comme parauant ; continuant ainsi jusques à cinq ou six fois : puis les mets au pressoir, & en tire l'huile, lequel tu garderas en vn vaisseau tre-net, & bien etoupé. En cette maniere pourras-tu faire huile de musc, d'ambre, de benjoin, storax calamita, aloé, canelle, macis, & noix muscade. Tu les pourras encore composer en diuerses sortes ; & y ajouter de l'eau de vie.

¶ *Pour faire vn tres excellent parfum à parfumer les chambres, vestemens, couuertures, linceus, & toutes autres choses de quelque grand Prince.*

PREN des ecorces de citrons sechées à l'ombre, & si tu n'en peus auoir de citrons, pren-en de limons, ou de pomes d'orenges, ou si tu n'en peus auoir, pren des feuilles de roses verdes ou seches, selon la saison de l'année ; & quoy que ce soit des choses sudites, il le faut mettre en oeuvre, entier, ou par petites

tites pieces, & non pas en poudre. Et quand tu voudras faire le parfum, preti des-dites pieces autant que tu voudras, & les oings bien de ciuette de tous cotés: apres mets les sus quelque braisè au milieu de la chambre, ou en quelque coin, comme tu voudras: cecy rendra vne odeur tres-plaisante & precieuse par-toute la chambre. Si tu le veus faire encore milleur, tu pourras adjouter avec la ciuette du musc, & de l'ambre gris, autant que tu voudras. Et si tu desire le faire à moins de depens, & que toute fois il soit tre-bon, pren eau rose, eau des fleurs d'orenges, ou telle autre eau odoriferante que tu voudras, avec huile de Iosemin, ou de clous de girofle, ou autre semblable à plaisir, avec laquelle detremperas storax calamita, & vn peu de lignum aloès, si tu en as: si non, tu t'en passeras: Ajoute y autant de ciuette que tu veus, & en fais vne liqueur épaisse comme fausse, de laquelle tu oindras les-dites écorces de citrons, ou d'orenges: puis mets-les ainsi sus les charbons, ce sera vne chose excellente, & durera deux fois autant qu'il feroit, si tu brulois les odeurs seules sans les écorces: & outre ce qu'elles font durer plus long temps le parfum, elles rendēt aussi la composition beaucoup milleure, & plus parfaite. Si avec ledit parfum tu veus parfumer linges, draps, ou autres choses semblables, fay en cette maniere: Mets les linges & choses que tu veus en vn cofre bien entier, sans estre fendu, ne rompu, que la fumée n'en puisse sortir. Il faut biē renger les draps au cofre d'vn coté & d'autre, laissant au milieu place pour mettre quelque poellette, cuillier, ou autre chose, avec du feu, & les-dites écorces à parfumer. On pourra aussi mettre des draps, ou linges sus la couuerture du cofre. Ce fait, il faut mettre, au milieu, le petit vaisseau, avec le feu, & les écorces: puis apres auoir fermé le cofre, on doit laisser ardoir tout le parfum, sans, de long temps apres, ouurir le-dit cofre. Ayant ainsi attendu, il faut par apres retourner les-dits linges, ou draps, a-fin de les parfumer du coté qui n'est point parfumé, & y adjouter, de nouueau, autre parfum, en faisant comme parauant. Tu trouueras cecy d'vne grande excellence, de sorte que le cofre mesme en sera si bien parfumé, que tout ce que tu y mettras par apres, en aura bonne senteur. Et si tu veus, tu pourras aussi parfumer audit cofre autres petits cofrets pour

y mettre des mouchoirs, & autres choses, comme coussinets, & sachets de roses, lesquels se parfument aussi par dehors, estant tenus aus cofres: car ils donnent tou-jours bonne odeur à ce qu'on met dedans.

¶ *Pomes pour oter taches d'huile, & de graisse.*

PREN du savon de purge, ou bien du savon mol, & l'incorpore avec cendres de vignes tamisées bien subtilemēt, tant de l'vn commē de l'autre: puis mets en la-dite poudre alun de roche brulé, & du tartarum bien puluerisé: incorpore bien tout ensemble, & en fais des pomes, desquelles vīeras pour oter les taches.

¶ *Pour faire paste à faire patenotres de senteur.*

PREN liure & demie de terre noire bien puluerisée, quatre onces de gomme dragant, & les mets tremper en vn mortier, avec autant d'eau rose que la-dite terre en soit couverte avec ladite gomme dragant, & l'etampe bien, par l'espace de demie heure, avec les choses odoriferantes, qui s'ensuiuent, a-fauoir: styrax calamita vne once, poudre de clous de girofle demie once, ladanum demie once, canelle demie once, sandalum citrinum demie once: puluerise le tout tre-subtilement, & le melle tout ensemble, avec la paste su-dite, puis la retire du mortier, & la broye bien entre les mains, par l'espace de demie heure. Lors en pourras faire les patenotres.

FIN DV SECOND
LIVRE.

LES
SECRETS DE REVEREND
S I G N E V R A L E X I S
P I E M O N T O I S.

L I V R E T R O I S I E M E.

¶ Trebeau Secret pour confire citrons, orenge, ou citrangules, & tous autres fruits en syrop, qui est chose signeuriale.



REN citrons, ou autres fruits, & les taille en pieces comme tu voudras, leur otant la moelle de dedans: puis les mets bouillir en eau fraiche, environ demie heure de long, tant qu'ils soient deuenus aussi tendres, que tu les demandes.

Puis les en ayant retirées, jette-les en eau froide, les laissant jusques au soir. Apres les remettras au feu, en autre eau freche, & les fay seulement echauffer en telle eau à petit feu: car il ne faut pas qu'elle bouille, ny aussi qu'elle deuienne trop chaude: mais seulement qu'elle greffille vn petit. Tu continue ras ainsi huit jours entiers, les rechaufant ainsi en eau chaude tous les matins, & les mettant du soir en autre nouvelle eau freche. Aucuns ne chauffent l'eau qu'une fois le jour, a-fin de ne trop atendrir les citrons, mais changent d'eau freche le soir pour oter toute l'amaritude de l'écorce: laquelle otée, faut prendre du sucre, ou bien du miel clarifié, & préparé (comme dirons cy apres) & dans iceluy mettre les citrons, les ayant premierement bien essuyez de l'eau. Il te les faut en yuer bien garder de la gelée, les laissant par deux ou trois heures en lieu propice. Et en Esté les y laisseras vne nuit entiere, les laissant puis apres vn jour, & vne nuit audit miel. Retourne de rechef à bouillir le miel, ou le sucre, à part soy sans les citrons, par l'espace d'une demie heure, ou vn peu moins à petit feu: & estant bien refroidi, remets-le au feu avec les citrons, continuant ainsi par deux matinées, a-fin de bien reduire le miel à sa perfection, selon qu'il en sera besoin. Si tu

veux vser de miel au lieu de sucre, tu le pourras clarifier par deux fois, & le passer par l'estamine selon l'art & maniere que cy apres t'enseigneray; a-fin que tu puissi auoir parfaitement l'viage de faire toutes telles choses. Or l'ayant ainsi chauffé & clarifié, tu le passeras par l'estamine, & le remettras sus le feu, avec les citrons seuls, le faisant bouillir à petit feu, par l'espace d'un quart d'heure: apres l'auoir oté du feu, tu le laisseras ainsi reposer à chacune fois un jour, & vne nuit. La matinee suiuate le feras encore bouillir ensemble, par l'espace d'une demie heure, & feras ainsi deux matinees, a-fin que le miel ou sucre se vienne incorporer parfaitement avec les citrons. Tout l'art cōsiste à bouillir ce syrop ensemble, avec les citrons & encore le syrop à part soy. Parquoy qui ne le saura bouillir, facilement le laissera prendre fumée, de sorte qu'il sentira le brûlé: mais qui le sait bien acouter, c'est vne chose exquisite & cordiale. En cette sorte se peuuent acouter tous autres fruits, comme peches meures avec le dedans & les pellures, limons, pomes d'orenges, pomes, noix verdes, l'épy des noix, & laitues bien nettoyées de leurs grandes fueilles, & autres choses semblables, lesquelles toutes faut bouillir en la maniere que dessus, mais les vnes plus, les autres moins, selon qu'il sera besoin, & selon la nature du fruit. Ainsi feras tou-jours vne chose bonne en toute perfection, & durable.

¶ *La maniere de purifier & preparer le miel & le sucre, pour confire citrons, & tous autres fruits.*

P R E N pour chacune fois dix liures de miel, le clair de douze œufs frais, & en ote l'ecume, en les debatant tre-bien d'un baton, & six verres d'eau freche: apres mets-les avec le miel, & les fais bouillir en un pot, à feu temperé, par l'espace d'un quart d'heure, ou un peu moins: puis l'ote tout doucement du feu, en l'ecumant trebien, & le passe ainsi tout chaud par l'estamine: car il en sera plus beau, & plus net, pour ce que tu en voudras faire. L'ayant ainsi acoutré, pren, pour six liures de citrons, douze liures de miel. Le sucre se prepare aussi en la mesme sorte que le miel: mais voulant confire les citrons avec du sucre, il te faudra noter cette difference, c'est que pour six liures de citrons, n'y mettras que neuf liures de sucre, pour les bien confire, de sorte qu'ils se pourront garder par toute l'an-

l'année. Cécyl se fait à cause que le miel rend beaucoup plus d'écume, que le sucre: & pourtant faut il mettre la tierce part plus de miel. En tenant cette proportion, tu ne pourras faire que bien.

¶ *Pour confire pêches à l'Espagnole.*

P R E N pêches grosses & belles, lesquelles tu nettoieras & couperas par pieces: & à mesure que tu les nettoieras, etens les au soleil, sus vne table propice & nette, par l'espace de deux jours, en les retournant toujours du soir, & du matin; & les verseras ainsi toutes chaudes au julep du sucre bien cuit, & préparé comme dessus est dit. Et apres les auoir retirées, mets-les de rechef au soleil, en les tournant bien souuent, tant qu'elles soyent bien seches. Apres les remettras au julep, & puis au soleil, tant qu'elles ayent aquis vne belle écorce ou croute, à ton plaisir: & ce feras par trois ou quatre fois: puis estant ainsi préparées, les garderas en des boites pour l'yuer, car c'est chose signeuriale.

¶ *Pour faire codignac, à la mode de Valence, de laquelle vsent aussi les Geneuois.*

P R E N des coins, & les nettoye, & apres en auoir oté les grains, fay-les bouillir en eau freche, tant qu'ils se viennent à ouvrir & creuer, puis les passe par vn tamis bien net, qu'il n'y demeure sinon le dur. Pour huit liures de laquelle mouëlle ainsi passée, y dois mettre trois liures de sucre beau & fin: & prenât vn vaisseau d'estain, large au fond, melleras les coins avec le sucre: puis les mettras bouillir à petit feu, en les mouuant tre-bien d'vne spatule de bois large, tant que tout soit bien cuit. Ce que voulant sauoir, regarde quand tout se detachera; & ne tiendra plus rien audit vaisseau, car alors sera il cuit en perfection; & sera temps de l'oter du feu. Et si tu y veus ajouter du musc, etampe-le avec vn peu de sucre fin, autant que tu voudras, & le jette au vaisseau, le mouuant toujours bien d'vne spatule de bois. Si tu y veus ajouter des especes, mets y de la canelle; clous de girofle, noix muscate, & gingembre, autant que tu voudras, faisant bouillir le musc avec vn peu de vinaigre. Puis avec vne spatule mettras de ce codignac sus la table, où tu auras parauant tamisé du sucre, & en feras des tartes, ou pieces, avec le cercle d'vne boite, de telle

grandeur que bon te semblera: puis les mets au soleil, tant que tout soit bien séché. Et quand elles auront reposé, retourne-les bien souuent le dessus dessous, leur faisant toujours vn lit de sucre tamisé dessous & dessus. Retourne-les toujours audie sucre, & les sèche au soleil, tant qu'il y ait vne belle croute blanche de sucre. On ne sauroit faire de meilleur codignac, ne plus doux & cordial. En la-dite maniere pourras-tu acouter des pêches, des poires, & autres sortes de fruits: chose de tregrande excellence.

¶ *La maniere de confire Veranges, ou pomes d'amours, à la Geneuoise, qui est vn fruit apellé en Lombardie, Pomi disdegnosi.*

PREN ledit fruit auant qu'il soit meur, quand il est de la grosseur d'vne noix, & le mets tout entier bouillir en de l'eau freche, tant que l'ecorce d'iceluy soit deuenue tendre au toucher. Aye puis du sucre tout prest & purifié comme dessus, auquel mettras le-dit fruit apres l'auoir bien egoutté, & séché de l'eau, & l'y laisseras par l'espace de vingt jours: puis l'en retireras, & de rechef rebouilliras le sucre, selon l'art, comme dit est: apres le remettras dedans, & l'y laisseras par l'espace de quatre jours, tant qu'il en ait du tout prins l'humidité. Puis garde ledit fruit confit en des tonnelets à ce propices, car il est bon & faouureus.

¶ *Pour faire vne pate de sucre, de laquelle on pourra faire toute sorte de fruit, & autres gentillesses, avec leur forme, comme plats, ecuelles, verres, tasses, & autres choses semblables, desquelles on fournira vne table: & en la fin se pourra tout manger: chose delectable aus assistens.*

PREN de la gomme dragant autant que tu voudras, & la mets detremper en eau rose, tât qu'elle soit mollifiée. Et pour quatre onces de sucre prens-en de la grosseur d'vne feue, jus de limons pleins l'escaille d'vne noix, & vn peu de glaire d'œuf: mais il faut premier prendre la gomme, & la battre tant avec le pilon en vn mortier de marbre blanc, ou bien d'airain, qu'elle deuienne comme eau: puis y adjoute ledit jus avec la glaire d'œuf, en incorporant le tout tre-bien ensemble. Ce fait, pren quatre onces de sucre fin & blanc, biē reduit en poudre, & le jette petit à petit, tant que tout soit reduit en forme de pâte. Tire-la puis apres du mortier, & la broye sus poudre de sucre,

sucre, comme si ce fut farine, tant que tout soit reduit en paste molle, a-fin que tu la puisse tourner & former à ton plaisir. Quand tu auras reduit la paste en cette sorte, etens-la avec canelle sus des feuilles grosses ou menues, ainsi que bon te semblera: & par ainsi en formeras aussi telle chose que tu voudras comme dessus est dit. De telles gentilleses pourras-tu seruir à table, te gardant bien de mettre quelque chose de chaud auprès. A la fin du banquet on pourra tout manger, & rompre plats, verres, tasses & toutes choses: car cette paste est tresdelicate & fauoureuse. Si tu veus faire chose de plus grande gentillesse, tu feras vn tarteau d'amandes estampées avec du sucre & eau rose, de la sorte que se font les mache-pains. Cety mettras-tu entre deux pastes de tels vaisseaus ou fruits, ou autre chose que bon te semblera.

¶ *Pour faire composition de melons ou pepons, tresexquise.*

PREN telle quantité de melons que tu voudras, & les pren vn peu mal meurs, mais qu'ils soyent bons, & en fay autant de trenches comme elles sont marquées és melons, & les ayant diligemment mondifiées & pelées de leur ecorce & pepins, mets-les tremper en du bon vin-aigre, les y laissant par l'espace de dix jours: & quand tu les en auras retirées, pren autre vin-aigre, & les y mets tremper de rechef, par autres dix jours, en les remouuant tous les jours: puis quand il sera temps, tire-les hors, & les mets sus vn gros linge, les essuyant bien. Finalement mets-les à l'air, par l'espace d'vn jour, & d'vne nuit, puis les mets bouillir en miel, & par l'espace de dix jours leur donneras par chacun jour vn bouillon, en les laissant tous jours audit miel: & fay qu'ils bouillent seulement par chacune fois vn bouillon. Pren apres les-dites pieces, & les mets en telle sorte de vaisseau que tu voudras: puis pren les especes suivantes, a-fauoir, Poudre de clous de grosse, de gingembre, de noix muscates, & de canelle, desquelles feras especes, puis fais vn lit des pieces de melons, & vn lit d'especes: puis pren du fin miel blanc, & le verse dessus audit vaisseau.

¶ *Pour faire des melons, & pepons doux & tres-delicats.*

PREN sucre fin, & le dissous en eau, puis pren la semence du melon, & la fends vn peu, du coté qu'elle tient audit melon, & la mets en l'eau sucrée, y adjoutant vn peu d'eau rose:

laisse lesdites semences ainsi, par l'espace de trois ou quatre heures, puis les retire, & tu verras qu'incontinent que ladite semence sera estuyée, qu'elle se referrera. Plante-la, & en produiront melons non-pareils. Et si tu leur veus donner l'odeur du musc, mets en ladite eau vn peu de musc, & de canelle fine. Ce que tu peus aussi faire de la semence des pepons & concombres.

¶ *Pour confire des ecorces d'orenges, ce qui se peut faire par toute l'année, & principalement au mois de May, à cause que lesdites ecorces sont plus grandes & plus grosses.*

P R E N grosses ecorces d'orenges taillées en quatre ou six pieces, & les mets tremper en eau, par l'espace de dix ou douze jours. On cognoit quand elles auront assez trempé si les montrant à l'air, elles semblent transparentes, car alors seront elles trempées assez: & si d'auenture elles ne sont transparentes, laisse-les encore tremper jusqu'à ce qu'elles le soyent: apres les mets secher sus vne table, & puis entre deux linges bië secs. Outre ce, mets-les en vn chaudron, ou vaisseau plombé, y adjoutant autant de miel qu'il couure la moitié des-dites ecorces, plus ou moins, comme il te semblera bon. Fay-les bouillir vn peu, en les mouuant toujours: puis les ote du feu, a-fin que le miel ne se cuise par trop: car s'il bouilloit vn peu plus qu'il ne doit, il se consolideroit. Laisse-les apres reposer par quatre jours audit miel, en mouuant & mellant tre-bien, par chacun jour, les-dites orenges, & le miel ensemble. Car à cause qu'il n'y a point tant de miel qu'il puisse couvrir toutes les ecorces d'orenges, il est besoin de les mouuoir tre-bien & souuent, a-fin qu'elles soyent toutes également participantes dudit miel. Cey feras-tu par trois fois, leur donnant vn bouillon à chacune fois, & les mettant reposer par trois jours, comme auons dit. Finalement les couleras dudit miel, & les mettras bouillir en autant d'autre miel qu'il te semblera estre suffisant: & apres les auoir laissé bouillir, par l'espace d'vn credo, ote-les du feu, & les mets en vaisseaus, y adjoutant des milleures espi ces que tu pourras trouuer, comme gingembre, clous de girofle, & canelle: melle bien tout ensemble, & auras fait vne chose excellente. Et note que le miel qui demourera de reste, sera encore bon pour acouter d'autres orenges, ou autres choses.

¶ *Pour confire des noix.*

PREN premierement des noix petites & vertes, avec l'ecorce, & y fais quatre petis pertuis, ou plus: puis les mets tremper en de l'eau par onze jours, ou plus, ou moins: nettoye-les trebien, & les mets bouillir en miel, comme les sudites oranges, mais fay-les bouillir quatre fois dauantage que les oranges. Et note que le miel est toujours bon, mais il y en faudra souuent adjouter de nouveau, à cause qu'il se consume. Finalement les acoutreras comme les oranges avec bonnes espices, mais n'y mets guere de clous de girofle, car ils les rendroyent trop ameres.

¶ *Pour confire des courges.*

PREN le col de la courge, & le coupe par longues pieces, comme bon te semblera, apres versé sus icelles-de l'eau bouillante, & en fais ainsi par neuf matinées, mais il les faut parauant auoir bien subtilement pelées, & oté la partie inutile interieure. Ce fait, mets-les cuire en vn chaudron, tant qu'elles soyent ne trop fort, ne trop peu cuites, mais qu'elles soyent solides & fermes: puis les mets secher à l'ombre sus vne table, par l'espace de deux jours: apres les essuyetas, piece à piece, d'vn linge, & en feras comme tu as fait des oranges.

¶ *Pour confire des poires muscatelles.*

FAIS bouillir vne fois les poires avec du miel, en les acoutrant avec espices audit miel: & sois aduertty que toutes ces confitures veulent auoir forces espices pour conforter l'estomac, auquel elles sont tres-vtiles.

¶ *Pour confire des cerises.*

PREN les cerises, & les laisse par l'espace d'vn jour au soleil, puis en tire les pierrettes, & les remets au soleil par trois autres jours: mets-les par apres cuire, comme auons dit des oranges: mais il les faut laisser au miel par quinze jours, & au feu, par trois jours, de sorte que seulement loyent entretenus chaudes, a-fin qu'elles ne sentent le brulé. Et apres auoir bien tout mellé, & incorporé, tu les mettras au miel, avec les espices

Toutes ces confitures pourront durer par plusieurs années pourueu que tu les rafraichisses d'autre miel, & les faces vn peu bouillir, lors qu'il sera diminué.

¶ Pour faire morselets à la Neapolitaine, chose tresexquise, car ils sont tressauoureux, confortent l'estomac, & sont bonne alaine.

PREN sucre fin trois liures, fleur de farine six liures, canelle trois onces, noix muscate, gingembre, poiure, de chacun demie once: mais que la quantité du poiure soit plus grande que des autres, miel blanc cru, non écumé, trois onces. Fay premierement vn cercle de la-dite farine, au milieu duquel tu mettras le sucre, & sus le sucre vne liure d'eau rose musquée: broye bien toutes ces choses avec la main, tant qu'on ne sente plus de sucre. Ce fait, y mettras les espices sèches, & puis le miel, en mellant bien tout ensemble avec la main: apres melle encore parmy de la-dite farine, & en garde vne partie pour enfariner les tuiles, &c. Et quand tout sera bien reduit en paste, tu tailleras les morselets avec la main, faisant que chacun poise trois onces, ou enuiron, puis les roule en forme de poifon, les acoutrant avec ton peigne propre à cela. Fay chauffer puis apres le four, & les mets sus des tuilots de cuire ou de terre, faisant par dessus vne lit de farine assez epés. Il les faut aussi faire cuire à four ouuert, entretenant toujours le feu de l'vn des cotés de la bouche du four, & les faut souuent toucher pour veoir s'ils sont cuits, & s'ils s'attachent bien, & tiennent fort entre les doigts. Tu les peus aussi cuire au feu sus vn tuilot de cuire couuert, comme se font les tourtes: puis les tirant hors, il les cōuient dorer.

FIN DV TROISIEME
LIVRE.

LES
 SECRETS DE REVEREND
 S I G N E V R A L E X I S
 P I E M O N T O I S.
 LIVRE Q V A T R I E M E.

¶ Eau odoriferante & tresprecieuse, de laquelle on peut embraver linges à s'essuyer la face, car ils font la chair treblanche & coulourée: & plus on la frotte, tant-plus devient belle, & dure ainsi par l'espace de six mois: chose experimentée, voire quand ce seroit pour vne Royne.



REN vne liure d'alun de roche laué & brulé, maluoisie garbe deux phioles, pate de borax six onces, Gomme dragant blanche vne liure, gomme Arabic trois onces. Mets tout tremper en la maluoisie, par l'espace de deux jours naturels, en mellantauec deux pots de lait de cheure,

& l'etoupant bien, a-fin qu'il ne s'eueute: puis pren neuf onces de sublimé, & le mets calciner en vn pot non cuit, bien serré, en la fournaise, & deux liures de ceruse Alexandrine, preparée en cette maniere: Enveloppe-la avec de la glaire d'œuf, en quelque linge, & la fay bouillir en laisiue douce, tant que le tiers en soit diminué: puis melle bien toutes choses ensemble. Ce fait, pren deux liures de miel cru & blanc, terbentine d'Alexandrie lauée trois liures, vin-aigre distillé trois verres, gingembre frais bien etampé six onces: mets le tout bouillir avec ledit vin-aigre, tant qu'il n'en demeure que deux verres. Puis pren trois onces de mirrhe eleüe bien deliée, & la boute sus les-dites choses: puis pren trois onces de litarge d'argent bien puluerisé, & le fay bouillir en trois verres de bon vernacia, ou de vin blanc, tant que le tiers en soit diminué: puis avec vne petite canne toüille bien fort toutes lesdites choses ensemble en vn vaisseau, par l'espace de six heures. Finalement boute y jusques enuiron cinquante limasses otées de leurs coquilles, &

les, & nettoyées, vne once de camphre, vne geline bien grasse, ecorcée & depecée par petites piecettes, sans la lauer, deux pommes d'orenges sans les ecorces, grains, ny pellicules, douze limons semblablement acoutrez, ou bien le jus d'iceus, lequel consommera les-dits limassons, & se fera comme vne paste.

Ce fait, pren le blanc de vingt cinq œufs frais, cuits durs, avec lequel il faudra incorporer six onces de canelle, & quelque quantité de sucre candi, & mettre le tout ensemble en vne phiole, dedans le baing. La premiere eau qui en viendra sera blanche, la seconde encore plus blanche, laquelle tu recevras à part, & la tierce tre-blanche: melle puis apres la premiere avec la derniere, & la distille de rechef, & la garde, car elle est bonne: non pas toute fois comme la seconde, laquelle est tres-excellente sus toutes choses du monde, & de laquelle il se faut servir pour le visage. Si tu en veus acoutrer des mouchoirs, comme dessus est dit, pren de tels muchoirs qu'il te plaira, qui ne soyent guere fins, & les mets en vn plat, & verse par dessus autant d'eau qu'ils en soyent couverts, les laissant ainsi par l'espace de six heures: puis les ayant leuez & pendus, de telle sorte que l'eau puisse degouter au mesme plat, les laisseras ainsi secher: puis de rechef les rebaigneras, comme dessus, par autres six heures, les laissant aussi secher de rechef, & ce jusques à sept fois. Lors auras vne chose non-pareille.

¶ *Pour faire eau qui face la chair coulorée à celuy qui l'a passe.*

PREN pigeons blancs, & les fais engraisser de pignons, par quinze jours, puis les tue: & ayant jetté la teste, les pieds, & les entrailles, fay-les distiller en l'alembic, avec demy pain d'alun succarin, trois cens fueilles de fin argent batu, cinq cens fueilles d'or, & la mie de quatre pains blancs detrempée en lait d'amandes, vne liure de moelle de veau, ou de bœuf, & sain de porc frais. Fay le tout distiller à petit feu, & en auras vne eau tresparfaite.

¶ *Eau tre-bonne pour faire sembler le visage estre de l'âge de vingt ou vingt-cinq ans.*

PREN deux piés de veau, & les mets cuire en dix-huit liures d'eau de riuere, tant qu'elle soit à moitié consommée, puis y adjoute vne liure de ris, & le laisse cuire avec de la mie de pain blanc de chapitre detrempée avec du lait, deux liures de

de beure frais, & la glaïre de dix œufs frais, avec leurs ecailles & peaus: mets toutes ces choses à distiller: & en l'eau qui en distillera mettras vn peu de camphre, & d'alun sucarin, & auras vne chose noble par excellence.

¶ *Eau pour s'embellir la face, & toutes autres parties du corps.*

PREN borax blanc deux onces, alun de roche vne once, camphre deux drachmes, alun de plume, alun ecaillé de chacun vne once: puluerise chacun à part soy: puis l'incorpore biē tout ensemble, & le mets en quelque grand vaisseau plein d'eau de fontaine, lequel tu couuriras & ferreras tre-bien d'vn linge, & le mettras au feu par l'espace de deux heures, puis apres l'en auoir retiré, & qu'il sera refroidi, mets-le en vn autre vaisseau, & pren la glaïre de deux œufs pondus du jour mesme, & la bateras bien avec vn peu de verjus: puis la mets au vaisseau avec l'eau, & laisse le tout ainsi, par l'espace de vint jours au soleil, & auras vne chose parfaite.

¶ *Eau pour blanchir la peau, & pour oter le hale du soleil.*

PREN demy pot d'eau de pluye, & l'emplis de verjus, puis le fay bouillir jusques à diminuer de moitie: & cependant qu'elle bout encore, emplis-la de jus de limons. Quand elle aura bouilli, ote-la du feu, & y adjoute la glaïre de quatre œufs frais bien batus, mais il conuient les choses sudites estre refroidies, auant qu'y mettre ladite glaïre d'œufs: lors sera fait

¶ *Autre eau pour embellir la face, & la faire paroistre de l'âge de quinze ans.*

PREN soufre vif vne once, encens blanc fin deux onces, mirrhe deux onces, ambre gris fin six drachmes, puluerise biē chacune drogue à part soy, puis melle bien le tout ensemble avec vne liure d'eau rose: apres le mets distiller, & en garde l'eau en vne phiole bien ferrée. Et quand tu iras dormir, laue t'en la face, & la laisse ainsi, puis le matin te laueras d'eau de puis tiede, & par ainsi t'entretiendras la peau fort delicate.

¶ *Eau facile pour les Dames.*

PREN la glaïre de huit œufs frais, & la bats tant qu'elle se conuertisse en eau claire, puis la coule, & pren alun ecaillé, borax, camphre, alun succarin de chacun vne once, vin-aigre huit onces, eau de fleurs de feues deux onces. Que les-dites drogues soyent subtilement pilées, & puis mets tout ensemble

ble en vne grande phiole de verre, laquelle bien couuerte laif-
feras au soleil par quinze jours en mouuant la-dite eau deux
ou trois fois le jour, puis la laissant reposer. Ce fait, mets-la en
vne autre phiole, & t'en laue quand tu voudras, la laissant
ainsi quelque peu de temps sus ton visage, puis te frotte d'une
piece d'escharlate. La Damoiselle qui continuera quelque peu
de temps de se lauer la face de cette eau, & fust elle vieille de
soixante ans, semblera estre de l'âge de quinze ans.

¶ *Pour faire vn trebeau lustre pour toutes grandes dames.*

PREN vn grand limon, & fais vn pertuis par dessus, par
lequel tu oteras du dedans la grosseur d'une noix: puis le rem-
plis de sucre candis, avec quatre ou six fueilles d'or, & le recou-
ure de la piece que tu en auras otée, la recousant d'une eguil-
le, de sorte qu'elle soit bien atachée. Puis mets ledit limon cui-
re sus la braise droit, la couture dessus, & à mesure qu'il com-
mencera à bouillir, tourne-le souuentefois, tant q tu le verras
suer vne bone piece de tēps, puis l'en retire. Quand en voudras
vsfer, boute vn doigt au pertuis qui estoit recousu, & t'en frot-
te la face avec quelque linge bien delié: ce sera chose exquisite.

¶ *Pour oter les taches du visage.*

PREN farine de lupins, fiel de cheure frais, jus de limon,
alun succarin: incorpore bien tout ensemble en forme d'oigne
ment: puis t'en oins du soir le lieu où sont les-dites taches, si
guariras incontinent: c'est chose bien experimentée.

¶ *Pour acouter eau de vigne, vulgairement dite larme de vigne.*

PREN axungia vitri vne once, alun succarin deux onces,
alun de roche vne once, borax deux onces, camphre vne once:
puis pren vne phiole pleine de larme de vigne, & y mets les-
dites choses, les laissant au soleil, par l'espace d'un mois, &
sera fait.

¶ *Maniere trebonne pour donner lustre à toute eau distillée.*

PREN pomes de pin petites & verdes, & trebien mondi-
fiées: puis les taille par rouelles, lesquelles tu mettras detrem-
per trois jours entiers en lait de vache, leur changeant le lait
vne fois le jour (mais il vaudroit mieus en lait de cheure) mets
les au bout de trois jours distiller avec les poudres suiuan-
tes: Pren poudre de verre quatre onces, pieces de coral rouge deux
onces, sucre candis quatre onces, alun de roche vne once, vis-
argen-

argent mortifié avec la salive, once & demie, douze œufs frais rompus avec les écailles bien batus ensemble, tourmentine lavée neuf fois en eau quatre onces, pourcelletes de mer blanches, qui se vendent chez les parfumeurs deux onces, cinquante limassons sans leurs coquilles : & n'en pouvant recouvrer, pren-les avec leurs coquilles: Toutes ces choses bien estampées chacune à part soy, melle-les ensemble, & puis en fay vn lit dans l'alëbic, puis vn lit de poudres, puis vn de tourmentine, & puis les limasses, le tout par lits, l'vn sus l'autre, tant que l'alëmbic soit plein, jette puis au dessus vn verre de bon vin blanc, & leur fay feu temperé. Par ainsi tu auras l'eau désirée, laquelle garderas en flacon de verre: car elle est trebonne pour blanchir, & embellir la chair, & pour oter les rides du visage: c'est chose experimentée.

¶ *Pour faire eau de melons blancs, laquelle fait belle charnure.*

P R E N melons blancs bien nettoyez de leurs écorces, & les taille par pieces epees d'vn doigt, y laissant tout le milieu: puis pren les choses suivantes : alun succarin quatre onces, argent vis rōpu ou amorty vne once, alun de roche brule vne once, porcelletes deux onces, tourmentine lavée vne liure, douze œufs frais etampez avec leurs écailles, limons blancs taillez par pieces autant que tu voudras: sucre quatre onces, avec vne phiole de lait de cheure, & vne de vin blanc: puis emplis l'alëmbic des-dites choses, mettant rengée sus rengée, comme auons dit de l'eau sudite. Donne luy apres vn petit feu, puis en garde l'eau en vne phiole, laquelle sera tresexcellente pour laver la face. Ainsi se fait aussi l'eau de anguria, & des sommets, & fleurs des ers, & des fleurs de feues, & de mauue, & de fleurs de lambruche, ou vigne sauage, & autres telles choses.

¶ *Pour faire eau trebonne, de courges, tant domestiques, que sauvages.*

P R E N des courges, & en ote l'écorce, puis les taille par rouelles: apres y ajouteras six onces d'alun succarin, vne once d'alun de plume, pour deux liards de mirrhe, demie liure de tourmentine lavée, quatre œufs frais etampez & bien batus ensemble, six limons taillez par tranches, limasses autant que tu voudras, vn verre de vin blanc. Puluerise ce qui se doit pulueriser, & melle bien tout ensemble, faisant la premiere ren-

gée de sucre, l'autre de la poudre, & la tierce de limasses: puis mettras le vin, les limons, & les œufs au dessus de tout, le distillant apres à petit feu: & l'eau qui en viendra, se doit garder huit ou quinze jours au soleil, en vne phiole. On peut aussi faire le semblable de courges marines.

¶ *Oignement de visage, lequel tenu continuellement par l'espace de huit jours, change la peau, & la renouelle tresselegamment.*

PREN quatre œufs frais, & les mets, huit jours de long, en fort vin-aigre, de sorte qu'ils deuiennent tendres, & que tu en puisse oter les coquilles: apres en oteras les moyens si subtilement qu'ils ne se rompent: puis les mets en vne ecuelle de terre plombée. Ce fait, pren pour six deniers de tourmentine blanche, & bien lauée, trois deniers de sucre candi, six deniers de pate de borax, camphre, verd-de-gris, alun de roche de chacun six deniers. Toutes ces choses bien puluerisées, pren deux quarts d'argent-vif areté, ou amorty avec salieue, ou jus de limons, huile de tartre quatre onces, vn oignon de lys blanc lequel tu mettras bouillir en vin blanc, puis le passeras par vn tamis, & melleras tout cecy avec les moyens d'œufs, incorporant & batant bien tout ensemble avec le jus de deux limons. Et du soir quand tu t'en iras coucher, tu te mettras de la-dite composition sus le visage, sus le col, & sus la poitrine, en la laissant ainsi secher de soy mesme. Or il faut bien mouuoir tout ensemble, à chacune fois qu'on en voudra vsér: & ne la faut pas trop tost oster du visage: car on se gateroit trop la peau: mais la faut laisser ainsi, par l'espace de huit jours. Et encore qu'il semblaist que la-dite composition brulasse & ecorchasse le visage, il ne la faut pas pourtant oster: mais la laisser faire son operation: & à la fin de huit jours l'oter en la maniere suiuant: Pren son de froment, mauues, fueilles de violettes de Mars, gosses de feues, mie de pain, & bonne quantité de miel crud: fay bouillir toutes ces choses ensemble, tant que tout en deuienne mol à tater, puis la verse en quelque pot, & la laisse refroidir jusqu'à ce que tu pourras endurer la fumée; en tenant le visage au dessus dudit pot: couure aussi bien la teste, la poitrine, ou autre lieu, auquel auras mis de la-dite pate, & demeure ainsi, tant & si longuement que la sueur te degoute par tout le visage. Lors que tu te sentiras suer, pren vn peu
de la

de la-dite eau, & l'ayant coulée, y mets de la mie de pain, & apres que tu auras bien sué, pren de cette mie, & en frotte adextremement par tout, où sera ladite composition: car la peau y demourera fort tendre: pourtant faudra il froter adextremet, tant que le visage soit bien nettoyé de la-dite pate, ou composition: puis incontinent le lauer d'eau freche, & l'essuyer. Apres faut prendre quelque eau distillée, ou il n'y ait aucune substance forte, & s'en baigner le visage par cinq ou six fois. Si d'aventure il demouroit quelque reste de la-dite paste en aucun lieu, frotte-le bien de la-dite mie, ou bien de quelque linge mouillé en telle eau distillée, & verras incontinent la peau qui estoit rude & grosse, changée en peau belle & delicate. Mais garde toy bien huit jours apres d'aller à l'air decouvert, ou trop pres du feu, de peur que la nouvelle peau, tant tendre & delicate, ne soit brulée, ou gatée. Cecy est vn trebeau secret.

¶ *Pour celuy qui de nature a le visage trop rouge.*

P R E N quatre onces de noyaus de peches, deux onces de semence de courge, & en fay vne huile duquel tu t'oindras la face soir & matin, & ce te fera mourir cette rougeur trop grande: chose eprouuée par experience.

¶ *Pour faire eau de talcum trebonne, laquelle rend la chair fort belle, & dure longuement.*

P R E N vne liure de talcum, & le fueillette subtilement, & l'etampe en vn mortier d'arein, puis y verse vn peu d'huile d'amandes douces, a-fin que tant mieus se puisse etamper, ou deromps-le avec petis caillous de riuere, en vn sachet de linge, le frottant entre les mains. Pren apres deux liures de sal nitrum brulé, & le mets sus la rengée de talcum, dans vn vaisseau ferré, en vn fourneau reuerberatif, par l'espace de quatre jours puis y adjoutant encore autant de sal nitrum que parauant, re mets-les encore quatre jours au fourneau. Fay ainsi jusques à trois fois. Puis apres dissous tout en eau chaude, & le passe par vn feutre, & ce par tant de fois que tout le sal nitrum soit tout dehors. Essuye apres le talcum, & le lie tre-bien en vne piece de linge, ou de drap en façon d'vne pome. Ce que fait, tu prendras quelque vaisseau (moyennement grand) plein de tarte crud, grossièrement estampé, & mets la-dite pome au mi-

lieu du vaisseau, tellement qu'elle soit toute couuerte du tartre. Mets-la par apres au fourneau sudit, par l'espace de quinze ou vingt heures, tant que le tartre deuienne tout blanc, & trouueres le talcum au milieu, & le linge ou drap sera brulé. Finalement briseras le talcum, & le refoudras en eau de vie, puis en couleras l'eau nettement, & essuyeras le talcum: apres le mettras refoudre en lieu humide, & le refoudras en eau qui sera comme lait, si sera chose exquisite.

¶ *Pour faire eau argentée, qui fait la face treblanche, vermeille, & reluisante: & se fait en eau, non pas en vnguent, dont vsent la pluspart des Dames en Italie, combien que chacun ne la fait faire comme il appartient.*

PREN quatre onces de sublimé, & le deromps en vn mortier de pierre, le mouuant tou-jours d'une main. Quand il sera bien tout derompu, pren quatre deniers de vif argent: scauoir est vn denier pour l'once de sublimé, & le mets en fort vin-aigre blanc, l'espace de huit jours, puis le mets dedans vn autre vaisseau, avec d'autre vin-aigre, & le fay vn peu bouillir. Puis pren le vif argent hors du vin-aigre, & le mets en vne ecuelle, en prenant la mie d'un pain blanc, lequel tu emieras avec le-dit vif argent, remuant bien tout ensemble, tant que le vif argent soit bel & clair, puis souffle dedans, & le pain s'en volera. Lors mettras cet argent vif ainsi purgé avec le sublimé en le mellant & remuant tre-bien d'une main, & ainsi deuiendra tout noir: mais par bien continuer de remuer avec la main, il deuiendra blanc comme neige: alors prendras de l'eau bouillante, & la verseras au-dit mortier, qui doit aussi estre chaud: puis remue bien, & melle tout ensemble, & le laisse reposer. Apres en oteras diligemment l'eau, laquelle sera tre-bonne contre les rongnes: puis y verseras autre eau bouillante, & le laueras tre-bien comme parauant, & ce jusques à quatre ou cinq fois. Ce fait, pren douze ou quinze perles, & vn carlin ou deux d'or broyé, ou bien d'argent, & le mellant, y mettras vn peu de camphre, vn peu de borax, & vn peu de talcum calciné, si tu en as. Broye bien toutes ces choses avec vne main au mortier, puis les laisse ainsi par quarante jours au soleil, & au serain, les remuant tous les jours d'une main, vne demie heure de long. Apres les-dits quarante jours pren quatre œufs frais,

frais, lesquels, vn peu chaufez au feu, tu rompras : & ayant prins les blancs, les mettras audit mortier, mellant bien tout ensemble, aussi feras certe eau suiuite : Pren petis limons meurs, & en ote la premiere ecorce jaune, puis les taille par trenchés menues, au ec douze œufs frais, batant le rouge, & le blanc, & les ecailles ensemble, puis y adjoutant deux onces de tourmentine, mettras tout en l'alembic, y faisant vn petit feu, & en tireras enuiron vne phiole d'eau, de laquelle tu detremperas ladite argentée au mortier, puis la garderas en vne phiole bien serrée en lieu frais : chose excellente, & fust pour vne Royne. Et quand tu en voudras vser, que la face soit premièrement bien nette, puis y applique de ladite argentée à discretion, la laissant secher de soy mesme. On pourra aussi dōner vn rouge dessus qui voudra, avec la toilette de leuant, ou le rouge de valence, ou en eau, comme cy dessous sera enseigné plus parfaitement.

¶ *Pour donner lustre & couleur sus la-dite argentée.*

PREN douze moyeus d'œufs ponnus du mesme jour, & les bats tous crus, puis les mets distiller à l'alembic, à petit feu, mettant vn peu de musc à la bouche de l'alembic, & mouilleras vn petit de cotton en la-dite eau, pour t'en frotter la face, la laissant secher de soy mesme, qui est vne chose treparfaite.

¶ *Pour faire oignement pour le visage.*

PREN trois onces de la taye grasse d'vn agneau gras, laquelle tu mettras en eau freche, la changeant chacun jour cinquante fois, & ce jusqu'à sept ou huit jours, puis la taille bien menue, & la mets en vne terrine plombée pleine de vin-aigre blanc & clair, & vne drachme de camphre estampé. Fay bouillir cecy ensemble, par l'espace de deux ou trois pater noster, & coule apres la graisse avec les choses sudites par vn linge blanc puis laisse refroidir la graisse, tant qu'elle soit toute prise : & s'il y auoit quelque ordure au fond, il la faudra oter. Apres pren deux onces d'huile de tartre, & le mets en quelque vaisseau sus les charbons, tant qu'il se rassemble : & l'ayant mis en lieu humide, par l'espace d'vn jour, & d'vne nuit, mets y apres vne once de borax bien laué, puis etampe & melle bien tout ensemble, y adjoutant vne once & demie de ceruse laüée : & ayant mis le tout en vne terrine neuue plombée, mets-le puis

sus vn petit feu , le mouuant tou-jours bien ensemble , tant que toutes les choses soyent bien incorporées; & apres que sera mis sus la face , mets y du rouget fait de graine d'escarlate, & de bresil: car il sera ainsi milleur que de bresil seul.

¶ *Pour faire vn rouget pour le visage.*

f PREN du sandal rouge etampé bien menu, & du fort vinaigre deux fois distillé: puis y mets dudit sandal, autant que tu voudras, & le fay bouillir tout bellement, & y mets aussi vn peu d'alun de roche etampé, & auras vn rouget treparfait. Si tu le veus faire odoriferant, mets vn peu de musc dedans, ou bien de la ciuette, ou quelque autre chose odoriférante que tu voudras.

¶ *Pour faire la face belle.*

f PREN feues, faloles, & chiches, & en fay poudre, laquelle tu detremperas en eau tiede, le clair d'vn œuf, & du lait d'anesse: puis la mettras secher. En apres la detremperas avec vn peu d'eau, de laquelle te laueras la face, & deuiendra belle, resplendissante & nette.

Autre maniere.

f PREN fleurs de feues fresches, & les mets distiller par l'alambic, y adjoutant vn bien petit de canfre, puis te laue la face de l'eau qui en viendra.

¶ *Autrement.*

f PREN fleurs de romarin, & les mets bouillir en vin blanc puis t'en laue trebien la face, & en vse pour ton bruuage, si t'en feras la face trebelle, & aussi vne bonne alaine.

¶ *Pour oter les taches de la face, & faire la peau trebelle.*

f PREN vn peu d'alun de roche, & le deromps bien menu, puis pren la glaire d'vn œuf, ponnu tout à la mesme heure, lequel tu mettras ainsi tout chaud au feu, en vne poellette plombée, avec l'alun de roche, & l'y laisseras tant que tu verras qu'il commence à bouillir, le mellant tou-jours d'vn petit baton. Et quand il sera deuenu dur, tu t'en oindras tre-bien la face, par deux ou trois jours: cecy te rendra la face trebelle. Chose trouuée par experience.

¶ *Pour faire vne eau qui rend la face blanche.*

f PREN litarge d'argent broyé pour deux soulds, & le mets en vn vaisseau avec du fort vin-aigre blanc, puis le fay tant bouil-

bouillir qu'il se diminue la hauteur de trois doigts : laisse-le reposer, puis le coule, & le garde. Encore est bon du lait, & du jus d'orange, mellé avec de l'huile de tartre.

¶ *Autre maniere pour faire la face belle.*

P R E N du fiel de lieure, de cocq, ou de poulle, & d'anguilles: detrempe-les avec du miel, & les mets ainsi en vn vaisseau d'airain bien étoupé, pour t'en oindre la face, quand il te plaira: mais garde bien qu'il ne touche aus yeus : car il les enflammeroit, & te feroit mal.

¶ *Pour oster les lentilles ou taches rouges du visage.*

P R E N lesards verds tous vifs, & les fais bouillir en huile tant que la tierce partie en soit diminuée. Coule cecy, & y ajoute de la cire blanche, puis en fais vn onguent, duquel tu te oindras souuentefois la face.

¶ *Pour oster le feu volant du visage, & de toute autre partie du corps.*

P R E N racines de lapatium acutum, & les laue tre-bien, puis les mondifie, & les coupe par petites trenches, lesquelles tu mettras tremper en fort vin-aigre blanc, & les y laisseras deux jours, & deux nuits : apres en froteras le mal trois ou quatre fois le jour, & la nuit te froteras des-dites trenchettes de lapatium, les laissant apres tous-jours tremper au-dit vin-aigre, & en guariras.

¶ *Pour detchasser les pous.*

P R E N encens, & lard de porc mâle, puis les fay bouillir ensemble en vne poëlette de terre plombée: & avec cet oignement froteras le lieu où sont les pous.

¶ *Pour faire vne eau qui ote toutes teintures & macules des mains, des artisans, & les rend-treblanches: & est aussi bonne pour ceux qui sont halez du soleil.*

P R E N jus de limon, avec vn peu de sel commun, & t'en laue les mains, puis les laisse essuyer d'elles mesmes: laue apres tes mains, & trouueras toutes taches & macules otées: elle est aussi trebonne contre les rongnes.

¶ *Pour faire eau qui rend la chair trebelle, & qui est de garde comme vn baume trepreciens.*

P R E N vn jeune corbeau hors du nid, si tu le peux ainsi auoir : sinon, pren-le aussi jeune que tu pourras : auquel (par

l'espace de quarante jours) ne donneras autre chose à manger que des moyeus d'œufs cuits durs. Apres le tueras, & en oteras la peau, derompant la chair par petites pieces: puis prends des fueilles de mirte, & en mets vn lit en vn bocal de verre, puis vn lit des piecettes dudit corbeau: seme par dessus de la poudre du talcum etampé avec huile d'amandes douces, & en mets à ta discretion: car la grande quantité n'y fera point de dommage. Et s'il reste encore des pieces dudit corbeau, fais en vn autre lit, y adjoutant aussi des fueilles de mirte, & puis de talcum: & faut que ledit bocal soit large & bas. Finalement verseras dessus trois ou quatre onces de huile de mirrhe, atouré avec des œufs, comme est declairé au 2. Liure. Mets en après le-dit bocal sous l'alembic, etoupant bien les jointures, afin qu'il ne s'euente, semblablement aussi le recipient: & luy donne au commencement vn petit feu, environ l'espace de quatre ou cinq heures, tellement que toutes ces choses se puissent dissoudre, & comme corrompre entre elles: puis feras le feu de plus grand en plus grand: & en la fin tregrand par l'espace d'vne heure, le laissant par apres refroidir. Et si le feu a esté grand assez, l'eau en sera jaune, ou rougeâtre, laquelle tu mettras en vn autre bocal, de grandeur selon la quantité de la-dite eau, y adjoutant demie liure de fleurs de romarin, vn demy verre d'eau de vie, mettant tout distiller de rechef avec l'alembic & recipient, comme dessus: & faut mettre au recipient, ou au bec de l'alembic, quelque fin draplet, auquel y ait du benjoin blanc etampé entre deux papiers au mieus que tu pourras.

Quand cette eau sera distillée, elle sera treclere & trebelle, laquelle tu garderas en vne phiole bien etoupée de cire, & de lin ge ciré qu'elle ne s'euente: & ne la doit-on tenir, ny au soleil, ny en lieu chaud. Ce sera vne eau tre-noble & précieuse, qui n'a son semblable au monde, pour faire la chair belle, & la conseruer. La maniere d'en vser est telle: Premièrement, il se fait trebien lauer le visage d'eau clere distillée, & puis se frotter tre bien le visage, la poitrine, & autre lieu qu'on voudra, avec vne piece d'ecarlate mouillée en la-dite eau, & apres se coucher sus le lit, en tenāt quelque peu de temps, la piece d'ecarlate mouillée sus le visage: & cecy se pourra faire tous les huit ou quinze jours vne fois, ou bien tous les mois, ou tous les deux mois.

Ce pendant on peut vser de quelque autre bonne eau, comme de fleurs de feues, de courges, de melons, de fraxinella, de racines de lis blancs, de racines de serpenteaire, & autres semblables: mais il se faut garder d'y mettre du sublimé, ny de la ceruse, en aucune maniere que ce soit. Ainsi auras-tu vne eau de merueilleuse vertu pour faire la chair belle & naturelle, & pour la conseruer long temps, jeunette, gaye, & freche.

¶ *Eau trebelle pour lauer la face, le col, & la poitrine, & en peut on faire grande quantité, car tant-plus y en aura, tant-milleure sera: elle fait la chair trebelle, ne gatant point les dens, & ne semblera pas que la face soit aidée, mais qu'elle soit ainsi de nature.*

P R E N deux pigeons gras, deux liures de chair de veau, semence de cataputia pelées trois onces, de pignons mondez, amandes douces, amandes ameres, racines de lis blancs & jaunes, feues brisées & mondifiées, fiel de bœuf, racine de serpentina, racine de fraxinella, ou diptam vulgaire, vn petit limon nettoyé de son écorce jaune, & taillé par pieces, la mie d'vn pain blanc mouillée en du lait, gomme dragant detrempée en vin, gomme armoniac detrempée en vin-aigre, & qu'il y ait de toutes les choses sudites à discretion: Puis y adjoute fleurs de ligustrum, ou de troefne, si tu en as, & les fais distiller à petit feu, ayant lié vn petit linge avec du musc, & benjoin blanc au bec de l'alembic: puis garde l'eau en vn verre bien etoupé: car elle sera treprecieuse, faisant la chair treblanche & naturelle, sans endomager les dens, ny autre chose.

¶ *Pour faire vn rouget trenoble pour le visage, qui est naturel, & dure plusieurs jours sus le-dit visage, le rendant tou-jours plus gay, & plus beau.*

P R E N le blanc de vngt-cinq œufs cuits durs, & mets vn verre de lait de figues avec: si tu n'en peus auoir, pren des petites figues qui ne soyent pas meures, & les taille par petites pieces, lesquelles tu melleras avec les œufs sudits: puis les mettras distiller, & l'eau qui en viendra, fait de soy mesme la chair blanche: mais si tu la veus faire rouge, pren pour chacune phiole de ladite eau deux onces d'alun de plume puluerisé, demie once de la graine dequoy on teint l'ecarlare, & deux onces des grains dequoy on teint la soye cramoisie. Tout cecy soit mis

en vne phiole ou flasque bien etoupé, qu'il ne s'eueute, puis mets la phiole sous le fien, ou en vn chaudron d'eau bien chaude (non pas toute fois bouillante) par l'espace de huit jours. Ce fait, ecoule bien la substance des-dites couleurs, & pren l'eau ainsi teinte: puis y ajoute encore autant d'alun, & des grains comme parauant, & mets de rechef tout ensemble en eau chaude, par l'espace de huit jours: puis en coule l'eau, & y ajoute, pour la troisiéme fois de l'alun & des grains, avec vn peu de gomme Arabe: a-sauoir, pour chacune phiole d'eau demie once de gomme, le remettant en eau chaude, par huit jours, comme dessus: & apres l'en auoir oté, tu l'ecouleras, si en auras le plus beau rouget, qu'il est possible de souhaiter. Lors mouilles-en quelque piccette de drap d'ecarlare ou de soye cramoisie, & t'en frotte le visage, tant que la chair se rechauffe, & que le rouge penetre trebien, tu y pourras aussi ajouter telle odeur que tu voudras. Et si tu ne veus mettre la phiole sous le fien, ou en eau chaude, comme dit est, mets-la aupres d'vn petit feu, sans la laisser bouillir, & ce par l'espace d'vn jour, ou d'auantage: puis l'ecouleras, & feras toutes choses, comme auons dit.

*¶ Autre rouget trebon pour le visage, plus aisé à faire,
& à moins de depens.*

PREN deux onces de colle de poisson bien clere, & la mets tremper en vin blanc, par l'espace de cinq ou six jours, tant qu'elle soit bien molle: puis pren du bresil qui soit bon, & de bonne couleur, bien raspé, ou coupé par petites piccettes, puis le mets tréper en eau de puis, tellement q l'eau surmonte plus d'vne paume & demie: apres le feras bouillir ensemble, à petit feu, essayant à chacune fois la couleur sus vn papier, tant qu'elle sera à ta fantasie. Et auant l'oter du feu, ajoute y pour chacune phiole de la-dite couleur, vne once d'alun de roche crüd puluerisé, & gomme Arabe, autant que trois ou quatre feues. Apres l'oteras du feu, & le garderas en quelque phiole bien ferré: si auras vne chose bien exquise.

Les femmes de basse condition ont de coutume de bouillir seulement le bresil en vin, ou en eau, & y ajoutent vn peu d'alun de roche, & de gomme, avec de l'eau, ou du vin, en le laissant bouillir tant que la couleur soit à leur fantasie.

Les autres prennent du sandal rouge, lequel elles mettent en vin, ou pour le moins en eau de vie, sans le bouillir, mais le tiennent par l'espace d'une nuit. Apres en versant l'eau, y ajoutent autre sandal, & encore un peu d'alun, selon que la couleur leur plait.

¶ *Blanchet excellent & beau sus tous autres.*

PREN du talcum broyé, & de l'estain brulé & pulverisé avec un pilon de bois, puis les laue & melle ensemble, les mettant en quelque plat, ou autre grand vaisseau spacieux, couuert d'un autre plat, en vne fournaise de verrier, ou de chaux, ou quelque autre fourneau, par l'espace de trois ou quatre jours. Et les ayant retiré, il seront blancs, comme neige, lors fay-les broyer subtilement avec eau de petites figuettes, ou de lait de figues, ou avec vin-aigre distillé, ou de quelque autre telle chose aigrette, & visqueuse.

¶ *Pour faire les cheueus blons, comme si ce fust fil d'or.*

PREN l'ecorce ou les racures de rheubarbe, & les mets detremper en vin blanc, ou en laissiue clere: & apres t'en auoir laué la teste, tu t'en mouilleras les cheueus avec vne eponge, ou quelque drap, puis les laisse essuyer au feu, ou au soleil: apres les mouilleras, & les essuyeras de rechef: car tant-plus souuent le feras, & tant-plus deuiendront beaux, sans aucunemēt endommager la teste.

¶ *Pour faire laissiue à se lauer la teste (laquelle outre ce qu'elle conforte le cerueau, & la memoire) fait deuenir les cheueus longs, blons, & trebeaus.*

PREN de la laissiue qui ne soit point trop forte, mais comme les femmes la font coutumierement pour s'en lauer la teste: & en fay tant en un chaudron qu'on s'en puisse lauer dix fois, y ajoutant ce qui s'ensuit: Ecorces de dix oranges, ou de citrangules doux, si tu en as: si non, pren-en des aigres, ecorces de citrons autant que tu en pourras auoir, soyent vé rdes ou seches, c'est tout-un, fleurs de camomille, feuilles de laurier, vne poignée de Capillus Veneris, demie poignée d'aigremoine, deux ou trois poignées de paille d'orge coupée en pieces, demie ecullée de lupins secs, vne ecullée de fenu-grec, demie liure de tartre de vin, ou deux ou trois ecullées de fleurs de genests, desquelles fait tou-jours bon en auoir de seches à la mai-

son, pour faire telle chose. Mets tout, ce qu'auons dit, en vn grand vaisseau, avec la-dite laissue, les laissant tous-jours ainsi, pour en prendre & vser quand tu voudras. Et plus longuement aura esté la-dite laissue composée avec les choses sudites, tant milleure sera. La-dite composition sera bonne pour cinq ou six mois & d'auantage: & la pourras renouueler à ton plaisir: mais en voulant en vser, pren-la nettement, sans prendre aucunement des drogues sudites, mises en icelle: & en la rechaufant, y pourras mettre vn peu de mirrhe, & vn peu de canelle: parainfi la feras tre-bonne, tant pour la santé de la teste, & de la veue, que pour embellir aussi les cheueus.

¶ *Laissue pour noircir les cheueus.*

PREN laissue ordinaire, & fay bouillir dedans vne poignée de fueilles de bettes, trois ou quatre poignées de fueilles de sauge verdes ou seches, & autant que tu voudras de mirrhe avec fueilles de laurier, & vn peu de fueilles ou ecorces de noyer. Mais quand tu voudras vser des laissues qui font les cheueus blons, ou noirs, ne t'en frotte pas le visage, ou le col, de peur qu'ils ne deuiennent noirs, ou jaunes, combien qu'elles ne teignent pas si facilement la chair, que les cheueus. Et apres auoir ainsi laué les cheueus, il te faut lauer la face de laissue vulgaire, ou d'eau clere, ou bien de vin blanc.

¶ *Huile pour oindre les cheueus, laquelle les rend blons, longs, & luisans, comme or bruny.*

PREN vne phiole d'huile de sesamum, si tu en peus auoir, si non pren huile d'oliue qui ne soit point verdâtre, mais bien jaune & clere, en laquelle tu mettras trois onces de fleurs de genests seches, & bien mondifiées de la petite verdure qui y est, & du blanc que tu trouueras par dedans: puis les etampe ainsi legerement, y adjoutant vne once de ce jaune, qui est au milieu des fleurs de lis blancs, & vn quart d'once de curcuma, & la siesime partie d'vne once de safran, avec vn peu de canelle, de benjoin, de musc, & de ciuette, si tu veus. Toutes ces choses rendront vne bonne odeur, ayderont à la couleur, & conforteront la teste: & faut tout mettre ensemble au mesme vaisseau, ou phiole, en laquelle sera l'huile, lequel tu tiendras au soleil tout l'esté, & en prendras, à chacune fois, vn peu pour ton visage, & tant-plus veil deuiendra, tant-milleur sera. Tu
pour-

pourras aussi en la fin ajouter de rechef l'huile sus les-dites drogues, audit vaisseau, car elles s'entre-tiendront bonnes, par plusieurs années : ou tu pourras changer icelles substances selon que tu verras estre necessaire. Il sera aussi fort-bon oindre de cette huile le pigné dequoy les femmes se pigneront au soleil : ou bien se mettront quelque linge chaud sus la teste, & le laisseront ainsi sans y mettre autre chose. Cecy est vne chose bien rare & excellente pour vne Royne: car pour ce faire n'en pourroit estre trouué de milleur.

Maniere trebelle pour se faire facilement les cheueus blons, sans se tenir long temps ou point au soleil : qui est vn secret rare & tres excellent.

PREN antimonium demie liure, tartre demie liure, sal nitrum neuf onces : toutes ces choses bien subtilement broyées & incorporées, pren vne terrine, & la mets ainsi vuide au milieu du feu, & l'ayant entourée de braises, laisse-la tant qu'elle deuienne toute rouge, & tout en feu par dehors & par dedans: alors jette les-dites poudres petit à petit avec vne cuillier, s'arrestant tou-jours vn peu de temps, à chacune fois, tant que la premiere soit toute brulée : & continue de mettre ainsi l'vne après l'autre, dans la-dite terrine, jusqu'à ce que tu y ais mis toute la-dite poudre. Mais il conuient que cecy soit fait sous vne cheminée, ou en lieu decouuert, pourtant qu'il en viendra si grosse fumée qu'il ne seroit au monde possible de l'endurer pour grande que la maison soit. Puis l'ayant laissé refroidir, faut rompre la-dite terrine, au fond de laquelle trouueras comme vne maniere d'vne grosse tourte, ou pain noir-atre & ferme, sinon qu'il se rompt incontinent qu'on frappe dessus avec le marteau ou autre chose. Romps donques la-dite matiere en plusieurs parties sus la terre, ou en quelque lieu net, & trouueras au milieu aucuns petis grains, ressemblans à de l'argent fin: mais fragiles & aisez à rompre. Et cecy est ce que les inuestigateurs des secrets de la nature appellent le Roy de l'antimonium, qui en operations metaliques sert à plusieurs choses, comme dirons cy apres. Mais cecy ne seruira aucunement pour blondir les cheueus, ce non-obstant, le faut garder à part. Puis pren le reste d'icelles fondrilles & matieres noires, & jaunâtres, & tout ce que tu trouueras ainsi au fond,

& autour de la sudite terrine ou poelle. Toutes lesquelles choses (à cause qu'elles deuiennent incontinent humides) etamparas grossièrement & vitement, y adjoutant pour chacune liure vne once de vitriol rubifié, comme dirons par cy apres. Puis mettras toutes ces choses ensemble en laissiue qui ne soit pas trop forte, & les detremperas tant qu'elles deuiennent comme vne sausse, y adjoutant deux onces d'huile de moyeus d'œufs, si tu en as: si non, pren huile d'oliue. Or il te faut garder cette liqueur ainsi epesle en quelque vaisseau, car elle demeure dure, & tou-jours bonne. Quand tu la voudras mettre en ceure, pren laissiue commune, & y mets deux ou trois onces d'alun de roche crud, & etampé, puis t'en laue la teste à l'acoutumé. Et apres l'auoir lauée sans autremēt l'essuyer, oins tous les cheueus de ladite liqueur rechauffée, lesquels ainsi oins enueloperas en vn linge chaud, en t'assisant quelque peu de tēps. Ce que fait, oteras ladite onction, la lauuant avec laissiue chaude, & acoutrant le sauon, comme bon te semblera. Et finalement relaue la teste & les cheueus avec vn peu de vin blanc chauffé: puis les envelope d'vn linge chaud, ou seche-les au soleil, ou au feu, comme tu voudras: & en la fin t'oindras de nostre-dit huile, ou d'huile de Iosemin, ou autre huile odoriférante, qui puisse conseruer les cheueus qu'ils ne rompent, & leur puisse donner lustre, qui les face reluire, entretenant cette maniere de faire tous les quinze jours, ou tous les mois, à ton plaisir. Par ce moyen tu auras les cheueus beaux & reluisans comme fil d'or. Mais sois memoratif d'vser en touteschofes de discretion, & de grande diligence, à la premiere fois que tu vseras d'aucune recette, comme par exemple en cette confection: il faut que tu te garde que la laissiue ne soit trop forte, a-fin qu'ensemble avec la-dite onction (laquelle pour t'auertir est vn peu forte) ne vienne à manger les cheueus. Aussi faudra il bien considerer la quantité, & combien de temps on la tient sus la teste, auant que l'oter par lauemens, & autres choses semblables: ainsi, selon l'experience que tu trouueras en l'effēt, te gouuerneras en toutes choses, car il n'est reigle tant certaine, qu'elle ne laisse tou-jours quelque lieu pour la discretion, diligence, & jugement de la personne qui la veut ensuiure, & mettre en ceure.

¶ *Onction pour faire cheoir les cheueus de quelque lieu que ce soit.*

P R E N la glaire de trois œufs frais tre-bien batus, huit onces de chaux viue, vne once d'orpiment: & le tout bien puluerisé, soit mis avec la-dite glaire d'œufs, & y adjoute par-apres vn peu de laissiue, tant que s'en puisse faire vne liqueur qui soit epeffe comme sausse: puis d'vn pinceau, ou autre telle chose faut oindre le lieu, duquel on veut faire cheoir les cheueus, & laisser ainsi l'onction par l'espace d'vn quart d'heure, ou vn peu d'auantage, apres le lauer d'eau chaude, & tous les cheueus en tomberont: & s'ils ne tombent, le faut oindre de rechef: puis apres auoir attendu encore vn peu, le lauer comme deuant, & les cheueus tomberont sans aucune faute. Finalement, faut oindre le-dit lieu d'huile rosat, ou de violettes, & la peau demourera tre-belle, & sans aucune lesion.

¶ *Huile ou liqueur pour faire cheoir le poil, ou cheueus, & se peut garder aussi longuement qu'on veut: il est aussi tre-bon à toutes occasions.*

P R E N vne once de soude (qui est cendres faites d'herbe, desquelles vsent les verriers à faire leur cristalin) dix onces de chaux viue, huit onces d'orpiment, & en fay poudre fine, laquelle tu mettras en vne poelle avec autant de laissiue douce & claire, qu'elle passè la poudre d'vne paume: puis mets bouillir cecy ensemble vne heure de long, & apres l'auoir laisse reposer, par l'espace de vingt quatre heures, le faut couler, & en prendre trois onces, y adjoutant vne once d'huile d'oliue, & le laissant bouillir ensemble, tant que toute l'eau en soit euanouye: ce qu'on cognoitra jettant vne goutte ou deux au feu, avec vn batonceau, & s'il ne meine point de bruit, c'est signe qu'il n'y a plus d'eau. Si tu le veus odoriferant, adjoute y du musc, ou de la ciuette, puis le garde. Et quand tu voudras faire tomber les cheueus, laue premierement bien le lieu d'eau chaude, puis l'oins dudit huile, & le laisse ainsi quelque peu de temps, apres le laue encore d'eau chaude, & tout le poil en tombera. Finalement oindras le-dit lieu d'huile rosat, ou d'huile de violettes.

¶ *Auertissement à ceus qui veulent faire tomber les cheueus.*

PREMIEREMENT, il faut noter que les cheueus ne tomberont point, sinon quand la lune defaut, c'est à dire, au quartier brisant:

brisant: & vaut beaucoup mieus les faire tomber avec de l'oignement, ou de l'huile, que de les arracher avec les pinsettes, à cause qu'on fait violence à la chair, mouuement de sang, elargissement des pores, & si fait on venir les cheuens plus gros: pourtant en toutes manieres fait il bon d'oindre incontinent le lieu de quelque huile refrigeratif, comme d'huile rosat, ou de violettes. Semblablement sois auerty que souuentefois les oignemens faits avec l'orpiment, rendent la peau comme brulée: & cecy vient par les auoir mal faits, ou trop forts, ou quād on les laisse trop longuement secher dessus, ou sans premierement auoir mouillé le lieu d'eau chaude, ou quād on ne oint point incontinent le lieu apres que les cheueus sont tombez comme auons dit cy deuant.

¶ *Pour faire que les cheuens ne reuiennent plus, & pour les faire venir tressubtils, & comme la premiere lanuge.*

A bien grand peine peut on trouuer remede que le poil ne reuienne, à cause que plusieurs voulants ce faire, composent aucuns oignemens tre-frois, ou tre-secs, desquels ils oignent le lieu par quelque espace de tēps, sans faire aucun profit pour la puissance de la nature, laquelle fait tou-jours son cours, & jette hors ses superfluitez: ou bien ensemble avec le poil & ses racines, ils brulent la peau, & ne la font que gāter. Parquoy il faut noter qu'on les doit faire cheoir au quartier brisant, & puis incontinent oindre le lieu avec huile rosat, ou de violettes: cecy fait, le poil en reuiet tou-jours plus debile, plus mol, & plus subtil: & tarde à chacune fois plus à reuenir.

Mais si tu veus que jamais ne reuiennent, vsē des remedes suiuians, qui sont des milleurs qui se puissent faire, cōme s'est trouuē par experiences infinies: Pren pierrettes d'oliues brulées, ecorces de feues seches, semence de hanebanne, litarge d'or ou d'argent, & escailles de tellines brulées, & opium au tant de l'un que de l'autre, & la moitié autant d'orpiment, que de l'un d'iceus. Tout cecy bien puluerisé, mets-le bouillir en autant d'huile d'oliue ou rosat, qu'il surpasse de quatre ou six doigts: puis le fay bouillir, le mouuant incessamment, par l'espace de deux ou trois heures: apres le laisse refroidir, & en coule le-dit huile, puis le garde, y adjoutāt la quarte partie du jus de chelidoine. Et quand les cheueus seront tombez, pren vn petit

vn petit linge, mouillé atudit huile tiede, & le mets sus ledit lieu, l'y laissant ainsi lié par toute la nuit. Le lendemain au matin en oteras le linge, & oindras le lieu d'huile rosat: puis y remettras du soir le linge mouillé: & ce par six ou sept nuits, comme dit est, mais que ce soit au desinement de la Lune. Et si tu vois que les cheueus y reuiennent, fay-les de rechef tomber au prochain desinement de la lune, faisant en toute maniere, comme dessus: tu ne le feras pas souuent que les poils ny reuiendront jamais plus.

¶ Pour faire vne sorte de toille, avec laquelle on ote le poil du visage, du col, & des mains, ou de telle partie qu'on veut.

P R E N deux onces de tourmentine, demie once de cire blanche coupée, ou raclée bien menue, ou vn peu plus, ou moins, selon qu'il en sera besoin, benjoin, storax calamita à discretion: mets premierement vn peu fondre la cire à petit feu, puis le benjoin, & le storax: apres y mettras la tourmentine, y adjoutant vn peu de ceruse bien broyée, & en le mettant au feu, mets y vn peu de mastix, & en fay vne mixtion qui ne soit ne trop epeffe, ne trop clere. Puis pren pieces de linge, de telle grandeur que tu voudras, & les etens sus vne table, etendant apres ladite composition sus ledit linge avec vne cuillier ou autre chose, comme en forme d'emplatre: puis le laisse refroidir, & le garde ainsi l'vn sus l'autre, à decouuert, & sans plier le linge, car cela feroit creuer la mixtion, laquelle veut estre faite de telle sorte, que estant froide elle demeure dure. Si tu la veus mettre en œuure, fay comme s'ensuit: Du soir quand tu t'en iras coucher, laue toy le visage, & le col d'eau tiede, le frottant trebien d'vn linge, ou de la main: & apres l'auoir essuyé, pren vne piece de la-dite emplatre, ou toille cirée, & la rechaufe si longuement au feu, que la-dite mixtion deuienne liquide, puis l'atache incontinent sus le visage, ou sus le lieu, dont tu voudras oter le poil, & le presse trebien, le laissant ainsi toute la nuit. La matinée t'en iras deuant le miroir, & ayant tiré vn bout dudit linge, tu aracheras avec iceluy tout le poil du visage, & ainsi laisseras vne tre-belle peau. Et si d'auenture il demouroit encore quelque reste de la mixtion sus la chair, laue-la d'eau chaude, & de son de froment, la frottant avec quelque piece de linge, elle s'en ira du tout: puis laue ton

visage

visage d'eau de vie, ou de vin blanc, ou de quelque autre eau distillée qui ne soit pas trop forte, mais qu'elle soit de melons, ou de courges, ou d'autres semblables, & vſe apres des eaux propre, pour le visage, à ton plaisir, ainsi entretiendras-tu ton visage, cler comme vn miroir.

¶ *Secret merueilleux, duquel vſent les grandes Dames Mores, par lequel elles font que leurs filles n'ont point de poil sous les bras, ou en autre lieu qu'ils veulent. Et ce secret ay-je trouué en Sīrie, l'an 1521. par le moyen d'une grand' Dame, de laquelle je guaray la fille.*

QUAND l'enfant est né, ils aprestent incontinent vne piece de fin or, ou vn ducat, ou vn aneau, ou autre chose semblable; & la tiennent tant au feu qu'elle deuiet rouge sans fondre, puis le portēt avec vne tenaille sus le lieu, auquel ils ne veulent point auoir de poil, & incontinent l'oignent d'huile rosat, ou d'huile de violettes: apres vingt-quatre heures, ils font encore vne fois le mesme, parainsi ne vient jamais point de poil audit lieu. Et si d'auēture il retourne à aucune, ils le font tomber avec l'onguent, ou autre chose, & le retournent à eschauder comme deuant, avec l'or: & c'est vne chose seure que jamais ne recroistrera. I'ay souuentefois fait tomber le poil du front des jeunes Dames, par ce secret, & l'ont trouué merueilleux: mais il faut que l'or soit bien fin, lequel ne laisse venir aucun signe, ou cicatrice, comme font les autres metaus. I'ay tenu le-dit secret long temps caché: & neantmoins que plusieurs fois on m'ait voulu faire de grans dons, si ne l'ay-je point voulu diuulguer, ne plusieurs autres, lesquels toutefois l'âge ou je me trouue, & la charité m'ont esmeu à communiquer en ce present Liure.

¶ *Pour faire toilette de leuant, dont les femmes vſent pour coulourer leur visage.*

PREN tondure d'ecarlata, & la fay bouillir en eau, où on ait bouilly de la chaux viue: & apres l'auoir fait bouillir bonne espace de temps, tu l'ecouleras: puis en prendras vn pot, & y mettras deux onces de bois de bresil, taillé par piccettes, y ad joutant vne once d'alun de roche, & autant de verd-de-gris, & vn quart d'once de gomme Arabic: puis apres auoir bien bouilly, par l'espace d'une demie heure, pren pieces de linge

vieu,

vi cil, de telle grandeur que tu voudras, & les mets en cette décoction, ou couleur rouge, puis couriras la poelle, & laisseras refroidir la-dite mixtion, par l'espace d'un jour, & apres les oteras, & mettras secher à l'ombre, puis les garderas en quelque vaisseau, entre choses odoriferantes, pour t'en aider à ton besoin.

¶ *Le mesme en autre maniere.*

PREN vne phiole d'eau de vie, vn quart d'once de graine sudite, demie once de bresil, demie once de gomme armoniâc, mets toutes ces choses ensemble, en la phiole, ou est l'eau de vie, puis la serre tre-bien, de peur qu'elle ne s'euente, & que la phiole soit toute pleine: apres la mets sus quelque petit feu, la faisant bouillir tout bellement, ou bien la mets au soleil, par l'espace de deux ou trois jours. Ce fait, coule-la, & y mets les pieces de vieille toille, comme auons dit dessus. Quand tu couleras cette eau de vie, s'il te semble que la couleur ne soit pas rouge à ton plaisir, tu y pourras mettre encore de la graine & du bresil, & tou-jours, en lieu de la graine & du bresil, seroit bon d'acouter la lacca de graine, & du bresil, preparée ainsi que nous l'enseignerons à faire au cinquieme Liure de ce Volume.

¶ *Pour teindre la barbe & cheueus blans, en tre-beau noir.*

PREN bonnes nois de galles de leuant, ou semblables, & les fay frire en huile, mais ne les laisse point bruler: puis les etampe & repasse par vn tamis, & pren aussi du feretrum, ou atrament d'Espagne, lequel semblablement etamperas, & puluerifieras tre-bien. Puis pren plein vne poellette de laissiue, & y mets des ecortes de pomes de grenades, des ecortes de noix, de pomes de pin, mirrhe, fueilles de sauge, autant que tu voudras. Laisse bouillir tout cecy ensemble, tant qu'il soit redigé jusqu'au tiers. Il y faut aussi deux parties de galle, & vne de feretre, ou atrament, detrempant & incorporant bien tout ensemble, tant que le noir te contente, duquel tu pourras teindre la barbe & cheueus en cette maniere: Laue la teste, ou ta barbe de laissiue qui ne soit pas trop forte, afin qu'elle ne te face mal: & ce pendant q la teste ou la barbe sera encore chaude, tu l'oindras de la-dite confection: mais il faut qu'elle soit tiede, afin de tant-mieus penetrer, & la faut laisser ainsi quelque peu de
i temps

emps. Laue apres la teste, ou la barbe premierement de laistie, puis d'eau chaude, & auras les cheueus beaux & noirs. Cecy ne gate, ny demenge nullement les poils ou cheueus, & ne donne aucun inconuenient à la teste.

¶ *Poudre tre-noble & tres-excellente pour nettoier les dens, les rendre fermes & blanches, & conseruer les genciuës, & ne s'en peut trouuer de milleure, quand ce seroit pour quelque grande Princeesse, ou Emperiere.*

PREN lacca de graine, & si tu n'en peus auoir, pren de la graine mesme qui soit tre-bonne dix parties, sept parties de pain ou torteus d'orge, tellement brulez qu'ils soient reduits en charbon, lignum aloë deux parties, pierre de ponce fine esfuyée en la braise, & detrempée en vin blanc, ou en vin-aigre huit parties, sang de dragon en larme trois parties, alun de roche brulé quatre parties, miel brulé en vne poellette, tant qu'il deuienne premierement noir, & puis apres jaune trois parties (& cecy pourras-tu faire de la lie du miel, qui reste quand il se distille, la mettant en vne poellette dedans vn fourneau de verrier, ou de potier, ou de briquetier, par l'espace d'un jour ou deux) charbons de bois de romarin trois parties, canelle fine deux parties, benjoin vne partie, bole armenic oriental neuf parties, tartre de vin blanc deux parties, albatre vne partie, perles menues quatre parties, ambre jaune cinq parties, coral rouge douze parties, raclure d'yuoire deux parties, petites pommes de coins non meures, de la grosseur d'une noix, ou vn peu d'auantage, six parties. Or les milleures sont celles qui ne sont paruenues à perfection sus l'arbre, lesquelles il faut bruler au feu, tant qu'elles deuiennent comme charbons, mastix huit parties. Toutes les choses sudites soyent tre-bien etampées, & passées par vn fin tamis, y adjoutant vn peu de musc, & quelques fucilles d'or & d'argent. Ce que fait, mettras ladite poudre en reserue, dedans quelque boite bien etoupée, si auras vne chose treprecieuse. Et en voulant yser, laueras tre-bien ta bouche premierement d'eau nette, ou de vin, puis te froteras les dens avec le doigt, ou quelque petit linge, en prenant de ladite poudre, & apres te laueras bien la bouche. En continuant de faire ainsi, tu auras touj-ours les dens trebelles, fermes, fortes, & solides.

¶ Pour faire vne conserue tresexcellente à nettoyer les dens, conforter les genciuës, & faire bonne alaine.

A cause que l'usage de la poudre pour nettoyer les dens, semble moins commode, qu'aucune liqueur ou conserue, laquelle s'atache mieus, & est plus agreable à la bouche, pourtant en voulons nous icy ecrire vne tresexcellente, laquelle n'a son pareil au monde, & se doit faire cōme s'ensuit : Pren vne partie de sirop rosat, deux parties de sirop de mirte, ou bien de lentisque, si tu en as : mets cecy ensemble en vne poellette nette, puis y mets de la-dite poudre pour nettoyer les dens, dont auons parlé au Chapitre precedent, tant que tout soit reduit comme pate bien mollette : mets apres la-dite poellette sus vne echauffette, ou il y ait des cendres chaudes, avec vn peu de braïes, ou pour le moins bien loin du feu, & le fais bouillir tout bellement, le mouuât toujours, tant qu'il deuienne epés comme miel, ou d'auantage: puis l'ote du feu, & y adjoute des fueilles d'or, & du musc, en telle quãtité que tu voudras. Lors trouueras vne chose non-pareille pour faire ce qu'auons dit.

¶ Auertissement quand à faire les poudres, & conserues pour les dens.

SI tu veus faire les-dites choses aussi excellentes qu'il sera possible, il te faut prendre des choses sudites, autant que tu en pourras auoir : ou si tu ne les peus auoir toutes, pren pour le moins les plus excellentes, comme graine d'ecarlare, perles, coral, ambre jaune, lignum aloë, bole armenic: mais veritablemēt le charbon de pain d'orge, & toutes les autres choses y sont trebonnes. Qui le voudroit toutefois donner à vn grand Prince ou Seigneur, qui aimât mieus quelque belle couleur, ou qui voutit sauoir les choses qui y sont, tu le pourras faire (comme dit est) de peu de choses, avec fueilles d'or & musc. Et qui le voudra faire à moins de depens, & en faire vne quantité plus grande, il pourra (avec les choses qu'auons dites au Chapitre de la poudre) adjoûter poudre de briques, poudre de marbre, ecailles d'ecreuisses de mer ou de riuierē brulées, & vn peu de sel blanc: la lie qui demeure au fond quand on fait l'eau forte, est aussi chose trebonne, ou seule, ou mellée avec quelque autre chose: ainsi aura on beaucoup de substãce, à peu de depens Et si on veut faire conserue qui ne coute guiere, & sans grand

labeur, il faut prendre du miel cru, ou rosat, & le meller incontinent avec les-dites poudres: puis s'en froter les dens avec le doigt ou avec vn linge, & apres se lauer tre-biē la bouche. Faysant cecy tous les huit jours, on se rendra les dens tre-belles: chose bonne & propre à vn chacun.

¶ *Poudre tre-blanche & tre-bonne pour nettoyer les dens, laquelle est plus agreable aus grans Signeurs, que nulle autre des precedentes.*

PREMIEREMENT est à noter vn beau & notable secret de tregrande vertu pour nettoyer & blanchir les dens, c'est la pierre de ponce seule, mais que ce soit d'icelle pierre ponce fine & blanche, de-quoy les corduaniers blanchissent les souliers de cuir blanc, & qu'elle soit bien puluerisée: car en se frottant les dens d'icelle poudre, elle les nettoye tre-bien, & en ôte toute rudité, ainsi qu'on voit même par experience que la pierre de ponce se met en œuvre pour polir les os, marbres, & autres choses semblables. J'ay veu aucuns miens amis, personnes de grand jugement & savoir, qui ne donnoyent aus grans Signeurs autre chose que ladite poudre: quand elle est bien puluerisée on ne fait que c'est: & aussi on luy peut donner vn peu d'odeur, la mettant entre sachets de musc & d'ambre, desquels elle prend l'odeur, et ay veu aucuns signeurs qui la tenoient pour chose de tregrande importance quand ilz en voyoient la vertu, et l'operation. Or si tu veus faire vne poudre blanche, plus noble, & plus vtile pour les dēs, & genciues, pren petites perles vn peu étampées, ou bien entieres, & les mets en vne écuelle, ou en vn verre large: puis pren du jus de limons, ou d'orēges, ou de citran gules, lequel soit passé par vn linge, pour le moins six ou sept fois, puis le verse sus les-dites perles, tant qu'il les surpasse de trois ou quatre doigts, & verras qu'en peu de temps cela commencera come à bouillir: apres le couuriras d'vn papier, ou d'vn linge, le laissant ainsi trois ou quatre jours: lors trouueras que les-dites perles seront toutes fondues au-dit ius, & changées en vne pâte blanche comme neige, mais il y aura dessus vne petite peau jaune engendrée du-dit jus. Pren apres eau de puis claire, ou eau de Lentisque distillée, laquelle verseras sus la-dite pâte, tant qu'elle la surmonte de deux ou trois doigts. Tu prendras par apres vne fourchette, ou le manche d'vne cuillier d'argēt, ou bien

bien vn petit baton net, & en mouueras trebien la pate dans la-dite eau, la laissant ainsi reposer, puis finalement jetteras l'eau dehors. Et si tu vois encore quelque reste de jaune en la-dite pate, relae-la, comme dessus: puis la couure d'vn papier, la laissant ainsi secher de soy mesme, ou au soleil. Tu prendras en apres trois parties de la-dite pate, ou poudre blanche, quatre parties de pierre de ponce treblanche, comme dit est, deux parties de benjoin blanc, vne partie d'alun de roche bien brulé, vne partie de coral blanc, demie partie d'iuoire tre-blanc, demie partie d'alebatre tre-blanc. Fay-les broyer tre-bien sus vne table de marbre, ou en vne tasse d'argent, y adjoutant des feuilles d'argent. Lors auras vne poudre treblanche & excellente pour rendre les dens blanches comme neige. Et si tu veus, tu la pourras mettre en cōserue, avec du sirop de citrons ou miel rosat, ou comme tu voudras.

Voulant aussi faire la-dite poudre bien rouge, acoutre-la seulement avec de la lacca de greine, & vn peu de coral rouge. Or à cause qu'en etampant deuiendra aucunement blanche, ajoute y vn peu de bole-armenic, avec vn peu de larme de sang de dragon, & aussi des feuilles d'or.

Tu pourras aussi donner à toutes les-dites poudres telle odeur que tu voudras, mais à la poudre blanche ne se doit point ajouter de musc, ny d'arbre, ne d'autres telles drogues, car il en oteroit la blancheur, mais bien la pourra on mettre en vn sachet, entre le musc, ou autre odeur, comme dit est.

¶ *Eau distillée, precieuse pour incontinent rendre les dens blanches, & les conseruer merueilleusement.*

PREN vne liure de la premiere eau de miel distillée, laquelle est blanche: puis la mets en vne phiole avec vne once de sel blanc commun, demie liure d'alun de roche crud, vne once de sal nitrum, demie liure d'eau de feuilles de lentisque, deux onces de mastic, deux doigts de vin-aigre blanc en vn verre, & autant de vin blanc. Fay distiller toutes ces choses à petit feu, qu'elles ne sentent, ne la fumée, ne la brulure, continuant la distillation, de telle sorte que tu mettes pour le moins vingt-quatre heures à tout distiller: ou bien, tu le feras distiller par balneum marie, qui est le plus seur de tout. Or il faudra continuer la distillation, tant qu'il y ait substance humide, qui en

puisse sortir, & en l'eau qui distillera, mettras vn peu de poudre de canelle fine, vn petit de lignum aloés & bole-armenic, pour luy donner vne couleur rouge, laquclle est agreable à plusieurs: aussi pour luy dōner saueur & vertu, y mettras du miel cru, le faisant dissoudre à la chaleur, car c'est chose bonne pour les genciues, & pour les dens, & donne bonne saueur à l'eau. Garde bien cecy comme chose tres-excellente, quand mesme ce seroit pour vne Royne. Et quand tu en voudras vsfer, laue premierement bien ta bouche, & essuye les dens d'vne piécette de linge blâc, & puis d'vn cure-dent de lentisque, ou d'autre matiere mouillé en ladite eau, ou d'vn petit drapelet, en frottant vn bien peu les dens, & incontinent les sentiras estreindre les genciues, & conforter les dens, les rendans belles & blanches. Et qui aime mieus l'eau blanche que rouge, ny mette point de canelle, de bole-armenic, ny de lignum aloés apres que l'eau sera distillée, mais la mette distiller avec les autres choses, y mettant de chacune autant qu'il y a de mastic, & sera autant excellente & blanche qu'autrement.

¶ *Trois auertissemens d'importance pour entretenir les dens blanches & saines, & aussi l'alaine bonne.*

LE premier est, que celuy qui n'a acoutumé de lauer tre-bien sa bouche à chacune fois qu'il a mangé, il aura toujours les dens jaunes, & l'alaine puante. Le second, que celuy qui dort la bouche ouuerte, à semblablement tous-jours mauuaise alaine, & les dens tres-ordes. Le troisieme, que pour s'entretenir les dens belles & blanches, & l'alaine bonne, quand on est couché au lit, & qu'on s'esueille du matin, il est bon de se purger tre-bien la poitrine, & la gorge, crachant hors tout ce qui s'y est amassé icelle nuit: ce qui est aussi bon à l'estomac, & à la teste. Et ayant les dens & l'alaine chaudes, pren vn linge, ou vn bout de linceul, & t'en frotte tre-bien les dens & par dehors, & par dedans, pour en oter les fumosités des viandes, & cette jaunueur qui s'y est amassée la nuit: car c'est ce qui jaunit les dens, rougit les genciues, & corrompt l'alaine. Il est tre-necessaire de sauoir cecy, & se doit bien entretenir: & est aussi bon de macher quelques grains de mastic tous les matins.

Decoction pour se nettoyer la bouche, pour rafermir les dens qui i lochent, pour consolider les gencives, & les faire r'encharner, si elles sont decharnées.

PREN demy verre de vinaigre, autant d'eau de lentisque, & de romarin, mirre, mastic, boli armeni, larme de sang de dragon, alun de roche brulé, de chacun vne once, canelle fine demie once, eau de puis, de riuere, ou de fontaine trois verres: melle bien tout ensemble, & le laisse bouillir à petit feu, y ajoutant demie liure de miel, & en otant l'ecume, puis y mets vn peu de benjoin. Et quand il aura bouilly le quart d'vne heure, ote-le du feu, & le garde en vne phiole bien nette, & t'en laue souuent les dens, tant deuant, comme apres manger: & la tenant, quelque espace de temps, en la bouche, elle est trebone pour la teste, & fait trebonne alaine.
 Chose de grande excellence.

..

FIN DV QUATRIEME
 LIVRE.

i 4

LES

LES
SECRETS DE REVEREND
S I G N E V R A L E X I S
P I E M O N T O I S.

L I V R E C I N Q V I E M E.

¶ Pour faire l'asur d'outré-mer tre-parfait.



PREN premierement vne liure de lapis lasuli, qui soit marbré, & teint assez sus couleur d'asur, avec aucunes veines d'or, & verdes, duquel feras l'epreuue à la mode suiuant: Prends-en vne picette, & la mets sus des charbons ardans, soufflant d'vn soufflet, par l'espace d'vne heure, puis la laisse refroidir, & la touche. Si elle se defait comme terre, elle ne vaut rien: mais si elle demeure ferme, & retient sa couleur d'asur, elle sera bonne. Pren puis vne liure d'icelle, & la deromps par petites picettes, lesquelles tu mettras au feu à fondre, par l'espace d'vne grosse heure, en soufflant toujours. Ce fait, prend de bon vin-aigre distillé en quelque vaisseau, auquel tu eteindras les-dites picettes, & les laisseras secher: puis prendras de l'eau, faite comme s'ensuit: Pren vne poelette plombée, & y mets deux chopines d'eau clere, & vn peu de miel blanc & cru. Fay-le bouillir, & l'ecume tre-bien, tant qu'il ny ait plus d'ecume, puis le laisse refroidir. Puis prend la grosseur d'vne noix de sang de dragon tre-bien estampé, & le detrempe, petit à petit, avec ladite eau. Et apres qu'il sera detrempé, coule-le par vn linge blanc, en quelque vaisseau plombé. Et faut noter que l'eau ne doit estre, ne trop rousse, ne trop clere: mais entre deux, c'est à dire, entre clere & rousse, afin que l'asur puisse prendre couleur violette. Broye par apres tre bien le-dit lapis lasuli, ainsi calciné, avec la-dite eau (comme se broye coutumieremēt le vermillon) par l'espace d'vne heure, ou d'auantage: puis le rassemble en vn vaisseau de verre, ou autre vaisseau plôbé, ample, & large, le laissant secher à l'ombre,

bre, & non au soleil: car il perdrait sa couleur. Et quand il sera bien sec, puluerise-le tre-bien, & le garde en quelque piece de linge net, & bien lié: puis fay la pate suiuite: Pren deux onces de resine de pin blanche, deux onces de pix greca, deux onces de maïtic, deux onces d'huile de lin, deux onces de tourmentine, deux onces de cire neuue: etampe bien ce qui se doit etamper, & coupe la cire par petites piecettes: puis mets le tout en vne poelle neuue, & le fais bouillir jusques à sa perfection, ce qui se peut cognoitre, jettant vne goutte en eau froide. Or, si en la prenant avec la main toute mouillée, elle ne s'atache à la main, saches alors qu'il sera fait: & pourtant le couleras au trauers de quelque drapeau net, en vn vaisseau plein d'eau froide: mais il cōuient ce faire, estant encore tout chaud: Car s'il estoit froid, il ne se couleroit point: & le laisse si longuement en l'eau qu'il soit deuenu dur: puis le pren, & le laisse secher. Quand tu le voudras incorporer avec la poudre, fay en cette maniere: Coupe la-dite confection par petites piecettes, lesquelles tu mettras en vn chaudron etaimé, & le mets ainsi au feu: & lors qu'il commencera à boubeter, y mettras vne once d'huile d'amandes ameres, le laissant bouillir par l'espace de deux miserere: & ce pendant aprete ta poudre de lapis lasuli en vn vaisseau, avec quelque baton à ce préparé: puis pren le chaudron, & verse petit à petit au vaisseau, ius la poudre du lapis, ne cessant de mouuoir avec le petit baton, tant que tout soit bien incorporé avec la-dite poudre du lapis. Ce fait, laisse-le refroidir, puis oins tes mains d'huile d'oliue, & pren la-dite substance, la demenant avec les mains, afin de la bien incorporer. Et apres l'auoir reduite en forme de pain, tu la mettras en vn vaisseau plombé, & la garderas ainsi, l'espace de dix jours, pour le moins. Puis quand tu en voudras tirer l'asur, fay premierement de la laissiue clere de cendres de vigne, de laquelle mettras au feu plein vn chaudron, la laissant deuenir aussi chaude, que tu y puisse endurer la main: mets apres de la sudite cōfection, ou pate, en vn vaisseau plombé, & y adjoute autant de la-dite laissiue que bon te semblera. Puis remue la-dite substance tout bellement, tant que tu en verras isir l'asur. Et quand tu verras de l'asur forty, verse la-dite laissiue avec l'asur en vn vaisseau plombé, desquels

vaisseaus il en faut auoir quantité puis y remets de rechef de l'autre laisſiue chaude, faisant comme par-auant: apres le remettant en vn autre vaisseau, & faisant ainsi tant qu'il n'y au-
ra plus d'asur. Et faut noter que d'une liure de lapis, quand il est fin, ne s'en pert q'une once, & s'en tire en tout onze onces: a-scauoir, cinq onces de fin, trois onces du mediocre, & trois du moindre. Le fin vaut pour le moins deux écus & demi l'once, le mediocre vn écu l'once, & l'autre demy écu. Or apres auoir tiré tout l'asur, regarde bien lequel ressemble l'un à l'autre, pour le mettre chacun à part soy, en trois parties, comme auons dit. Puis le laue bien de laisſiue claire & nette, le mettant de l'un des vaisseaus en l'autre, tant qu'il soit venu à bonne couleur, & bien nettoyé de l'ordure du ciment. Et quand il te semblera bien net, tu le mettras seicher à l'ombre; en vne chambre: & apres qu'il sera sec, pren vn verre d'eau de vie fine, & y mets tremper vn peu de bon bresil: puis acoutre l'asur avec icelle eau de vie, & le laisſe seicher, continuant ainsi par l'espace de trois jours, tant que l'asur soit participant de telle liqueur, & sera de couleur tresfine. Garde chacune sorte à part, dans des sachets de chamois bien cousus & liés.

¶ *Pour faire lacca de graine fine.*

PREN vne liure de tondure d'écarlate fine, & la mets en vne poelle neuue pleine de laisſiue, qui ne soit point trop forte: puis la fay bouillir tant que la laisſiue en prenne la couleur. Ce fait, pren vn sachet, large par en haut, & agu par en bas, auquel verſeras la-dite tondure d'écarlate, & la laisſiue, mettant vn vaisseau dessous: puis presse bien le sachet tellement que toute la substance, & toute la couleur en puisse decouler: apres laue la tondure, & le sac, au-dit vaisseau, où est la couleur. Et s'il te semble que la tondure ait encore d'auantage de couleur, tu la feras bouillir avec autre laisſiue, faisant comme par-auant. Ce fait, mettras chauffer au feu la-dite laisſiue cou-lourée, mais ne la laisſe point bouillir: & faut tenir toute preste, sus le feu, quelque poelle nette, avec de l'eau nette, laquelle estant chaude, y mettras cinq onces d'alun de roche puluerisé: Et incontinât que tu le verras dissoudre, pren vn sachet, comme le premier: & quand la couleur, sera chaude, ôte-la du feu, & y boute le-dat alun: puis iette ainsi tout ensemble au sac,
met-

mettant deffous quelque vaisseau plombé : & regarde si par en bas la couleur en vient rouge, lors prendras de l'eau chaude, & la verseras au sac, y versant aussi tout ce qui estoit coulé audit vaisseau sous le sac : & verse tant de fois ce qui coulera par en bas, que tu verras que la liqueur qui en sorte, ne soit plus rouge, mais clere comme laisliue: ayant ainsi ecoulé toute l'eau, la couleur demourera au sac, laquelle tu deferas d'une spatule de bois, la mettant au fond du sac, & la reduis toute en vne masse, ou en tablettes, ou comme bon te semblera: puis la mets secher, sus vn carreau neuf & net à l'ombre, ou à l'air, & non pas au soleil. Et paraini tu auras vne chose excellente

¶ *Pour teindre os en couleur verte.*

P R E N vne poellette pleine d'eau clere, & y mets vne bonne grosse piece de chaus viue, la laissant ainsi par l'espace d'un jour. Le lendemain melle-la tre-bien d'un baton, puis la laisse reposer: & à midy la remueras encore vne fois, semblablement du soir. La matinée suiuate la couleras nettement, & la garderas: ce pendant ayes les os que tu voudras teindre, tous prests, & les mets tre-bien bouillir en autre eau commune, en laquelle sera dissout l'alun de roche. Et quand ils auront bouilly quelque bonne espace de temps, tu les oteras, & les laisseras secher: puis racle trebien d'un couteau le dessus, & les mets en la-dite eau de chaus, & y adjoutant du verd-de-gris ou verdet, les laisseras tre-bien bouillir, puis les retireras. Et apres les auoir essuyez, tu en feras tout ce que tu voudras, car ils seront trebeaus. Et en lieu de ladite eau de chaus, pourras vser d'vrine, laquelle sera de mesme operation.

¶ *Autre maniere de teindre os ou yuoire en couleur d'emerade.*

P R E N eau forte de separation, & y mets demenger ou dissoudre autant de cuiure ou d'erain, qu'elle en pourra dissoudre: puis y mettras telle piece d'œuure que tu voudras, apres auoir esté taillée en telle forme qu'il te plaira, comme manches de couteaus, de caniuets, d'ecritoires, de figures, ou de quelque autre chose que bon te semblera: & les y laisse par l'espace d'une nuit, si seront de couleur d'emerade. Or si en lieu de cuiure ou d'erain tu mettois dissoudre de l'argent, tout n'en vaudroit que mieus.

¶ Pour teindre les os en rouge, asur, ou toute telle autre couleur que tu voudras.

PREMIEREMENT feras bouillir les os en eau d'alun, comme dit est, puis pren eau de chaus viue ou vrine, ainsi qu'auons dit: & en cette eau ou vrine mettras du bresil, ou garance, ou asur, ou telle autre couleur qu'il te plaira: puis y feras bouillir les os, ou yuoire, & ils prendront telle couleur que tu y auras mis.

¶ Trebea u secret pour teindre le bois de telle couleur qu'on voudra, duquel vsent aucuns menuisiers, qui font tables & autres choses de diuerses couleurs, & le tiennent entre eus de telle excellence, que l'un frere ne le veut point dire à l'autre.

P R E N de bon matin de la fiente de cheual nouvelle, qui soit de la mesme nuit, & la pren la plus humide que tu la peus auoir, avec la paille & tout: puis la mets sus quelques boissettes mises de trauers, les vnes sus les autres, & mets quelque vaisseau deffous pour receuoir ce qui coulera de la-dite fiente. Et si en vne matinée tu n'en peus auoir assez, fay le mesme par deux ou trois fois, ou autant de fois que tu voudras: puis apres auoir bien ecoulé icelle fiente, tu mettras à chacun pot de telle eau la grosseur d'une feue d'alun de roche, & autant de gomme Arabic. Lors y detrempe telle couleur que tu voudras, en vsant de diuers vaisseaus, si tu veus auoir diuersité de couleurs: puis mets dedans telles pieces de bois que tu voudras, les tenant au feu, ou au soleil: & à chacune fois en retireras quelques pieces, & les mettras à part, y laissant les autres: car tant-plus longuement les y laisseras, tant-plus se changera la couleur. Et en cette maniere tu viendras à auoir grande quantité de couleurs diuerses, l'une plus clere, l'autre plus brune: & t'en pourras seruir en tout vsage qu'il te plaira, & serôt teins & par dedans, & par dehors, tellement que jamais ne perdront leur couleur, ne par eau, ne par autre chose qui soit.

¶ Pour contrefaire le bois d'eben, & le rendre aussi beau, comme le naturel.

TOUTES sortes de bois, qui (hors mis la noirceur) ressemblent à l'ebene se peuuent teindre en noir: mais les plus durs & solides (comme buis, & autres semblables) y sont plus propices, & deuiennent plus reluisans: & sus tous le bois de
meu-

meurier, tant le blanc, comme le noir, y est le plus propre, cō-
 blen que le noir y est beaucoup mieus duifable. Pren donc le-
 dit bois, & le laisse par l'espace de trois jours, en eau d'alun,
 au soleil, ou quelque peu loin du feu, tant que l'eau deuienne
 vn peu chaude: puis prendras huile d'oliue, ou de semence de
 lin, & la mettras en vne poellette, où il y ait la grosseur d'vne
 noisette de vitriol romain, & autāt de soufre. Fay apres bouil-
 lir ton bois audit huile, quelque espace de temps, si auras vne
 chose fort brune. Et tant plus longuement le laisseras bouil-
 lir, tant plus noir deuiendra: mais le trop bouillir, le brule, &
 le rend fragile. Pourtant, & en l'vn, & en l'autre dois estre
 diligent, & vser de discretion.

¶ *Pour teindre des peaux en couleur asurée.*

AYANT premierement tre-bien laué la peau: puis torse:
 pren des grains d'hiebles, ou de sehu, & les fay cuire dans de
 l'eau, en laquelle soit dissous de l'alun de roche, passe-la vne
 fois de cette eau teinte, & la laisse essuyer: puis la passe de re-
 chef par la mesme eau: & estant de rechef essuyée, laue-la d'eau
 clere, puis ote la-dite eau avec le dos d'vn couteau, & de re-
 chef passe-la encore vne fois de la-dite couleur, & la mets es-
 suyer, si sera de trebelle couleur asurée.

¶ *Pour teindre peaux en garance.*

AYANT oint, laué, tors, & etendu la peau comme dessus
 est dit, arouse-la d'eau, en laquelle ait bouilly du tartre de vin
 blanc, & du sel commun, puis la tors. Pren apres des coquilles
 ou ecailles d'ecreuices, ou cancre (soyent de mer ou de riuie-
 re) brulées, & reduites en cendres, lesquelles detremperas avec
 la-dite eau de tartre, & de sel, & en froteras bien toute la
 peau: puis la laue trebien d'eau clere, & la tors. Pren lors la ga-
 rance trempée en eau de tartre, & l'en frotte bien par tout, &
 puis des cendres sudites, en la lauand, & tordāt jusques à trois
 fois. Finalemēt, apres l'auoir laué, & torse s'il te semble qu'
 elle ne soit point assez bien, tu luy donneras vne teinture de
 bresil.

La pate de garance se doit faire avec eau, en laquelle aura
 bouilly le tartre, & que la-dite eau soit tiede, quand tu fais la
 pate de la garance: puis la laisse ainsi par l'espace d'vne nuit.
 Mets apres sus la-dite garancé vn peu d'alun de fece, ou de lie,
 ou d'a-

ou d'alumen catinum detrempe en eau. Tu y pourras aussi ad-
jouter de la couleur de la tondure d'ecarlare, laquelle aura esté
tirée en la bouillant en laisiue, qui est vn trebeau secret.

¶ *Pour teindre des peaus verdes.*

OINS la peau, & la laue biē d'eau froide, puis d'eau chau-
de, & l'essuye. Pren apres des grains desquels on fait le verd
de veslie (la decoction duquel sera mise en la fin de ce Liure,
avec celles de toutes les autres choses necessaires) & faut que
les-dits grains soyent bien meurs : puis les mets en eau clere,
tant qu'ils soyent couuers d'vn doyt: mets y aussi de l'alun de
roche, & leur donne seulement vn bouillon. Ce fait, ecou-
le-les en vn vaisseau, puis pren la peau, & la plie par le milieu,
la frottant tre-bien d'vn coté & d'autre avec les-dits grains
cuits, qui seront demourez en la poelle, & apres de poudre d'a-
lun cru. Ce fait, pren cendres de fiente de brebis brulées, & les
detrempe avec la-dite couleur que tu auras ecoulée audit vais-
seau, & frotte biē par tout: puis l'ote de rechef des-dits grains,
& la laue d'eau clere, la mettant secher sans torcher. Finale-
ment la passeras deux fois par la-dite couleur, & sera trepar-
faitement verde.

¶ *Autre maniere de teindre peaus en verd.*

LA peau soit ointe, bien lauée, torse, & etendue comme
dessus: Puis pren les grains de nerprum, de quoy on fait le
verd de veslie, meurs, lesquels etamperas & feras trebiē bouil-
lir en eau d'alun de roche, & donneras à la peau deux venues
de cette couleur, puis la laisseras secher. Apres luy donneras
vne teinture de jaune fait de grains de nerprum non meurs,
cuits en eau & alun, & vn peu de safran, & auras vn verd tres-
excellent.

¶ *Pour teindre les-dites peaus verdes en vne autre maniere.*

PREN la peau ointe, lauée & etendue, teins-la de couleur
faite de verd de veslie, & y boute vn peu de cendres detrem-
pées en eau, puis frotte bien par tout. Et apres auoir laué &
essuyé la peau, tu luy donneras vne venue de couleur Inde cui-
te, & alun de roche. Quand elle sera seche, donne luy le sudic
jaune, & auras vn verd beau & vif.

¶ *Autre maniere de teindre les peaus asurées & belles.*

PREN la peau de raisin noir, & en frotte tre-bien ton
cuir

qu'il tant qu'il deuienne bleuâtre, & le frotte bien avec de la poudre d'Indicum, puis le laue, mets secher, & le pollis. De-trempe puis Indicum en gros vin rouge: & quand la peau sera lauée, tu l'en oindras, & auras vne trebelle peau asurée.

¶ *Pour teindre peaus en rouge.*

LAVE trebien les peaus, & les mets en galle, les y laissant par l'espace de deux heures, puis les tors, & leur donne vne venue de couleur de troene cuit en eau, & alun de fece ou de lie: puis y mets du verdet à discretion. Apres ce donneras à la peau deux teintures de bresil seulement cuit en la laisiue. Et note que si tu veus teindre peaus de chamois, tu dois bouillir le troene en laisiue douce & clere.

¶ *Autre maniere pour teindre les peaus en verd.*

PREN grains de schu bien meurs, & grains d'hiebles, & de verd de vesie: tout cecy bien etampé, y ajouteras de l'alun de roche, autant que bon te semblera, mais plustost trop que peu: puis pren de la laisiue, & y mets les-dits grains de verd de vesie, & les fay bouillir vn bouillon. Ce fait, y mettras les grains d'hiebles ou de schu, & les feras aussi bouillir vn bouillon, puis les oteras du feu, & les laisseras refroidir, apres en frotteras les peaus. Finalement jettras dessus des cendres de fiente de brebis, les en frottant tre-bien. Apres leur donneras l'eau coulourée, en laquelle auront bouilly lesdits grains: puis en ote l'eau avec vn couteau de conroyeur, & les laisse secher. Et s'il est de besoin donne leur d'auantage de couleur. Et si tu y mets encore de l'Indicū au bouillir, il n'en vaudra q̄ mieus.

¶ *Pour teindre le cordouan en couleur verde, aussi bien acoutré en galle, comme en fueilles.*

POLY tre-bien le cordouan d'vne pierre de ponce, puis l'oins d'huile, & le laue tre-bien: puis pren vne once ou deux de noix de galle etampée, & la mets en eau chaude, l'y laissant vne heure, puis la coule par vn lige: apres mettras le cordouan en cette eau, le frottant bien avec les mains, & le laissant ainsi par l'espace d'vne heure: & l'en ayant oté, le tordras, & etendras. Puis pren des grains de nerprum, dequoy on fait le verd de vesie cueillis au mois de Iuillet, lors qu'ils sont encore verds: seche-les, & les etampe trebien, y ajoutant pour chacune peau deux onces d'alun de roche puluerisé, & mellé

avec

avec la poudre des-dits grains. Verse apres sus la-dite poudre de l'eau bouillante, & la laisse refroidir. Ce fait, verse de ladite eau avec les-dits grains sus la peau, frottant bien de la paume de la main, puis detrempe des cendres de fiente de cheure en l'eau des-dits grains, & d'icelle eau froteras semblablement très-bien la peau avec la main : apres la laue, & en ote l'eau avec vn couteau à conroyer, puis l'etens, & prens des autres grains de verd de vesie qui soyent bien meurs, & les mets vn peu bouillir, tous entiers en de l'eau, avec alun de roche, les laissant apres refroidir. Puis pren des-dits grains cuits, & en frotte la peau avec les mains : & mets de la cendre dessus, laquelle tu detremperas d'icelle eau verte, en laquelle auront bouilly les-dits grains. Finalement laueras la peau, & en tireras l'eau avec vn couteau, puis luy donneras vne venue de ladite eau verte avec vn pinceau. En apres la mettras secher, & l'acoutreras, & auras vn trebeau verd. Si tu veus auoir la couleur plus brune quand tu mettras cuire les-dits grains avec l'alun, tu y mettras vn peu d'Indicum trebien broyé. Et est à noter qu'il faut que l'eau soit chaude, lors que tu detremperas la cendre, avec l'eau des grains de nerprum.

¶ *Pour teindre peaus verdes avec fleurs de iris ou flambe bleuë.*

PREN les fleurs recentes de flambe, ou iris bleus, & les pile très-bien : puis pren des grains de nerprum secs, & avec iceus pile de l'alun de roche, à ta discretion, duquel la grande quantité ne sera point mauuaise. Ajoute y vn peu d'eau de pluye, & melle tout cecy avec les sudites flambes estampées. Garde cette couleur en quelque vaisseau net, puis pren les peaus ointes, & lauées comme dessus : & y applique les grains de verd de vesie, avec la poudre, en la maniere qu'auons dit des autres. Laue-les, & en ote l'eau avec vn couteau, puis les laisse secher, & leur donne finalement vne venue de ladite couleur, que tu auras gardée, laisse-la encore secher, puis l'acoutre selon l'art, & auras vne chose trebelle.

¶ *Pour teindre des os en couleur turquine, & en couleur rouge.*

TOUTES sortes d'os se peuuent bien teindre, mais la corne de cerf est beaucoup milleure que les autres. Pren donc tel os que tu voudras, & le fay tailler & polir comme il te plaira : puis le laisse bouillir en eau d'alun de roche, par vne bonne espace

espace de temps, le laissant apres secher: puis pren de bon verdet, & le detrempe en megue de cheure, & puis le mets en vn vaisseau de cuiure, ou d'arain bien couuert, le mettant ainsi sous le fumier, par l'espace de quinze ou vingt jours, lors les trouueras tre-beaus. Tu peus bien faire aussi le même avec de l'vrine d'home, au lieu de mégue de cheure.

Et pour le faire rouge, mets y du cinabrium, ou du bresil, ou de la lacque, en lieu de verdet. Mais il conuient alors le mettre en vn vaisseau de bois ou de verre, et non pas en vn vaisseau de cuiure, ne d'arain.

¶ *Pour teindre des saïes de pourceaus, ou autre chose. pour faire des écouuettes, ou épouffettes.*

Premierement laue tre-bien les saïes, puis pren de l'eau, en laquelle aura bouilly de l'alun de roche: & en icelle mettras les-dites saïes, & les y laisseras tant qu'elles prendront vn peu de couleur jaunâtre: puis pren de la garance tre-bien étampée, & la mets en du vin-aigre. Tu mettras par-apres vn chaudron avec de l'eau claire sus le feu, en laquelle ietteras la-dite garance avec le vin-aigre: & quand il commencera à boüillir, iette y dedans les-dites saïes, & les laisse vn bien peu boüillir. Oste apres le chaudron du feu, & laisse tout refroidir: si auras les saïes tre-bien coulourées.

¶ *Pour teindre les-dites saïes en couleur iaune, verde, & asurée, ou autre couleur.*

IL les couient premierement lauer, & les laisser boüillir en eau d'alun, comme dessus: puis pren du troëne & safran, si tu les veus iaunes. Indicum, ou jus de grains de schu, ou d'hiebles, ou de fleurs de flambes, si tu les veus asurées. Si tu les veus verdes, pren du verdet, & les acoutre comme dessus, en essayât aucune-fois si la couleur te plait. Et par ainsi les pourras teindre de diuerses couleurs à ton plaisir.

¶ *Pour faire purpurine, qui est vne couleur, avec laquelle on fait couleur d'or, pour peindre & pour écrire.*

FAY fondre vne liure de fin étain, & fondu qu'il soit, tire le jus du feu, & y mets huit ou dix onces de vif argent: melle bien le tout ensemble qu'il soit comme vne pâte, puis pren vne liure de soufre, et vne liure de sel armoniac tre-bie broyées.

Incorpore les tous avec la-dite pate d'estain, & d'argent vif, & les broye tre-bien ensemble en vn mortier, ou autre vaisseau de bois, ou de pierre, & non d'airain. Puis mettras toute cette composition en quelque phiole, laquelle doit estre bien lutée par la bouche, ou emplatrée, de sorte q̄ la luture surpasse d'un doigt, ou deux. Apres le mettras ainsi sus le fourneau, luy faisant petit feu du comencement, & par apres vn peu plus grand & ainsi l'entretiendras, en mouuant par fois d'un petit baton ce qui est au verre. Et quand tu verras qu'il fera couleur jaune, tu oteras le feu, & le laisseras refroidir, si auras la purpurine trebelle, comme couleur d'or: en apres tu la broyeras avec de la laissie, & la laueras d'urine, ou de laissie, y adjoutant vn peu de safran, & la detremperas avec de l'eau gômée, comme verras cy apres plus clerement.

¶ *Pour faire la lacque de bois de bresil.*

P R E N deux séaus de laissie treforte, & y mets dedans vne liure de tondure de fine ecarlate, puis la laisse bouillir tant que ladite tondure soit toute dissoute en eau: apres la verse en vn vaisseau de bois, ou de pierre, & y jette peu à peu vne liure d'alun de roche, le mellant bien d'une spatule de bois, & y verse aussi petit à petit deux séaus d'eau freche. Apres le mettras en vn sachet, & la laisseras decouler, puis mettras en vn vaisseau de verre ce qui demourera au sachet. Ce fait, mettras au feu vne liure de bresil taillé en vn seau plein de laissie, & le laisse tāt bouillir qu'il soit diminué de l'epaisseur d'un doigt, puis le mets à couler en vn autre sachet, & l'eau qui en decoulera, soit remise au feu de rechef, avec vne once de gomme Arabic puluerisée, & la laisse bouillir tant qu'elle soit diminuée de demy doigt: puis la verseras sus la composition sudite que tu auras mise au verre, en mellant bien tout ensemble avec vne spatule de bois, puis le mettras en vn sachet, & l'ecouleras trebien. La pate du bresil demourera au sachet, de laquelle tu feras des pomes, & les secheras à l'ombre, si sera parfait.

¶ *Pour faire tablettes blanches pour écrire avec vne pointe de cuiure, comme celles qui viennent d'Alemagne.*

P R E N gip criblé & passé par le tamis, puis le detrempe avec de la cole de cerf, ou autre, & en donne vne couche à ta feuille de parchemin: & apres qu'elle sera seche, tu la racleras qu'elle

qu'elle soit vnie & polie, & la recouure de rechef du gipsum, ou platre, & la raderas aussi comme deuant: puis pren de la ceruse trebien broyée & tamisée, & la detrempe avec de l'huile de semence de lin cuïtte. Oins la tablette de cette mixtion, & la laisse secher à l'ombre par l'espace de cinq ou six jours.

Ce fait, pren vn drap ou linge mouillé en eau, duquel viendras à vnir ladite table, mais il faut q̄ le drap soit premier espraint: puis la laisse ainsi par l'espace de quinze ou vingt jours, tant qu'elle soit toute bien seche, puis l'accommode à ton vsage.

¶ *Pour faire de la rosete.*

PREN vne once de bresil derompu bien menu, vn quart d'once de ceruse, & vn quart d'once d'alun de roche: melle tout ensemble, & l'etampe trebien, puis y verse de l'vrine dessus, tant que tout en soit couuert, le laissant ainsi par l'espace de trois jours, & le mellant trois ou quatre fois le jour. Apres le coule par vn linge, & le mets en vne poelle non plombée, ou en vn mortier de pierre blanche, & le laisse secher en vn lieu, où il ny entre, ne soleil ne jour: puis racle ladite fleur, ou rose, & la garde. Et quand tu en voudras écrire, tu la detremperas en eau de gomme.

¶ *Pour surdorer le parchemin, cuir, ou autres tels ouurages, dequoy on se sert au lieu de tapisserie.*

PREN trois liures d'huile de lin, vernis, pix greca de chacune vne liure, demie once de poudre de safran. Fay bouillir tout cecy en vne poelle plombée, tant & si longuement que y mettant vne plume de geline, & incontinent la retirant, elle semblera estre brulée. Lors tu l'oteras incontinent du feu, & prendras vne liure d'aloë epaticum bon, & bien puluerisé, & le jette petit à petit dedans, en le mellant incontinent d'vn baton fort: car autrement elle s'enfleroit hautement. Et si d'auenture elle montoit encore, tu l'oteras du feu, & la laisseras reposer, puis la remettras au feu, la faisant bouillir de rechef, & la mouuant tou-jours diligemment. Et quand tout sera bien incorporé, tu l'oteras du feu, & le laisseras vn peu reposer puis le passe par vn linge en quelque autre vaisseau, auquel tu le voudras garder, & sera fait. Or si au lieu du safran tu y mettois de cette semence jaune qui est dedans les fleurs de lis, tu le ferois beaucoup milleur, & plus beau.

dorer le parchemin tu luy donneras vne assiette, avec de la glaire d'œuf, ou gomme, sus laquelle tu mettras des feuilles d'argent, ou d'étain : mais il ne sera point si beau d'étain comme d'argent. Puis tu mettras le sudit vernis tout chaud sus le parchemin, ou cuir argenté: & verras incontinent vne couleur d'or trebelle. Laisse-le bien secher au soleil, & l'imprime: & depains par apres de telle couleur que tu voudras.

¶ *Pour teindre la soye cramoisie.*

DECOVPE premierement, ou raspe bien mentu du saumon dur, & le fay fondre en eau commune, puis pren ta soye en vn sachet de toile, ou de canevas bien delié & rare, & la mets en vn chaudron avec ladite eau & saumon. Laisse bouillir cecy demie heure, en le mouuant souuent qu'il ne s'atache: puis l'ote, & la laue en eau salée, & apres en eau douce. Pren aussi pour chacune liure de soye, vne liure ou plus d'alun de roche defait en eau froide, & fais qu'il y ait de l'eau assez, en laquelle mettras ladite soye sans aucun sachet, & sans la mettre au feu, l'y laissant par l'espace de huit heures: puis Poteras, & la laueras en eau douce, & apres en eau salée, puis de rechef en eau douce: & ne la laisse pas secher, mais mets-la tout ain si mouillée en vn chaudron, avec le cramoisin bien etampé & criblé, a-sauoir, trois onces pour chacune liure de soye. Si tu veus la soye de plus forte couleur, prens-en quatre onces, & les mets bouillir en autant d'eau que la soye soit toute couverte, & que l'eau surmonte de quatre ou six doigts: & pour chacune liure dudit cramoisin, mettras trois onces de petites gales d'istrie bien puluerisées: ou en lieu d'icelles y pourras mettre vne demie once d'arsenic cristalin pour chacune liure, qui fera la couleur plus belle: mais il est dangereux à cause de la fumée, & de tous inconueniens qui auientroient, ou telle eau pourroit tomber. Et quand il vouldra commencer à bouillir, mets-y dedans la soye preparée cōme dessus, & la laisse bouillir vn quart d'heure. Finalement l'en oteras, & la laisseras secher à l'ombre, lors auras vne chose tre-belle.

¶ *Pour preparer le bresil, & en faire quatre diuerses couleurs.*

METS du bresil en autant d'eau clere que tu voudras, & le fay bouillir tant qu'elle soit diminuée plus de la tierce partie, ou bien jusqu'à ce que la couleur te contente, c'est à dire, qu'elle

qu'elle soit bien rouge : puis diuise cette couleur en quatre parties : & si de l'vne des parties veus faire du rouget, ny ad-joute rien, car la couleur sera telle de soy mesme. Si tu veus faire l'autre partie bleue, tu y mettras vn peu d'eau de chaus, & auras vn tre-beau bleu: mais il faut le bresil estre tiede. Si tu le veus faire violet, mets-y de la laisuiue. Mais le voulant faire tané, tu y mettras de l'alun de fece.

¶ *Pour faire rouget de bresil d'autre sorte.*

PREN vn pot d'eau, & y mets la grosseur d'vne noix de chaus viue, la laissant ainsi par l'espace d'vne nuit : puis pren autant de bresil brisé, que le vaisseau auquel le voudras bouillir, en soit à demy plein : après y verse la-dite eau de chaus qui soit bien coulée, & le laisse ainsi tremper en ladite eau, par l'espace de quatre heures de long, le faisant apres bouillir tant que tout soit venu à la moitié, puis incline tout bellement le vaisseau auquel il aura esté bouilly, & en tire la couleur en vn vaisseau net, y mettât la grosseur d'vn pois ciche d'alun de roche bien broyé, & l'y mets quand il sera bien chaud: lors auras vne chose tre-braue pour en faire ce que tu voudras. Si tu en veus ecrire, ajoute y vn peu d'eau de gomme. Si tu le veus faire bleu, mets-y trois onces de laisuiue, ou plus ou moins, en vn vaisseau, & tu auras vn trebeau bleu.

¶ *Pour faire l'asur d'outre-mer sans lapis lasuli.*

PREN vne once d'argent calciné avec eau forte, vne once & demie de sel armoniac: melle bien tout avec bon vinaigre, & le laisse vn peu clarifier. Si le vin-aigre passe les-dites choses, ote ce qui y sera trop, & mets le reste en vn vaisseau bien plombé, & bien serré, que la substance ne s'euente, le laissant ainsi vingt-cinq jours, au bout desquels trouueras l'asur d'outre-mer trebeau.

¶ *Pour faire du verd pour ecrire & peindre.*

PREN verd-de-gris, litarge, argent-vif: broye bien tout ensemble avec vrine d'enfant: puis en ecris ou pains, & verras vne couleur excellente, comme d'emeraude.

¶ *Pour broyer l'or fin, duquel on puisse peindre ou ecrire avec le pinceau.*

PREN feuilles d'or batu, & quatre gouttes de miel: mel-le bien ensemble, & le mets en vn cornet de verre. Et quand tu

le voudras mettre en œuvre, detrempe-le avec eau gommée, & sera fait.

¶ *Autre maniere.*

PREN autant que tu veus de fucilles d'or ou d'argent battu, & les etens en vne tasse de verre biē vnie, & mouillée d'eau clere, puis le broye avec le doyt, mouillant aucunes fois le doyt: mais ne l'etens point trop large, en le broyant: & continue de ce faire jusques à ce qu'il soit bien moulu, en y adjoutant toujours de l'eau. Et quand il te semblera qu'il soit bien broyé, emply la tasse d'eau fresche, & le melle tre-bien, puis le laisse reposer vne demie heure: coule apres l'eau hors, & trouueras l'or au fond de la tasse, lequel laisseras secher à ton plaisir. Quand tu le voudras mettre en œuvre, detrempe-le avec eau gommée, & le faut garder bien couuert, de peur qu'il ne s'enordisse. Cecy est la plus belle maniere qui soit pour faire l'or moulu.

¶ *Encore vne autre maniere, a-sauoir, avec purpurine.*

PREN purpurine que tu trouueras à vendre, ou que tu auras faite toymême, à la maniere sudite, puis la mets en vne ecuelle, avec vrine, ou laissiue, & la detrempe bien du doyt peu à peu: apres empliras l'ecuelle d'vrine, ou de laissiue, & laisseras tout rassoir au fond. Ce fait, la broyras de rechef, en changeant souuent ladite laissiue, tant que tout soit à ton plaisir, & bien subtilement broyé, & que la derniere vrine ou laissiue en sorte aussi clere, que tu l'y auras versée: puis apres l'auoir ecoulée, tu y mettras vn peu de safran, & la detremperas avec eau gommée. Lors en pourras ecrire, paindre, & faire tout ce que tu voudras.

¶ *Pour faire l'assieté pour dorer d'or bruny.*

PREN gip de la grosseur d'vne noix, bole-armenic la grosseur d'vne feue, aloé hepaticque la grosseur d'vne feue & vn tiers dauantage, de sucre candy la grosseur d'vne feue: et ampe chacun à part soy: & mettant l'vn sus l'autre, y apliqueras en la fin vn peu de çiuette, ou de miel.

¶ *Pour assoir l'or à simple fond.*

PREN gip fin, aloé epaticque, bole armenic de l'vn autant que de l'autre, & les detrempe avec de la glaire d'œufs frais, laquelle tu auras coulée par vn linge. Et si ton assieté est trop for-

forte, tu la detremperas avec de l'eau fraîche.

¶ *Autre maniere pour coucher l'or.*

PREN de l'eau bien gommée, & avec icelle seule mettras l'or, & sera la-dite assiette bonne sus parchemin, ou bien sus peaus: le mesme pourras-tu faire avec de la glaire d'œufs frais, & aussi avec du lait de figues seul.

¶ *Pour faire couleurs de toute sorte de metaux.*

PREN pierre paragone, ou cristal, & la broye tre-bien avec de la glaire d'œuf, puis en écris: & quand il sera sec, frotte l'écriture avec de l'or, ou autre metal, tel que tu voudras, & en auras la mesme couleur.

¶ *Pour assoir de l'or sus vn fond noir.*

PREN de la fumée de lampe, & en fay le fond, & sus iceluy mettras l'or avec de l'eau gommée.

¶ *Pour assoir or sus du marbre, ou sus quelque tableau.*

PREN bol-armenic, & le broye trebien avec de l'huile de lin ou de noix. Et quand tu voudras mettre l'or dessus la-dite assiette, fay qu'elle ne soit ne trop humide, ne trop seche.

¶ *Pour faire lettres de couleur d'or, sans or.*

PREN vne once d'orpiment, & vne once de fin cristal, & les broye trebien chacun à part soy, puis melle tout ensemble avec de la glaire d'œufs, & en écris.

¶ *Pour faire lettres de couleur d'argent sans argent.*

PREN vne once d'estaim, deux onces d'argent-vif, & les fonds ensemble, puis les broye avec de l'eau gommée, puis en écris.

¶ *Pour faire lettres verdes.*

PREN jus de rue, verd-de-gris, & safran: broye bien tout ensemble, & en écris avec de l'eau gommée.

¶ *Pour faire lettres blanches en champ noir.*

PREN du lait de figuier pur en vn verre, & le mets au soleil, par l'espace de demie heure, puis le detrempe avec de l'eau gommée, quand tu le voudras mettre en œuvre. Apres auoir ecry, tu noirciras le papier d'encre, c'est à dire, autât que tu voudras, que le champ soit grand. Et quand il sera sec, tu le frotteras tre-bien d'vn linge. Lors les lettres que tu auras faites avec le lait de figuier, s'enleueront toutes, & demourera le papier blanc escrit, pour auoir esté preserué par le-dit lait. Le mesme pourras faire avec le jaune d'vn œuf detrempé en eau,

du-quel tu écriras: Et quand l'écriture sera sèche, frote bien tout le papier d'encre, comme dessus. Et lors qu'il sera sec, frote les-dites lettres, faites de jaune d'œuf, avec quelque linge ou couteau,, & elles s'en iront, & laisseront l'espace blanche: dõt auras tre-belles lettres en champ noir.

¶ *Pour faire du verd, bon pour écrire, & pour peindre.*

PREN verdet. & le detrempe seul en vin-aigre, & le passe par vn linge, & le broye tre-bien sus le porphyre avec de l'eau clere, & y mets, en le broiant, vn peu de miel, & le laisse bien secher: puis broyeras derechef trebië avec eau gomée, & sera fait

¶ *Pour acouter l'asur.*

L'ASUR se broye avec du miel comme le verdet, mais il n'est ja besoin de le purger autrement: detrempe-le avec clere d'œufs batus, ou avec eau de cole, & nō pas de gome. L'eau de colle se fait de colle de parchemin, bien claire & mollifiée, & coulée comme la gome.

¶ *Pour acouter le cinabrium, pour en écrire, ou peindre.*

BROYE tre-bien le cinabriū sus le porphyre avec de l'eau de fontaine claire, puis le laisse secher & le mets en vn cornet, ou en vn verre, mais mieus vaut en vn cornet en yuer: apres y verseras de l'vrine, en mellant bien ensemble, & le laissant ain si jusqu'au soir, tant que tout le cinabrium soit allé au fond: puis change l'vrine, & fais comme par-auant, le laissant ain si iusqu'à la matinée, continuant de changer ainsi l'vrine jusques à quatre ou cinq jours, tant que tout soit bien purgé. Puis pren de la glaire d'œuf bien baiue, tant qu'elle soit reduite en eau tre-clere, la-quelle tu verseras sus le cinabrium, si qu'elle surpasse de plus d'vn doigt: apres melle bien tout ensemble avec quelque batonceau de noyer, ou de cormier bien sec, ou bien de quelque petit os: puis laisse descendre le cinabrium au fond, & feras cōme par-auant as fait de l'vrine, par l'espace de deux ou trois jours: & cecy ôtera tout le sentimēt de la-dite vrine. Ce fait, y mettras autre glaire d'œuf, & melleras tout bien ensemble, si sera fait: & le faut tenir bien bouché. A chacune-fois que tu le voudras mettre en œuure, tu le mou ueras tre-bien. Et quand la glaire d'œuf est ainsi acoutrée, comme dit est, il ne se corrompt point.

¶ *Afsiete pour mettre l'or sus drap de soye, ou sus toile, ou marbre.*

PREMIEREMENT, tu feras le fond de cole de parchemin sus le drap de soye, a-fin que l'afsiete ne perce: puis prendras ceruse, bole-armenic, verdet, de l'un autant que de l'autre, & les broye ainsi tous secs sus le porphyre: puis les mets en vne poellette plombée, en faisant vne pate avec du vernis tellemēt liquide, que tu la puisse prendre à ton aise, au pinceau: & ce à petit feu, qu'il ne bouille. Toutefois sus marbre on ne met point de cole, mais seulement le mordant.

¶ *Autre mordant ou afsiete pour mettre l'or sus quelque metal ou fer*
 PREN vernis liquide vne liure, tourmentine, huile de lin, de chacun vne once: melle bien tout ensemble, & sera fait. Mais il se faut garder de le cuire ne trop espes, ne trop liquide.

¶ *Pour dorer la trenche des liures.*

PREN la grosseur d'une noix de bole-armenic, la grosseur d'un pois ciche de sucre candy: broye bien tout à sec l'un avec l'autre: & ajoute un peu de glaïre d'œuf bien batu: puis broye de rechef trebien ensemble. Ce fait, prend le liure que tu voudras dorer, lequel soit bien relié, bien colé, justement coupé, & bien poly: etreins-le trebiē en la presse, & le mets le plus droit & egal qu'il sera possible. Puis du pinceau luy donneras vne couche de glaïre d'œuf bien battue qui sera faite legerement, & la laisseras secher, puis luy donne aussi vne couche de ladite composition. Et quand elle sera bien seche, tu la racleras & poliras trebien. Finalement quand tu y voudras mettre de l'or mouille la-dite trenche d'un peu d'eau clere avec le pinceau, puis tout incontinent y mettras les feuilles d'or ou d'argent taillées de telle grandeur qu'il les faudra: & quand il sera sec, tu le poliras avec vne dent de chien. Ce fait, tu pourras faire tel ouvrage dessus qu'il te plaira.

¶ *Pour garder la glaïre d'œufs aussi long temps que tu voudras, sans se corrompre, & sans y mettre de l'arsenic, secret qui n'est guiere cōgnēu.*

PREN de la glaïre d'œufs, sans la derompre en aucune maniere, & y ajoute tant de vin-aigre blanc qu'il sera besoin, a-fauoir à raison de trois pour cent dudit blanc d'œuf, laisse-le ainsi par l'espace de deux jours, puis le passe par quelque lingē sans rompre ne battre le blanc d'œufs, le laissant ainsi par

l'espace de huit jours : apres l'ecouleras encore vne fois, & le mettras en vne phiole bien bouchée pour en vser quand tu en auras à faire.

¶ *La maniere de faire le mordant pour l'Indicum.*

PREN gomme armoniac trois parties, gomme Arabic vne part, serapinum vne quarte partie: mets-les detremper en vin-aigre tant que tout soit bien mol, puis le melle bien, & le coule par vn linge, & sera trebon pour en vser à ton besoin.

¶ *Autre mordant treparfait pour la mesme chose.*

PREN gomme armoniac vne once, gomme Arabique trois onces, & les detrempe en vin-aigre par l'espace d'un jour & d'une nuit : puis pren la grosseur d'une noix de bon miel jaune, & vne teste d'aux bien nettoyée, & bien etampée. Mets bouillir toutes ces choses ensemble dans du fort vinaigre, y adjoutant vn peu d'aloé epaticum, & les laisse bouillir par vne bonne espace de temps, puis les coule par vn linge, en pressant bien fort toute la substance. Et s'il te semble trop liquide, ou trop cler, fay-le de rechef bouillir, tant qu'il te semblera assez epes : puis le garde en vn verre ou vaisseau de terre plombé, ou d'os. Quand tu voudras dorer quelque chose, oins le premierement de cette composition à tout le pinceau, puis le frotte tre-bien, tellement que l'engraueure ne soit remplie, & le laisse ainsi aussi longuement que tu voudras: puis quand tu y voudras mettre les fueilles d'or, souffle de ton alaine sus ledit mordant, & y mets les-dites fueilles d'or, en les disposant diligemment, comme il est requis, & les pressant trebien d'un pinceau, ou de quelque peu de coton. Lors auras vne dorure tresexcellente.

¶ *Maniere trebelle pour faire or & argent puluerisé, chose tresaisée à faire, & en viendra vne couleur excellente. C'est vn secret bien rare, qui n'a esté vsé ne sceu jusqu'à present: & se peut brunir, ou vernir parfaitement.*

PREN fueilles d'or au pois d'un écu, ou autât q tu voudras & les mets au feu en vn petit creuset net: & en vn autre creuset mettras quatre fois aussi pesant de vis-argent loin du feu, de sorte que seulement il se chauffe: car autrement il se pourroit euanouir. Ne laisse pas aussi tant chauffer les fueilles d'or qu'elles se fondent: mais laisse-les quasi deuenir rouges. Ce fait,

ete-les du feu, & aussi le vis-argēt, lequel verseras tout chaud sus les feuilles d'or : puis incontinent melleras bien tout ensemble avec vn batonceau, par l'espace d'vn pater noster, & le verseras apres en vne ecuelle pleine d'eau clere, & auras vne pate dudit or, & du vis-argent: mais la couleur de l'or sera tellement obscurcie, qu'on n'en verra rien qui soit. Et cette est la pate, que les orfeures apellent amalgama, & les sauans malagma, qui est vne diction greque, laquelle corrompue des Arabes, a esté changée en amalgama. Aussi pourras-tu faire cecy tout froid, en broyant les feuilles ou la limature long temps avec le vis-argent sus le porphire ou marbre, tant que tout soit amalgamé, ou melle, & joint ensemble. Et le broyant encore avec vn peu de vin-aigre, ou jus de limon, il se fera plustost, & s'incorporera tant-mieus, puis le faut lauer deux ou trois fois d'eau clere. Or en quelque sorte que tu ayes fait la-dite pate, ou amalgama, tu le dois passer par quelque linge bien fin, & epes, a-fin qu'vne partie du vis-argent se passe: ou bien tu le passeras par vne peau de chamois, ou d'agneau blanc qui vaudra beaucoup mieus: & le presse fort bien, a-fin qu'il en sorte autant d'argent-vif, que faire se pourra. Puis pren ce qui sera demouré de reste, en la toile, ou en la peau: & pren du soufre vis-citrin, & beau, la moitié autant que toute la pate qui sera demouré de reste. Etampe bien premierement le-dit soufre, & le broye derechef avec la-dite pate: & ainsi mellées ensemble, mets-les au feu en vne ecuelle, ou cuillier de fer, les y laissant tant que tout le soufre soit brulé, & que le reste soit tout jaune. Puis le laisse refroidir, & le mets en vne ecuelle, le lauât si souuent d'eau clere, que tu verras vne couleur d'or trebelle. Lors le garde en quelque verre ou vaisseau de terre plombé, comme on fait l'autre or moulu. Et quand tu le voudras mettre en œuure, detrempe-le en de l'eau rose, ou autre, en laquelle tu auras dissout de la gomme Arabique clere: apres l'acoutre pour en ecrire ou peindre, & auras vne chose trebelle.

Quand tu en auras escrit ou paint; & qu'il sera sec, tu le pourras brunir avec vne dent de chien, ce que ne se peut faire de l'autre or moulu, duquel vsent les escriuains & peintres de notre temps. Ce secret a esté pratiqué des anciens, cōme nous voyons en aucuns de leurs liures. Mais il faut yser de pratique pour

pour le brunir, mettant vn papier blanc sus l'or, & frottant premierement sus le-dit papier avec la dent de chien. Et s'il te semble qu'il ne soit encore assez bruny, tu le pourras brunir encore vne fois avec la dent sus l'or, sans papier entre deux.

¶ *Pour faire de trebeau vernis, pour vernir ledit or, & tous autres ouvrages peints, ou non peints.*

PREN benjoin, & le broye le micus que tu pourras entre deux papiers, puis le mets en quelque phiole, & y verse dessus de l'eau de vie trebonne, tant qu'elle passe le benjoin de trois ou quatre doys, & le laisse ainsi vn jour ou deux, puis y adoute pour demie phiole de telle eau de vie, cinq ou six fils de safran legerement etampe, ou tous entiers. Ce fait, tu le couleras, & d'vn pinceau en verniras telle chose dorée que tu voudras, laquelle en deuiendra reluisante & trebelle, se sechant incontinent, & durant plusieurs années.

Or si tu veus acouter l'argent en telle maniere, fay totalement des fueilles d'argent, comme tu as fait des fueilles d'or, sinon qu'en lieu de soufre tu prendras du sel commun bien blanc, puis acoute le vernis à la maniere sudite, y mettant l'amande du benjoin, c'est à dire le blanc qui se trouue au milieu du benjoin, & n'y mets point de safran.

Et le-dit vernis de benjoin & d'eau de vie sans autre chose, est tre-bon pour vernir toutes choses, tant peintes que non peintes, & aussi pour faire reluire les tables, & les cofres de bois de noyer, d'hebene, & de toutes autres choses: pareillement aussi ouvrages de cuir dorez, & non dorez, & toute autre chose: car il fait reluire, preserue, ayde les couleurs, & se seche incontinent sans recevoir poudre, n'ordure qui soit, tellement qu'on le pourra nettoyer d'vn linge, ou d'vne queue de renard beaucoup mieus, que s'il ne fut point verny.

¶ *Pour aisement broyer l'or & l'argent, à la maniere acoutumée dont vsent les milleurs maistres.*

PREN telles fueilles d'or que tu voudras, & les incorpore tre-bien en vne tasse de verre, avec julep rosat, le demellant trebien avec le grand doigt petit à petit. Et quand tout sera bien incorporé ensemble, tu le mettras sus le porphire ou marbre, le broyant trebien: puis verse petit à petit de l'eau clere sus la-dite pierre, en mellant tou-jours tre-bien: apres feras couler
ledit

ledit or, & julep, en vne ecuelle, ou tasse de verre, & laueras ainsi trebien la pierre, a-fin qu'il n'y demeure rien. l'uis mouueras tout avec le doigt en la-dite ecuelle, & le laisseras ainsi reposer: apres couleras l'eau jus, & y en remettras de nouvelle, clere, & chaude, & le laue ainsi, tant & si souuent que tout le julep soit laué, & epuré dehors, & que l'eau, en la mettant en la bouche, ne soit aucunement douce, apres le laisseras secher. Cefait, le mettras en vne tasse de verre nette, & tire bien loin ariere du feu vn peu de cendres chaudes, a-fin que la tasse ne se fende, sus laquelle mettras la-dite tasse, tant que l'or soit de uenu bien chaud, & soit retourné à sa bonne couleur. Finlement le detremperas avec de l'eau gommée, pour le mettre en oeuvre.

¶ *Pour faire vne liqueur, qui face couleur d'or sans or.*

PREN le jus de fleurs de safran, quand elles sont encore toutes fresches, sus la plante: & si tu n'en peus auoir, pren du safran sec bien puluerisé, & y adjoute autant d'orpiment jaune & luisant, qui soit ecailleus, & non terreus: puis avec fiel de cheure ou de brochet (qui vaut beaucoup mieus) les broyeras tre-bien ensemble. Cefait, les mettras en quelque phiole sous le fumier par quelques jours. Tire la puis apres, & la garde: & voulant ecrire de cette liqueur, tu auras vne couleur d'or trebelle.

¶ *Autre liqueur de couleur d'or, pour ecrire & d'orer fer, bois, verre, os, & autres choses semblables.*

PREN vn œuf ponnu du mesme jour, lequel tu ouuriras à vn bout, & en tireras tout le blanc, puis prendras deux parties de vis argent, & vne partie de sel armoniac, qui soit net, & trebien pilé: & de ces deux choses mettras tant sus le jaune de l'œuf, qui sera demouré en sa coquille, qu'elle soit emplie desdites choses: puis melle bien tout ensemble avec vn petit batonceau. Apres etouperas le-dit œuf de la piece que tu en auras otée, le serrant trebié d'vn peu de cire, de sorte que rien n'y puisse entrer, ne sortir. Lors le mettras sous la siente de cheu, tout droit contre-mont l'ouuerture en haut: puis pren vn autre demie coque d'œuf, & en fay vn chapeau sus la-dite rupture, le courant de siente, & le laissant ainsi par l'espace de vingt, ou vingt-cinq jours, si auras vne couleur d'or tre-beau,

pour

pour escrire, & en faire tout ce que tu voudras. Et si la-dite substance t'est trop dure, ou trop epesse, tu la pourras broyer, ou detremper avec eau gominée.

¶ Autre liqueur trebelle pour fairé couleur d'or, à peu de depens: & est vne chose bien aisée à faire.

PREN ecorces de citrangules, ou d'orenges bien jaunes, & les nettoye tre-bien du blanc de dedans, puis les etampe tre bien en vn mortier de pierre, ou de bois, qui soit bien net, & pren du soufre bien jaune, bien reluisant, & bien puluerisé, lequel tu melleras avec les-dites ecorces estampées, en pilant bié tout ensemble. Ce fait, tu mettras tout cecy en vne phiole, & le garderas en-la caue, ou quelque lieu humide par l'espace de 8. ou dix jours. Finalemēt le rechaufferas vn peu au feu: puis en ecriras, ou paindras: & trouueras vne couleur d'or tresexcelēte

¶ Pour faire ancre, ou tainture pour escrire en toute perfection.

PREN noix de galle tre-bonnes, & les romps en trois ou quatre pieces, c'est à dire, etampe-les legerement, & les mets en vne poelle de fer, avec vn peu d'huile, les faisant quelque peu frire, puis en prens vne liure, & la mets en quelque vaisseau plombé, y versant du vin blanc, tant qu'il les surmonte plus d'vne grande paume. Apres prendras vne demie liure de gomme Arabique bien estampée, & huit onces de vitriol bien puluerisé: melle bien tout ensemble, & le mets au soleil par aucuns jours, en le mouuant aussi souuent, que tu pourras: puis le feras bouillir vn bien peu, si tu vois qu'il en soit métier, & apres l'ecouleras, & fera parfait. Et sus la lie qui demourera au fond, pourras vsér d'autre viu, & le faire bouillir vn peu, puis l'ecouler. Tu pourras mettre du vin sus les mesmes lies, autant de fois qu'il te plaira: a-sauoir, tant que tu verras que le vin que tu y auras mis, ne taindra plus. Puis melleras tout le-dit vin, auquel mettras de rechef d'autre galle, gomme, & vitriol, comme au commencement: puis en le tenant au soleil, & le laissant bouillir, auras vn ancre milleur, que le premier: & ainsi feras tou-jours: car tant-plus souuent le feras, tant-milleur l'auras, & à moins de depens. Et si tu le trouue trop epés, ou qu'il ne soit assez fluide, mets-y vn peu de laisuiue clere, laquelle le rendra coulant assez. S'il est trop cler, adjoute y vn peu de gomme Arabique. Les noix de galle doiuent estre

menues, crespes, & solides par dedans, pour estre bonnes. Le bon vitriol est tou-jours par dedans de bonne couleur de ciel. La bonne gomme est clere & fragile, tellement qu'en l'estampant, elle se puluerise aisement sans s'aracher ensemble.

¶ Maniere tre- belle pour faire l'ancre portatif en poudre seche, laquelle il faut (quand on en veut ecrire) detremper avec vn peu de vin, ou d'eau, ou de vin-aigre, ou de quelque autre liqueur: & se peut mettre incontinent en œuvre. Avec la-dite poudre se peut aussi amender tout autre ancre pour mauvais qu'il soit.

PREN des pierres de pêches, ou d'abricos, avec leurs noyaus, amandes douces, ou ameres, moyennant qu'elles ayent les coques dures, & que l'amande soit aussi dedans. Et si d'adventure tu ne peus recouurer que les-dites pierres sans les noyaus, elles seront bonnes, mais beaucoup moins qu'avec les noyaus. Pren donc toutes les-dites choses ensemble, ou celles que tu pourras auoir, & les mets bruler sus le charbon: & quand elles seront bien rouges, & enflambées, ore-les du feu, & par ainsi reduites en charbons tre-noirs, les garderas en vne poelle. Pren semblablement refine de pui, & la mets en vne poelle, & la fay flammer. Puis pren vne autre poellette, ou vn sachet tenu ouuert, avec quelques petis batons, en croix, ou autrement, comme bon te semblera, & le mets la gueule en bas dessus la-dite flamme, de sorte, que la fumée de la-dite refine se vienne accueillir, & atacher tout à l'entour de la-dite poelle ou dedans le-dit sachet: & quand tout la-dite refine sera brulée, & que tout sera refroidy, tu feras tomber toute la-dite fumée sus vn papier, ou vne table, ou autre chose, & la garde. Mais si tu ne veus prendre la peine de faire cette fumée, achete-la de ceus qui font l'ancre des Imprimeurs. De ce noir ou fumée prendras vne part, ou telle quantité que tu voudras, de charbons des pierrettes sudites vne autre partie, du vitriol vne part, de galls fricassées, comme dessus est dit, deux parties, de gomme Arabique quatre parts. Toutes ces choses soyent bien estampées, tamisées, & mellées ensemble: puis garde bien cette poudre en vn sachet de toile, ou de cuir: car plus sera vieille, & milleure sera. La voulant mettre en œuvre, pour en faire de l'ancre, prens en vn peu, & la detrempe avec du vin, ou eau, ou vin-aigre, lesquels mis chauds, l'ancre en fera meilleur:

leur : toutefois les mettant froids, il n'y a pas grand danger. & auras incontinent tre-bon ancre, lequel tu pourras porter par tout sans repandre. Si tu as de l'ancre qui ne vaille guiere, mets-y vn peu de la-dite poudre, & il deviendra incontinent tre-bon, tre-noir, & tre-reluisant.

¶ *Pour faire incontinent grande quantité de bon ancre à peu de depens.*

PREN de la teinture dont vsent les conroyeurs pour teindre leurs peaus en noir : car on en peut auoir beaucoup pour peu d'argent: puis pren le fiel de Seche, qui est vn poisson qui ne coute quasi rien, & principalement en terre maritime, cōme à Venise, & en mangeant le-dit poisson, pourras garder le fiel de longue-main. Melle puis les-dits fiels auec la teinture de conroyeurs, & sans autre chose, tu auras vn ancre tre-parfait. Pour le faire encore milleur, tu y peus mettre de la poudre sudite, faite de charbons, de vitriol, de galles, & de gomme: & sera le-dit ancre tre-bon pour imprimer en cuiure, en y ajoutant vn peu de vernis, & vn peu d'huile de lin, de sorte qu'il devienne courant de soymesme, pour pouuoir bien penetrer en toutes les engraueures de la forme, & qu'il se puisse tre-bien tenir sus le papier, sans s'etēdre, ou elargir, ny bauer.

¶ *Pour faire l'ancre d'imprimerie.*

L'ANCRE d'Imprimeurs se fait de la seule fumée de resine, comme dessus est dit, & se detrempe avec vernis liquide. Il le faut vn peu cuire, le faisant liquide, ou epez, selon qu'il sera besoin. Mais en Yuer plus liquide qu'en Esté: & toujours le plus epez fait la lettre plus belle, plus noire, plus nette, & plus reluisante. Mais en quelle maniere que ce soit, il doit toujours estre bien melle avec la fumée. Et pour le faire liquide, comme dit est, il faut mettre plus d'huile de lin, ou de noix audit vernis. Si tu le veus faire plus epez, mets-y moins d'huile, & plus de fumée, le laissant cuire d'auantage. Si tu veus imprimer rouge, au lieu de la-dite fumée melle du vermillon bien broyé avec ledit vernis. Et si tu le veus faire verd, mets-y du verd. Si tu le veus faire azuré (comme on a fait quelquefois par cy deuant) pren de l'asur d'Alemaigne, ou bien de cet esmail de verre qui se fait maintenant à Venise: faisant en toute maniere, comme nous auons dit de l'ancre noir.

¶ Pour faire ancre si tre-blanche, qu'encore qu'on en ecriue d'icelle sus le papier blanc, on la pourra bien parfaitement lire: chose qui est tre-belle.

PREN coques d'œufs frais, bien blanches, & bien lauées, puis les fay tre-bien broyer sus le porphire, ou marbre, bien nettoyé, avec eau tre-clere. Mets-les en vne ecuelle nette, tant que la poudre descende au fond: apres en ecoule l'eau dehors legerement, & laisse secher la poudre de soy mesme, ou au soleil, si auras vn blanc non-pareil, auquel nulle ceruse, n'autre blanc du monde se pourra comparer, pourueu que tu l'acoutre, & garde bien nettemét. Et quand tu en voudras vser, pren gomme armoniac tre-bien lauée, ou mondifiée de celle peau jaune, qui est à l'entour: puis la mets detremper, par l'espace d'vne nuit, en vin-aigre distillé: & le lendemain le trouueras defait, & sera deuenu le vin-aigre plus blanc que lait: lequel tu couleras par vn linge net, & avec vn peu de cette liqueur blanche detréperas la poudre sudite, puis en écris, ou depains, & auras vn blanc sus toutes autres sortes tresexcellent. Vne grande Dame d'Italie n'vse d'autre chose pour blanchir son visage: & s'entretient tre-blanche, sans sembler qu'elle vse de quelque chose. Aussi ne fait la-dite poudre aucun dommage au visage, n'y à la peau, ny aus dens, comme fait le sublimé la ceruse, & autres choses semblables, desquelles souuent vsent les Dames à leur grand detrimet. Mais si tu veus vser dudit blanc, fait d'ecailles d'œufs sus la face, il le faut broyer & consumer fort delié, & quasi sans corps, & qu'il soit penetratif, a-fin qu'il dure. En quoy chacun peut exercer les forces de son esprit. Mais sus toutes choses en voulant vser pour la face, il est besoin d'y meller la tierce partie de talcum calciné, comme nous enseignerons au Liure suiuant.

¶ Pour faire vne poudre qui ote les taches d'ancre tombées sus papier, ou bien les lettres, & ecriture de dessus le papier, qui est vn secret bien rare & profitable.

PREN ceruse tre-bien broyée, & en fay de la pate avec du lait de figuier, puis la laisse secher: apres la broye de rechef, & la seche comme deuant: & ce jusques à sept fois: puis la garde ainsi en poudre. Et quand tu en voudras vser pour oter les taches, ou lettres du papier, pren vn petit linge mouillé en eau, pressant

pressant l'eau dehors : puis l'etens sus le lieu que tu voudras & l'y laisse vn peu de temps , tant que le papier & l'ancre en soyent bien humides: puis ote le linge mouillé, & sus la tache ou lettres que tu voudras oter, mettras vn peu de la-dite poudre de ceruse, la laissant ainsi par l'espace d'vne nuit. Le lendemain prendras vn linge net & sec, duquel tu iras subtilement, frottant dehors la-dite poudre : & le papier demourera tre-blanc pour y pouuoir ecrire, comme parauant, & miens aussi. Et si tout n'est bien oté à la premiere fois , tu le pourras faire encore vne fois, & n'y trouueras point de faute. Et si le papier estoit tant delié, que le baigner & le nettoyer l'eussent rendu par trop debile, prenez vn petit de colle de menuisiers, de laquelle ils colent le bois ensemble, & la defaites au feu avec tant petit d'eau clere, qu'elle soit seulement vn petit visceuse, (autrement elle deuiendroit noire ou rousse) & y ajoutez vn peu de ceruse en poudre, la farine encor n'y est mauuaise, & l'a coutrez de telle sorte, qu'elle n'aye ne corps, ne couleur, sinon blanche, d'icelle enduirez sus le papier, & voirez bel effect.

¶ *Pour faire vne sorte de vernis, mais beaucoup milleur, & plus beau que celuy dont vsent les ecriuains, & est moins contable, & si ne put aucunement, comme fait l'autre vernis.*

LE vernis dont vsent communement les ecriuains, n'est autre chose que gomme de jeneure reduite en poudre : & d'icelle aussi se fait le vernis liquide, en faisant bouillir la-dite gomme en huile de lin : & de cette poudre vsent les ecriuains pour faire que l'ancre ne s'eparde, & a-fin que la lettre en soit plus belle, & plus nette. Or pour faire vne poudre de semblable effect, & qui soit tre-belle, à moins de depens, & sans mauuaise odeur, pren des ecailles d'œufs, en telle quantité que tu voudras, les nettoyant tre-bien de la petite peau, qui est de dedans : & apres les auoir etampées grossièrement, mets-les en vne poelle qui puisse endurer le feu, la couurant de quelque couuerture, puis la mets en vn fourneau de verrier, ou de potier, ou de faiseur de briques, tuiles, ou chaux, les y laissant si longuemêt que toutes les ecailles soyent reduites en poudre tre-blanche, laquelle est apellée chaux d'œufs : tamise-la, & la garde. Et quand tu en voudras vser, tu en jetteras vn peu sus le papier, ou parchemin, puis etendras bien la poudre par dessus ton papier,

pier, ou parchemin, le frottant avec vne patte de lieure, ou autrement: puis en otant ce qui y sera trop. Ecris apres dessus, & tu le trouueras de milleur effet que le vernis. Quand l'écriture sera seche, si tu en veus oter la-dite poudre, voire le vernis commun, de peur qu'on ne s'en blanchisse les mains, tu froteras le papier ou parchemin, avec de la mie de pain blanc: car elle tirera à soy, & emportera tout le vernis, ou poudre qui est dessus.

¶ *Pour faire ancre pour reigler le papier à écrire, de laquelle l'écriture seche, se peuuent tellement oter les lignes, qu'il semblera qu'on ait écrit sans lignes.*

PREN pierre paragonne, & l'etampe, & broye tre-bien, puis pren la grosseur d'une petite noix du plus beau tartre de vin blanc calciné, le mettant dissoudre en vne ecuelle pleine d'eau clere, puis l'ecoule. Et de cette eau detremperas la poudre noire de pierre paragone, tant qu'il soit tout reduit comme de l'ancre, duquel tu reigleras ton papier, ou parchemin:

& écris sus icelles lignes, ce que tu voudras, avec de l'ancre commun. Quand l'écriture sera seche, pour oter les-dites lignes, tu prendras de la mie de pain blanc dur, & froteras sus tout le papier, & les lignes q̄ tu auras reiglées, s'en iront comme si jamais n'y eut eu ligne quelcōque. C'est vn tre-beau secret, & fort rare.

..

FIN DV CINQVIEME
LIVRE.

LES
SECRETS DE REVEREND
SIGNEVR ALEXIS
PIEMONTOIS.

LIVRE SISIEME.

¶ Pour sublimer argent-vif, c'est à dire, faire le sublimé commun, dont vsent les orseures, les alchimistes, & les dames. & de quoy on se sert en plusieurs choses concernantes la medecine.

PREN vne liure de vis-argent, & le mets en vn vaisseau de bois, avec vn peu de vin-aigre, & de sal nitrum, puis le broye, & mortifie tre-bien avec vn pilon de bois. Pren apres demie liure de sel commun, quatre onces de sal nitrum: tout cecy soit bien broyé, & mis sus le-dit vis-argent au mesme vaisseau de bois, demellant bien le tout ensemble, en y adjoutant deux liures d'alun de roche brulé: incorpore bien tout cecy ensemble, puis le mets en vn bocal qui soit luté vn doyt au dessus, que n'est la matiere. Puis le mets, & dispose en sa poelle sus des cendres tamisées: puis mets la-dite poelle au fourneau, mettant la cappe, ou alembic sus le bocal, puis le receptoire, comme se fait en toute distillation. Fais y du commencement vn petit feu jusqu'à ce que toute l'humidité en soit tirée: laquelle tu oteras, & garderas tre-bien: car elle te sera bonne en plusieurs choses, & principalement pour mortifier d'autre vis-argent, à faire d'autre sublimé. Et quand tu voiras qu'il ne distille plus, ote la cappe & le recipient, & ferme bien le bocal avec quelque linge qui entre dedans, le courant ençore dessus de quelque toile emplatrée avec farine, chaux & eau: puis feras le feu plus grand, & continueras tant que tu verras le mercure ou vis-argent estre sublimé tout blanc, c'est à dire, qu'il soit monté jusqu'au dessus de toute la substance, & qu'il y ait fait comme vne tourte tre-blanche.

Et si tu le veus faire monter plus haut, c'est à dire, jusqu'au bord, & col du bocal, & qu'il face comme vne clochette, pren vne fucille de papier, & l'envelope tout autour du bocal, c'est à dire, de tout le corps, qui est decouvert au dessus du fourneau: puis acrois le feu encore plus grand, & certé tourte montera petit à petit, & s'attachera au bord du bocal, y faisant comme vne clochette de tre-blanc sublimé, laisse-le apres refroidir. Puis l'ote du feu, en le nettoyant bien par dehors, a-fin qu'en le rompant, ne s'entremelle aucune ordure avec le-dit sublimé. Ce fait, rompras le bocal, & en detachant le sublimé, te gardant de la fumée: & en cette sorte én pourras faire vn pain de cent ou de deux cent liures, ou autant que tu voudras, gardant tou-jours la proportion de la quantité des choses, selon le pois cy dessus mis. La lie qui demourera au fond dudit bocal, se pourra etamper, & dissoudre en eau bouillante, & puis couler, & laisser bouillir, & sécher du tout: il restera au fond vn sel qui sera de la nature du sal nitrum, du sel commun, & de l'alun que tu y auras mis. Et sera le-dit sel tre-bon pour faire d'autre sublimé nouveau, avec d'autre vis-argent, & vinaigre: ou bien au lieu de vin-aigre pourras prendre l'eau sudite, qui distille en la sublimation: par ainsi le feras tre-parfait, & au plus grand auantage qu'il sera possible.

Et faut noter que le-dit sublimé, fait avec alun de roche est milleur pour les dames, qui se veulent farder la face de sublimé. Mais je leur conseilleroye qu'au lieu de sublimé elles y fassent plustost d'aucunes des eaux, dont auons parlé és liures precedens. Pour les orfeures, alchimistes, & plusieurs choses, requises en medecine, vaut mieus y mettre du vitriol crud, en lieu d'alun brulé: mais cettuy-cy est tre-mauuais, & beaucoup domageable pour les dames. Car la plus grande partie de ceus qui font le sublimé, le font avec vitriol, en partie pourtât que se fait à moins de depens, & en partie à cause qu'il est plus vtile à plusieurs choses, qu'avec l'alun, lequel n'est quasi que pour les dames. Il y a encore des meschans qui mettent de l'arsenic cristalin, à distiller ensemble avec vis-argent: chose qui est pratiquée de trop de gens. Parquoyce n'est sinon chose bonne & vtile d'amonester vn chacun qu'il s'en garde: car pour certain à l'aveu de quelque petit gain, ils se rendent dig-

nes d'estre brulez tous vifs: car outre ce que l'on voit souuent que par tels sublimés les femmes en ont la face enflée. Il peut aussi auenir, qu'en medecine ils affolent ou tuent la personne.

Le-dit sublimé fait avec alun, ou avec vitriol, se peut facilement sublimer de nouueau, a-sauoir, pour chacune liure de ce sublimé, mettre demie liure de sel commun blanc, ou d'alun brulé, ou de chaux viue, en mettant tout cecy sublimer comme deuant: lequel se sublimerá beaucoup plustost, & deuiendra plus beau, de tant plus souuent qu'on le sublimerá. Les alchimistes suiuaus les preceptes de Geber, de Saint Thomas, & d'autres Philosophes, s'amúsent à le sublimer plusieurs fois pour le vouloir fixer: entre lesquels y en a qui l'ont sublimé cent fois, & autres deux cents fois: toutefois en la fin ils n'ont rien fait. Et cecy auient pourtant que tou-jours ils mettent en sublimant la-dite lie, a-sauoir, le sel, ou l'alun, ou le vitriol, comme auons dit. Et veu que la nature du feu est de fixer les choses volatiles, de tant-plus souuent est venu le-dit sublimé au feu, de tant-plus s'est fixé à chacune fois: mais icelle partie qui s'est fixée, s'est tou-jours mellée avec la-dite lie, & par ainsi s'est perdue: pourtant ceus qui faisoient la-dite sublimation, non considerant les raisons pourquoy telle chose auient, trouuoient, que petit à petit leur sublimé estoit diminué, & ont (peut estre) pensé qu'il s'estoit enuolé, ou bien consommé au feu, plustost que croire, qu'il fut demouré en la-dite lie, de laquelle ne se peut separer en aucune maniere.

En voulant donc philosophiquement proceder pour fixer le-dit sublimé, il faudra premierement sublimer trois ou quatre fois, avec du sel commun, ou de l'alun brulé, ou chaux, ou talcum, comme dit est, a-fin qu'en cette maniere il se vienne à mondifier de toute substance terrestre, & impure, qu'il contient, & de l'humidité superflue, dont il est plain. Il se mondifie de la substance terrestre, à cause que la terre ne se sublime point, ains demeure au fond du bocal atachée avec la lie, qui est le sel, ou l'alun, ou le vitriol qui s'y met, lesquelles choses nous appellons icy la lie, à cause qu'elles demcurent au fond, comme fait la lie du vin, ou de l'huile. Aussi se purge il de son aquosité, ou humidité superflue en deux manieres. La premiere est, pource qu'avec ccluy vin-aigre, ou eau distillée, de laquelle

quelle il a esté embruüé, comme auons parlé parauant, se vient à euaporer, & distiller l'humidité ou aquosité sudite dudit vis argent. L'autre est, à cause que par le souuent sublimer s'y adjoute aussi la nature du feu, & se vient à cuire: lesquelles deux choses sont les principales raisons, pourquoy il se fixe. Par ainsi ce sont les parties seules qui font la parfaite fixation, selô qu'à suffisance elles sont conjointes aux choses que nous voulons fixer. Et n'entendons en cet endroit autre chose, par la chose fixée, sinon que le feu ait fait telle decoction, qu'il ne s'euente, & que toute la substance demeure au fond, & ne se consume plus. Pourtant apres que tu l'auras sublimé trois ou quatre fois, & qu'il sera bien mondifié de la substance terrestre, & de l'humidité superabondante, comme dit est, tu le remettras sublimer à part loy, sans aucune lie, & le sublimeras par tant de fois que tout demeure fixé au fond du bocal: & pour grand feu qui soit, qu'il ne s'en fuie, & ne se diminue.

Mais le voulant faire plus promptement, & plus aisément, tiens cette reigle, qui est tre-certaine. Quand tu l'auras sublimé trois ou quatre fois, ou plus souuent, tu y ajouteras la quarte partie de fin argent calciné, comme dirôs cy apres: puis apres l'auoir tre-bien melle ensemble, tu le mettras sublimer: & quand il sera sublimé, tu melleras ce qui sera monté, avec ce qui sera demouré au fond: puis le remettras sublimer: & ce feras si souuent qu'il ne monte plus, mais que tout demeure au fond, fixé contre toute vehemençe du feu: & ainsi sera il parfait, tre-blanc, tre-net, fusible, & penetratif. Et qui en voudra faire quantité, & ne pourra mettre autant de fin argent, qu'est la quarte partie, il pourra faire en cette maniere. Apres l'auoir trois ou quatre fois sublimé avec la lie, comme dit est, tu le garderas à part, & en prendras seulement vn peu, a-sauoir, autant que pour ajouter avec la quarte partie du fin argêt, que tu y pourras mettre, comme par exemple: Si tu n'as que demie once d'argent, pren deux onces dudit sublimé, & apres auoir melle ensemble, sublime-le autant de fois, comme dessus que tout demeure fixé au fond, & auras deux onces, ou peu moins de sublimé fixé: car le feu en desechant, & faisant la concoction, en mange quelque partie, sans ce qui se pert en etampant, & au bocal. Puis prendras ces deux onces fixées, ou au-

tant qu'il y en aura avec trois fois autant de sublimé non fixé, que tu auras gardé, puis melleé tout ensemble, sublime-le aussi souuent comme dessus, que tout soit fixé. Et si tu en veus d'auantage, pren de-rechef trois parties de l'autre sublimé: & ainsi feras aussi souuent, & autant que tu voudras, qui vaut beaucoup mieus que de le faire tout à vne fois: car par ainsi se fait plus de fois de *volatile fixum*, & de *fixum volatile*, qui est ce que les Philosophes ont en plus grande recommandation: & se fait aussi plus fusible, plus penetratif, & de plus grande vertu. En cette operation consiste tout le secret, & la plus grande maitrise des Philosophes, & principalement de Geber, lequel fait la plus part de son ceuvre en cette maniere de sublimer & fixer par plusieurs fois, & seulement tient la chose cachée qui se doit sublimer, laquelle chose pour la tenir secreete à ceus qui n'en sont dignes (comme luy mesme affirme) il l'apelle vis-argent, mais il entend autre chose, combien qu'en effet cette mesme chose demontre que ce n'est sinon vis-argent, mais cōduit de la nature à vn degré plus parfait, comme par exemple: La pate est farine, non pas en sa premiere essence, ains est menée du bolenger à vne nature plus haute, & plus prochaine à la perfection. Nul ne doit esperer de pouuoir paruenir à cette tant haute science, par son propre saouir: mais par la seule grace de Dieu, lequel (comme disent tous les Philosophes) *Cui vult largitur, & subtrahit.*

¶ Pour faire cinabrium, & en faire pains de cent, ou deux cents liures, aussi grands qu'on voudra, comme sont ceus qui viennent d'Alemaigne, lequel secret n'a encore esté sceu, jusqu'à present, d'aucun qui soit en Italie.

TOVS ceus qui prenent leur delectation és secrets, & principalement és choses metaliques, sauent bien acouter le cinabrium, mais en petite quantité, comme d'une liure ou deux, à la fois, & non d'auantage. En Alemaigne, & aucuns lieux de la France, y en a qui le font par grandes masses, & l'enuoyent ainsi en Italie, & par tout le monde: encore le tiennent ils entre eus bien secret, sans le diuulguer à plusieurs. Nous donc voulons aussi communiquer ce secret (encore qu'il consiste en peu de chose) à la gloire de Dieu, & au proufit de la Republique, enseignant icy en brief la maniere de le faire en aussi grand de quan-

de quantité qu'un chacun voudra: Pren argent-vif neuf parts, soufre citrin deux parts, combië que plusieurs y mettent trois parts de soufre, pour les neuf parts d'argent-vif. Les autres quatre: & les autres autant de l'un comme de l'autre. Mais quand c'est pour paindre, il n'y sauroit auoir trop de soufre: car il en deuiet de couleur plus viue: & pour autres affaires il vaut miens que pour vne liure d'argët-vif, ny ait que trois ou quatre onces de soufre. Mets donc le soufre en quelque large poelle, le faisant fondre à petit feu: & quand il sera bië fondu, pren l'argët-vif en vn linge, à la main gauche, & le presse petit à petit, dedäs le-dit soufre (lequel doit parauant estre retiré du feu) & le melle tre-bien de quelque baton; a-fin que l'argent vif s'incorpore bien avec le soufre, ne cessant de mouuoir, & de tou-jours le detacher de la poelle jusqu'à ce que tout soit bien refroidy, & auras vne mixtion noirâtre, laquelle ne ressemblera plus, ny au soufre, ny à l'argent-vif. Estampe cette mixtion, & la broye tre-bien, puis la tamise: & de cette poudre feras telle quantité que tu voudras, la mettant en quelque grande poelle. Voulant donc acouter le cinabrium, tu prendras vn bocal de verre, aussi grand que tu voudras, tellement toutefois, que tu n'empliras que le quart dudit vaisseau de la substance que tu y mettras. Et apres l'auoir bien luté d'une pate faite de croye, & tondure de draps (qu'on apelle lutum sapientie, ainsi que nous l'enseignerons cy dessous à le faire parfait) & qu'il sera bien sec, tu y mettras autant de la sudite poudre, qu'elle emplisse vn quart du bocal, ou moins: & sans ferrer la bouche du-dit vaisseau, le mettras ainsi sus vn bien grand fourneau, si tu as beaucoup de substance, puis y feras dessous vn feu leger, par l'espace de deux ou trois heures, le faisant apres plus grand. Mais pour en faire grande quantité, il faut de fois à autre ajouter de la-dite poudre, laissant ainsi le-dit vaisseau de verre sus le feu, pour sublimer: puis prendras vn baton fait propice, qui vienne jusqu'au fond dudit vaisseau, & qui passe plus d'une paume par dehors: & aye vn bouton dudit lutum sapientie, afin qu'estant ledit baton ainsi mis dedans le bocal, il vienne à ferrer l'emboucheure d'iceluy, & que, quand le baton se hauffera, le bouton se vienne aussi à hauffer, & ouvrir la bouche du bocal. Il faut d'auantage auoir

acommodé vn entonnoir (comme ceus desquels on entonne le vin, ou huile) lequel soit toujours le bec en la bouche du bocal, & que le baton passe tout outre par le milieu de l'entonnoir, a-fin que par ce moyen il vienne à serrer l'estroit de l'entonnoir avec l'emboucheure du bocal. Toutes ces choses mises ainsi en ordre, faut tenir la-dite poudre pres du feu, a-fin qu'elle deuienne chaude: car si on la mettoit froide sus la chaudiere, qui est en la phiole, on viendroit à refroidir, & empêcher la sublimation du cinabrium. Or quand la premiere poudre aura esté au feu par l'espace de cinq heures, & qu'elle sera du tout, ou en partie sublimée, tu leueras vn peu le baton qui est au bocal: ainsi viendras à ouuir l'emboucheure d'iceluy, en haussant ce bouton qui le serroit, & mettras deux ou trois cuillerées de celle poudre que tu tenois chaudement: puis laisse aualler le baton avec le bouton, qu'il vienne à reserrer le bocal, comme deuant. Et faut sauoir que le-dit baton ne se met au bocal pour autre cause, sinon a-fin de garder que la-dite poudre qui est au fond, se venant à sublimer, ne s'atache tout autour de la bouche du bocal: car par ainsi elle le serreroit, de sorte qu'on ny pourroit ajouter de l'autre poudre, ny faire les pains grans, comme dit est: & en ce cōsiste tout le secret pour faire les pains ainsi grans. Car si tu voulois mettre toute la substance à vn coup, c'est à dire, cent ou deux cent liures de substance, tu ferois la masse si grande, que ja-mais ne se sauroit parfaire, & y faudroit faire vn si grand feu, que plustost se fondroit & le bocal, & le fourneau, que la matiere se sublimerait. Mais en la mettant ainsi peu à peu le baton estant au milieu, toute la substance se vient à sublimer, se cuire, & rougir, & petit à petit s'atache au plus haut du bocal: puis en y remettant nouvelle poudre, elle descend au fond: & illec trouuant toutes choses chaudes, avec ce qu'elle est aussi chaude, & en petite quantité se sublime, se cuit, & se rougit incontinent, s'incorporant à la premiere. Ainsi en mettant, peu à peu de la nouvelle poudre chaude, & entretenant toujours le feu en vn mesme estat, tu en feras aussi grande quantité que tu voudras, & auras de bien grans pains de cinabrium tre-beau, lesquels auront seulement vn trou au milieu, qui sera l'espace, où estoit le baton. Finalemēt y pourras de nouueau ajouter nouvelle poudre,

dre, en otant le baton du tout, & serrant la bouche, puis faire feu: car cette derniere poudre se viendra semblablement à sublimer, & fera vn fond audit pain de cinabrium. Sois dauantage auerty que le grand feu, c'est a-sauoir longuement continué, n'y fait point de donmage, mais y est plustost vtile & ne cessaire: & par faute de feu le cinabrium deuiendroit ou noir, ou non bien rouge, ou peu dur & solide en la masse: parquoy sois auerty de luy donner feu à suffisance. Il faut aussi aucune-fois mouuoir, hausser, & baisser ledit baton, a-fin que le cinabrium ne s'y atache, & vienne à serrer la bouche du bocal, tellement qu'on n'y puisse mettre de nouvelle poudre, comme dit est. Cecy est le vray & parfait moyen pour faire le cinabrium en aussi gros pains que tu voudras, qui jusqu'à present n'a esté feu en Italie. Tu pourras faire le semblable en bocals de terre de potier blanche, qui soient bien lutez, & de bonne terre pour durer au feu.

¶ *Pour afiner & refaire le borax.*

LE borax a esté apellé des anciens chryfocolla, & estoit naturel, & artificiel, comme escriuent Pline, Dioscoride, & autres & en vsoit on en medecine, & pour soudor or, argent, & autre metaus, comme on en vse encore à present: car sa nature est de faire fondre, & refondre prestement la soudure. Il se met aussi en oeuvre pour faire vn corps, c'est à dire, pour ramasser ensemble la limature de l'or, de l'argent, & en toutes autres choses, esquelles on a affaire d'vne subite & prompte fusion. Outre ce s'en aydent aussi grandement les Dames pour s'embellir: car il rend la peau tre-blanche, tre-subtile, & tre-nette, sans danger d'aucun venin, ou endommager les dens, ny la charnure. Les anciens en auoient de couleur verde, de laquelle ne se trouue point pour le present, & si ne la fait on acouter. Nous en auons bien de la tre-blanche, & de la noirâtre, laquelle par auenture on pourroit dire approcher à la verde des anciens. La blanche est en piccettes longues, avec aucuns nerfs, ou veines tout au long si semblable à l'alun de roche, que plusieurs s'y trouuent trompez, ou trompent autruy: car quand on met ledit borax sus le feu, il bout & s'enfle du tout en tout, comme l'alun, puis demeure tre-blanc, spongieux, & aisé à rompre avec les doigts, comme l'alun de roche brulé. Mais gens rusez cognois-

cognoissent le borax d'entre l'alun en trois sortes. La premiere est, que l'alun mis en la bouche, est aigre de saueur, & restrainant: mais le borax n'a aucune saueur fors qu'une endormie, & insipide, comme moyenne entre la saueur d'huile, & le mēgue du lait. Pourtant ceus qui veulent tromper les autres, & falsifier le vray borax, prennent les piecettes d'alun de roche crud, & les tiennent en huile d'amandes, en mēgue, ou en lait. Les autres y mettent aussi du miel, ou du sucre, pour avec leur douceur moderer l'aigreur de l'alun. Les autres fondent toutes les-dites choses au feu, puis les mettent refroidir en quelque lieu froid, tant que tout soit reduit en glaces, ou pierrettes, & y ajoutent sal nitrum, sode, ou sal alcali, tartre, alun de fece, & choses semblables, & en font bien des pierrettes ressemblantes aucunemēt au borax: mais premierement sont diferentes en forme: car le vray borax est toujours de forme languette: & les pierrettes où y entre de l'alun, ne se reduisent jamais, sinon en pierrettes quarées. D'avantage ils different en la seconde sorte, qui est dessus touchée, & est telle: Que l'alun estant brulé, fait plus grand monceau, que quand il estoit crud: mais le vray borax se reduit à bien petite quantité, & est cecy vn signe tres-euident pour le cognoitre. La troisieme, & qui est de plus grande importance, & plus seure, c'est que la matiere, en laquelle est l'alun, ne soude en aucune maniere qui soit, & si ne se fond pas si bien, comme le borax. J'ay dit qu'il ne se fond pas si bien, pource que là, où il y a du sal nitrum, sal alcali, & tartre, cela se fondra, pour le moins, en quelque partie: car toutes les choses sudites aydent à la fusion des metaus. Le sal nitrum quand il y en a quelque quantité notable, se donne incontinent à cognoitre au feu: car il fait le bouillon aqueus, & jette autour de soy, comme estincelettes de feu. Les autres faites avec les mixtions dessusdites par plusieurs fois en mēgue, ou en lait, ou en eau, & congelées en pierrettes, font bien aucunes pierres, mais elles sont toujours salées, trop luisantes, & trop violentes au fondre: car quand on en veut souder quelque ouvrage d'or, ou d'argent subtil, elle fait fondre l'ouvrage tout ensemble, & là où il y a du sucre, cela laisse toujours l'or, & l'argent taché. On fait bien quelques autres mixtions, qui sont tre-bonnés pour souder, ou fondre,

dre, qui toutefois sont diferentes au borax de forme, & de saveur, & desquelles ferons mention cy apres.

Pour donc retourner au vray borax de notre temps, on nous amene certains barils pleins de quelque graisse, pleine d'aucunes petites pierrettes, laquelle s'apelle la pate de borax. Jusqu'à present on l'a seulement amené d'Alexandrie, là où on la faisoit aussi anciennement: pourtant est ce que les Auteurs Arabes anciens, qui ont escrit des choses metaliques, ont appellé le borax, nitrum Alexandrinum. Et depuis peu d'ans en ça, on en a commencé à amener des parties occidentales. Je ne say toutefois si là mesme elle se fait, ou si par aventure elle est nouvellement aportée des Indes. Il y en avoit ces années passées en Italie si grand deffaut, qu'on vendoit pour le moins vn ecu l'once, de celuy qui estoit reduit en pierres. Maintenant depuis deux ans en ça, en est venu si grande abondance des parties occidentales, que la liure n'en vaut qu'un ecu & demy, & moins. La maniere pour le faire (dont on use es pais sudits) est telle: Es minieres d'où on tire l'or & l'argent, ou aussi le cuiure, se trouue vne sorte d'eau, laquelle (comme moy-mesme ay veu, & fait l'experience) est par soy trepro-pice, & excellente pour souder, & pour fondre. Et si say vn lieu en haute Alemaigne, où il y a vne grande veine de telle eau, laquelle toutefois les paisans ne cognoissent point. Ils prennent donc de la-dite eau, avec la fange qui est dessous & autour, & la mettent bouillir jusqu'à vn certain temps: puis la coulent, & la laissent ainsi, si se vient à congeler en pierrettes ne plus ne moins que le sal nitrum. Et pourtant que si on les gardoit ainsi, elles ne dureroient point, mais se resoudroyent petit à petit: pour aussi les rendre milleures, & les confire, & nourrir en leur naturel, ils prennent la lie qui est demourée de reste de la-dite eau & fange, y adjoutant de la graisse de porc, ou de quelque autre beste: puis s'en vont à la miniere, là où ils font vne grande fosse, au fond de laquelle ils mettent vn lit de la-dite graisse, & sus iceluy vn lit des-dites pierrettes, puis de rechef de la graisse: & ainsi consequement, autant qu'ils veulent, tellement toutefois que le dernier lit soit de graisse, ou de la-dite pate: apres le laissent ainsi au decouvert, par l'espace de certains mois, combien que plusieurs d'entre eus font tout

cecy en leurs maisons, en terre, ou en grans vaisseaus. Puis quand ils le veulent vendre, ou enuoyer hors du pais, ils prennent à la poelle la-dite pate avec pierres & tout, & en emplissent des barils, & toneaus. Cette est la mesme qui viêt à nous, laquelle nous apellōs pâte de borax. Encor s'enuoye il desdits pays, où il se fait, du borax, ou pierrettes de la-dite pate, ainsi refaits & afinez, comme nous dirons. Il y a bien trente ans, qu'ils enuoioient beaucoup plus de ce borax afiné, & refait, qu'ils ne faisoient de pate, à cause qu'en Italie on ne la sauoit acouter, & reduire en pierres, parquoy ne se mettoit en ceure, sinon d'aucunes femmes en distillation pour s'en farder. Puis il en y eut vn en Venise, qui le commença à acouter, & apres iceluy vne femme, à laquelle il l'auoit enseigné. Ces deux icy gaignoient vn tre-grand argent: & fut le-dit secret longuement entre eus deux seulement, combien qu'il eut long temps esté desiré d'vn chacun. Finalement il est venu si auant, que plusieurs le sauent acouter à Venise: mais l'vn le fait beaucoup meilleur que l'autre: & peut estre que bien peu ont la perfection de l'acouter avec tel auantage de ne perdre de la substance, & d'en faire autant qu'il est possible en toute perfection, comme nous enseignerons par apres.

Premierement donc il faut prendre de la-dite pate, qui ne soit point moisie, ne rance: car ce seroit signe qu'elle seroit de plusieurs années, & que par ainsi les pierrettes seroient diminuées, & perdues, ou defaillies. Cecy n'est pas toutefois de grande importance: Car il vaut mieus aller tâtant du doigt dedans la pate, pour veoir si elle est bien pleine, & abondante des-dites pierrettes: car estant le monde du tout adonné au gain, & plein de deception, ceus qui la font, sont acoutumez de mettre vn peu de pierrettes en ladite graisse, pour auoir plus de substance: & outre ce, ceus qui l'achetent pour reuendre, ont aussi vne bonne quantité des-dites pierrettes: pourtant est il besoin d'estre rusé, a-fin que la diligence surmonte, ou au moins decouure la fraude. Finalement voulant raffiner, ou refaire le-dit borax de telle pate, tu feras ainsi:

Pren eau tiede, a-sauoir, pour dix liures de pate vn demy seau, laquelle tu mettras en vn vaisseau de terre, mettant la pate dedans: puis la desferas tre-bien avec la main, comme si tu
 voulois

voulois demeller le leuain pour pétrir : apres ecoule tre-bien la-dite eau par vn tamis , & pren les pierrettes qui demourront dedans, a-sauoir, celles qui sont de la grosseur d'vne noix, ou d'vne feue, & les mets en vaisseau, les aroufant d'huile d'olive, comme si ce fut vne salade, mais il faut que l'huile soit blanc: & si tu n'en as point de bon, pren huile commun, & le mets au soleil, en le bien purgeant, puis en oins les-dites pierrettes, les mellant tre-bien de la main: apres les mettras en vn sacher, & les y melleras tre-bien, comme on fait les confitures: puis apres les mets en boitelettes, & les garde, si auras le meilleur borax qu'il est possible de trouuer. Et si d'auenture la-dite pate ne se vouloit defaire, & ne se nettoyoit bien avec l'eau simple, comme est dit, alors pren vne liure, ou dix onces de saüon noir pour chacun seau d'eau, en laquelle tu le deferas bien, car en cette sorte elle aura puissance de dissoudre la-dite pate: qui ne trouueroit du saüon noir pourroit prendre du blanc, ou chaux viue, & vrine à discretion, puis la couler, & d'icelle tiede defaire la pate comme dit est.

Si tu le veus refaire, & multiplier, fais en cette maniere: Prends icelle eau qui est passée par le tamis, & la mets en vn chaudron sus vn petit feu, en continuant toujours le feu en mesme estat: puis l'ecumeras avec vne cuillier de fer, & mettras aussi avec l'ecume les ordures qui seront au fond: mais garde bien qu'en bouillant il ne s'enfuye: continue de faire ainsi jusqu'à ce qu'il soit bien cuit, ce qui se cognoistra par ce q̄ quand on en mettra vn peu sus l'ogle, il ne coule point: ou aussi on le pourra eprouuer sus vn papier, comme on fait les syrops, & s'il s'arreste, il sera cuit: ou bien mouiller vn cordon en la-dite eau, & le tenir entre les doigts, puis le tirer par le bout, & si on le sent rude, il sera cuit. Lors oteras le chaudron du feu, & le couuriras de quelque couuerture à ce propre, a-fin qu'il n'y tombe quelque ordure dedans: puis enfouiras le chaudron en son do forment, & le ferreras bien tout autour, le couurant de draps, & d'autres choses, tellement qu'il soit bien etoupé. Semblablement le pourras enfouir sous le fumier chaud, & le laisser là, par l'espace de huit ou dix jours. Apres le decouuriras, & y trouueras vne croute par dessus, laquelle oteras, & mettras de coté: & trouueras audit chaudron, comme des petites pieces de glace,

de glace, lesquelles tu oteras, & mettras en vn autre vaisseau, les lauant d'eau freche : puis les mettras secher sus vne table, à l'ombre. Et icelles pierres, qui à la premiere fois sont demourées au tamis, soyent mellées avec les-dites piecettes de glace. Pren apres alun de fece qui soit blanc, mais non de celuy qu'on tient pour montre : car celuy là ne vaut guiere : & en pren quatre liures en trois sayaus d'eau, huit onces de sal nitrum : puis fay bouillir cecy à petit feu, & l'ecume, comme tu as fait l'autre, en l'eprouuant sus l'ongle, ou sus le papier, s'il est cuit, comme dessus. Ce fait, l'oteras du feu, & la laisseras reposer : & quand elle sera bien clere, tu en prendras vn sayau, & demy, & la mettras au feu en vn autre chaudron net. Et quand tu verras qu'elle voudra bouillir, tu y mettras la-dite croute, qui soit de dix liures, & la fais bouillir comme l'autre, en l'eprouuant sus l'ongle, ou papier, comme dessus. Puis la mettras en vn tonnelet, & y mettras deux batons en crois, avec quatre cordons, auxquels atacheras vn peu de plomb, a-fin qu'ils s'etendent bien, & sans toucher le fond à quatre doigts prés : & ce a-fin que le borax s'y puisse atacher : puis apres l'en seueliras comme dessus. Certuy cy ne se doit point mettre au sac, mais oindras celuy que tu trouueras ataché aus quatre cordons avec vne plume, & l'autre qui sera encore au vaisseau arouferas comme vne salade. Le cler que tu en tireras soit de la grosseur d'une noisette, ou d'une feue : & l'autre qui sera plus petit, remettras en l'eau qui sera demourée de reste, laquelle tu remettras au feu, la faisant cuire, & faisant comme dessus : & ce continueras tant que toute l'eau soit conuertie en borax, tellement que rien ne se perde. Sois aduerty (au commencement quand tu deferas la pate en eau tiede, comme auons dit deuant) d'y mettre presure de lieure de la grosseur d'un pois ciche : car cela fera prendre toutes les autres parties du borax.

¶ *Maniere tre-belle pour bien aisément faire eau forte
milleure que nulle autre.*

PREN alun de roche, & vitriol, ou sal nitrū, ou les trois ensemble, de l'un autant que de l'autre, qui soient bien calcinées, & bien broyées. Et si tu la veus plus forte, mets y autant de sal nitrum à part, que d'alun, & de vitriol ensemble : mets tout cecy en vn bocal bien luté, & au receptoire mettras deux on-

ces d'eau de puis, pour chacune liure des-dites substances. Le receptoire soit en eau fraîche, & toujours mouillé par dessus à tout quelque linge humide, tellement qu'il ne soit jamais sec. Par ainsi se mellèront mieus les exhallations avec leur eau & ne s'atacheront point au receptoire. Ce fait, prens le bocal bien luté, & l'acoutre de sorte que la bouche pende par bas, la joignant avec le receptoire sans chapelle, bien lutât les jointures avec farine, & glaire d'œufs: & le dispose en telle sorte que le feu n'aille point jusqu'au receptoire. Et du commencement mettras vn peu de charbons ardans au fond du bocal jusqu'à ce que la matiere se deface, & passe sa premiere furie. Ce fait, tu la couvrirás de charbons: & faut que le feu soit bien haut: & pour mieus faire, il y deuroit auoir des petits murs de briques pour soustenir les gros charbons en grande quantité dessus ledit bocal. Quand tu auras fait tel grand feu, par l'espace de trois, quatre, ou six heures, tout sera fait. Puis laisse tout refroidir, & en ote l'eau, qui est tre-parfaite, laquelle tu garderas en vn vaisseau de verre biē etoupé avec de la cire

¶ *La vraye & tre-parfaite pratique de jetter medailles, & tout autre ouurage de bas relief, tant en arain, comme en or, argent, cuiure, plomb, étain, que de cristal, verre, & marbre.*

PREMIEREMENT, il faut toujours auoir prestes les terres, ou sables, esquelles tu voudras former ton œuure: mais à cause qu'il en y a de plusieurs sortes, & vn chacun l'acoutre comme il la peut auoir, & comme il la fait faire, nous en mettrons icy aucunes des plus parfaites, & de plusieurs sortes, afin que si on ne peut auoir ou faire l'vne, on ait toujours son recours à l'autre. Et sois aduertý que toutes celles que nous mettrons icy, se peuvent mettre en œuure, chacune à part soy, ou mellées l'vne avec l'autre, ou toutes ensemble: car elles sont bonnes en toutes manieres.

La bonté & perfection de chacune terre pour jetter dedás quelque metal fondu, consiste en ces choses, sauoir est, qu'elle soit principalement tres-subtile, & nullement grumeleuse, afin que toutes choses s'y puissent imprimer bien nettement. Secondement, qu'elles reçoient bien le metal, & qu'elles ne se fendent, rompent, creuaissent, ou ne s'ecrouent point, & qu'elles se confissent bien avec la magistra (de laquelle nous

parlerons cy apres) afin qu'estans seches, elles soient bien dures, & tenaces. Tiercement, qu'elles puissent durer, & seruir à plusieurs fusions, afin que voulant jeter plusieurs medailles, ou autres choses toutes d'une sorte, il ne te faille à chacune fois faire nouveaux moules. Et dois sauoir que pour metaus qui sont dous, comme plomb, & estain, toute terre moyennement bonne, suffira, pourueu qu'elle soit bien subtile, & bien gouuernée avec la magistra, comme dirons cy apres.

¶ *Terre premiere pour jeter en moule toute matiere fusible.*

PREN emeril dont on brunit les épées, & les armures, & le broye tre-menu, en le flamboyant, comme dirons cy apres, & le tempère, ou reduis en pate avec la magistra, comme dirons cy dessous, & ainsi l'acoutrant, feras vne terre tre-bonne, laquelle durera à plusieurs fusions, pourueu qu'elle soit bien gouuernée: & tant-plus elle est mise en œuvre, tant-mieux deuiant, pourueu qu'on la vienne toujours à rebroyer de nouveau, & puis embruer avec la magistra.

¶ *Seconde terre, ou sable.*

PREN pieces de ces vaisseaus, ou pots de terre de Valence, ou autres, desquels vsent ceus qui font les verres, & pour tenir leurs fusions de verre, en la fournaise: & si tu peux seulement prendre les fonds, ou les parties, depuis le milieu jusqu'en bas, tant-mieux vaudra, en otant le verre, qui est à l'entour: si non, pren les comme tu pourras. Puis pren des creusets nouveaux d'orfeures, & les romps par pieces: & que le pois des-dits creusets soit tant comme les pieces des-dits vaisseaus. Toutes ces choses premierement bien estampées en vn mortier de fonte, soyent par apres bien broyées sus le porfire, avec eau, comme on broye les couleurs: & les ayant rendues tres-subtiles, par les recuire au feu, comme dirons cy apres, garde-les en sachets de charmois, ou en quelque boite tre-bien serrée, afin que à cause de sa grande subtilité ne s'en volle en l'air.

¶ *La troisieme terre, ou sable.*

PREN coquilles de tellines, ou fions de mer, ou coquilles de flammes, & des ecailles d'œufs: etampe-les bien ensemble, & les broye avec eau, les brulant, & broyant par plusieurs fois, comme a s fait des autres: mais garde bien diligemment qu'elle ne s'enuolle.

¶ Terre quatrieme.

PREN limature, ou paillettes du fer, ou l'vne, & l'autre: mais qu'elles soyent pures sans aucune terre, ou ordure: puis les mets en vne poelle de fer, ou en quelque autre poelle, qui puisse durer au feu, en les arouant de vin aigre fort, & les tenant au feu par l'espace de huit heures: apres fay-les tremper de rechef en vin aigre, puis les embrase au feu, les rebroyant, & renouuellant par plusieurs fois, comme les autres. Gardeles en sachets de cuir, ou en boites bien ferrées.

¶ La cinquieme terre, ou sable.

PREN pieces de pierre ponce embrasées, puis eteintes en vin aigre jusques à quatre fois. Puis pren deux parties de paillettes de fer broyées, & estampées, & de pierre ponce vne part. Melle tout ensemble, le boute au feu, & le broye par plusieurs fois, puis le garde, comme les autres.

¶ Sable, ou terre sixieme, & treparfaite.

PREN os de moutons, mais si tu pren ceus de la teste, ils seront milleurs: si non, pren-les de quelconque partie que ce soit, & les mets bruler sus la braise, ou en quelque fourneau, tant qu'ils se viennent à calciner bien blans: puis les etampe, & les tamise. Ce fait, mettras la-dite poudre en quelque poelle de fer, ou autre, entre les braises, tellement qu'elle se puisse bien embraser: puis y boute vne bonne poignée de suif, en les mouuant de quelque fer, de sorte que tout le suif se brule avec la-dite poudre, la laissant ainsi au feu encore vne demie heure. Puis tire-la hors, & la broye, & la r'embrase de rechef, en l'arouant & rebroyant par plusieurs fois, comme les autres, tant qu'elle soit tresubtile: adonc fera elle parfaite, & te seruira à plusieurs fusions.

¶ Sable ou terre septieme.

PREN os de Seche, & les fais calciner tant qu'ils soient tre-blans, & en fais du tout comme de ceus de mouton, puis les garde, comme dessus. Finalement s'en fait aussi de terre de Tripoli, ou de cendres de vigne, ou de paille, ou de papier brulé, ou de fiente de cheual sechée, & brulée, ou de briques estampées, ou de bol, ou terre rouge, ou d'autres choses semblables qui demeurent au feu, sans se fondre, esquelles on empraint tre-bien tous metaus, & lesquels ne se rompent, fendent, cre-

uassent, ny s'ecroutent point, comme dit est.

¶ *Tre-belle maniere pour rendre toutes les terres tres-subtiles, & quasi impalpables.*

PREN quelle que tu voudras des terres sudites, ou autres & apres l'auoir tre-bien etampée, & tamisée, tu la mettras secher au feu en vn chaudron, ou poelle de fer, ou autre vaisseau, tant qu'elle soit bien embrasée: puis l'oterás du feu, & la broyrás tre-bien, comme dessus, avec eau, ou vin-aigre. Rembrase-la de nouveau, & la broyc toujours avec eau, ou vin-aigre, & non jamais à sec: faisant ainsi jusques à cinq ou six fois. Finalement la mettras en vn vaisseau de terre blanche bien plôbé, & y verseras autant d'eau clere, qu'elle la surmonte de quatre doigts: puis la touille avec vn batonceanu bien net, & la lais se reposer l'espace d'vn Aue Maria. Apres verse sagement ladite eau en quelque autre vaisseau qui soit net: & ius la-dite terre qui sera demourée au premier vaisseau, reuerseras autre eau, & la mouuerás comme dessus: puis verseras icelle eau avec l'autre premicre, & feras ainsi tant, qu'avec l'eau tu auras versé dehors toute la plus subtile partie d'icelle terre. Et s'il demeure encore au premier vaisseau quelque partie de terre grosse, broye-la de rechef, & puis la mets avec l'autre. Ce fait, tu laisserás bien aller au fond toute icelle terre subtile, que tu auras versée en l'autre vaisseau: puis en coulerás tout bellemét l'eau, & laisserás secher la-dite poudre qui est demourée au fond, laquelle par apres broyerás tre-bien encore vne fois, & la passerás par vn fin tamis de soye, si bon te semble, & auras vne poudre non-pareille, laquelle tu garderas, comme dessus, en sachets de cuir, ou en boites de bois ferrées tre-bien, en collant les jointures, a-fin que la poudre ne s'en vole: car c'est vne substance quasi ausi subtile que l'air.

¶ *Pour faire la magistra, de laquelle on ramoitira les-dites terres à faire moules.*

POVR faire que la-dite terre soit tenace, & qu'estant formée & seche, elle se tienne ensemble, sans plus retourner en poudre, il conuient faire cette eau qui est apellée la magistra, qui est vne diction incertaine d'ou elle peut estre deduite, ainsi que les Philosophes ont forgé les noms de certaines eaus, selon l'effet à quoy elles seruent, comme ils ont fait de la presente.

fente. Et semble qu'ils entendoient par ce le mesme que nous entendons par le moyen, ou telle chose qui soit moyene pour retenir ensemble, ou pour dissoudre, ou pour faire chose semblable. On prend donc du sel commun, lequel on enuolopé en vn linge mouillé en eau, ou en autre liqueur: & ainsi enuolopé se met au milieu des braises en vne fournaise, ou en quelque autre lieu semblable, a-fin qu'avec les soufflets on leur puisse donner grand feu, ou bien on les mettra en quelque cruict, ou autre petit vaisseau luté, en soufflant tre-bien le feu, par l'espace d'vne heure, puis le laisseras refroidir. Et qui ne voudra toujours souffler, comme dit est, qu'il la mette au milieu des charbons ardans, & encore la couure trebien de feu: & quand elle sera froide, il la faudra etamper, & mettre en vn pot bien plombé, & y verser tant d'eau qu'elle soit par dessus plus de quatre ou six doigts: puis le faut mettre au feu, & en le mouuant, feras dissoudre tout le-dit sel. Ce fait, le laisseras refroidir, & le couleras, ou passeras par vn feutre, jusques à deux fois & cecy se fait ainsi pour ramoitir, & faire tenir les-dites terres ensemble, comme dirons cy apres.

On peut aussi faire la magistra, avec de la glaire d'œufs battus avec vn petit baton de figuier, tant que tout soit conuertý en ecume: puis on la laisse reposer l'espace d'vne nuit, & le len demain on coule l'eau qui se trouue dessous l'ecume. D'icelle on mouille la-dite terre, & semble qu'elle soit vn peu meilleure que l'autre: car elle la fait plus tenace, & plus nette, & si ne s'atache point si tost aus choses moulées: pour ce aucuns ajoutent vn peu de cette eau de glaire d'œufs, avec l'autre magistra faite de sel. Les autres y mettent vn peu d'eau de gomme Arabic, ajoutant en toutes choses le jugement, l'experience, & l'industrie.

¶ *Pour faire lutum sapientie treparfait.*

PREN de la milleure terre blanche de potier, que tu pourras auoir: car en vn lieu il s'en trouue de milleure qu'en l'autre, c'est à dire, de celle qui peut mieus endurer le feu, comme celle, de laquelle on fait les pots à Padoue, & semblablement en Alemaigne: car elle est de telle perfection que les pots, qui en sont faits, & esquels ils acoutrent leur viande, pourroient aussi seruir pour fondre metaus. Pren donc de la milleure, &

principalement, si elle doit seruir pour chose, qui ait besoin d'estre longuement au grand feu: autrement, pren-la telle que tu pourras auoir. Il s'en trouue de couleur grise, comme est la commune, & aussi de la blanche, de laquelle on vse en aucun lieu de Vicence, qui est comme pains de gip, ou platre, & s'appelle florette de chio. Les potiers en vient à Venise pour blanchir les ecuelles, & autres telles choses, auant que de les vernir. Il s'en trouue aussi de la rouge, comme en la rouille, où il y en a grande quantité, & laquelle ils apellent bol, & est la mesme qu'aucuns Apoticares vendent pour bol armenic: & les Venetiens en vsent pour rougir les deuantures des maisons, avec la chaux, briques, & vermillon, le couurant en apres d'huile de lin. Cette terre rouge est la plus grasse, & la plus visqueuse de toutes: & pourtant elle se fend plustost au feu, si elle n'est detrempee avec quelque autre substance. Et pource que toutes les dites terres sont trop grasses, l'vne plus, que l'autre: pourtant y ajoute on quelque substance maigre. Si tu en prens donc de celle qui est de couleur cendrée, qui est la plus commune, & la moins grasse, tu la composeras en cette maniere: Pren de la-dite terre quatre parts, de la bourre de drapiers vne part, cendres qui ayent seruy à faire la sive, ou d'autres demy part, fiente seche de cheual, ou d'asne vne part. Si tu la veus plus parfaite, ajoute vn peu de briques etampées, & tamisées, c'est à dire la terre, les cendres, la fiente, les briques, & les pailletes: puis mellées ensemble, les mettras en terre, & en feras vne couche, sus laquelle tu jetteras petit à petit la bourre de drapiers, aussi egalement que tu pourras. Ce fait, y verseras de l'eau, en la mouuant tre-bien, premierement d'vn baton, puis apres d'vne palette. Et quand tout sera bien incorporé ensemble à ta fantasia, tu la mettras sus quelque gros banc, & la bateras tre-bien, & longuement de quelque gros baton, pale de fer, ou autre chose semblable, la demenant, & entremellant aussi tre-bien: car tant-plus longuement on la bat, tant mieus vaut. Par ainsi auras vn tre-bon lutement pour luter & joindre les cucurbites, ou bocals, & pour faire choses grandes, comme fourneaus, & autres choses, que dirons cy apres. Mais qui la voudra faire à moins de peine, qu'il mette seulement la terre, la bourre, & la fiente, avec vn peu de cendres. Les

vns n'y mettent point de fiente: les autres point de bourre selon l'intention, à laquelle ils la preparent. Pour serrer les bouches des bocals, ou cucurbites, a-fin qu'elles ne s'euentent au feu, le-dit lutum y fera bien diuisible: toutefois on y adjoute encosté deux parts de chaux viue, & d'aubin d'œufs, & puis elle sera plus seure de non laisser euenter que le voirre melme. Toute sorte de lutum se veut entretenir humide, & apareillé, qui en voudra vser continuellement: mais on ne le doit tenir trop aqueus, ny aussi laisser trop secher: car alors il ne seruiroit de rien, veu qu'après qu'il est vne fois endurcy, on ne le peut plus acouter qui vaille. Et quand tu y mets de l'eau, il se mollifie petit à petit par haut, & se fait comme vne fausse, mais demeure dur par dedans: & si tu y mets trop d'eau, tu le gateras du tout. Pourtant quand tu verras qu'il commencera à secher, repaistris-le de nouveau petit à petit, avec de l'eau, le remuant tant qu'il soit bien, ainsi le rendras treparfait.

¶ *Aucunes choses lesquelles on doit tou jours auoir prestes, & en ordre, qui se veut meller de soufre.*

A cause que les instrumens & moyens sont ceus qui font venir tout à perfection hors les mains d'un bon ouurier: pour tant, a-fin que quand l'heure est venue de faire la fonte, on n'aye à souffrir damage, & interest pour le defaut des choses necessaires, il est bon de se tenir pourueu des choses ensuiuant-tes, qui sont necessaires.

Premierement donc que le charbon soit de bois fort, & jeune, & bien sec. Les creusets soient de bonne terre, sans fendasses: & ceus de couleur grise sont communement milleurs que les noirs, ny les blans. Il faut auoir vn ais de carton pour donner vent legerement, & au large sus la bouche du creuset, qui est decouuert pour certaines causes: vne canne pour souffler l'or dure hors du creuset, chose plus aisé equ'avec le soufflet: vn fer à crochet pour tirer les charbons du creuset, & pareillement des tenailles: vn pressoir de bois pour tenir ferme les formes, ou moules, en y versant le metal liquide: deux tablettes, ou d'auantage, de bois de noyer, ou de buys, ou d'autre bois solide, ou bien de cuiure trebien vnies, & egales de toutes parts pour seruir, voulant presser les formes de fond audit chasis ou forme, & pour les tourner, & les tenir fermes: deux picces de lai-

ne, ou dauantage, a-fin que si en serrant les formes au pressoir, n'estoient bien egales par dehors, ces pieces puissent venir à remplir le vuide, & à faire place au releué, comme on verra cy dessous, en la maniere de former: vn compas & vn reiglet pour partir & compasser les gets, ou euaporatoires, & canaus, par lesquels doit courir le metal: vn fer fait en maniere d'un raclet agu au bout, & taillant par les costés, comme ceus de quoy vient les doreurs pour egal er les canaus des moules, lequel seruira pour faire les trous euaporatoires, & canaus, quant l'ouurage sera fait, & n'en ayant point, on les peut faire avec vn couteau, le plus proprement que faire se pourra.

Il faut aussi auoir prest vn peu d'huile, & de tourmentine en vne ecuelle, avec vn peu de papier, ou de fil de coton, ou quelque piece de linge à le mouiller dedans, & le bruler, a-fin d'en enfumer les formes quand elles seront bien essuyées, à ce que le metal en coule mieus. Et pource q' par fois telle fumée engrosfit, & remplit les creus & grauettes de l'ouurage, il faut auoir avec ce vn pied de lieure pour oter le superflu, & aussi pour rassembler la poudre, a-fin qu'elle ne tombe quand on veut mouler, & pour autres telles besongnes. Et puis vne ecouiette, ou broufette de fil de leton, & vne de soye, comme celles pour nettoyer les pignes, pour froter, & polir l'ouurage, auant qu'il soit formé, a-fin de le polir de rechef, & l'acourtr, comme est de besoin, quand l'ouurage sera jetté.

¶ *La maniere qu'on doit tenir quand on veut fondre medailles, ou quelque autre chose.*

TV mettras premierement la medaille, ou autre ouurage que tu voudras fondre, en vne ecuelle avec vin-aigre fort, sel, & paille brulée: puis la froteras tre-bien avec la main que elle deuienne netre: semblablement d'un frotoir, & epouillette. Ce fait, la laueras en eau freche, puis l'essuyeras d'un linge. Apres mettras sus vne table de bois dur, ou de cuiure bien polie la moitié de la forme, ou chassis, c'est à dire la femelle. Et la partie du milieu, c'est à dire avec celle qui se joint à l'autre, soit renuersée sus la table, dans lesquelles mettras sus la-dite table les medailles, ou ce que voudras former, qui soit bien net comme auons dit, le disposant de telle sorte, s'il n'y en a qu'une, qu'elle soit justement à l'endroit du conduit, ou canal, & le

& le plus bas que tu pourras de la forme, ou chassis, a-fin que le conduit, ou canal en soit plus long, & qu'elle ait du metal assez. S'il y en a plus d'une, tu les ordonneras aus cotés de la forme, ou chassis, & laisseras place au milieu pour faire le conduit, ou canal à verser le metal dedans. Et s'il y en a plus de deux, il faut prendre garde qu'elles ne reçoivent le metal l'une de l'autre: mais fay à chacune son petit conduit, qui responde au canal du milieu. Pren puis de l'une des dites terres bien subtile, & bié passée par le tamis tredelié: & apres l'auoir bien broyée, la mettras en vn plat, ou ecuelle grande, a-fin qu'en la maniant, il n'en faille rien hors, & la ramoitiras petit à petit, de l'eau de la magistra, la mellant trebien avec les mains, & la frotant si long temps entre icelles, que l'estraignant au poing, elle tienne ensemble: toutefois il faut estre aduertty, que je dy ramoitir, non pas mouiller: car il ne faut pas qu'elle mouille la main, en la pressant, ny qu'elle se colle aus mains, comme pate: mais seulement qu'elle tienne ensemble vn peu plus ou moins, comme farine seche, & qu'estant ainsi estrainte en la main, elle se puisse rompre en pieces, en touchant dessus avec le doigt. L'ayant ainsi reduite, tu la mettras dextrement sus les medailles dans la forme, ou chassis, avec le bout des doigts: & puis avec la main la ferreras, & presseras trebien, ne plaignant pas ta peine à la bien presser, en mettant dessus l'autre tablette, & pressant avec les mains, autant que tu pourras, mesme de tout le corps. Puis avec vn fer taillant, & de fil bien droit, & avec le reiglet linieras justement, & egalleras, en otant dextrement la terre, qui surpasse les dites formes, ou chassis, & ainsi les mettant sus vne des pieces de laine, & puis la tablette plate, tu prendras avec les deux mains les deux tablettes dessus & dessous, & les tenant serrées, tourneras abilement les formes le dessous dessus: & otant la tablette, verras si par dessous les medailles en l'eleuant y estoit entré quelque terre, car il la faut droit oter dextrement avec le pied de lieure: Puis rejoignant l'autre partie de la forme en son endroit, l'empliras de la mesme terre, la pressant trebien, comme deuant, & l'egaleras avec le fer. En apres avec la pointe du fer, tu eleueras vn peu, par vn des coins, la moitié de la forme, ou chassis, & l'oteras tout bellement avec la main, & en tireras hors habille-

les medailles, les touchât quelque peu à l'entour, avec la pointe d'une penna subtile, si du premier coup elles ne veulent sortir, en renuersant celle partie de la forme, en laquelle elles estoient demourées quand on l'ouuroit. Et si encore ne vouloient sortir, tu les frapperas fort dextremēt en forme de croix, avec la pointe d'un courteau, jusqu'à ce qu'en renuersant la forme, elles sortent. Et si par auenture elles n'estoyent bien imprimées selon ton desir, tu les pourras remettre en leur lieu, & les reprasser: & apres auoir mis des deux cotés les pieces de laine, & les tablettes, les ferrer au pressoir. Finalement caue avec le racle fudit, ou autre fer, les conduits, les compassant avec le compas, & réiglet, de sorte qu'ils viennent repondre droitement & également: puis les dresseras ainsi contre le feu pour secher, les retournant aucunēfois, tant qu'elles soient bien esuyées. Lors avec la meche trempée en huile, & terebinthine, & alumée l'enfumeras: & s'il y demeure quelque chose superflue, l'oteras avec le pied de lieure. Puis rejoins-les ensemble, & apres auoir mis la laine & les tablettes, les estraindras quelque peu au pressoir: & ayant apresté ce pendant, & fondu le metal (si c'est argent, ou cuivre blanc, il se cognoit à le veoir faisant & cler dans le cruset: & si c'est étain, à y mettre dedans vne pierre, ou quelque peu de papier, & qu'il le brule) tu la jetteras: & la chose ira tre-bien, sans autre ayde, pour la faire courir: si non, qu'apres que l'estain est fondu, y boutes vn peu, c'est à dire vne vingtieme de sublimé au respect de toute la quantité, & vne huitieme d'antimonium: car outre ce qu'ils la font bien courir, ils l'endurcissent, & font resonant. Les formes puis apres estans froides, tireras hors abillement les medailles: & en voulant jetter des autres, faudra de rechef enfumer les formes, ou chassis: puis presse, & jette comme dessus, & le fais autant de fois que bon te semblera. Et si tu vois que les formes ne soyent rōpues, & que tu les vueilles garder pour vne autre fois, tu les pourras tenir en lieu sec, & se garderont bien. Finalement, ladite terre tirée hors desdites formes, broyée, & tamisée, sera toujours milleure pour s'en seruir. Les medailles ainsi jettées, se recuisent par apres, & blanchissent, moyennant qu'elles ne soyēt d'étain: encore leur peut on bien bailler à toutes des couleurs, comme se dira plus à plein cy dessous.

¶ Pour jeter en moule en terre liquide avec le pinceau, qui est plus facile qu'avec la forme: mais cette façon ne servira, que pour vne son: & aussi n'y peut-on fondre choses, qui soient trop subtiles, & qui ne peuvent s'entretoucher.

PREN la medaille que tu voudras fondre, lauée bien nette, & essuyée, comme dessus, & l'oins d'un peu d'huile: puis pren la terre, ou sable, acoutré en la maniere que s'ensuit: Pren le lutum sapientie, qu'auons enseigné à faire, & le laisse secher au soleil, ou au feu: puis le puluerise, & le tamise par un fin tamis fort subtil: faites-le puis apres liquide avec de l'eau, & avec un grand pinceau luy donne vne couche de la-dite terre ou lutum, ainsi liquide, sus l'un des cotés de la medaille, estant la-dite medaille sus un trenchoit, ou tablette bien polie: puis laisse un peu secher la-dite terre. Apres luy donneras encore vne autre couche dudit lutum; toutefois moins liquide: puis la troisieme, & la quatrieme, tant qu'il te semblera en auoir assez de ce coté là. Et quand toute cette terre sera seche, tu la tourneras avec la tablette ce dessus dessous: puis oindras d'huile la partie qui sera encore à former, & semblablement les bords: a-fin que quand tu voudras ouurer la terre, en la taillant par le milieu, pour en oter la medaille, elle s'ouure aisement, sans s'attacher à la medaille. Ou bien, sus la-dite terre qui est à l'entour de la medaille, à demie formée, pourras surpoudrer du charbon puluerisé, afin que semblablement ne laisse attacher l'un des cotés à l'autre. Puis d'un pinceau mettras vne couche de la-dite terre, ou lutum liquide sus le-dit autre coté de la medaille: & quand icelle sera seche, tu y en remettras de l'autre plus dure: puis la troisieme, & la quatrieme, selon que tu la veus grosse, comme nous auons dit de l'autre moitié de la forme, & ainsi la laisseras bien secher. Mais auant qu'elle soit bien seche, tu tailleras d'un couteau tout autour des deux formes parmy le lieu, où tu auois surpoudré le charbon, a-fin de separer tout à l'entour les deux parties, l'une de l'autre, de sorte que le taillant du couteau touche la medaille tout à l'entour, puis laisse tout tres-bien secher: & en coupant ainsi tout autour, tu leueras peu à peu, l'une des parties de la forme, tant qu'elle se leue du tout, & qu'elle laisse la medaille decouuerte. Apres prendras l'autre partie, en laquelle sera demourée

la medaille: & la tournât de dessus dessous, la batteras dextre-ment sus le fond de la terre; pour faire que la medaille tombe dehors: & si elle tient trop, tu la pourras aider avec la pointe d'un couteau, pour la tirer dehors. Puis prendras les deux parties de la-dite forme, & feras vn petit canal, par lequel tu verseras le metal fondu, & les respiratoires de coté: apres conjoindras ensemble les-dites deux formes, & les lieras d'un fil de fer, & les mettras recuire en vn fourneau, ou bien au feu de la cuisine, en les courant tre-bien de charbons alumez, les laissant ainsi consommer dessus. Ou si tu veus, les pourras cuire separées l'une de l'autre. Quand elles seront bien cuites, lie-les ensemble avec vn fil de fer, ou cordon: puis mets la-dite forme entre deux tablettes, ou dedans quelque presse, ou entre deux briques, le canal en haut. Verse y apres ton metal fondu, & quand il sera froid, tu ouuriras la forme, & auras vne chose tre-parfaite, si tu as besongné curieusement. Si c'est fusion d'argent, tu le pourras blanchir comme s'ensuit apres: si c'est étain, tu ne le blanchiras point: & si c'est ouurage d'or, tu le coloreras avec verd-degris, & vrine. Mais à la verité, argent & or n'est point chose de jetter en telles formes de sable, mais bien en chassis, à la maniere cy-dessus declarée.

Pour former dans la terre, ou creta, de quoy nous auons parlé au present Chapitre, il y a encore vne autre maniere plus aisée: c'est d'auoir vne emprete de ce q̄ voulez former qui soit de cire, avec vn peu de tourneméline mellée parmy: & sus ladite cire mettre du lutum, ou terre, l'une couche sus l'autre, comme est dit dessus: & puis faire le trou, ou bouchette (à fondre dedans) en haut, & mettre ainsi la-dite forme aupres du feu, le trou en bas: a-fin que la cire ainsi fondue, s'ecoule hors bien nettement, puis jette dedans ton metal fondu: ayant toujours egard, que les formes soyent chaudes, aussi bien cettés de croie que celles de chassis, ou autres queconques.

¶ Pour faire vn blanc, à blanchir les medailles, ou autres choses nouvellement fondues, & aussi pour renouveler les medailles d'argent vieilles.

PREN des medailles, ou autres choses nouvellement fondues, ou bien les vieilles, q̄ tu voudras renouveler, & les mets sus les braises, les retournant souuent, tant qu'elles deuiennent grises

grises de couleur: puis les froterras d'un brouchette, ou escou-
uette de fil de cuiure, les mettant apres en ce blanchimēt. Pren
eau salée de mer, ou eau commune salée, d'une poignée de sel
commun, en laquelle tu mettras du tartre de vin blanc, & alun
de roche cru. Fay bouillir tout cecy en vne poelle bien plom-
bée: & si l'ouurage est de cuiure blanchy de quelque substance
sophistiquée, y adjoutras les choses ensuiuantes, a-sauoir, ar-
gent batu, ou feuilles d'argent, la pesantéur d'un real, sel armo-
niac pesant trois fois autant, sal nitrum le pois de cinq reaus.
Toutes les-dites choses mises en quelque pot de terre, avec la
couverture, troisiée au milieu, mettras au milieu du feu, le cou-
urant de braises tout jusqu'au col, & l'y laisse jusqu'à ce que
toutes les humeurs soyent bien euaporées: apres laisseras tout
refroidir: puis le pulueriseras tre-subtilement. Ce fait, prendras
vne once de cette matiere, ou peu plus, ou moins, & la met-
tras bouillir au blanchiment iudit, seulement vn demy quart
d'heure, mettant dedans des medailles, ou autres ouurages.
Puis reuerse cette eau avec les medailles en eau clere, & tiede:
apres frotte les medailles, ou autre ouurage, avec le tartre, &
autres choses, qui seront demourées de reste audit pot: & les
ayant bien lauées d'eau freche, tu les essuyeras.

¶ *Pour dorer le fer avec eau.*

PREN eau de puis, ou de riuere, ou de fontaine, & pour
trois liures d'icelle, en prendras deux d'alun de roche, vne on-
ce de vitriol romain, la pesantéur d'un tournois de verdet, trois
onces de sel gemma, vne once d'orpiment, & laisse tout bouil-
lir ensemble: puis quand tu le verras bouillir, tu y mettras du
tartre de vin, & sel commun, de chacun demie once: & quand
il aura vn peu bouilly, tu l'oteras du feu, & en depaindras le
fer. Puis l'ayant mis tre-bien chaufer au feu, le bruniras.

¶ *Le mesme en vne autre maniere.*

PREN huile de lin quatre onces, tartre deux onces, mo-
yeus d'œufs dur cuits, & etampez deux onces, aloecicotrinum
vne once, safran le quart d'une drachme, curcuma la huitieme
partie d'une drachme. Fay bouillir tout cecy ensemble en vn
pot de terre neuf, vne bonne espace de temps: & si l'huile de
lin ne couure point toutes les-dites substances, adjoute en de
l'autre, tant qu'il y en ait assez: puis oins ton fer de cete mix-
tion,

tion , apres l'auoir premierement bruny , ainsi le rendras de couleur d'or.

¶ Pour dorer le fer avec feuilles d'or , & avec eau ; ou bien avec or amalgamé , avec argent-vif , comme les orfeures ont acoutumé de dorer l'argent.

PREN vitriol romain vne once , alun de roche deux onces , sel armoniac vne once: toutes ces choses bien puluerisées , & bouillies en eau commune , pren ton fer bien bruny , & net , & le mouille de la-dite eau , en le frottant tre-bien: puis mets dessus les feuilles d'or , & le laisse secher au feu . Ce fait , le bruniras avec pierre hematite , comme on a acoutumé de faire , & sera tre-beau.

Si tu le veus dorer avec or amalgamé avec argent-vif , comme les orfeures dorent l'argent , tu ajouteras à la-dite eau vne drachme de verdet , demie once de tublimé , & laisse bien bouillir tout ensemble : puis mets ton fer à bouillir en la-dite eau: mais s'il est si grand qu'il n'y puisse entrer , frotte-le avec la-dite eau bouillante , & chauffe-le pour receuoir l'amalgama de l'argent-vif , & de l'or , lequel amalgama auons enseigné de faire au cinquieme Liure au Chapitre de demeller l'or . Et apres que tu auras chauffé le fer , tu le doreras d'or amalgamé , ou demellé avec argent-vif , & le feras enfumer au feu , avec la lampe , ou avec du soufre , comme font communement les orfeures: ou plustost avec cire , comme font les orfeures en Alemagne qui vaut beaucoup mieux : dont nous en montrerons cy apres vne maniere tre-bonne , & melleure q̄ celle d'Alemagne , ne de quelque autre lieu qui ait esté vstée jusqu'à presēt.

¶ Pour teindre le fer en couleur d'arain , ou aussi pour dorer l'argent , qui se montre plus beau , & dure beaucoup plus longuement .

C'EST vne chose tre-certaine que l'or mis sus le fer blanc , ou sus l'argent , ne se montre pas si beau , comme sus l'arain: car incontinent qu'il se commence vn peu à vser , on voit la blanchiſſure du fer , ou de l'argent: ce que ne se fait pas si tost sus quelque couleur rouge . Pource plusieurs praticiens voulans dorer quelque bois ou autre chose , mettent le fond (non pas de rouge , comme font la plus part) mais de jaune , a-fin que l'or ne semble pas si tost estre vsé , comme sus le rouge , & encore plus sus le blanc . Le-dit jaune se pourra apliquer sus le fer ,

le fer, ou l'argent. Mais en delaisant tout cecy, quand tu voudras dorer l'argent, ou donner au fer couleur d'arain, tu feras en cette maniere: Pren verdet, vitriol d'Alemaigne, & sel armoniac à discretion, mais que le vitriol soit en plus grande quantité, que les autres: mets tout cecy bien puluerisé en fort vin-aigre, le laissant bouillir vne demie heure. Puis apres l'auoir oté du feu, tandis que les substances sont encores bouillantes, tu y mettras le fer que tu voudras coulourer, courant bien le pot de son couuercle, & de drap, a-fin qu'il ne s'euente: apres laisse tout refroidir, & auras ton fer bien coulouré de couleur d'arain, & ainsi le pourras dorer d'argent-vif, comme si ce fut arain. Tien cecy pour vn beau secret, & profitable.

¶ *Eau, ou teinture pour metre dessous les diamans; tant bons que faux, c'est à dire, faits de saphirs blancs, comme dirons cy apres.*

PREN la fumee de chandelle amassée au fond d'vn bafin, & l'empate avec vn peu d'huile de mastic: puis mets la-dite mixtion sous le diamant en l'aneau, où tu le voudras mettre.

¶ *Pour contrefaire diamans de saphirs blancs.*

CE secret est assez cogneu des joiliers, qui vsent quasi tous d'vne maniere assez bonne: mais nous (apres auoir décrit leur maniere) en mettrons vne autre beaucoup milleure. Ils prennent le saphir qui est de bonne couleur blanche, & le mettent au feu en vn creuset dedans de la limure de fer, ou bien d'or: pensans pource qu'elle est de plus grand valeur, qu'elle soit milleure en tel affaire: toutefois la limure de fer est beaucoup milleure. Ils laissent deuenir cette limure quasi toute rouge, sans qu'elle se fonde, & enseuelissent en icelle leur saphir, l'y laissant quelque peu de temps. Et apres l'auoir oté, si la couleur blanche de diamant, ne leur plait, ils le remettent, tant qu'ils le voyent à leur plaisir: puis le mettent en l'aneau, & le teignent comme dessus. Or s'ensuit vne autre maniere beaucoup milleure: Pren esmail blanc bien puluerisé, & le melle avec la-dite limure d'or, ou de fer: mais qu'il y ait autant d'esmail, que de limure: puis pren encor vn petit dudit esmail, sçauoir est esmail seul sans limure, & l'empate avec ta salue, & en cette pate enueloperas le saphir, le laissant tre-bien secher au feu. Ce fait, tu le lieras au bout d'vn fil de fer bien subtil, le bout duquel tu laisseras si long, que tu le pourras retirer quand

quand tu voudras. Apres le couriras de la-dite limure, & le laisseras ainsi au feu quelque espace de temps, & que la limure soit bien chaude, comme dit est : mais que nullement ne se fonde: puis le retire vne fois dehors pour veoir si la couleur te plait: si non, remets-le encore jusqu'à ce qu'il sera beau à ta volonté.

¶ *Pour engrossir des balais deliés, à mettre dedans anneaux.*

SI tu as des balais deliés comme papier, accoutre-les de la grandeur, ou largeur que tu veus, & ayez vne piece de cristal fin tint en couleur de balais: puis pren vn grain de mastic gros lequel atacheras à la pointe d'vn couteau, & le chauffe vn peu au feu, & subit jettera vne larme blanche ayant lustre de perle, avec laquelle larme encole le-dit balais sus le cristal: sans crainte qu'elle face corps, ou empeche la couleur: apres fais-le polir, & donner lustre, & mettre en or à ton plaisir, & sera tre-beau, & semblera vrayement vn balais.

¶ *Pour faire doublets de rubis, & d'emeraudes, comme on fait à Milan.*

PREN la larme de mastic, de laquelle auons parlé au Chapitre precedent: & si tu veus faire emeraudes, tu la teindras de verdet, demellé avec huile, y adjoutant vn peu de cire, s'il est besoin: & s'elle est trop epeffe, detrempe-la avec eau:

Mais si tu veus faire rubis, pren gomme Arabique, alun sucarin, alun de roche cru, autât d'vn que d'autre, & laisse bouillir tout ensemble en eau commune: puis mets en la-dite eau du bresil taillé bien menu, & le laisse bouillir, y adjoutant de l'alumen catinum, duquel tant-plus en y aura, & tant-plus obscur sera: puis pren la larme du mastic sudit, & la teins du-dit rouge. Ce fait, prendras deux pieces de cristal, acoutrées à la rouë, de telle façon & grandeur que tu voudras: mais que celle que tu voudras mettre dessus, ne soit point si grosse, que celle de dessous, a-sa noir, l'vne acoutrée sus l'autre, côme l'ongle sus le doigt, tre-juste de tous côtés. Apres mettras celle de dessous, sus vne palette, ou platine de fer sus les braises, q̄ ledit cristal deuienne bien chaud, & alors le toucheras dessus de la-dite larme rouge, laquelle tu prédras au bout d'vn petit baton mais il faut qu'elle soit aussi chaude, a-fin qu'elle puisse tant-mieus decouler: & quand tu verras que la-dite piece de cristal
sera

sera assez coulourée, tu prendras l'autre plus petite piece, qui doit estre afsise dessus, laquelle doit aussi estre chaude: puis la mets sus la dite larme rouge, & elle conglutinera les deux pieces ensemble, sans causer aucune epeisseur au lustre du rubis, lequel sera cler & transparent de tous cotés. Apres l'enchasseras en ton aneau. mettant aus rubis la fueille rouge, & la verde aus emeraudes, comme cy dessous enseignerons à faire les dites fueilles pour toutes sortes de piereries tant fines qu'artificielles.

¶ Pour faire pate de piereries, comme emeraudes, rubis, safirs, & semblables qui ne soient que d'une piece tre-bien coulourées & par dedans & par dehors.

PREN plomb brulé des potiers trois onces, & le mets en autant d'eau qu'elle le passe d'un doigt ou deux: puis le demeine du doigt, le laissant aller au fond. Apres verseras icelle eau dehors, laquelle servira pour mouiller par dedans le pot de terre plombé, a-fin que la matiere ne s'y atache, dedans lequel on mettra toute la matiere. Puis prendras autre trois onces de vermillon seché, & le melleras avec le-dit plomb: puis vne once de cristal calciné, ou bien de calcidoine, avec quatorze ou seize, pour le plus, carats de paillōs de cuiure. Toutes ces choses bien etampées, & bien mellées ensemble, mettras dans le-dit pot de terre plombé, bien induit & mouillé par dedans de la dite eau de plomb: apres le couvriras & le mettras en un fourneau de verriers, par l'espace de trois ou quatre jours, ou en vne fournaise à vent, par l'espace d'un jour, & auras vne tre-belle pate, laquelle tu feras acouter à la rouë, comme tu voudras. A Venise lon ne paye pour la pierre que trois ou quatre solz pour le plus. Encore la pourra-on former en vne autre maniere de terre avec fueillages, ou figures, ou autres choses semblables. Et pour faire pierres jaunes, tu y mettras rouillure, ou paille de fer. Pour faire des rubis, mets-y du cinabrium, & en celles qui sont de couleurs, tu suivras l'ordre, que nous mettons cy apres.

¶ Pour faire emeraudes, & autres piereries.

PREN du sel alcali, & le dissous en eau, le distillant par le feutre, & le desèche: puis le dissous de-rechef, & le desèche par trois fois: apres le reduis en poudre, puis pren du cristal

fin, & le fais etamper & tamiser par vn Apoticaire, comme on fait le cristal preparé. Pren puis deux onces & demie dudit cristal, du sel alcali deux onces, verdet vne once, qui soit premierement detrempe en vin-aigre, & puis coule. Les-dites trois poudres mettras en vn vaisseau, comme en vn petit pot de terre neuf bien plombé, lequel tu luteras tre-bien, & le couuriras qu'il ne s'euente: puis le laisseras luté par l'espace de trois jours, tant-plus longuement, tant-mieus, si que tout soit bien sec. Apres le mettras en vn fourneau de potier, par l'espace de vingt-quatre heures. Puis prendras la-dite composition & l'acoutreras comme on fait les pierres fines: si les auras excellentes. Et si tu veus des rubis, mets du cinabrium au lieu du verdet. Si tu veus des saphirs, mets-y du lapis lasuli. Mais si tu veus des jacintes, il y faudra mettre du coral au lieu de verdet, comme dessus.

¶ *Pour calciner le cristal, & le calcidoine, pour mettre és sudites mixtions des pierres precieuses.*

PREN tartre calciné vne once, & le mets dissoudre en vne ecuelle d'eau clere, puis l'ecoule: pren apres les pieces de cristal, ou de calcidoine, & les mets embraser sus le feu en vne cuilier, ou poellette de fer: puis les esteins en l'eau, qui est en l'ecuelle: ote-les, & les remets embraser, puis les esteins de-rechef en cette eau, faisant ainsi jusqu'à six ou sept fois, & seront tre-bien calcinez: lors les puluerise tre-subtilement, & mets en la-dite mixtion. Sois toutefois aduertý, que si tu veus faire des emeraudes, il faut pulueriser les-dites substances en vn mortier d'airain: mais si tu veus faire des rubis, ou autres, il les faut etamper en vn mortier de fer, & se bien garder de les toucher à l'airain.

¶ *Eau pour en durcir les-dites pierres.*

A cause que toutes les-dites pierres artificielles sont coutumierement fragiles, & ne peuuent aucunement endurer la lune, pour les endurcir, fay comme s'en suit: Pren piecettes de calamita, & les calcine bien à point, comme tu as fait du cristal, ou du calcidoine: puis les puluerise, & mets en lieu humide, tant que tout soit dissout en eau, de laquelle tu poitriras du vi triol d'Alemaigne, ou romain, ou de Hongrie tout cru, sans le rougir: puis en fais vne pate mole, ou bien vne fausse, laquelle tu mettras

tu mettras distiller en vn bocal qui ait le col court, ou en vn vrinal, ou en vne retorte: & de l'eau qui en viendra, petriras farine d'orge, faisant vne pate dure, de laquelle tu enuveloperas ta masse de piereries faites comme dessus, ou les pierres mesmes, apres qu'elles seront acoutrées, & formées à la rotie: puis les mettras ainsi enulopees d'icelle pate au four quand on y boute le pain, les retirant aussi avec le pain. Et apres en auoir oté la pate, tu trouueras des pierreries dures, comme si elles estoient naturelles. Si tu vois qu'il est besoin, tu les empatéras encoro vne fois, ou couuriras de la sudite pate, & les remettras au four, comme dessus, si auras ton cas parfait.

¶ *Pour calciner l'argent fin.*

P V I S que nous sommes entrez en matiere de calciner, nous dirons tout d'vne venue la calcination de l'argent, comme parauant auons promis. Il y a plusieurs manieres pour calciner l'argent, dont nous en mettrons icy trois des milleures: Pren argent fin batu jusques à estre bien subtil: puis le taillé par pieces à la grandeur d'vn real, ou plus, ou moins: car cela n'est de grande importance: puis pren vn creuset, ou pot de terre, & mets au fond vne couche de sel commun, qui ne soit blanc, ne préparé, mais tout ainsi qu'il est tiré des salines: sinon qu'il soit etampé bien menu. Sus la couche de sel mettras semblablement vne couche desdites pieces d'argent: puis encoro vne de sel, & puis vne d'argent, ainsi consequéent, tant que ton argent durera, tellement toutefois que la derniere rengeé soit de sel, & bien epeffe: puis couuriras tout cecy d'vn papier, lutant tre-bien le creuset, ou petit pot de terre, laissant au couuercle vne ouuerture de la grandeur d'vne plume d'oye. Et quand cela sera sec, tu le mettras au foyer, le couurant trebien dessus, & tout à l'entour de braises, & le laisse en tel feu, pour le moins, trois ou quatre heures: puis l'ayant tiré hors, quand tout sera refroidy, ouure le creuset, & ote les pieces d'argent l'vne apres l'autre, les nettoyant que le sel n'y demeure attaché. Et si tu trouues qu'elles soyent deuenues si fragiles, que tu les puisse rompre au doigt, comme vne croute de pain, ce sera fait: si non, recimente-les avec autre sel, les mettant couche sus couche au creuset, ou pot, comme dessus, le remettant au feu ainsi que par-auant. Et pour le calciner parfaitement,

il seroit besoin de faire cecy trois fois, ou dauantage. Ce fait, puluerise bien ton argent, puis le laue en vne ecuellée d'eau chaude, & le laisse aller au fond. Apres ecoule l'eau si dextrement, que tu ne perde de la-dite poudre : ou pour euitier tout d'anger passe-la par vn feutre. Ce fait, y remettras de l'autre eau chaude, & l'ecouleras, ou passeras comme dessus, tant & si longuement que tu puisse cognoitre au gout de l'eau, tout le sel estre purgé. Lors auras ton argent bien calciné, & diminué de pois: mais restraint de sa corpulence, & seché, & venu de nature en partie fixée, & aprochant à l'or. Ainsi te seruira à plusieurs choses, si tu le scais bien acouter. Le mesme se fait avec talcum en lieu de sel commun: mais alors n'est besoin de le lauer d'eau chaude. Les aucuns le calcinent avec le sel; ou talcum douze ou quinze fois, & d'auantage, a-fin de l'auoir plus fixé, & plus commode à teindre.

Il se peut aussi faire en telle maniere, a-sauoir, de fondre l'argent dans vn creuset, & pour chacune once d'iceluy y mettre vne liure ou plus de soufre etampé, & ce petit à petit. Vray est qu'ainsi se consomera plus que par le sel, ne le talcum: mais il sera beaucoup meilleur, & de tant-plus, si le soufre est premierement purgé en laisuiue forte, (a-sauoir, faite d'eau de cendres fortes, & chaus viue ou choses semblables). Or venons aus deux autres manieres de calciner l'argent.

¶ *Seconde maniere de calciner l'argent.*

PREN eau forte dequoy on separe, faite de sal nitrum, & alun, comme auons cy dessus declaré: puis pren l'argent fin limé, ou batu en fueilles, ou reduit en petites pieces, ou en petits grains, a-sauoir, dudit argent vne part, & d'eau forte trois pars, & tien la-dite eau en vne phiole : puis mets ledit argent dedans, & verras qu'il commencera incontinent à bouillir, & que le fond de la phiole s'echaufera si l'eau est bonne. Apres le laisseras ainsi bouillir, tant qu'il ne bouille, & qu'il ne mengé plus, en tenant tou-jours la phiole en la main, ou la mettant en quelque lieu bien loin du feu. Mais si l'eau est debile, il la faudra mettre vn peu au feu, tenant tou-jours la phiole en la main sus la braise : ou tu la pourras mettre sus vn peu de cendres chaudes, ou sus quelque petit fourneau. Et quand il aura acheué de bouillir, & mengé tout l'argent, tu verras l'eau deuenir

deuenir toute verde, tellement qu'il ny restera point d'argent au fond, pourueu que l'eau ne fut mal calcinée : car alors elle seroit vne chaus tre-blanche au fond, ou s'il y auoit de l'or en l'argent, elle seroit descendre l'or au fond par paillettes, ou par grains, comme sable. Or apres que le-dit argent sera defait ou dissout, & mangé de la-dite eau forte, tu prendras vne autre phiole plus grande, ou vn vrinal, ou bien vn pot de terre, qui soit à demy plein, ou d'auantage d'eau de puis, ou de riuie-re, en laquelle tu deferas, & auras preste vne grande poignée de sel blanc commun : puis soit la-dite eau coulée par deux ou trois fois. Ce fait, tu verseras en la-dite eau salée, l'eau forte, qui aura dissout l'argent, la laissant ainsi par l'espace de quatre ou six heures : lors trouueras au fond comme vne joncée, qui sera l'argent dissout, & le sel de l'eau forte, & aussi vne partie du sel commun que tu y auras mis. Apres feras distiller la-dite eau par le feutre, & prendras l'argent, qui sera ainsi descendu au fond, lequel tu mettras en vn creuset, le couurant tre-bien, a-fin qu'il n'y entre aucune ordure : puis l'enseuely au milieu des braises ardantes, en le couurant tre-bien de feu, qu'il puisse bruler par l'espace de trois heures, ou dauantage. Finalement, laisse bien tout refroidir, & verse l'argent hors du creuset, en vne ecuelle pleine d'eau chaude, le mouuant vn peu du doigt tout ensemble, & apres le laisse reposer : puis verse tout belle-ment la-dite eau hors, & en remets de l'autre, faisant comme dessus, tant & si longuement, que l'eau ne deuienne plus salée: apres laisse secher l'argent, lequel sera tre-bien calciné pour t'en seruir en tout ce que tu voudras.

¶ *La troisieme maniere de calciner l'argent.*

TV amalgameras vne partie de fueilles d'argent, au ec trois ou quatre parties d'argent-vif, comme auons dit au cinquieme Liure, au Chapitre de la maniere de broyer l'or: puis broye iceluy amalgama avec sel commun, & le mets au feu, tant que l'argent-vif soit tout euanouy: apres le laue d'eau chaude, tant & si souuent, que l'eau ne soit plus salée, lors auras ton argent calciné. Puis s'il te semble bon, tu le pourras rebroyer avec autre sel, sans autre argent-vif, apres le mettras au feu en vn cru set, par trois ou quatre heures, & le relaueras de nouveau, com me dessus est dit,

¶ *Excellente & très facile maniere de dorer le fer, cuiure, & argens pour sembler or massif.*

PREMIEREMENT, si tu veus dorer argent, ou fer, il sera besoin de luy donner la couleur du cuiure, comme auons dit cy dessus: puis prendras or batu, lequel tu amalgameras avec argent-vif, comme est dit cy dessus: & mettras le dit amalgame en vne ecuellette, sus lequel verseras le jus d'un fruit appelé cucumis asininus, en telle quantité qu'il surpassé les-dites substances d'un doigt. Garde cet or ainsi préparé, & couuert, a-fin qu'il n'y entre quelque ordure, pour t'en ayder quand tu voudras, tant-plus sera gardé, tant-milleur sera. En apres il faut que les choses que tu voudras dorer soyent bien nettes, & bien polies: puis avec le pinceau leur donneras dudit or ain si préparé avec l'argent-vif, & comme dissout, en frottant tre-bien par tout. Si tu ne le veus ainsi faire, tu le pourras dorer à la maniere commune des orfeures: toutefois avec or amalgamé, en chauffant l'ouurage que lon veut dorer avec eau forte, comme ils font. Puis feras euanouir l'argent-vif, comme font coutumierement les orfeures d'Italie, a-sauoir, avec vne lampe d'huile de lin, & avec du soufre, & font par apres vne dorure sus l'ouurage, qui semble safran. Mais je te conseille d'vser de la maniere ensuiuante, laquelle est bien, en partie, celle des orfeures de par-de-la les mons, mais de beaucoup amendée, & est telle:

¶ *Treparfaite maniere de dorer, & de faire euanouir l'argent-vif de la chose dorée.*

METS en vne poelle, pailles de cuiure, & limure de fer, puis boute dessus du vin-aigre fort & non distillé, tant qu'il surpassé de deux ou trois doigts. Apres le laissè bouillir l'espace d'une heure, puis verse le dit vin-aigre hors, & en y mets de l'autre, le laissant bouillir, comme dessus: & feras ainsi jusques à quatre ou six fois. Apres tu feras euaporer ou sécher les-dits vin-aigres mis ensemble: ou fais-les distiller pour en tirer vn vin-aigre, qui sera tre-bon à plusieurs choses. Ce fait, ajouteras à icelle poudre demourée au fond, la huitieme partie de vitriol d'Allemagne, & autant de ferrette d'Espagne, & la moitié d'une huitième partie de sel armoniac, avec vn bien peu de soufre: puis dans vn peu de cire fondue avec vn peu d'huile

d'huile de lin, ou d'oliue pour la faire liquide, bouteras peu à peu, les-dites poudres trebien mellées ensemble. Finalement pren ce que tu auras couuert dudit amalgama d'or, & d'argent vif. puis avec vn pinceau le couuriras trebien de ladite cire, ainsi mixtionée: puis le mettras, ainsi ciré, au milieu des charbons ardans, & laisseras bruler, & consommer toute la-dite cire.

Ce fait, auras vne telle dorure, qu'elle semblera or massif. Et en la fin, tu le pourras polir avec bruchettes de fil de cuiure, & eau freche: ou tu le pourras brunir, cōme tu voudras.

FIN DES SECRETS DE DOM
ALEXIS PIEMON-
TOIS.





ADIOINCTES
FAITES AVS SECRETS
DE

DON ALEXIS PIEMONTOIS:

MISES EN LUMIERE PARTIE
par le mesme Auteur, & en partie recueillies du la-
beur de plusieurs, qui d'iceus en ont
fait les experiences.

Le tout nouvellement traduit de l'Italian.



A ANVERS,
De l'Imprimerie de Christophe Plantin:

1559.

AVEC PRIVILEGE.

ALL RIGHTS RESERVED
MAY 1908

THE UNIVERSITY OF CHICAGO

THE UNIVERSITY OF CHICAGO
THE UNIVERSITY OF CHICAGO
THE UNIVERSITY OF CHICAGO



UNIVERSITY OF CHICAGO
The University of Chicago
1908
UNIVERSITY OF CHICAGO

SECRETS DE NOUVEAU ADIOINCTS.

¶ Secret tresbeau & tresutile fait de noix verdes.



RE N au moys de may noix verdes & tendres, & les fay piler ou meurtrir vn petit dās vn mortier de pierre avec vn pilon de bois, puis les mets en vaisseau de terre avec l'alembic à distiller à petit feu, à fin que l'eau ne sente la fumée, ou le bruslé. Garde ceste eau diligemment en bocail de verre bien bouché, adioustāt pour chacun flascon d'icelle vne once de sucre fin.

Ceste eau prinse tous les matins enuiron deux doigts en vn verre avec vn peu de vin blanc, & autant de poudre de tarte comme pour courir vn escu, guerit toute hydropisie: mais il la faut continuer vn moys, si l'hydropisie est enuieillie & maligne: en la nouvelle & legere il suffit de dix ou quinze iours: Encor la peut on prendre au soir quand on s'en va coucher.

Icelle prinse vn petit tous les matins sans tarte avec vn peu de vin blanc, comme est dit, guerit l'epilepsie, la migraine, toumoyemens de teste, & les yeux chassieux, fait retourner le lait aux femmes, augmēte la semence genitale aux hommes, & les rend aptes à engendrer.

Si on se baigne la teste d'icelle, puis de là à vn petit se lauer avec lessiue, & puis derechef avec icelle eau, se l'essuyant par apres avec frottetestes, comme est de coustume, guerit toute sorte de tigne. Et si on en laue les playes & toutes sortes d'apostemes, les guerit miraculeusement.

Il est bon d'en prendre vn petit en la bouche soir, & matin, & s'en lauer les genciues & les dents, car elle les guerit & desense.

En boire tous les matins vn peu, avec vn petit de vin blanc, preserue le corps de toutes humeurs corrompues & de maladies incurables.

Et si quelcū se sent frappé de peste, ou qu'il doute de l'auoir,

encore qu'il n'en soit certain, qu'il en boiue incontinent demy verre, se gardant de manger par apres de deux ou trois heures, puis qu'il en boiue de nouveau encore autant, mangeant quand bõ luy semblera, il ne faut douter qu'il ne guerisse avec l'ayde de Dieu: mais il faut tenir le regime q̄ dessus est dict en la cure & mortificatiõ de la playe ou carboncle, s'il y en auoit.

¶ *Aqui seroit trop eschauffé, ou enfroiduré, & qui seroit trop interes-
sé avec femmes, remede fort singulier.*

PREN bon miel, & le mets dás vn pot, avec autát de maluoisie, ou vin appellé guarnaccia, ou vin grec, ou autre bon vin, & pour chaque liure de miel adiouste y demy verre de ius de betoine, et autát de lait de femme, s'il s'en peut trouuer, si nõ, autát de laiët de cheure, deux ou trois onces de greffe de chapon, ou de pòulle, & vne once d'huile de pignons, ou d'amandes douces, fay le tout chauffer sus le feu, iusques à ce seulemēt que tout soit bien incorporé ensemble (on y peut aussi adiouster poudre de canelle, & sucre qui veut) & de ce noble bruuage en dõneres tous les matins vn verre, & voires merueilleux effect. Il vaut aussi à faire engreffer les personnes, qui sont desmesurément maigres.

¶ *À la lepre, & à qui auroit le visage escharbouillé ou eluminé,
& plein de boutons, & grosses bubes, à cause de la mauuaise
disposition du foye, & de l'estomach.*

PREN bois de fresne verd, & apres l'auoir taillé biē menu, le mettras en vn pot plain de petis pertuis au fond. Pré puis vn autre pot non pertuisé, lequel soit de telle grandeur que le pot pertuisé ou est le bois, y puisse entrer vn petit, & non du tout, lequel second pot & entier enterreres quasi du tout dans la terre ou sablõ, prenát garde qu'il n'y entre ordure aucune. Mettes puis dessus en lieu de couuercle, l'autre pot avec le fresne taillé, & avec drappeaux collés de colle de farine, boucheres bien les ioinctures des deux pots ensemble, que celuy toutesfois de dessus ne soit enseuely dans la terre ou sablon comme l'autre, mais auance par dessus terre autant que besoin est pour faire du feu à l'étour: et ainsi le couuirés d'vne couuerture de terre blanche cuiëte ou de fer, & avec lutum sapientiē, ou bien semblables linges emplastrés, boucheres bien les ioinctures dudit pot

pot avec sa couuerture, & estans secs, fais feu de charbō à l'en-
tour & dessus, deux ou trois heures de long, selon la grandeur
du pot & la quantité du bois qui est dedans: sur la fin fais luy
vn peu plus grand feu à fin de faire sortir & passer toute la sub-
stance dudit bois, & laisseras puis refroidir le tout & estaindre
le feu de soy mesme. Alors tires dextrement les pots dehors, à
fin qu'en celuy de dessous ne puisse entrer ne terre, ne cendre,
n'ordure, & en icelle trouueres vne liqueur, qui sera l'eau, &
huile du-dit bois de fresne. Icelle garderas songneusement en
phiole de verre bien bouchée, & quand en voudras vser pour
les choses sus-dites, mets-en en vn verre, & avec quatre parts
d'icelle, vne part d'eau de violettes de mars, puis en laue la face,
& voiras merueilleux effect.

¶ *Contre enfleure de pieds causee par cheminer, de fluxion d'humeurs,
ou autrement.*

P R E N fiente de bœuf, ou de vache, qui soit fresche, & la
mets en vn pot avec bon vin, & la fay boullir tant qu'elle de-
uiene espoisse, & la lie ainsi chaude sur le lieu, & guerira quasi
des le premier coup, car elle appaise la douleur & oste l'enfleu-
re. Et si d'auēture la douleur se retiroit en autre lieu, mets y pa-
reillement du-dit emplastre, & guerira aussi soudainement.

¶ *Remede souuerain & tresfacile, pour vn qui par maladie, ou me-
lancolie, ou par autre occasion quelconque seroit deuenue las &
debile de complexion de sorte qu'à grand' peine se peut soustenir
sur les pieds.*

P R E N iue, petite cōsyre, & taphus barbatus, mets les bouil-
lir dans vne chaudiere plaine d'eau, & d'icelle decoction te bai-
gne souuent, & pareillement menge souuent de tourteaux
faicts des deux premieres herbes à sçauoir iue, & petite con-
syre, car cela fera complexion robuste en peu de temps.

¶ *Pour ne se point enyurer, quand bien on boyroit tout le iour vin
pur & beaucoup. Qui est chose tresbonne pour ceux qui ont le
cerueau debile, ou a ceux qui ont à se irouuer en festins & ban-
quets là ou il leur faille boire diuerses sortes de vin.*

V N quart d'heure auant que dese mettre à table, est bon
de manger deux ou trois noyaux de pesches, ou amandes ameres,
puis boire vn demy verre ou moins d'huile d'oliue, ou d'a-

mandes douces, qu'on mange alors & boiue autāt qu'on voudra, on ne se pourra enyurer. Si toutesfois apres auoir mägé on se sentoit la teste & l'estomach fort pesāns, il ne faut que boire vn peu de ius de choux, avec vn petit de succe qui le voudra mettre, & on se trouuera ausi bien comme si on n'auoit rien beu, qui est vn secret par lequel plusieurs s'ont sauué leur l'honneur & la santé.

¶ *A qui se seroit hurté ou meurtry la main ou autre membre contre vn bois ou pierre, ou autre chose semblable, sans l'auoir rompue, remede fort bon & vtile.*

PREN miel crud, & l'applique ainsi froid sur la blessure, & en appliques dessus en forme d'emplastre avec vn petit de linge le laissant dessus, c'est chose fort singuliere.

¶ *Contre escoulement de la semence genitale tant aux hommes qu'aux femmes, qui est quand on perd sa semence maugré soy, remede fort excellent.*

PREN semences de melon, ou mondées ou avec leur corce, pile les bien en vn mortier de pierre y adioustant eau claire : puis passe le tout par le tamis, ou par vne estamine nette, & aurez vne liqueur blanche comme laiçt, de laquelle boires le matin au liçt, par trois ou quatre iours, vn demy verre ou plus vn peu tiede avec quelque petit de succe gros non pas du fin: il faut ausi oindre les reins d'vnguent rosat, & guerira incontinent.

¶ *Liqueur souueraine & de peu de cost pour tenir tousiours, en la maison pour vn besoin, laquelle guerit toutes playes, en deux iours, & conserue encore la chair autant bien que le balsme naturel.*

PREN vessies d'orme, romps les & en tire la liqueur de dedans, qui semble vn argent vis, coule-la, puis la mets en phiole de verre ou bouteille de terre plombée, & la fay bouillir à petit feu, iusques à ce qu'elle deuiene espoise comme terbentine, puis la garde soigneusement comme chose précieuse pour les effects dessus-dits:

¶ *Pour les os pourris & corrompus, & pour les fistules profondes en la chair, qui sont maladies comme desperées & incurables aux medecins, secret excellent par-dessus tout autre.*

METS demye liure de fouldre iaüne dans vn pot , laisse-
le fondre à petit feu, & quād il sera fondu venes y à meller peu
à peu demye liure de tartre calciné & reduit en poudre tresde-
liée, tousiours le mouuāt iusques à ce qu'il se refroide. Ostez-
le puis et le mettes en vn mortier de pierre, ou sus quelque mar-
bre poly, en lieu humide, tout se refoudra en huile ou eau: a-
uec icelle baigneres les os pourris, & corumpus de la verole-
le, ou autrement, car elles les mondifie & guerit merueilleuse-
ment, pareillement elle ronge & mange la chair des fistules,
si on laue premier le mal avec vin & eau rose, & puis y met-
tant dessus l'herbe chelidoine estampée. C'est vn secret qui se
peut assés estimer. —

¶ *Apprendre beaucoup de poissons, & faire lumiere de nuit.*

PREN vne quātité de vers-luysans, c'est à dire de ces peti-
tes bestes qui luyent de nuit, & les fay distiller en alébic de
verte à petit feu, mets la-dite eau dans vne phiole; ou vne
boulle ronde de verre, qui soit bien claire, & y adioustte quatre
onc. d'argent vis purgé, c'est à dire passé par le corduan ou cha-
mois, puis la bouche bien qu'il n'y puisse entrer aucune eau,
puis l'aecommode au milieu de la ret de sorte que chose au-
cune ne la puisse rompre, & la mets en l'eau, elle rendra tres-
belle splendeur, et les poissons nagerōt à la foule apres & vien-
dront donner dans la ret, car le poisson se delecte fort en l'eau
de voir & aller apres la lumiere. Semblablement portant ceste
bojulle de verre de nuit rendra assés grande lumiere, le pareil fe-
ra elle tenue en vne chambre.

¶ *Contre puanteur d'aleine prouenant de l'estomach.*

PREN sauge puluerisée vne once, fleur de rosmarin trois
onces, poudre de giroffles, demie once, canelle fine deux drach.
deux noix muscates, deux grains de musc: reduis le tout en pou-
dre tresdeliée puis l'incorpore avec autant qu'il faut de miel
purgé, & estant le tout bien incorporé mets-le dans vne boi-
telette au soleil par quatre ou six iours, & sera fait. Le marin
en prendras demye once à ieun, & le soir autant, pour garder
que la viande ne se corrompe, le continuant quelque temps
gueriras incontinent, & encore te garantira de toute mau-
uaise aleine.

¶ Pour conforter l'estomach à qui l'a debile.

PREN auronne, ruë, pouliot, mente, de chacune vne poignée, deux verres de vin blanc, liure & demye de miel blâc, fay le tout boullir ensemble tant que tout soit cuiët, & y adiouste poudre de canelle & de gyroffles de chacune demie once, coule-le puis oy diligence, & le garde en vaisseau de verre, pour ton besoin: & du matin, en prendras deux ou trois doigts vn peu teide, il te confortera du tout, mais n'en vſe pas trop.

¶ Pour ceux qui ne peuuent retenir la viande en l'estomach.

PREN poires de coing bien nettoyées par dehors, & par dedans, fay-les cuire en vin-aigre tresfort, puis les estampe en vn mortier, adiouste-y vn petit de moustarde en poudre, & l'incorpore bien ensemble, puis ainsi chaud mets-lè sur vne piece de linge & espands dessus poudre de gyroffles, & l'applique sus l'estomach vne fois ou deux, tu retiendras la viande.

¶ Pour oster les callosités & verruës.

PREN cire neuue, verdet, & cerusse, de chacū vne once, sublimé demye once, allun de roche brulé deux drach. huile rosat deux onces toutes choses puluerisées bien menu, fais-en vnguent à petit feu, puis mets tremper la callosité en eau, ou lessive chaude, & le racle subtilement, puis y mets dessus vn petit emplastre dudit vnguent, le continuant il osterà la callosité.

T V. pourras aussi prendre farine de semence de lin, & avec fort vin-aigre, en faire vne paste quelque peu dure, laquelle continuant à mettre sus la callosité, la desechera en brief temps, & s'en ira.

Prendras encōres cire verde, & l'estendras sur vn petit emplastre lequel appliqueras sus la callosité, l'ayant premiere-ment mise tremper et couppée le plus subtilemēt que tu auras peu, car le continuant il fera mourir la racine que plus ne retournera.

¶ Autre beau secret, pour oster les cloz, & poreaux d'entre les doigts.

PREN grande ioubarbe, & huy oste ceste pellicule subtile de dessus, & l'applique de sorte sus les cloz, entre les doigts qu'elle y demeure, ce feras par six ou dix fois le matin & le soir, & incontinent s'en yrōnt: mais s'ilz estoyent vicilz & endurcis

durcis, mets les tremper & les coupe le plus que tu pourras, & mets dessus des linges trempés en ius de la-dite herbe avec vn petit d'alun de roche brulé incorporé ensemble, qu'ilz demeurent tousiours frais, en dix ou douze iours ilz s'en feront allez que tu ne les sentiras plus.

IL se peut encore faire en autre sorte: Pren les sarments de bryonia & les brule en cendres bien deliées, puis pren fueilles d'icelle bryonia fueilles de tapsus barbatus, et de ses fleurs, pile les & en tire le ius, puis mets des cendres de bryonia dedās iufques à ce que tout soit reduit en forme d'onguent, duquel en oindras souuent les poreaux & s'en yront sans iamais plus retourner.

SE tu prens fleurs de tapsus barbatus, & les fais distiller à l'alembic de verre, & en laue souuent les verrues, puis prens encores des-dites fleurs, & les broye entre deux pierres, & les lie dessus avec quelque linge, continuant par plusieurs fois ilz s'en yront, c'est chose esprouuée.

¶ *Secret fort rare pour emporter les poreaux, ou verrues.*

PREN sel nitre, vitriol romain, verdet, de chacun deux onces: alun sucarin vn once, chaux viue demie once, reduis tout en poudre deliée, puis la mets distiller en alembic de verre. Il faut noter que la premiere n'est guere bonne, mais de la seconde il les faudra souuent baigner, car ilz se desecheront petit à petit que tu ne t'en donneras garde.

Encor' pourras tu prendre poudre d'euforbe destrempee en lesiue & huile de tartre & incorporez ensemble, trempe puis le poreau & le taille le plus que tu puis, & mettras dessus ceste medecine, tu guariras.

Encor' prendras eau de vigne, quand on la coupe, & d'icelle en laueras les poreaux, ilz s'en yront, & te nettoyra la peau des taches noires.

Dauantage prendras poudre de cantharides & l'incorporeras avec resine & poix, & en feras emplastre lequel appliqueras sus les verrues & poreaux, ce leur amortira la racine de sorte qu'ilz se secheront à part soy & tomberont sans aucune douleur.

Pren encore verre pilé & laué, la partie plus fine duquel

incorporeras avec lait de femme, & vn petit de leuain & en feras cōme emplastre, mais premieremēt tu racleras ou scarifieras le poreau à l'entour, puis le soir applicueras dessus le-dit emplastre, le continuant, & ilz tomberont, C'est chose approuuée de plusieurs personnes.

¶ Pour chasser de la maison les mousches, les araignes, les scorpions, & autres bestes.

PREN plumes de la huppe, en telle quantité que tu voudras, & les brule en ta chambre, quand les bestes sentiront ceste odeur, elles s'en yront & ne retourneront plus, c'est chose esproouée.

Contre les moucherons.

PREN comin, & le mache bien, d'iceluy ius ainsi fait t'en oindras les mains, la face, & tout le corps si tu peus, & comme le moucheron sentira telle odeur il ne s'arrestera point, pour ce que l'odeur est ennuieuse, & paraini ne te fera nulle facherie. Dauantage si tu les veux chasser hors de la chambre, pren poudre de comin tresdeliée, & la demelle avec bon vin blanc, puis avec vn pampre de vigne, ou quelque autre brāche à fueil les verdes en arrouseras les fenestres, & l'huis de la chābre, ou du lieu dont tu les veux chasser, tu en pourras aussi arrouser les murailles, & quand les moucherōs sentiront l'odeur ilz ne se pourront arrester à cause q̄ celle odeur leur est ingrate, Pareillement quand tu voudras chasser les moucherōs, prē centaurée, & fueilles de fuseau, avec comin, et les fay boullir en eau, de laquelle en arrouseras la maison, ou la chambre, & les mouches ne te feront ennuy, pour ce q̄ telle odeur leur est ennemie: mais il ne leur faut donner aucune viande, que puis apres elles ne viennent avec arrogance, ne se souciais d'icelle odeur.

¶ Pour faire en peu de temps roses, & gyrosfées de toutes sortes, blanches, rouges, verdes, iaulnes, & incarnées.

EN premier lieu il faut prendre terre bien grassē, autāt que tu voudras, & la fay seicher tresbien au soleil, de sorte que tu la puisses reduire en poudre tresdeliée, puis la mets au vaisseau, auquel tu voudras planter les violettes, ou fleurs blanches de nature, pour les faire changer de couleur, plātes-y puis dans icelle poudre tels reiettons que tu voudras sans les laisser prendre
autre

autre humidité, ou les arrouser d'autre eau, q̄ celle qui s'enfuyt. Si tu les veux faire deuenir rouges, pren eau dans laquelle feras boullir bois de bersil, couppe bien menu, iusques à la consommation de la tierce ou quatriesme partie, & avec icelle eau rouge froide, iras arroufant la terre petit à petit soir & matin, sans luy donner autre eau que de ceste couleur, iusques à tant qu'il te semblera que la plante ayt prins racine & soit hors de danger. Si tu les veux faire verdes, pren le fruit de nerprun biē meur, & si tu les veux faire iaunes, pren-le non meur, brise-le quelque peu & le fay boullir en eau, le premier deuien dra verd, & le non meur iaune, avec icelle eau tu arrouseras la terre, la fleur deuiendra de telle couleur qu'est l'eau, d'ond la terre a esté arrousee: mais il la faudra arrouser aussi long temps, comme est dit, c'est à dire tāt que les reiettons se soyent prins, qui sera en continuant quinze, ou vingt iours. Si tu les veux faire noires, ce sera avec galles & vitriol, cōme on fait l'ancre, de ceste couleur baigneras la terre, & la fleur blanche deuiendra noire, mais il ne la faut laisser la nuit, au sercin à fin qu'el le ne prenne rousee: Il faut aussi noter que toute la fleur ne deuiendra point de ceste couleur, mais seulement en partie, & en partie tiendra de son naturel, de sorte qu'elle sera de deux couleurs. Si tu les veux faire de trois couleurs, arrouse les le matin d'vn coste d'vne couleur, & le soir de l'autre costé de la mesme couleur, puis de l'autre costé au matin, d'vne autre couleur, & le soir pareillemēt de la mesme couleur de l'autre costé, de sorte qu'elles soyent arrousees le matin, & le soir, de deux couleurs, mais en changeāt les costés, que là ou tu as mis le matin vne couleur, tu ne l'y mettes aussi le soir, mais vne autre, et par ainsi verront de trois couleurs, avec le naturel de la plante: & d'icelle plante ainsi coulourée, tu en feras autant de plantes, que tu voudras, qui est chose experimentée.

¶ *Pour faire croistre arbres, de toutes sortes, lesquelz porteront le fruit asses plus gros que l'ordinaire.*

PREN petite lame ou platine de fer, vieille & enrouillie, & sur tout bien subtile (car si elle estoit espesse, ce ne seroit rien) & la fais acoustrer en forme de cornets de papier, ou de corne de bœuf, baigne-la par-dedans avec saulmure, à fin qu'elle s'enrouille

rouille plus tost, mais qu'elle aye en la partie aigue vn petit pertuis, metz dedans puis telle semence que tu voudras le germe enuers la partie aigue, ou de pesches, ou de pōmes, ou de poires, ou de prunes, ou d'autres fruitcs, apres couure la platine d'vn fond de la mesme estoffe, & la ferme bien par dedens & par dehors avec soudure, à fin qu'il ne puisse auoir ær de nul costé, sinon par la pointe du cornet, laquelle, cōme dit est, soit vn peu pertuisée, puis l'arrouse encore par dehors avec saulmure, & la plante en terre la pointe contremont au moys de Septembre ou d'Octobre, à fin que la terre puisse refroidir le cornet: car quand semences ou graines qui sont recluses, sentēt humidité, & sont assés enflées & engrossies, elles commencent à ietter hors germe, & racine, & vont tant tournant autour de ladite platine, qu'elles le viennent à trouër par dessous, d'autant que les racines sont poinctues, dures & aigues de leur nature: & vont tant s'estendant & tournant que avec l'aide de la terre laquelle attendrit le fer, le viennent à percer & faire plusieurs pertuis, puis se vont elargissant petit à petit: pareillemēt le germe de dessus va tournoyant à l'étour (auquel tournoyer il prend la saueur de la saulmure, & la couleur du fer, & les porte avec soy) & voulant passer, luy conuient passer par force, & toutes viennent à sortir en vn mesme temps, & engrossir au vouloir sortir, & à s'vnir & attacher ensemble, de sorte que routes font vne mesme plante s'engrossissant desmesurément, et produisant son fuit gros outre mesure, chose tresbelle à voir.

¶ *Pour adoucir les oliues en moins de huit heures avec la lessiue.*

PREN oliues verdes, & cueillies nouvellement, sans estre endommagées: car elles se gastent bien tost & ne peuuent durer entieres plus de huit, ou dix iours, mais le plus tost qu'elles se mettent en la lessiue est le meilleur & pour la saueur, & pour la mollesse, & la fais en ceste sorte, Pour en faire vn boisseau pren vn boisseau de cendres tresfortes toutes de chesne, et pren vn tiers de chaux viue nouvelle, & les incorpore bien ensemble les arroufant legeremēt dessus & dessous avec vn peu d'eau fresche sans faire esleuer poudre, & soyent bien serrées ensemble, qu'elles se viennent à eschauffer l'espace de deux heures: mets-les puis en vn tinne, de terre ou de bois, qui ait vn pertuis dessous et les presse dedans le plus que tu puis, en après versé

verse dessus eau chaude trois ou quatre feuilles, & la laisse couleur ius petit à petit: & quand tu auras recueilli la lessiue de ceste premiere fois, s'il n'y en a deux feillons pour le moins reuerse y dessus deux feuilles d'eau froide, et regarde d'auior deux feuilles de ladite lessiue: En icelle mettras les oliues & les y laisseras iusques à ce qu'elles s'en voient au fond, ou bien tu feras cest essay: pren-en vne & la rôps avec les dents, si tu vois qu'elle se separe de l'os & q' l'os soit aucunement iaulne, tire les hors incontinent, & les mets en eau fresche, & la change par trois ou quatre fois, l'vne apres l'autre, & sois diligēt à les nettoyer, & tirer d'vne eau en l'autre, sans les laisser aucunement couvertes d'eau: car elles deuiennent incontinent noires, & perdēt ceste leur belle couleur, laquelle les fait estre estimees, outre la bonne saueur: car ce semble vne chose contre nature, de voir les oliues, & encore les fueilles auoir la mesme couleur, qu'elles ont sus l'arbre: laisse les puis demourer trois ou quatre iours en eau fresche, les renouuellant d'eau deux fois le iour, si tu les change d'eau quatre ou cinq fois le iour, elles seront douces en deux iours, (& en pourras manger avec le sel & vin-aigre) puis apres auoir fait la saulmure froide, mets-les dedans, & de là à deux iours, en pourras manger, car elles seront tresbōnes. Il faut noter que si les oliues n'ont esté mouillées, elles aurōt tousiours la peau tendre, & seront molles à manger, mais si elles ont esté mouillées, il les faut laisser tréper, vn peu plus long temps, & ne seront iamais si delicatēs à manger, car elles auront l'escorce rude, encor qu'elles soyent verdes & belles. Elles se peuuēt accoustrer encores d'autre sorte. Prē les bien essuies & qui n'ayent esté mouillées, & les mets tremper en saulmure, par l'espace d'vn mois, puis les change en autre saulmure, l'espace de quinze, ou vingt iours, puis leur dōne la tierce saulmure, quelque peu meilleure, & elles seront douces: on en vse toutesfois peu souuent.

¶ *Pour guerir la tigne.*

PREN racine de pain-pourceau, gratte la & la mets en vn pot, versant dessus six onces d'huile rosat, & la fay bien boullir, & quand elle commencera à boullir, mets y dedans six onces de litarge d'or, & vne drachme de precipité preparé, & le
laisse

Laisse au feu, le meslant tousiours vn peu, & encore depuis iusques à ce qu'il soit refroidi: oings-en puis la teste tigneuse, & espands dessus farine de lupins & farine de feues, mellées ensemble, & mets la coiffé sus la teste, ce feras vne fois le iour, trois iours continus, puis regarderas si les cheueux ne tombent de par soy, de les tirer petit à petit, & au bout de douze, ou treize iours sera guari.

¶ *Autrement.*

PREN fauge, romarin, cabaret, canomille, & pain-pourteau taillé menu, de chacū vn manipule, fay le tout boullir, en dix ou douze boccails, de bon vin blanc, tant q̄ les herbes soyēt cuites, & que leur vertu soit demourée au vin: coule-le puis & presse bien les herbes, & avec ce vin chaud laue la teste tigneuse, & l'essuye bien, puis fay vne poudre subtile d'vne pièce de chair de bœuf salée, & l'espans sur la teste, en façon d'espisses, & luy mets la coiffé en la teste, & ce luy feras vne fois le iour, luy tirant tous les iours quelques cheueux, car petit à petit ilz s'iront meurissans de sorte que facilement s'arracheront d'eux mesmes, tu cōtinuras si long temps iusques à ce que tu voye la teste toute nette, alors elle sera guerie.

¶ *Autre secret encor pour la tigne, lequel n'est de nulle estime, toutes-fois esprouuē est trouuē de merueilleux effect.*

PREN lard de porc masse viel, trois liures, mets les tremper en fort vin-aigre, que tout soit couuert, par deux iours, & plus est fort, meilleure sera son operatiō, enuveloppe-le puis en trois ou quatre feuilles de papier, & là dessus deux ou trois fueilles de choux, & le mets ioubs les cēdres chaudes, quād tu couuriras le feu, et le laisseras la deux heures de lōg, ou pl⁹ ou moins, selon q̄ le feu sera grand, iusques à ce qu'il te semble assez cuit, tire-le du feu & le nettoye, puis en tire toute la gresse, par force de l'exprimer, & ainsi chaud le coule par vn linge, & y mets dedans subit deux drachmes, plus ou moins, de verdet broyé bien subtilement, selon que la maladie sera grande ou petite, et l'incorpore bien avec vn baston, par l'espace d'vne heure iusques à ce qu'elle se commence à refroidir, à fin que le verdet ne voise du tout au fond: tu garderas cest vnguent, pour chose rare, & plus est viel meilleure est son operation: puis en oings la
teste

teste du tigneux vn soir & l'autre non, & deux ou trois fois la semaine luy laueras la teste de lessiue douce & avec vne poignée de son maigre boullie dedans depuis les cendres, & l'esfuye bien, & luy oings derechef la teste, luy mettant la coiffe dessus, sans autre chose, & quand tu l'auras oingte trois ou quatrefois, la racine des cheueux sera quasi meure, & en pourras tirer quelques vns en les lauant, car ils s'arracheront facilement & sans douleur. Et si d'auenture ils ne vouloient sortir ne bellement ne par force, il ne s'en faut soucier, pource qu'en tel lieu n'est encores penetré la force du mal, parquoy laissé les, car aucunefois ils ne sont dangereux: & s'ilz estoient des condammes, ilz se laisseroyent tirer, attendu que l'vnguent leur meurt les racines. Et quand toute la teste sera denüée, et nette, il ne faut auoir crainte pourtant, car tous les cheueux retourneront plus beaux que premier, & tu seras du tout gueri & sain. Ce secret a esté experimenté par plusieursfois, & a quasi en tous esté trouué bon. Parquoy il faut sçauoir, qu'il y a quatre especes de tigne, l'vne plus enchançrée que l'autre, pourtât il ne se faut esmerueiller, s'il se trouue tant & de diuerses recettes, car il y en a plusieurs qui medecinent la tigne, & ne la cognoissent point, & si c'est tigne, regarde-le sus les ongles, s'il a vn cercle noir autour du blanc, à la racine des ongles, car plus grand est le cercle, d'autant est la tigne plus mauuaise, pourtât il faut yser des remedes sus-dits, & non manger chair de porc ne choses aigres, ne fortes & avec l'aide de Dieu i'espere qu'il guarira.

ET se tu prens vn grand lezard verd, ou deux, tu les feras noyer dans huile commune, puis les feras tant cuire qu'ilz se desfacét du tout, & avec icelle huile t'en oindras par plusieurs fois la teste, il te naistra tant de cheueux & si lōgs, que tu n'en sçauras que faire, c'est chose vraye.

¶ *Autre maniere pour guerir la tigne simple.*

PREN suif de porc masle autant q̄ tu veus, vin-aigre fort pour la tierce part, demye once de sel broyé, fay le tout boullir ensemble à petit feu, iusques à ce que tout le vin-aigre soit consommé, leue la du feu, & y mets toutes les poudres suyuan-tes, verdet, alun de roche brulé de chacun deux drach. soulfre & suye

& fuye de chacun vne drach. vn petit de fiente de coulombe, incorpore les bien, & d'iceluy vnguent t'en oindras vne fois le iour la teste, & te la laueras deux ou trois fois la semaine, & faut faire boullir en la lessiue racine de pabelle, & la couler, et puis te lauer, & quand tu seras essuyé t'en oindre.

Des quatre especes de tigne, la premiere s'appelle fauine, l'autre furfurée, ou escailleüe, l'vne est visceuse, l'autre lupineuse, ainsi dite pour ressembler aux lupins en la forme & matiere, l'vne est seiche, l'autre humide, l'vne vlcérée, l'autre non vlcérée: parquoy il est besoin que l'vn remede soit plus mordant que l'autre à cause q' les causes de la tigne sont humeurs grosses visqueuses & corrompues, lesquelles s'apportent aucunesfois du ventre de la mere, & aucunesfois par viure irregulierement: l'humide est vlcérée, & la seiche est tousiours escailleuse. 2

¶ *Eau tresnoble & approuuée contre la rongne.*

PREN vne phiole pleine d'eau de puis, de celles ou se cuit eau cuicte, ou eau rose, ou autres eaux odoriferantes, quand tu la voudrois faire pour quelque noble personne, mets en ladite phiole vne once & demie d'argent sublimé broyé bien delié, demie once de sel, puis la mets deuant le feu, sur vn quarrõ, ou sur vne petite tuile, à fin que la phiole ne soit en danger ce pendant qu'elle boulit, & la laisse boullir iusques à ce qu'elle soit diminuee tout le col de la phiole, puis l'oste du feu: & quand elle sera froide, mets dedans trois claires d'œufs, frais bien battues tant qu'elles ayent perdu leur viscosité, mets y dedans le jus de quatre limons & de deux orengees aigres, que toute chose soit bien incorporée en ladite phiole, & meslée ce dessus dessous, puis la laisse au soleil deux ou trois iours, & sera faite, ladite eau ainsi faite se met ainsi en œuvre: Le soir quand tu t'en iras coucher, baigne toy seulement autour des ioinctures legerement avec vne espõge baignée en ladite eau, & puis pressée, ladite eau sera blanche cõme laiët et odoriferante, & là ou tu t'en toucheras, la chair en deuiendra blanche, cela feras par trois vesprées l'vne si, & l'autre non: mais il faut noter que là ou sont les croustes il faut seulement les baigner à l'entour, & non icelles, car elles le te feroient bien sentir, parquoy tu le feras dextrement.

IL se peut encor faire vne autre eau, mais plus simple & sans danger. Pren vne phiole comme dessus, & l'emplis d'eau, dans laquelle mettras deux onces de sel de roche, de sublimé & de sel demye once, que toute chose soit subtilemēt broyée comme dessus, iusques à ce qu'elle soit vn peu plus diminuée que le col de la phiole, coule la puis subtilement, & en vse comme dessus: Par la vertu de ceste eau la rogne sort d'autour des iointures, & se seche incontinent, te laissant la chair nette, & belle, chose éprouuée.

¶ *Contre eschaudures faites par feu, eau, ou autrement.*

PREN autant de chaux viue, que tu veux, & l'estainds en huile commune, & l'ayant tirée la plus esliuyte que pourras, la mettras en huile rosat, & deuiendra en forme d'onguent, duquel t'en oingdras le lieu eschaudé, la douleur sera incontinēt appaisée, & eitant gueri en sept ou huit iours, ne laissera aucune cicatrice,

¶ *Autrement.*

PREN litarge d'or vne once, fay-le boullir en bon vin blanc, & quelque peu de vin-aigre, puis le tire hors; & en fay poudre tresdeliée, puis pren beure & huile rosat de chacū vne once, laue les en eau fresche quatre ou six fois: puis pren demie once de cerusse brulée & le iaulne d'vn œuf frais, avec vn peu de sucre fin, melle tout ensemble avec vn peu d'eau rose: d'iceluy vnguent en estendras sur quelque linge, & t'en oindras.

¶ *Autrement.*

PREN vinaigre blanc bien fort, la glaire d'vn œuf frais, ius d'escorces de suieau, mesle le tout froid ensemble, mouille pieces de lin, dās icelle mixtiō & les applique l'vne sur l'autre sur la brûlure, & guariras. Et quād tu voudras faire vne belle souldure au lieu eschaudé, pré vn petit de la secōde escorce de sehu et en tire le ius, duquel avec vn peu de poudre d'encens, vn peu d'huile rosat, & vn peu de cire neuue, en feras comme vn onguent, lequel estēdras sus le linge, & l'appliqueras sus l'eschaudure, tu voiras en brief souldure merueilleuse.

¶ *Autre onguent encorès à faire belle consolidation.*

PREN huile rosat dix onces, cire neuue deux onces, & les mets sus petit feu, puis quand ils seront desfaits, adiouste y

deux onces de vermillon, & quatre onces de litarge, reduits en poudre tresdeliée, fay qu'ilz ayent quelque peu de corps & les mets sus le mal, tu voiras bel effect.

¶ *Autre remede contre quelque eschaudure que ce soit.*

PREN lard de porc masse bië vieil, & le pile bien fort, puis pren vn flacon de fort vin-aigre blanc, & les fay boullir ensemble l'espace de deux heures, oste les puis du feu, & les laisse refroidir, apres recueilleras toute la gresse de dessus, & la presferas avec la main à fin que le vin-aigre en sorte dehors, & ne demeure rien dedans, garde la puis en vne boëte à ton vsage, & plus est vieille plus est meilleure, d'autant qu'elle fait plus tost son operation. Et quand quelqu'un sera eschaudé, prend'icelle gresse & en oings bien le lieu eschaudé, elle osterá soudain la douleur, mais aye appareillé du poil de lieure taillé le plus menu, que se peut faire, lequel apres t'estre oingt, espondras en forme de poudre sur l'onguent, & le laisseras ainsi, & quand tu oingdras derechef le soir & le matin, oings-toy sus l'autre premier, espendant par apres dudit poil, en forme de poudre, & toutes les fois que tu t'oindras fay-le tousiours sus l'autre, sans aucunement l'oster iusques à ce qu'il se leue de soy mesme, car au bout de six, ou huit iours, il se desfera du tout, & le mal sera du tout guery sans laisser aucune cicatrice. Et faut scauoir que le plus souuent que tu en oindras la douleur ira tousiours en declinant, & le malade en sentira rafraichissement, duquel il s'esiouyra.

Et pour oster soudainement la douleur, & faire oeuvre merueilleuse. Incontinent que tu te seras eschaudé, rasle vn peu de lard de porc masse, & le mets sus l'eschaudure le plus tost que pourras, tu sentiras le lard frire, comme s'il estoit en vne poelle, & en auras grand rafraichissement, et la douleur s'en ira: renouelle-le au commencement trois ou quatre fois, en vne heure, tu t'en trouueras grandement consolé. Ce secret est bon & esprouué, & non à despriser combien qu'il soit de petite despense.

¶ *Secret fort rare à faire pilules de terebentine.*

PREN terebentine de Venise vne once, laue la en eau de bou-
rache & autres eaux cordiales par huit ou dix fois, selon que
te sem-

te semblera, pren puis sucre fin bien pilé menu trois onces, incorpore bien le tout ensemble petit à petit, car cela luy oste la viscosité qu'il ne s'attache, en la fin laiss'en vn peu sans incorporer avec la paste: elle est toujours bonne à prendre en tout temps & ne gaste iamais, & quand tu en voudras prendre, tu les pourras faire consequemēt ou de main en main. Ceste paste a ce bien qu'elle ne s'attache au doigt, & se peut macher sans s'attacher au palais: & quand tu les auras faictes pren vn petit de canelle pilée, meslée avec vn peu de sucre, & les enuelope dedans, puis pren-en hardiment. en tout temps, & à toute heure, car elles font merueilleuses operations aux estomachs flegmatiques & coleriques, & deliure de plusieurs maladies interieures, faisans bon estomach, & donnans à l'vrine odeur de violettes.

¶ *Electuaire de nerprun, ou Iuleb solutif, de merueilleux effect
encor pour les gouttes.*

PREN le fruiēt de nerprun, à la fin du mois de Septembre, lequel soit bien meur, & ayt sentu la bruyne: cueille-le de bon matin en telle quantité que bon te semblera; & le pile grossēmēt au mortier, puis le mets en poëlle ou autre vaisseau plombé, sans aucune odeur, couure le bien & le mets en lieu chaud à reposer l'espace de huit ou dix iours, puis le mets au pressoir & en tire le plus de ius & de substance q̄ tu pourras, pour chacune liure duquel ius y adiousteras vne liure de miel purifié: mets-le puis au feu, en vn vaisseau, le faisant boullir petit à petit iusques à ce qu'il soit cuit, ce que tu sçauras en faisant l'espreuue sur le papier, car si la goutte demeure ferme il est asés cuit, autrement elle s'abolit: oste le puis du feu, & y mets dedans vne once de canelle, deux onces de gingēbre reduits en poudre bien deliée, & les incorpore bien toutes chaudes par asés long temps, puis le garde en vn vaisseau bien couuert (plus est vieil tant plus est meilleur) & en pren auant le repas vne cuilliere pleine le soir, & le matin, prenant esgard au temps principalement: Il est bon aux gouteux plus qu'aux autres, car il appaise la douleur des gouttes, & en faisant euacuation il donne grande allegeance au corps, comme il est esprooué.

¶ *Huile bonne & esproouée contre le venin.*

PREN trois liures d'huile d'oliue vieille, mets chacune liure à part, & à vne liure adiouiteras trois poignées de feuilles d'hypercō, c'est à dire mille pertuis, laisse le huit iours au Soleil, puis le fay boullir en balneo Marie (quelle chose que c'est balneū Marie, il est dit au premier liure des Secrets): douze heures de long, exprime la puis bien fort, versant dessus de la maluoisie: à icelle expression adiousteras trois poignées de l'herbe susdite, & vne liure de ladite huile, mets le huit iours de long au Soleil comme dessus, & le boullis en balneo Marie cōme deuant par douze heures: puis de nouveau feras expression, à laquelle adiousteras trois poignées de la graine de l'herbe susdite & l'autre liure d'huile, & fay comme tu as fait dessus à sçauoir du Soleil, du balneum Marie, & de l'expression: à laquelle adiousteras toutes les choses suyuantes, gentiane, carline, Zedoaria, aristolochia longa, & rotunda, tormentille, dictam blanc, de toutes sortes de sandal, boli armeni prepare, de chacun deux onces: tu metteras toutes ces choses en vn vaisseau de verre au Soleil dix iours de long, puis les fay boullir, quatorze heures in balneo Marie, & les exprime puis biē fort. À icelle colature tu adiousteras de nouveau ces choses, safran, aloë, spica-nardi, rheubarbe fin, de chacū six drachmes, mets les derechef au soleil six iours de long, & de nouveau les fay boullir en bain de Marie, par vingt quatre heures, et les exprime fort comme dessus, à laquelle adioindras, 12 o. scorpions gros, & les mets au soleil en vn vaisseau bien estouppé par vingt iours puis les fay boullir en bain de Marie, vingt quatre heures, fays en puis expression comme dessus, à laquelle adiousteras once & demie de bon metridat, & ainsi paracheué le garderas, car il vaut à ces choses, c'est à sçauoir, au venin prins par la bouche, & par vne proprieté occulte à la peste, et aux vers, & en faut vser en ceste sorte: Il faut oindre to⁹ les poulx, et le cueur, c'est à dire le costé gauche, puis on couure biē le corps & on le laisse ainsi quelque tēps avec draps chauds, iusques à cequ'il vienne tout en sueur, et en ceste maniere est cōduit tout le venin par la sueur hors du corps, ce qui a esté esprooué par plusieurs fois.

¶ La maniere de faire l'huile saint, ou huile de vie, profitable contre plusieurs & diuerses maladies, comme se verra en la presente declaration cy-apres.

P R E N de sang pur & rouge d'home, ou de plusieurs en l'age de vingt cinq à trente ans trois liures, sperme de balene, moëlle de beuf de chacun vne liure, lesquelz ferez distiller en vn alembic de verre bien luté. La premiere eau qui en sortira sera blanche, la seconde passe, la tierce fauve, la quarte rouge & vn peu espesse: ledit huile ainsi distillé croist & décroist comme la Lune, pour laquelle chose est appellé le saint huile, duquel, si on infuse trois gouttes avec vn peu de vin, en la bouche d'iceluy qui aura perdu toute force & toute puissance de parler, incontinent il recouvrera la parolle & reprendra sa force. Et si aucun boit tous les matins vne goutte de cest huile: avec vne cuiliere de vin, il deuiendra fort & robuste de courage & de corps, & alongera sa vieillesse, & ne sera ce iour là en dâger d'aucun venin. Iceluy huile guerit toutes fistules, toutes vieilles rompures & vieilles playes, les lauant premierement de vin & les laissant desecher, & les playes nouuelles guerit parfaitement en trois iours tout au plus, en les oignât d'icelui aupres du feu: nettoye & cure tous les fics du fondement tant interieurs que exterieurs, & en outre donne remede à plusieurs effects, comme lepre, morphe ou rache, paralysie, & autres plusieurs et diuerses maladies, si on en boit à ieun vne cuiliere avec bon vin blanc.

¶ *Recepte souveraine pour ardeur d'vrine.*

P R E N graine de porcelaine, de scariole, d'endiue & de scariole sauage de chacune deux drachmes, fleurs de nenufar, de violettes, de chacune vne drach. graine de papauer blâc vne once, grains de sebestes deux onces, graine de iusquiâ blâc demie drachme, safran vne drachme, de reguelisse cinq drach. noiaux de pignons dix drachmes fay boullir toutes ces choses en six liures d'eau iusques à la consommation de la tierce partie, & puis le coule fort: d'icelle colature en prendras six onces, & vne once de iuleb violat, & le boyras tiede tous les matins au point du iour, & tu verras merueilleux effect le quattiesme iour.

¶ *Secret tresutile, & fort propre, à ôter soudainement toute sorte de tache, soit en drap fin ou non fin.*

P R E N sel à manger bien broyé, & sauon noir, & les melle

bien ensemble, & avec cela oings la tache, & la laisse secher & apres qu'elle est seche, laue-la avec lessiue douce, puis avec eau claire tiede, & verres que s'en fera fort bien allée.

¶ Pour ôter l'huile du saouon commun dur, qui est la maniere de le purger, & luy ôter la puanteur, & estant ainsi purgé sent bien bon, & se peut exploiter en toutes mixions, pour en faire pelottes parfumées, pour mettre à part en petits vaisseaux avec quelque liqueur, à fin de le tenir tousiours mol pour en lauer les mains. &c. Et est la maniere dont ils vsent en Syrie, & pourtant l'appellons icy saouon damasquin simple, qui se dit puis apres damasquin composé, quand on y a melle les senteurs, comme auons mis par cy deuant.

PREN vne chaudiere nette, qui soit grande selon la quantité du saouon que vous voulez accoustrer, & la mettes sus vn trepié au feu, qui soit doux & fait de charbon bien allumé, & ne face point de fumée: mettes dans la chaudiere le saouon dur taillé en pieces, ou bien raclé avec le couteau ou gratté, & avec vn baton de bois, remues-le tousiours, auisant bien que le feu soit comme la chaleur du soleil, & verres que ce saouon rendra vne fumée fort puante & desplaisante, qui est ce que voulez ôter du saouon, & alors avec toute discretion on peut croistre quelque peu à peu le feu, tant que le saouon se fonde. laçoit que sans croistre le feu, il ne laisseroit pas de se fondre pour la continuation de la chaleur. Laissez-le tousiours fondre, gettant dedans petit à petit de l'eau de puis, ou quelque autre que ce soit de celles qu'on boit, & de celles qu'on cuisine, & y en mettes assez, puis la laissez vn peu boullir. Laissez la puis refroidir, & trouueres que tout le saouon sera venu dessus, lequel recueilleres avec vne cuiliere de bois, ou de fer pertuisée, & mettes-le en telles figures que voudres, sçauoir est, ou en quarrées, ou rondes, ou avec telles figures ou pourtraits qu'il vous plaira, et sera saouon blanc & purgé de toute mauuaise odeur, comme le parfait damasquin simple. Mais si vous luy voulez donner quelque senteur, mettes-le boullir avec de la marjolaine, du basilic, de la gyroflée, des roses, & de semblables herbes odorifantes, y en mettant plus ou moins tout par discretion, selon
que

que sentires la force des odeurs qu'elles rendront dans l'eau, ou elles auront bouilly. Mais sachez que si vous y mettes telles herbes, il les faut faire bouillir en eau, en vne poelle ronde, ou en vn pot à part sans le fauon, puis faut couler l'eau, & la mettre en la chaudiere du fauon, pource q̄ les herbes se melleroyent avec le fauon, & ne s'en pourroyent separer. Et apres que l'eau sera coulée, vous pourres y mettre pour chacune cent liures de fauon, vne once de Camphre, & non pas dauantage, la defaisant premierement vn peu en vn mortier, avec tei huyle qu'on voudra, puis lauuant le mortier avec vn peu de lessiue douce, & mettre tout cela dans ladite eau, & elle rendra le fauon d'vne fort plaisante & douce odeur, & mesme si vous voulez y pouuez mettre de l'eau rose & de fleurs d'orèges, & autres choses semblables à vostre plaisir, selon q̄ vous le voudres faire sentir: prenât aussi tousiours garde en ces odeurs, d'y en mettre si peu de chacū qu'ils ne se cognoissent les vns des autres, ains qu'ils temperent si bien la mixtion, qu'on ne puisse recognoistre à l'odeur que ce soit fauon, pour ce que ceste sorte de fauon damasquin veut estre ainsi sans aucune notable odeur & cognue sur les autres, quasi comme le pain, lequel au mager ne se trouue d'aucune saueur notable, & qui se puisse recognoistre entre les autres viandes

¶ *Pour oster taches de dessus les draps d'or, de soye, de laine, de linge, de camelot, ou de toute autre telle chose.*

P R E N E Z les os des pieds d'vn mouton, & les faites bruler fort bien, & en gardes la poudre, & quand il sera besoin d'en vser pour leuer la tache, il faut estendre le drap dessus vne table, & le baigner vn petit d'eau claire, à l'endroit ou est la tache, & mettes là dessus de ceste poudre d'os bruslés qui soit bien subtile, & mettes le drap secher au soleil, puis remouilles-le & le faites resecher plusieurs fois: en fin le faut bien lauer avec eau claire, & chasser toute la poudre, & tout ce qui est dessus, & la tache s'en ira, & demeurera la place belle & nette. Le mesme se pourra faire avec fiel de beuf, mais il le faut puis apres lauer avec eau chaude.

¶ *Pour faire paste d'ambre noire, à faire patenostres de senteur,*

PREN dragant quatre onces, gomm'arabic deux onces, timiame six onces, storax liquide deux onces, benjoin vne once & demie, iris vne once, quatre noix muscades, gip six onces, terre noire vne liure, canfre huit scrup. Mettes premier tremper le dragant & la gomme en eau d'aspic, ou autre eau odoriférante, par trois ou quatre iours: puis feras poudre bien déliée de toutes les choses susdites, apres broiras en vn mortier le dragant & la gomme tant qu'elles soyent bien desfaites, & mettes dedans les poudres odoriferantes, & la canfre, puis le gip, & la terre noire, & la feras si ferme qu'elle se puisse labourer & qu'elle ne s'attache aux mains, & la garde en lieu frais, à ce que avec les moules tu puisse faire les patenostres grosses ou petites comme il te plaira, fay les sécher à l'ombre, en les faisant elles rendront vn odeur merueilleuse qui conforte le cerueau.

¶ *A faire bonn'huile de noix muscate.*

PREN noix muscades bonnes, non moins d'vne liure, mais plustost deux ou trois liures, car il vaut la paine, taille les menu, & les broye bien. Mets les puis en vn petit vaisseau & les fay chauffer les mellant tousiours biē: puis les mets dans vn caneuas, ou toille forte au presser, presse les bien & en tire toute la liqueur, laquelle semblera vne mēne, & la racle ras le plus q̄ tu pourras avec le dos du couteau du sachet, puis la mettras en vn vaisseau de verre, bouche le bien & ne le mets au soleil, encore qu'elle te semble trouble & orde, car elle se clarifira de soy mesme & deuiendra belle en dix ou quinze iours, & vaut trois fois autant que les noix: C'est huile a tres-grande faculté de réchauffer, & en oignant l'estomach chaud, appaise incontinent les d'ouleurs d'amarri & semblablement la sciatique.

¶ *Pour faire huyle d'aspic parfait.*

PREN fleur de spica nette & parfaite en aussi grande quantite que tu pourras, pile-la bien & la mets en vn fort sachet de caneuas, experime-le au presserle plus que tu pourras, & le recueille en diligence, combien qu'il te semble ord, mets le en vaisseau de verre fort, sans le mettre au soleil, car il se clarifira de soy mesme, & deuiendra beau & clair, & pren-

prendra l'odeur tresaigne de l'aspic: Le semblable tu pourras faire encore de la lauende, & t'en pourras seruir en plusieurs choses, pour estre treschaud, et penetrant, il conforte l'estomach, & en mettant en eau depuis à se lauer les mains en sentira toute, on en vse aussi à faire ballotes & sauonettes, & plusieurs autres choses.

¶ *Pour faire huile de storax odoriferant.*

PREN vne phiole double, & mets dedans vne liure d'huile d'amandes douces quatre onces de storax rompu grossiement, bouche la bien, puis la mets sus les cendres chaudes, tant que le storax soit bien desfait, oste la puis du feu, & dans icelle ainsi chaude mettras demie once de mastic en poudre, & estant refroidie la couleras en diligence, pressant bien le fond, & si tu le veux de meilleure senteur, adiouste y deux onces de benioin et de cloux de girofle, & sera tresperfait.

¶ *Pour faire huile de benioin de bonne senteur.*

PREN vne liure de bon benioin, broye-le bien menu, & le mets en vn vaisseau de verre luté, ou bien en vn vrinal que tu y puisses mettre la main dedans, et qu'il soit bas, à fin que l'huile ne monte à difficulté, mets dessus deux liures d'eau rose, incorpore les bien, & mets dessus la chappe, l'accoustrât tresbien qu'elle ne puisse respirer, puis fay luy petit feu, tant que tu en tire hors l'eau: puis va croissant le feu, petit à petit iusques à ce que l'huile commence à en sortir, change incontinent le receptoire, & verse la premiere eau en vne ampoule, & donne luy assez bon feu, tant qu'il te semble en auoir tiré enuiron trois onces & demie d'huile, lequel garderas en phiole de verre bien estouppée, & le laisse au soleil huiët iours de long, il sera bon & parfait.

On tient semblable methode à faire huile de storax, & si on y met quatre onces de storax liquide, il sera meilleur.

¶ *Pour faire huile de Ladanum tresbon.*

PREN vne liure de bon ladanum, & le taille le plus menu que pourras, & le mets en vn vaisseau d'airain, versant dessus six onces d'eau rose, quatre onces d'amandes douces, puis le mets sus petit feu le faisant boullir lentement deux heures de long, puis le couleras tant de fois iusques à ce que l'huile vien-

dra clair, & tu auras huile de ladanum parfait.

Mais premierement en ostant la terre, si tu vois qu'il ne fust net, pren ledit ladanum & le raille menu, & le mets en eau rose sur le feu pour le faire bien dissoudre; tu l'osteras puis du feu & le laisseras reposer demie heure, puis le recueilleras vite ment dessus avec vne cuilliere, & le remettras en eau rose, tant qu'il soit bien froid, puis l'accoustre comme deuant & fera tresbeau.

¶ Pour faire huile de fleurs d'orenges, & d'autres fleurs de senteur.

P R E N vne liure de fleurs d'orenges nouuelles & nettes, mets-les en vne grande phiole à mettre au feu, & verse dessus vne liure & demie d'amandes douces, vn peu d'alun de roche brûlé, & trois grains d'ambre, six grains de musc, six scrup. de canfre, broye les comme de coustume, premierement le musc, puis l'ambre, avec autant de succe fin qu'une feue, detrempe les avec vn petit d'eau rose, & faut broyer la canfre à part soy avec succe & la mettre la derniere, mais en non trop grande quantité, car elle a l'odeur trop penetrante, mets en donques peu à la fois, pour ce que il s'en peut tousiours mettre & non oster, que la phiole ne soit aussi trop plaine, à fin que tous les iours elle se puisse mesler ce dessus dessous, & les compositions bien incorporer: laisse la puis au soleil 18, ou 20 iours, voire iufques à vn mois, il sera plus parfait, & les fleurs se cuisent davantage dans l'huile, tu le couleras puis & presseras bien, & le remettras dans la phiole au soleil par deux ou trois iours, tant que tout soit purifié: et parainsi tu auras vn huile merueilleux, & d'odeur tresdelicate: & s'il te semble qu'il y ait peu de fleurs, on en pourra tousiours mettre dessus des autres à fin d'augmenter l'odeur: & en ceste sorte on pourra prendre toute autre sorte de fleurs odoriferantes, & en tirer huile de diuerses sortes en tenant la maniere precedente.

¶ Pour faire vn parfum soudain en la chambre d'un malade.

METS en vn petit vaisseau vne noix muscade, deux scrup. de fust de clous de girofle, deux scrup. de canelle, quatre scrup. de storax calamita, eau rose ou d'aspic, ou autre de senteur, & les fay boullir, puis les mets en vn tais avec vn peu de cendres chaudes, & le mets en la chambre, ceste fumée est d'odeur tresdouce & cordiale,

¶ *A faire parfums longs & ronds, pour bruler en la chambre.*

PREN six onces de timiame, deux onces de ladanum, trois onces de stirax ferme, cinq onces d'encens, vne once de bejoin, vne liure de charbō doux, huiet onces de dragant, mets le tout en poudre deliée & mettras tremper le charbon & dragant en eau rose, ou autre eau de senteur par trois iours, puis les mets au mortier & les broye bien, y adioustāt toutes les poudres les pilant bien, de sorte qu'elles soiēt bien incorporées, puis y mets le charbon tousiours pilant & incorporant, & y en mets tant que la pâte soit vn peu durette: fay puis tes parfums longs ou ronds à ton plaisir, & les laisse bien secher à l'ombre.

Si tu ne veux faire si grande despense, pren les fonds & lies qui demeurent des eaiies de senteur, & les reduis en poudre, elles seront bonnes en y adioustant vn peu de timiame, lequel augmente ta composition & rend bonne odeur: & si tu y adiouste vn petit de canfre, ilz font bruit en brulant & craquent ou pettent.

¶ *A faire poudre de Cypre fine & odoriferante.*

PREN 4. onc. de cardamomum, 2. onc. de stōrax ferme, 2. onc. d'encens, 3. onc. de roses rouges seches, vne once de sandal citrin. 3. onc. de benioin, 2. onc. de fust de cloux de gyrosfle, liure & demie d'escailles d'œufs nettes, 8. grains de musc, 6. scrup. de canfre, tu feras poudre deliée de toutes les espiceries à part, & cellē des escailles d'œufs tu la feras tresdeliée: puis tu mettras en la-dite poudre la capfre défaite, & apres le musc broyé bien menu, avec vn petit de sucre fin: & le tout bien incorporé au mortier & criblé subtilement, fay en poudre tresdeliée, & la garde en vaisseau de verre, sans trop l'exposer à l'air, car elle perderoit aucunement son odeur. Tu en feras encore d'vne autre sorte, non moins bonne, & d'vne autre couleur.

Au moys de may, pren siente de beuf roux, & la fay bien secher, puis la reduis en poudre tressubtile passée par le tamis: & faut sçauoir que de soy elle rendra tresbonne odeur sans autrement l'accompagner, à cause qu'en ce temps là toutes les herbes rendent vne odeur amiable: & qui ne sçait le seçret, iamais ne iugera que soit poudre faite de mille herbes, neātmoins mets y dedās des poudres susdites, celles qui te sembleront

bleront que mieux s'incorporeront, & y mets du musc, ambre & canfre selon que tu la voudras faire bonne.

¶ *A broyer l'ambre pour mettre en compagnie pour donner odeur, & en faire marques de patenostres.*

PREN autât d'ambre que tu veux, c'est à sçauoir vn grain, & pren soudain vne goutte d'huile d'amandes douces, ou de iafmin, ou bien d'huile de ben, duquel communement se seruent les Parfumeurs en toutes leurs odeurs, car de soy mesme il n'a nulle odeur, mais rend odeur en toutes les compositions qu'il entre, & iamais ne se gaste: Si d'auenture tu n'auois ne l'vn ne l'autre, pren deux amandes, & les romps & en tire le ius, avec lequel tu broyras l'ambre, & si tu en veux tirer en quantité, laif se tremper le-dit ambre toute la nuict audit huile, & puis le broye subtilemēt car plus le broyras, & plus fera son operatiō la mettant en compagnie avec musc ou autres choses odoriferantes. Et si tu veux faire marques de patenostres de senteur pour donner à vne tiene chose pren cinq onces de dragant, & les mets tremper en eau rosē par trois iours, avec autant d'eau qu'elle auāce de quatre doigts, puis le broye sur le marbre, & y adiouste deux onces de ladanū, deux noix muscades, de storax. & canelle fine, de chacune once & demie, nardopistici demie once, toutes ces choses soyēt reduites en poudre deliée, & puis pulsées par le tamis, & incorporées avec le dragāt, & apres que le tout sera bien incorporé, adiouste y huit grains de bon musc de leuant, six grains d'ābre, trois grains de ciuette, deux scrup. de canfre, broye-les avec ledit huile cōme est dit, & les incorpore biē avec ladite pâte: & si elle ne te semble assez dure pour les pouuoir imprimer avec les moules, & leur faire le pertuis, laisse la reposer vn jour ou deux, iusques à ce que tu la puisse manier, imprime puis apres ou forme les marques de patenostres; leur faisant faire deux rosettes d'argent à l'entour des trous, pour les contregarder du chaut & de la sueur des mains, fay les secher à l'ombre, & quand tu auras lesdites patenostres es tes mains, elles te rendront merueilleuse odeur, & est pour personnes nobles & riches, car les tenant entre les accouremens tous prendront icelle odeur.

¶ *Pour faire Muscardins fins blancs, & rouges.*

Pre

PREN tragacante blanche autant que tu veux, mets la tremper en autant d'eau rose qu'elle soit bien couuerte par deux jours, pile la bien puis au mortier, & luy donne corps avec farine d'amidon, ou d'orge, biē nette & deliée, & vn petit de sucre fin, & de poudre de mastic, autant qu'il en pourroit: sus vn quattrin, & vn petit de musc bien defait: tu en feras pate & la manieras bien nettement tant que tout soit bien incorporé: Si tu y mets vn peu d'iris & de sandal blanc, ils seront blācs & meilleurs, & en y mettant sandal rouge ou sang de dragon seront rouges, puis taille-les menus & les fay secher à l'ombre, fay-les les plus menus que tu pourras, qu'ilz deuiennent comme arene & seront faits, & en pourras vser ce que tu voudras.

¶ *A contrefaire l'ambre.*

PREN vernis blanc quatre onces, mastic & encens blanc de chacun deux onces, canfre vraie deux drach. reduyle tout en poudre tresdeliée, puis pren quatre glaires d'œufs & vn peu d'eau de vie, bats-les bien que tout deuiēne escume, puis incorpore fort bien lesdites poudres, & imprime en petits pains, & les mets au soleil quinze ou vingt iours de long selon qu'il te semblera, elle deuiendra quasi en telle perfection comme celle qu'ils contrefont en Constantinople.

¶ *Pomate blanche fine odoriferante pour Seigneurs.*

PREN pommes appia, ou autres odoriferantes & tendres en nombre de vint ou trente, party les en quatre & les nettoye bien dedans & dehors, puis pren clous de girofle & canelle et en larde les pommes, mets les puis tremper quelles soient couuertes d'eau rose, & y adiouste six noix muscades brisées, & deux drachmes de macis, laisse les tremper par six iours & soyent couuerts, puis pren oing de porc, & apres luy auoir osté la pellicule de dessus le tailleras bien menu, & le mettras à purger en eau fresche trois ou quatre iours de long, luy changeant l'eau deux fois le iour, la derniere fois mets le tremper en eau rose, ou bien en autre eau de senteur, en ceste sorte sera il bien purgé, & n'aura sinon bōne oduer. Pren puis dudit oing trois ou quatre liures, & les mets en vn pot ou autre vaisseau qui ne soit point gras, & qui ne sente mal, & y adiouste les pommes comme elles sont taillées, & y adioins huile d'orange

renges vne once, & eau nasse, ou autre eau de senteur tant que tout soit couuert d'eau, fay-le tout boullir à petit feu, vne heu-
re de long ou dauantage, iusques à ce que les pommes soyent
cuites & défaites, & avec la spatule de bois les rompras bien
quelles deuiennent tout en broüet, fay les puis passer par l'esta-
mine & ainsi toutes chaudes les repasseras vne autrefois par
vne estamine plus clere & deliée, & estant ainsi encores toutes
chaudes tu y adiousteras vîtement trois onces & demie de cire
blanche taillée oïen menu, & deux onces de sandal blâc reduit
en poudre tresdeliée, remuant le tout tresbien tant q̄ toute cho-
se soit bien incorporée: & quand elle sera refroidie, laue la avec
eau rose tant qu'elle demeure claire, & la pomate demeurera
blanche cōme la neige: Estant ainsi lauée, tu y adiousteras huit
grains de musc, quatre grains d'ambre, bien broyes menu, in-
corpore bien tout ensemble & le laisse au serain quatre ou six
nuicts, & la pomate sera parfaite, bonne, & odoriferante: Et si
tu ne la veux auoir en telle perfectiō, mets y moins de choses,
cōme musc & ambre: mais sçachés que nous en auons fait par
plusieurs fois, sans auoir toutesfois laissé l'ordre susdit en cho-
se quelconque, & a esté parfaicte en toute bonté.

¶ *Autre Pomate en forme d'vnguent, fort bonne contre les creuen-
res de la bouche, du nez, des mains, & des pieds, & est bonne en-
cores pour toute maladie chaude.*

PREN suif de mouton deux onces, suif de bouc vne once,
taille les menu & les fay fondre, & les coule par l'estamine, et
y adiouste trois onc. de cire neuue, deux onc. d'amâdes douces,
mettant le tout sur petit feu & le remuant tousiours: Ostes-le
puis du feu & y adioustés canfre brisée 4. scrup. la remuât tou-
sours tant qu'elle soit froide, garde la et t'en oings subtilemēt

¶ *Autre vnguent meilleur que cestuy & bien approuué.*

PREN cire neuue, suif de bouc, & moelle de beuf, de cha-
cun once & demie, huile d'hypericon ou perforata, huile rosat
de chacun vne once, & autant de sel broyé cōme farine cōme
il faudroit pour vne salade, taille premier le suif & la moelle,
e: les deffais et coule, puis les mets sur petit feu qui à peine soit
chaud, & y mets la cire taillée par lopins & l'huile susdit, &
le sel, messe fort biē le tout avec la palette de bois, puis l'oste du
feu

feu, mettant dedans six scrup. de canfre quelque peu brisée, & remue tousiours tant que tout soit froid, garde le puis en boëttes, et saches que plus est vieil tant plus est meilleur, & se peut vser à tout mal chaud, à creueures du nez, de la bouche, des mains, & des mules qui viennēt aux talons, frôcles, c'est à sçauoir en les oignant souuent les fait en aller & en oste la douleur, ce qui est esprouué par plusieurs fois.

¶ *Sauonnettes de barbiers faites en plusieurs sortes & de diuerse odeur.*

Premierement est de sçauoir que le sauõ se purge en deux sortes. Taille premier bien menu sauon de Venize, & le mets en vn pot ne gras, ne de mauuaise senteur, & verse dedans eau rose, ou autres eaux odoriferantes: ou bien tu feras ce beau secret:

Prê eau de puis, & mets dedás du cypres, fay la boullir quelque temps, & la coule, elle sera de fort bonne senteur, ou bien tu luy donras odeur de fleurs, à sçauoir de myrte, d'orenges ou de citrõs, de roses, d'aspic, de lauède & d'agnus castus, de stecas de violettes, de genet, de romarin, de sauge, et autres fleurs odoriferantes, ou biē de plâtes de senteur, sçauoir est de cedre, de laurier, de cabaret, de mēte, mariolaine, tim & autres herbes bien sentans & en pourras faire vne composition, & vne eau odoriferante de diuers odeurs, & la feras boullir quelque tēps, puis tireras hors le sauõ de dessus avec la pallette, mets le sur vne tui le ou quarreau neuf il s'essuyra incontinent, & l'eau demourra noire à cause qu'elle aura tiré toute l'ordure & gresse du sauon, & demourera bel, blanc, & sans mauuaise odeur, ains plu stost aura augmenté la bõne odeur et le pourras garder pour besoing, ceste est la vraye purgation & diminue vne once ou quelque peu dauantage pour chaque liure.

Autrement on racle le sauon bien menu avec la gratuze, et on le faiēt secher au soleil, ou au four, et se reduit en poudre, et on le crible bien deliée puis on l'arrouse ou avec eau rose, ou d'aspic, et on le laisse ainsi secher à l'ombre, ou au vent: Ou bien pour le faire plus vite, taillé ton sauon et le pile sans faire autre ceremonie, et y adioins poudre d'iris, de storax et vn peu de canfre, pile tout ensemble, et fay les ballottes, et en pourras soudain vser, mais elles sont de petite valeur.

Pour donner odeur audit fauon à faire fauonnettes de bar-
bier, Pren six liures du fauon susdit & le pile fort bien en vn
mortier, puis y mets dedans toutes les choses ensuyuâtes redui-
tes en poudre deliée (car en ceci consiste l'honneur de l'ouura-
ge) sçauoir est deux onces de ladanū, quatre onces de macalep,
vne once d'anis, trois noix muscades, mariolaine, & roses se-
ches de chacune demie once, poudrē de cipre demie once, clous
giroffles trois onces, iris six onces, avec vn peu de sucre fin,
fay que toutes ces choses susdites soyent bien pilées & incor-
porées audit fauon, & en feras vne pate assez ferme, de laquel-
le en formeras de plottes grosses & petites comme il te plaira,
laisse les esliuyer à l'ombre, & seront parfaites.

¶ *Autrement.*

PREN deux liures du fauon susdit, pile-le biē, puis y mets
deux onces de ius de macalep (& pour congnoistre le ma-
calep, saches qu'il est semblable aux grains de bled & est d'i-
celle couleur, mais est quelque peu rond & plus gros) & pour
en tirer le ius, mets-la tremper en eau rose, ou autre eau odo-
riferâte, & le y laisse usques à ce qu'il soit bien enflē, tu le pile-
ras puis apres & le mettras en vn linge & le presseras, & ceste
matiere blanche est la substance de l'odeur du macalep, fay se-
cher ce qui reste, & le mets en poudre deliée, & la mets aussi
en œuure, car elle participe de la mesme vertu, & est de bonne
odeur comme celle des violettes, poudre de giroffle deux on-
ces, iris trois onces ladanum once & demie, storax vne once,
puluerise-le tout bien subtilement & l'incorpore avec ledit fa-
uon, & en feras paste ferme, de laquelle en formeras tes pelot-
tes & les feras secher à l'ombre.

Encor pour faire fauonnettes blanches, pren cinq liures du-
fauon, mets y quatre onces d'iris, deux onces de sandal blanc,
trois onces de farine d'amidon, vne once de storax, mets-le
tout en poudre, & broye ensemble, & l'arrouse d'eau rose, ou
musquée iusques à ce que tu ayes bonne paste, & en feras tes
pommes à ton plaisir.

Encor pour les faire simples & bonnes: pren dudit fauon
blanc quatre liures, poudre d'iris cinq onces, poudre de girof-
fles deux onces, poudre de macalep, trois onces incorpore le
tout en vn mortier l'arroufant avec eau de treffle odoriferant,

ou d'aspic, fay en paste ferme et forme tes plottes, elles s'essuy-
ront vïtement.

¶ Pour faire vne liqueur facilement & à peu de despens, à vsfer con-
tinuellement pour maintenir tousiours la chair
vnie, delicate, & luisante.

PREN eau de puis, ou de cisterne, ou de fontaine, & la fay
distiller, & apres estre distillée, mets y dedäs pour chaque fiole
commune de ladite eau, vne once de myrrhe en poudre, les é-
corces de quatre œufs cruds, demie cuilliere de gomme de ge-
neure, sçauoir est de vernis d'escruain, & la mie de la moitié
d'vn pain frais qui ayt trempé vne nuict en lait de cheure, &
mettes toutes ces choses à distiller de nouueau. Prenez puis ce-
ste eau dernièrement distillée, & ayes vn pot nouueau plom-
bé, tenu quelque heure en l'eau, auquel mettres autant q vou-
dres de pomade, qui n'a de pomade, qu'il y mette gresse de
cheureau, ou de poulle, ou d'agneau, ou de veau: & qui a po-
made il ne la faut que mettre dans le pot toute ainsi qu'elle
est, mais si ce sont autres gresses, il les faut passer vne fois ou
deux par vn canevas dessus vne escuelle d'eau claire, à fin qu'el-
les viennent nettes & belles, & les mettés ainsi dessus sur les
cendres chaudes dans le pot susdit à petit feu, & quand elles
seront fondues, elles y bouttant petit à petit de la susdite eau
distillée, iusques à ce que puisies cognoistre, que, estans ostées
du feu & froides, elles demeurent liquides comme vn huile
espes, ou comme vn vngent bien liquide, ou cōme sause. Mais
pour ce que les eaux ne se mellēt avec les graisses, & tousiours
les graisses nagent dessus, comme aussi fait l'huile: pour faire
q ladite eau demeure incorporée avec icelle pomade, ou avec
icelles graisses il faudroit dissoudre en icelle du tartre calciné
ou sal alkali des voirriers, ou boras, car ces sels mangent les gres-
ses & les font demourer incorporées avec l'eau, laquelle ne se-
ra en trop grande quantité, mais en proportion comme i'ay
dit vn peu deuant. Or ceste liqueur ainsi faite se doit contre-
garder nettemēt en vaisseaus de verre, ou plombés, & luy vou-
lant donner odeur, il y faut mettre vn peu de canfre, avec ben-
join blanc, c'est à sçauoir l'amande du benjoin, & aussi vn peu
de musc ou d'ambre defait en eau rose, & coulée qu'elle ne de-
meure rousse, ou bien huile de iasmin.

¶ Pour oster toutes taches de la face, subtilier la peau, oster les lentilles, & contregarder la charnure trebelle.

PRENEZ myrrhe, & en faictez poudre trédéliée, & la battez en vne escuelle avec vn œuf frais, & avec vn petit d'eau de vie. Mettes la à distiller par vne retorte de verre, prenez icelle eau, & la demesles avec autant de laiët de vierge, lequel se fait de litarge boulli en vin-aigre distillé & coulé, & huile de tarte meslez ensemble, qui viennent comme vn laiët, avec ce mesles l'eau de myrrhe susdite & la garderés en flacon ou phiole de verre. Et quand en voudrés vsér, laues vous premier fort bien la face avec eau, ou ayt trempé quelque heure son de fromēt, ou d'orge qui est meilleure, & avec ceste eau de son vous froterés fort bien la face à tout vn linge, ou drap rouge, qui vouldra mieux, puis vous essuyez avec vn essuyoir blanc, & soudain vous lauez avec l'autre eau de myrrhe, & de laiët de vierge qui dessus est dit, & la laissés ainsi sans vous essuyer, continuant ainsi matin & soir, & vous voyrés merueilleuse operation.

¶ Eau rare à faire les mains tresbelles & la face.

PRENEZ feuilles de lis blanc, & les distilles en vaisseau de verre, ou de plomb à petit feu, prénez puis sandal blanc, & le laues tresbien, & le mettes trempér en ladite eau, & l'y laissés tant qu'il soit bien enflé. Apres pour chacune once de l'eau susdite, mettes demie once, ou trois quarts de mastic bien laué, et puis seché & pilé, & toute chose meslée ensemble, la mettes distiller par le baing en appliquant à la bouche de l'alembic vn peu de musc si la voulez auoir de bonne senteur, & vous aurés vne eau tresnoble, & congneue de peu de personnes iusques à présent.

¶ Pour oster les marques & cicatrices demourées de la verolle, ou autre telle maladie.

PRENEZ beurre, & oing de porc, mettes les fondre ensemble, y adioustant vn peu de terbentine, puis les laues fort bien en neuf caües, et battez pour chaque trois onces de ladite mixture le iauné d'vn œuf frais, & vn peu d'alun de roche brûlé, & le tout meslé ensemble, Pestendrés sus vn linge blanc, l'appliquant sus le lieu, et trouuerés incontinent la chair bonne.

Puis

Puis si bon vous semble oingdes-le de la susdite liqueur de mirrhe, & de lact de vierge, & ne vous restera que desirer.

¶ Pour faire drappeaux de couleur violette. à peindre ou escrire.

PREN les bayes d'hiebles, nettes & bien meürs; c'est susseau sauuage qui croist le long des fossés, pile les au mortier, & estant bien pilées laisse les ensemble en quelque lieu ou elles soient chaudement iusques à ce qu'elles soyent bien fletties, pile les puis encore vne fois, et en tire le plus de ius que tu pourras par le pressoir, & premierement tu auras tes drappeaux appareilles à scauoir de toille nette deliée, & vieille, & pren demie escuelle de chaux viue laquelle mouilleras en vni plat de sorte que la chaux estant bien lauée, il auance deux ou trois escuelles d'eau par dessus la chaux, & point dauantage, touille-la virement qu'elle ne deuienne claire, en icelle eau tu mouilleras fort bien tes drappeaux, puis les tireras & laisseras essuyer à l'ombre: Pren puis eau claire, & mets dedäs alun de roche & la fay boullir mettant dedäs tes drappeaux boullir, par vn credo, puis les tire hors, & les laisse secher à l'ombre, & estans bien secs, les plongeras deux ou trois fois au ius susdit, les faisant bié essuyer à chaque fois à l'ombre & au vent sur vn ret, & soyent bien estendus à plat à fin que la couleur ne coule deça de là, ainsi ilz seront faits & bien taincts: Garde les de la poudre sans les exposer à l'air, à fin que la couleur n'en soit endomagée. Cestuy est le vray secret pour accoustre les drappeaus qui se font pour peindre ou illuminer, & pour prendre toute sorte de couleur. C'est aussi l'ordre que tient le reuerend pere don Euangeliste chanoine regulier, vniue illuminateur.

¶ Pour faire vne autre couleur violet, pren le fruit de myrte bien meür pilez-le, et en tires le ius par le pressoir, duquel embeuues lesdits drappeaux les faisant secher à l'ombre, & seront faitts.

¶ Pour faire drappeaux verds, voire de plusieurs couleurs à illuminer, pren verdet broyé bien delié & quatre fils de saffran, detrempe les en fort vin-aigre, & y adiouste autant de ius de rüe: puis rebaigne lesdits drappeaux en vrine, & les fay secher, puis les mouille en ladite teinture par deux ou trois fois, & les fay essuyer à l'ombre cōme est dit, & tu auras vn beau verd.

¶ Pren encore demy quart d'orpiment, & deux onces, de

lessiue forte & vn peu de laiton du plus ord que pourras trouuer, demie once de verdet, vne once de graine de geneure bien broyée, mets le tout ensemble, et le fay boullir iusques à ce qu'il diminue de la quatrième partie : puis tréperas tes drappeaux en ladite composition & les feras sécher comme tu sçais, & tu auras belle couleur variée.

Pour faire encore beau verd, pren fucilles d'iris, pile-les & en tire le ius, & y mets vn peu d'alun de roche broyé, il deuiendra plus clair, plonge dedans tes drappeaux par plusieurs fois, ils receuront toutes les teintures, & les fay sécher comme dessus. Mais si tu les veux faire de couleur sanguine, tu feras la couleur de graine & en embeuureras lesdits drappeaux.

Si tu les veux azurez, pren fleur de lin, ou fleur de iris, & fay comme dessus.

Et quand tu voudras tirer la couleur de chacun drappeau, pren vn peu d'eau gommée, & mouille vn petit ton drappeau dedans & le presse bien, tu auras autant de couleur que tu voudras, de laquelle pourras vser avec le pinceau à ton plaisir.

¶ Pour faire croistre la barbe, & les cheueux qui ne tomberont pas.

P R E N mouches à miel quand on nettoye les ruches, autant que tu voudras, fay les bruler en la poille, & en fay poudre deliée, pren aussi semence de lin, brule-la & en fay poudre deliée, incorpore ensemble autant de l'vn que de l'autre, puis prendras huile de lezards, fay les noyer en huile commû froid, puis mets la phiole deuant le feu, & la fay boullir qu'elle commence à creuer, oste la puis, & la mets au soleil par quinze ou vint iours, garde la puis en ceste sorte avec les bestes dedans, ce fera vn huile clair comme vn or, & tousiours se gardera, avec cest huile incorpore lesdites poudres, & le soir & le matin, oindras le lieu lequel tu craindras estre denué de poil, & le poil ne tombera point, mais croistra soudain en abondance: mais il te faut premier faire lessiue à lauer la teste de cendres de vigne, en laquelle feras boullir capilli-veneris, aigremoine, & l'hierre de chacun cinq manipules, laquelle cuitte tu couleras & contre-garderas de la poudre: avec icelle tu te laueras la teste deux ou trois fois la semaine, & estant bien essuyé, oings toy legeremēt dudit vnguent sur ta peau propre, & par vertu de ce lauement
te fait

te fait croistre les cheueux longs & en abondance, car ledit vnguet accroist la longueur & retient les cheueux qu'ils ne tombent. Les choses susdites ont esté experimentées par plusieurs personnes qui auoyent la pellade lesquelz sont tous gueris.

¶ *Pour oster le poil ou cheueux d'ou tu voudras.*

PREN chaux viue nouvelle quatre onces, orpiment en poudre vne once, & lessiue forte, c'est à sçauoir de la secõde lessiue magistrale deux verres, mets les en vn pot & les fay boullir iusques à ce qu'ilz deuiennent espes, ou bien plonge dedans vne plume de canne, & si elle se poile, elles seront assez cuites, va les mellant souuent, & en se cuisant prendront corps, garde les puis en pots plombés, et quãd tu en voudras vser, estens la subtillement & la mets par mesure sur le lieu d'ou tu veux oster le poil. Mais oings premierement le lieu, d'huile d'amandes douces, puis mets dessus ladite mixtion, & tu ne sentiras icelle chaleur ou bien peu: si toutesfois tu auois la peau tant delicate que tu sentisse la chaleur de sorte que tu ne la peusses endurer vn petit, si tu la peus endurer toutesfois, elle fera tant plustost son effect, si non, pren deux onces d'eau rose, vne once d'eau de plantain, demie once de sucre fin, mets les ensemble & baigne, incontinent la chaleur cessera: ceste medecine pourras tu faire vn iour, & l'autre non, iusques à ce que tu seras ventu à ton entente. Si tu crains de faire cecy qui a esté esprouué, fay ces autres, sçauoir est, pren sel armoniac, & fiel de bouc, & les broye ensemble, puis en oings le lieu d'ou tu veux oster le poil, & tomberont.

Pren encores ius de racine de chelidoine, & vn peu d'orpiment, & ius de l'hierre, & œufs de formis, & vn petit de vinaigre, incorpore les ensemble, & en oings le lieu par plusieurs fois, ilz s'en iront: & s'il te faiet mal, baigne toy de l'eau susdite, & elle moderera la chaleur.

¶ *Pour faire noirs les cheueux, ou poil gris.*

PREN cinq flasques d'eau de pluie, mets les boullir avec cendres fortes, & mets dedans six onces de litarge d'or, sauge, & fueilles de figuier noir de chacunes vn manipule, laisse les boullir tant que la quatriesme part soit consommée, & sera fait: avec icelle decoction tu te laueras la teste deux fois la se-

maine, & quand elle sera essuïée, pren ius de sauge, mets dedans vne once de tartre de vin gros rouge, & demie once de litarge d'or, oings vn pigne de plomb dudit ius & t'en pignes fort bien la teste ou la barbe, & deuiendront bien tost tresnoirs en continuant ledit pigner avec le ius susdit & la poudre, qui est chose experimentée.

Fay encor cest autre secret qui est tresbeau, duquel vsoit madame Lesné venetiène, pour sembler belle ieune fille. Elle prenoit huile de tartre, & le faisoit chauffer, & apres qu'elle s'auoit lauée la teste et essuyée, elle oingnoit son peigne dudit huile, & s'en peignoit bien estant au soleil quelque espace de temps, ou bié avec son esponge s'en oignoit, pour faire ses cheueux tant plustost noirs, & ce par deux ou trois fois le iour, & en vne semaine elle les auoit fait noirs, cōme ilz estoient auant qu'ilz deussent blancs: Le semblable se fait de la barbe, & si tu veux auoir bone odeur, vse au dernier, d'huile de bejoin à oindre ton peigne, car il aide encores à faire les cheueux ou poils noirs, & donne bonne odeur, ce sont secrets tresrares.

Et encor pour le semblable effect, pren miel blanc, & le fay distiller en alēbic de verre, avec feu assez apre: garde icelle liqueur, puis te laue la teste, laquelle sechée, t'oingdras avec icelui, & deuiendront beaux.

Item pren huile de pauot & eau de miel ja dite egalement & vn petit de vin blāc, incorpore les ensemble, puis t'en oings les cheueux, & deuiendront moult beaux, luisans, & nets de toute ordure.

Item pren bon safran, & l'incorpore avec le iaune d'œufs cuiets, & vn peu de miel, & en feras en forme d'unguent, duquel t'oingdras le soir & le matin, continuant vn mois pour le moins à se lauer souuent, & deuiendront de couleur d'or, mais oings premier le peigne avec huile d'amandes ameres, ce que tu feras ce pendant que tu es au soleil, & deuiendront beaux & luisans comme or.

Encor pren racine d'endiue, & la cuis en lessiue, & la continuant elle te rendra les cheueux blancs, seche roy au soleil & te laue deux fois la semaine, & mets boullir dans la lessiue curmin et riguelisse, et quand seront sechez parfume les avec soulfre vis, & deuiendront de couleur d'or.

Encor pour faire que les cheueux blancs deuiennēt noirs, pren sauon noir à lauer, & chaux viue, & litarge d'or, autant d'vn que d'autre, fay en forme d'vnguent, & d'iceluy te frotteras les cheueux, & le continueras par fois, selon que tu en auras besoin, & quand ils serōnt faicts noirs, laisse les ainsi, mais s'ilz retournent blancs, retourne à faire le mesme.

Encor pour les faire roux estans blancs, pren fueilles de noyer vn manipule, & les fay distiller en alembic de verre, puis te laue seulement les cheueux blancs, & non la face, car elle deuiendroit noire, & ce par quinze iours, il te durera vn mois & fera les cheueux roux.

Pren encor' vers de terre brulés, fays-en poudre, fueilles de figuier noir pareillemēt, & en fay poudre deliée, detrempe les avec huile d'amandes douces & deuiendront noirs.

¶ *Pour faire croistre incontinent les cheueux.*

PREN vne quantité d'œufs de gelines, & les fay cuire en eau avec leurs escailles, puis tire hors le iaune & le fay frire en la poëlle, sans y mettre autre chose, iusques à ce qu'il en sorte humidité dehors, oste les puis & les mets en vn sachet & les presse au presseoir, & en tire toute la substance qui en peut sortir: brule puis vne corne de beuf & en fay poudre, laquelle incorporeras avec ladite liqueur, & y mets encore crottes de cheure brulées, puis avec ladite mixtion t'en oingneras par plusieurs fois le lieu denué, & croistront soudain.

Pour blanchir les cheueux à l'ombre sans soleil, qu'ils deuiendront luisans & blancs comme argent.

PREN trois onces de racines de grande centaurée, gomme arabic, dragant, alun de roche, de chacun deux onces sauon de venise blanc vne liure d'alun de fece: pren premier vingt cinq liures d'eau de riuere, mets le sur le feu, iettant dedans les racines de centaurée taillées, avec vn peu de ses fueilles ensemble, & la feras boullir, tant qu'elle soit diminuée de la tierce partie, mets la puis au soleil par quinze iours, & mets dedās boullir toutes les choses susdites: & elle s'appelle Blonde à la venetienne, & le matin quand bon te semblera, mouille toy bien les cheueux, puis les enuolpe en vn linge, & enuers le soir, laue toy la teste ordinairement, accoustumant de mettre en ta

lessiue l'herbe paritaire, puis te seiche ou bon te semblera, ou au soleil, ou au feu, & ce faisant deux ou trois fois la semaine, les cheueux deuiendront beaux, blancs, & luisans qu'ils sembleront d'argent. Et faut sçauoir que cestuy est vn secret tres-beau & vray.

¶ *Paste molle comme pomate à se lauer les mains, & est bonne pour creueures des mains, de la bouche, & du nez, maintenant la chair delicate, & de bonne senteur.*

PREN amandes pelées, alun de fece, farine d'amidon, de chacun six onces: pignons nets & pelés, semence de courge nette, & farine de feues brisées, de chacun quatre onces, poudre de girofles, storax calamita en poudre, & macalep en poudre de chacun trois onces, sel blanc bien pilé deux onces, miel blanc, saun de venize vne liure, musc, ciuette, de chacun vn scrupule, claires d'œufs en nombre de dix. Pren premier les amandes, pignons, & graine de courges ou melons bien blanches & nettes, & les pile bien au mortier, car là gist toute l'importance, qu'elles soient bien subtilement pilées: mets apres dedans alun de fece, & les repile moult bien, puis y adiouste le miel, & l'incorpore bien avec le pilon, puis mets y dedans le saun bien taillé delié, & le pile & incorpore diligemment, en apres mets y deux liures & demie d'eau de bryonia, laisse les bien tremper & les mets en vn pot neuf, le laissant ainsi couuert vn iour entier, mets le puis sur feu de charbons ardans sans fumée, & le fay boullir vn quart d'heure, meslant toujours le dedans avec vne spatule de bois, à fin qu'il ne se prennent au fond, & ne prenne quelque mauuaise odeur, oste le du feu & le verse en vn grand plat de terre, puis mets dedans les farines susdites, estans bien incorporées, la poudre de girofles, & les autres poudres ensemble, lesquelles aussi bien incorporées, couure la bien qu'il ne s'euente, & le laisse ainsi confire dix iours de long, puis y adiouste le macalep, le musc, & la ciuette broyés bien delié, & incorporant le tout avec ta spatule, mets y les claires d'œufs batues toutes en escume, lesquelles rassises mettras dedans & le sel pareillement, meslant bien ce dessus dessous à fin que toute chose soit bien incorporée, & la pate sera faite de couleur grise, & sera de bonne odeur, laquelle s'appelle

s'appelle vnguent Imperial, pour ce que c'est chose signoriale: & se peut mettre en œuvre en tout temps à cause de son odeur précieuse, lequel conforte la mémoire, & en usant à lauer les mains & la face, te rend bon odeur, & fait la chair delicate, blanche, & odoriferante, & soude incontinent toute creueure de bouche, de nez, ou des mains: & si tu ne te veux lauer, oings toy le soir & le matin, & guariras incontinent.

¶ *Pour faire charnure tresblanche.*

PREN vin-aigre distillé vne liure, eau de courges vne liure, mets les en deux phioles, & en celle du vin-aigre mettras vne once de litarge d'argent pilé tresmenu, & en celle de l'eau de courges, vne once de sel gemma: mets ces deux phioles sur vne brique deuant le feu les laissant boullir vne heure de long, puis tire arriere. la brique, les laissant refroidir puis les mets au soleil huit iours de long, & les garde pour ton besoin. Quand tu en voudras vsér, pren vne escuelle ou tasse, & y en mets dedās autant d'un que d'autre, il deuiendra blanc cōme lait, & d'icel le eau te laueras legerement avec vne esponge, bien frottant la charnure, elle deuiendra blanche & douce comme vn coton & delicate au toucher.

Et si tu la veux faire vermeille & reluyfante. Pren vinaigre blanc distillé deux fois par l'alēbic de verre, se tu peus, pour ce qu'il est meilleur, prens en vne liure, & la mets en vne petite phiole, dans laquelle mettras vne once de sandal rouge, taillé, pilé, & reduit en poudre tresdeliée, puis la mets boullir demie heure de long deuant le feu, & y adiouste vn petit d'alun de roche pilé, car il augmente le lustre. Si tu veux qu'il aye bonne odeur, comme si tu la faisois pour quelque Seigneur, adiouste y deux grains de musc, ou de ciuette, puis te laue legeremēt avec vne petite esponge, si d'auenture il se faisoit trop rouge, adiouste y vn petit d'alun, & il s'esclarcira, & feras vn tresbeau rouge & clair, lequel te rendra la chair de bonne senteur.

¶ *Pour faire charnure tresbelle & luisante.*

PREN tartre de vin blanc vne liure, talcum & sel de chacun demie liure, mets le tout en vn pot non cuit, couure le & lie avec vn fil de fer, puis le mets calciner au four à la chaux, ou aux briques, puis le tire, & le broye subtilement sur le marbre, & le mets en vn sachet aigu, le posant en lieu humide de sorte

qu'il ne touchè de nuls costez, & qu'il n'aye trop d'air, mets dessus vne tasse de verre, & recueille l'huile qui en sortira en terme de quinze ou vingt iours, plus ou moins, selon qu'il sera humide. Garde cest huile comme vn tresor pour ton vsage, & premier laue toy avec lesiue, ou eau, et estant essuyé, mouille vne esponge ou vn drappeau dans ledit huile, & t'en frotte la chair legerement, & tu voiras que toute tache petite ou grande que tu aurois sur la chair, s'en ira, ou hallure de soleil, ou autre empechement & fera la chair belle, delicate, & luisante, tellement que le continuant tu auras en peu de iours ton intentioni.

Et si tû en veus faire vne autre, laquelle on a accoustumé nouvellement en Venise: Pren deux courges longues & blanches, & trois escuelles de phaseoles, desquels soyent ostés les yeux & la moëlle, de trois pains blancs, mets tremper vne nuit dans du lait, & près vne escuëlle de graine de melons, & demie escuëlle de noyaux de pesches plumés & vne liure de pignons pelés, le tout bien pile à part en vn mortier, & deux pigeons gros & gras nourris en cage, lesquelz vifs & avec les plumes, iettant seulement les boyaux, tailleras bien menu, & mettras le tout distiller ensemble en alembic de verre, & vseras d'icelle eau, qui te fera la chair blanche, & delicate & est fort en vsage, & experimentée par plusieurs fois.

¶ Pour esclarcir, & nettoyer la face de toute macule.

P R E N terebentine de venise deux liures, œufs frais en nombre douze, pren seulement la claire, & mets toute chose à distiller en alembic de verre, & la fais distiller derechef vne autre fois, puis mets en la-dite eau dix scrupules de canfre broyés, laquelle feras bien resoudre en l'eau, puis prens vne once de ladite eau, & vne once d'eau de tortuë, mesle les ensemble, & d'icelle t'en laue bien par plusieurs fois, & ta charnure deuiendra tresnette.

¶ Pour chasser le feu volage, boutons, lentilles, & autres taches.

P R E N sel nitre & tartre de vin blanc de chacune vne liure, pile chacune chose à part bien deliée, puis les incorpore ensemble, & fay passer par le tamis delié, de sorte qu'ilz soyent bien mellés ensemble, puis mets ladite poudre en vn tais, l'a-

mon-

moncelât ensemble en piramide, en forme d'un pain de sucre pointu, & sur la cime d'iceluy bien serré estroictemēt ensemble mettras vn charbon allumé, iusques à ce que de soy mesme il soit brulé & cōsumé, & ce sera le sel nitre, pour estre les parties plus subtiles & humide, & l'autre partie grosse, qui est le tartre, se calcinera de soy mesme, & se fera en forme de fouace, laquelle briseras en vne escuelle y versant dessus de l'eau chaude, la rompant avec le doigt fort bien, iusques à ce que toute soit conuertie en eau en façon de boullie liquide: mais pour faire la chose plus nette & plus polie, tu distilleras ladite eau avec vne chaussē de feutre, & elle deuiendra claire, & limpide puis mettras ladite eau en vn petit pot neuf, lequel mettras sus les cendres chaudes le faisant tant boullir que ladite eau soit toute esuyée, pren puis la poudre qui est demourée au fond car c'est la bonté de ton œuure, & pren vne phiole à syrop, dedans laquelle mettras quatre onces de vin-aigre distillé, vne once d'eau de vie distillée par trois fois, puis mets dedans de ladite poudre & incorpore bien le tout ensemble, le laissant au soleil par trois iours bien bouché, apres tu te laueras au matin quand tu te leues & le soir, à l'endroit des verrues, cicatrices ou autres taches laides à voir, et en peu de iours s'en iront, sans plus retourner, & là ou tu te laueras, la chair deuiendra blanche, ceste maniere tient on à Montferrat.

¶ *Autre secret pour oster semblables taches.*

P R E N des lies qui sont es tonneaux, & principalemēt de vin blāc, mets les en quelque coin de la maison sus le paue, & les laisse bien secher, puis les brule toutes sur vn tais, ou en vne poëlle de fer, tant qu'elles se puissent reduire en poudre: apres la mettras en vn sachet aigu, & en lieu humide qu'il ne touche au mur, & mets dessous vne tasse de verre pour recueillir l'huile qui en sortira en dedans vingt ou trente iours, lequel garderas en vaisseau de verre comme chose precieuse, & d'iceluy t'en oindras la face, ou l'endroit ou tu auras d'autres verrues, ou feu volage, ou autres taches laides à veoir, & s'en iront incontinent, demourant ta charnure molle & douillette, si tu veus l'huile odoriferant, adiouste y vingt clous de girofle.

Pour oster puis les lentilles du visage, pren cinq ou six fielz de beuf, deux liures d'alü de roche, six onces de sucre fin, huit limons taillez bië menu, puis feras distiller toute chose ensemble en alembic de verre, & mets en ladite eau vne once de sublimé reduit en poudre deliée, puis la mets en vaisseau de verre, et la laisse au soleil dix iours de long, & sera faite, & en pourras vsfer à te baïgner les lentilles avec vne piece d'esponge solide, en frottant bien sur la chair & s'en iront incontinent, rendant la chair blanche.

Encor tu pourras prendre la palette du feu, & la faire bien chauffer, & sur icelle ainsi chaude mettre vne escuelle de grain net, qu'il s'engrossisse, puis le broye ainsi chaud, & le presse & en tire la liqueur qui en forté, et dicelle t'en oings là ou tu auras les lentilles, & s'en iront.

¶ Pour effacer les rubis et rougeurs qui naissent en la face par eschauffement de foye.

PREN gresse de porc nettoyée, & soulfre vif également & eau de pescher distillée, & de feuchere, incorpore le tout ensemble à petit feu, & en feras vnguent, duquel t'en oingdras les rubis par plusieurs fois, & s'en iront. Garde toy du vin & de toute autre chose chaude.

Et pour effacer le feu volage, pren au matin de la chelidoine et la broye bien entre deux pierres, & l'applique sus le volage, ou autres taches noires, le continuant par plusieurs fois & s'en iront.

¶ Saouon pour oster toute tache d'un drap.

PREN alun de roche vne liure & la brule, six onces de poudre d'iris, puluerise le tout ensemble, puis pren d'eux liures & demie de saouon blanc raclé subtilement avec la gratuze, puis pren vn demy fiel de bœuf, & vne claire, ou deux d'œufs, incorpore les bien ensemble, & y mets l'alun & l'iris, incorpore les tous quatre ensemble, y adioustant vn peu sel broyé, puis y mets autät du saouon incorporé que besoin est pour faire corps, à fin qu'on en puisse former ballottes en bonne paste solide, & les faire secher à l'ombre, à cause que le soleil leur est contraire, & si tu les veux vendre, fay les en pois & mesure. Quand tu voudras oster les taches baigne premier le drap de tous costez,

tez, avec eau fresche, frottât l'vn drap contre l'autre fort bien, puis le laue avec eau fresche, iusques à ce que l'eau en demeure claire: & s'il te semble que la tache ne s'en fust bien allée, laisse sécher le drap, & le refais encore vne autre fois comme deuant, & toutes les taches s'en iront, qui est chose bõne & parfaicte.

¶ *Autre secret semblable.*

PREN saouon blanc de Venise vne liure, six iaunes d'œufs, demie cuiliere de sel broyé, suc de bêtes, autant que suffit pour incorporer ledit saouon, & feras paste recipiente forme les ballottes & les laisse sécher à l'ombre, puis laue avec eau claire le drap d'vn costé & d'autre, le saouonnant dessus, & laue comme dit est, elles s'en iront.

¶ *Pour le mesme.*

PREN saouon blanc bien taillé menu vne liure, fiel de bouc ou de bœuf, alumen catinum, de chacun vne once, deux iaunes d'œufs, & vn peu de cendres deliées, incorpore bien toute chose avec le saouon en vn mortier, fay en paste recipiente, & en forme des pelottes pour en vser comme dessus.

¶ *Pour le mesme.*

PREN fiel de bœuf vieil, & senegré mis en poudre, vne liure, saouon blanc liure & demie, lessiue forte trois flascõs, mets le tout ensemble à boullir à petit feu tant que la moytié soit consumée, & de ceste composition en laueras telle tache que voudras par plusieurs fois la relauant avec eau fresche.

¶ *Semblable pour les taches gresseuses.*

PREN alun de roche, chaux viue nouuelle, de chacune vne liure, alun de fece six onces, de saouon bien taillé menu, trois liures, eau claire quatre liures, mets le tout ensemble en vn vaisseau non gras, & le laisse boullir quelque temps, puis le coule & le garde, & quand tu en voudras vser, fay qu'elle soit tiede, puis laue la tache des deux costez avec la-dite eau, & frotte drap contre drap, puis la laue avec eau claire, et les taches s'effaceront, puis tourne à donner vn petit de saouon avec eau fresche, & assurement s'en iront à la deuxiesme ou troisieme fois.

Encor selon les taches, tu pourras prendre deux verres d'eau courante, vn fiel de bœuf, quatre onces d'alun de roche brulé, trois onces d'alun de fece brulé, deux scrupules de canfre, fay le

tout

zout bouillir ensemble par moytié, puis le coule, & laue telle tache que tu voudras, car en deux ou trois fois s'en ira.

¶ Pour oster taches d'escarlate ou de veloux, sans q̄ la couleur se perde

PREN l'herbe appelée saponaria, & en tire le jus, duquel mettras sus la tache par l'espace de deux ou trois heures, puis avec eau chaude la laue bien, & si la tache ne te semble bien effacée, laue la encore vne fois: si le drap n'est taint en graine mets y vn petit de saouon, & encore vn petit du jus suldit & l'incorpore, & laue bien la tache & s'en ira tresbien.

¶ Pour oster les taches d'vn drap de soye blanche, ou de velous taint en graine ou cramoyssi.

PREN eau de vie de la forte, cuite trois fois, & mouille la tache de çà & de là, puis pren vne claire d'œuf frais, & l'estêds dessus la tache, puis le mets au soleil à essuyer, laue la derechef tout bellement avec eau freche, & presse bien la tache, & s'en ira, fay le pour le moins deux fois, car la couleur ne s'effacera nullement.

Encore pour semblable effect en drap taint en graine, pren eau faicte d'alun de roche, & laue d'icelle la tache frottant bien drap contre drap, puis le relaue avec eau claire, & s'en ira à la seconde fois.

Encore pour le mesme effect pren alun de roche, tartre & saouon blanc, de chacun trois onces, puluerise le tout bien delié, puis pren deux fielz de bœuf, & vn pot qui ne soit gras, dans lequel mettras de nouveau de la lessiue à ta discretion, mets le sus le feu, & quand voudra commencer à bouillir, mets y dedans incontînêt le fiel et la poudre, & le laisse bouillir tant que la tierce partie, ou la quatrième soit consumée. D'icelle eau laueras la tache deux ou trois fois, & laisse à chaque fois essuyer le drap, la dernière fois respaume-le en eau freche, & voiras bel effect.

¶ Pour oster taches d'ancre, ou de vin hors d'vn drap de la laine ou de lin.

PREN suc de limons, ou oranges, ou moëlle de citrons & en fay jus, duquel en laueras par plusieurs fois la tache, la laissant essuyer, puis la laue avec eau chaude, et elle se perdra assés, mais vse de saouon blanc avec vinaigre blanc & la tache de l'ancre s'en ira.

¶ Pour rendre la couleur à vn drap qui l'auroit perdue en
ostant vne tache.

PREN vne liure de tartre de vin blanc, & le fay calciner en vn four à briques, tant qu'il deuienne blanc, prens en vne once, puis prens vn bocal de vin-aigre blanc fort & clair, dans lequel verferas ladite poudre, la mettant sus le feu, & quand voudra commencer à boullir, oste la soudain, & sera faite, laue en petit à petit & souuent l'endroit qui a perdu sa couleur & il la recouuera aucunement.

¶ Pour faire vne eau à oster toute sorte de taches hors d'un
drap de couleur.

PREN deux fielz de bœuf vieil, alun de roche, & alun de fece de chacun deux scrup. tartre de vin blanc quatre onces, canfre vn scrup. Le tout pilé bien delié, prè deux flafques d'eau claire, & mets toute chose à boullir à petit feu, tant qu'il n'escume plus, puis mets dedans quatre onces d'eau de vie de trois cuissions, & la garde en vaisseau de verre pour ton besoing. Et si la tache est en drap d'escarlante, pren vn petit dudit drap d'escarlante, & mouille en ladite eau, & avec iceluy tu frotteras fort bien par deux ou trois fois sus la tache, puis relae-le avec eau claire, & toute tache s'en ira. Ainsi feras de tout autre drap de couleur en prenant vn petit de drap de couleur semblable ou prochaine, & s'en ira trèsbien.

¶ Pour oster huile ou gresse, sans mouiller le drap.

PREN vne quantité de pieds de mouton, nettoye les biè, et cuis & les menge, les os droits brule-les & en fay poudre tresdeliée & nette, puis la fay chauffer, & la mets sur la tache, & le tiens au soleil, Et cōme la poudre deuiet noire, iette la incontinet, et y en remets dessus de l'autre nette, le continuant ainsi par tant de fois, que la poudre ne diuine plus noire, & alors la tache s'en sera allée, & la couleur du drap ne s'effacera pour cela vn brin.

¶ Pour nettoyer le poil, & essuyer la sueur sous
les aisselles.

PREN litarge d'or reduit en poudre tresdeliée, & quād tu auras biè sué, prè vn peu de ladite poudre sus les doigts, et la frote sous les aisselles, sus la poitrine, et par tous endroits de la
personne

personne mais principalement ou tu auras sué, & d'ou proce-
de mauuaise odeur: car soudain par la vertu de ceste poudre,
toute la sueur est sechée, & en peu de iours t'aura nettoyé le
poil enveloppe en la sueur & le maintient net, & garde de na
plus sentir mal, mais rend bonne odeur, & continuant ceste
poudre engarde que tu ne sue pas tant en iceluy endroit, sans
t'offenser aucunement, & sans aucunement tacher ou la chair
ou la chemise, & est à noter que c'est vn secret fort rare, car on
n'estimerait iamais qu'une poudre tant simple eut si grande
vertu.

¶ *Eau pour blanchir les dents.*

PREN sel commun vne liure, alun de roche huit onces, sel
nitre demie once, reduis le tout en poudre bien deliée, sauge et
lentisque bien couppez menu, de chacun vn manipule, meures
rouges qui croissent le long des haies, demie escuellée: mets le
tout à distiller en alébic de verre, et quād l'eau en est sortie, chā
ge le receptoire, & y en mets vn autre de soubs, & luy donne
vn bon feu la partie subtile en sortira, laquelle si bon te sem-
ble de meller, ie me remets à toy, mais elle sera plus forte au-
trement, & la garderas en vaisseau de verre espes & bien bou-
ché. Et quād tu ten voudras faire les dents blāches, nettoye les
premier de la paste & regarde si tu pourras leuer ce plāstre
qui leur croist à l'entour avec la poincte d'vn cousteau, puis
avec vn cure dent de lentisque ou autre mouillé en ladite eau,
frotte le sus les dents, & soudain deuiendront blancs comme
vn yuoire, & durera long temps, & ne te gastera les dets, ain-
çois te fera bonnes genciues à cause qu'il les restraint.

Si tu voulois adiouster quelque gentillesse à ce nettoymēt
des dents, pren l'escorce espineuse de chasteigne bien meure,
fay le secher & mets en poudre, pren autant de semence d'or-
tie mises en poudre deliée, incorpore les ensemble, & quand
voudras faire la gentillesse ou tromperie, fais en frotter les dets
avec ladite poudre, saches qu'elle mettra vne telle chaleur aux
genciues, que à grand peine pourra fermer la bouche pour l'a-
bondance qui luy sortira dehors, mais cela ne fera nul mal, car
prenant vn petit d'eau rose avec vn peu de sucre candi, &
rinçant souuent la bouche, la douleur s'en va et n'est rien.

Pour faire saouon noir à lauer, avec tous les signes qu'il demonstre
de faire saouon noir & fait au boullir.

PREN chaux viue blanche, si tu en peus auoir, en grosse^s piéces entieres & non en poudre, trente liures, cendres faites de bois fort; ie dy des plus fortes que l'on trouue, 90. liures, accoustré la cendre à l'entour de la chaux en forme de mortier, puis avec vn vipillon baigne avec eau lescdites piéces de chaux, vn petit à la fois & souuent, à fin qu'elle se viene à enflamber & que le feu entre dedans: Et quand elle sera bien macerée & acréüe par icelle chaleur de dedans, fay que soyez deux; & que l'vn voise incorporant ce dessus dessus les cédres & la chaux avec la pale, & l'autre voise arroufant avec le vipillon tout à l'entour, à ce que poudre ne s'esleue. Incorpore bien que la chaux ne se puisse discerner des cédres, & tant l'iras arroufant à l'entour, qu'en prenant vne poignée de ladite mixtion & l'estraignant, elle se viene quasi à attacher ensemble: mais sans faire cela, pren garde quand elle n'esleuera plus de poudre, de ne l'arrouser plus: serre ce mortier ensemble; & l'aiant serré bien estroit avec la pale le laisseras macerer par deux ou trois heures car il se reschauffe estant tout en masse; & se creuera tout à l'entour; qui sera signe qu'il sera leué: & en temps d'yuer le pourras couvrir, à fin qu'il ne se refroidisse & perde la chaleur, car tu n'auois bonne paste.

Toutes ces choses faites; tu mettras la-dite matiere à couler en vn vaisseau de terre ayant son pertuis du fond couuert avec vn petit de paille; & dessus vne escuelle; que la matiere puisse couler en son temps, & la mettant dedans, mets la par ordre, la pressant de main en main également par tout le plus que tu puis, & que dessus soit tousiours egal; puis verferas soudain dessus eau chaude, ou bien feras ce qu'ay accoustumé de faire.

J'ay prests six ou huit seillons de lessiue coulée, & la mets sus le vaisseau, laquelle me fait grande quantité de lessiue magistrale de la premiere, & bonne, la premiere fois i'en y mets deux ou trois seillons, & quand elle est escoulée, i'y en mets encore autāt, sans ouuoir le pertuis de dessous, c'est à dire sans luy donner ouuerture; iusques à ce que toute la matiere soit en bûe, puis luy fais ouuerture, à fin qu'elle sorte à la file: Et à

fin que tu puisses mieue cognoistre la premiere, la seconde, & la tierce, tu prendras vn œuf frais lié avec vn fil à l'entour, & à mesure, que la lessiue magistra coule, mets l'œuf dedans, & aussi long tēps qu'il nagera entre deux eaus, verse la toute en vn vaisseau, car elle est de la premiere, laquelle tu auras en estime: & quand l'œuf ne nagera plus dessus, mets ceste seconde à part, & si tu en tires de la premiere 40. liures, tire-en de la seconde 30. liures, & de la tierce. 20. liures, de la quatriesme autant que tu voudras, & qu'elles soyent toutes à part, & moyennant que tu les couures bien qu'elles ne puissent eua-porer, te dureront vn an, & seront tousiours bonnes. Pren puis trente liures de la premiere, dix liures de la seconde, & les mets ensemble, & regarde si elles tiendront vn œuf à nage, car si on en void vn peu, il ne la faut faire plus debile, mais sera bien ain si. Et faut sçauoir que pour chascques trois liures de ladite magistra il faut vne liure d'huile, & en mettant l'huile dans la magistra la dedans avec vn grand rouable de bois, à fin que l'huile ne soit offensée de la force de la magistra & tu feras icelle composition du soir, à fin qu'elle soit la nuict en infusion, puis du matin mets-la sus le feu, et la fay boullir tout bellement par l'espace de sept, ou huit heures, ou dauantage selon que la quantite sera grande ou petite: car quand elle passe cent liures, elle veut boullir dix heures ou dauantage, & auise bien, que commençant à boullir elle s'enfle merueilleusement, tu sois prest à luy oster le feu, & tousiours le leuant en haut, iusques à ce qu'elle se remette à boullir tout bellemēt, et ce pendant qu'elle bout, vas-la mêlant aucunefois, à fin qu'elle ne brule au fond, & quand tu verseras la composition en la chaudiere, ne l'emplis point à vne paulme pres, pour ce que ce pendant qu'elle cuit, elle s'enfle tousiours & tout l'huile s'en iroit, & par le souuent mesler dedans, l'huile se vient à mêler avec la magistra & se cuit plus tost, & quand elle aura boulli iusques pres de l'heure de la cuisson qui est de huiēt à neuf heures, tu pourras commencer à faire aucunes espreuues te souuenant de garder tousiours vn petit de la premiere & seconde, pour tous les bons respects qui pourroyent auenir, & quand elle aura boulli iusques à ceste heure, tu la voiras espessir, & faire le bouillon long & espes, alors tu pourras cōmencer à faire tes espreuues,

à sçauoir

à ſçauoir que avec la trou elle en mettes vn petit fus vn plat de terre, & le laiſſes refroidir, puis le taille avec vn petit bois, & s'il ſe r'attache enſemble, c'eſt à dire qu'il retourne, il ſera cuit, & s'il ne ſe rattache il ne ſera point cuit, laiſſe-le boullir tant qu'il ſoit cuit, & fay ſouuent ceſte eſpreuue, & quand ſera cuit, oſtes incontinct le feu de deſſous, puis le tire & mets en lieu frais, & eſtant refroidi, en pourras vſer, car il ſera bon & parfait: Et le faiſant d'huile claire, encore qu'elle ſoit forte, il n'y a nul danger, mais le faiſant d'huile fritte, & autres fonderilles, il ne ſera ſi clair.

Vn des bons ſignes qui ſe puiſſe voir eſt quand il commence à prendre corps, & que l'eſleuât en haut avec le rouable que les filets ſe rompent & demeurent, c'eſt à ſçauoir qu'ilz ne ſe retirent, c'eſt vn bon ſigne d'eſtre cuit, & quand tu en auras tiré vn peu, & refroidi ayant taillé le dur des coſtez, ſi le drefſant il demeure droit, alors il eſt cuit.

Et ſi d'auenture vne heure ſe paſſoit, ſans qu'il ſe cuiſiſſe, c'eſt à dire qu'il n'eueſt point de nerf, mettes deſſus vn petit de la premiere magiſtra peu à la fois, le laiſſant puis boullir par heure & demie, & feras derechef les meſmes eſpreuues, & ſi tu n'y vois bons ſignes, donne luy en encore vn petit tant que le viennes à reduire en corps ſolide, & qu'il ait ce qu'il luy faut c'eſt, qu'il ſoit ne trop fort, ne trop doux, & qui ſçait ceſte pratique, il cognoit ce qui luy fait de beſoin, ſeulement, à le voir boullir, & quand il te ſemble aſſez, oſte le du feu.

¶ *Les ſignes que fait le ſauon au cuire, ſ'il eſt trop fort, ou doux, ou liquide, ou blanc.*

Premierement le ſauon eſtant cuit, & le voulant tirer, & que tu le veiſſes blâc, & qu'il deuine ſe ferme en faiſant l'eſpreuue ſaches qu'iceluy eſt fort, & le voulant fort tire-le, pource que eſtant faiçt il retourne en ſa couleur, mais il retient toujours du fort. Mais ſ'il eſtoit fort outre meſure, ce n'eſt choſe louable car il deuient crud, & ſe briſe, en le mettant en œuure, de forte qu'il faut le recuire, & le faire retourner en bõne veüe à cauſe q̄ eſtant ainſi fort, il ronge trop les draps, & les conſume. Par mon conſeil doncques remets-le au feu, mettēt toutefois premier en la chaudiere vn petit de la tierce & quatrieme magiſtra avec vn peu d'huile enſemble, & la faiſ boullir, puis

mets y dedans le saumon fort, & tout s'incorporera ensemble, & le feras boullir vne heure de long, & tu le verras adouci, & ne fera tant fort, & encore moins se brisera il estant froid. Et saches qu'il est tousiours meilleur vn peu plus doux, que si tresfort, & en a aussi meilleure veüe.

Il est de grande importance, de cognoistre à la langue, de quoy il a besoin ce pendât qu'il bout: Pren-la rouable grãd, & le mesle bié à l'entour & ce dessus dessous, puis mouille l'vn de tes doigts sur le rouable, & en touche le bout de ta langue, tu iugeras de toy mesme ton besoing, car estât fort outre mesure, il te semblera qu'vn charbon de feu t'ait touché la langue, & n'estant trop fort, il ne te semblera si aspre au toucher de la langue: aussi quand il est si fort, il a de besoing de la quatriesme & d'vn petit d'huile: & s'il est trop doux, ce que cognoistras à la langue, saches qu'il a besoing de la premiere & donne luy ces mixtiõs vn petit à la fois, à fin qu'il ne l'empesche de boullir, & les melles dedans tout bellement, ce que tu auras pour vn grand secret.

Vn grand signe du saumon fort est, qu'il se brise tout en petites pieces, fait moult de magistra au fond du vaisseau ou il demeure long temps.

Mais quand le Saumon est mal cuit, est accoustumé de faire certaine splendeur, comme on diroit vne gelée: en ce point luy faut vn peu dauantage de la premiere magistra, & le faire boullir dauantage, iusques à ce que soit bien cuit, & deuienne ferme. Mais quand il sera à point, il veut retirer à couleur de cirrusine vn peu obscure, & ce sera quand le saumon sera vn peu doucet, & non trop cuit.

La marque que veut auoir le saumon: mesme le fort, quand il est bien cuit, honestement pourtant, c'est qu'il aura couleur de codignac, & tirera sur le noir, estant obscur luisant, & ayant belle fleur, cestuy sera saumon parfait.

Mais quand le saumon noir est deuenu blanchatre, & qu'il est fort, donne luy vn peu d'huile, ou bien vn peu de la troisieme magistra & vn petit à la fois, à fin que tu ne debilites trop, c'est à dire que tu ne le viennes à desneruer, car il luy faudroit d'auantage d'huile & de la premiere magistra, & y auroit grand danger, parquoy sois auisé en dispensant la magistra.

Mais en ce cas donne luy vn peu d'huile, & le faisant boullir, deuiendra plus blanc, mais plus doux, puis va fuituant avec la premiere magistra qui soit chaude, & peu à la fois, & faisant souuent les espreuues, contrae est dit dessus, tu cognoistras incontinent qu'il sera racoustré parfaitement.

Mais quād il sera trop cuit, ou brulé, on le cognoistra, s'il estoit tant fort, & blanc hors de mesure, qu'il fusse brulé, alors est besoing de luy donner de l'eau seule, ou bien de la quatrième magistra chaude, sans la faire plus boullir, ou peu, & en ceste sorte tu le pourras r'acquérir & guagner parfaitement.

Toutes les fois q tu adioustes matiere en la chaudiere, fay la tousiours boullir vn petit, car elle s'incorporera plus soudain, tu feras souuent les espreuues, & quād il sera à point, ne luy fais autre chose, & fois prest à luy oster le feu, & ainsi chaud le tire hors de la chaudiere.

A faire puis la magistra tiens cest ordre, quand tu auras tiré la premiere magistra, qui tient l'œuf nageant entre deux eaux, comme enuiron neuf bocals, de la seconde qui ne tient l'œuf nageant, tire en vn tiers, c'est à sçauoir trois bocals, & de la tierce tire en la moytié qui sera vn bocal & demi, puis de la quatrième tire en autant que tu veulx, car d'icelle on en vse peu, & regarde de les tenir toutes à part, & couuertes, car elles se garderont aises.

IL est bien vray qu'aucuns sont acoustumés mettre les magistra ensemble, à sçauoir vne mesure de la premiere, vne de la seconde, & demie mesure de la tierce, & encore moins, & vne d'huile, qui sont à point trois mesures & demie, & en ceste sorte les pourras multiplier autant que bon te semblera. Apres que tu auras ainsi accoustré en la chaudiere, fay luy feu dessous iusques à ce que à grand peine il soit tiede, & avec le rouable remue le tousiours dedans, à fin que l'huile s'incorpore & penetre dans la magistra, puis le laisse en infusion toute la nuit, car il s'en portera de mieux, & le matin donne luy feu, & quād sera chaud se melleras fort bien, à fin que toute chose s'incorpore bien ensemble, & en tenant tel ordre, l'œuue viendra selon ton desir, & en auras tresgrand honneur.

Et si tu veulx auoir certaine raison du boulli, il faut dix ou douze heures, & iamais ne fera magistra au fons, & ce pendant

qu'il bout, va-le hausant avec le rouable, & fera les bouillons grands par cinq ou six heures, puis apres se commencera à se ferrer, & fera les filz, lesquelz rompus que seront, tourneront dessus, ce est signe qu'il n'est encores cuit: mais quand ilz se rompront, & ne retourneront en arriere, ains demoureront fermes, alors il est cuit, & est à point, & le leue du feu, ceste est la vraie marque.

L'autre marque est, quand il est froid, tailles-le en petites tailles, & regarde si elles demeurent droittes sans tomber, & sera fait.

Assaies-le souuent avec la langue auant qu'il soit cuit, & si tu le sens trop fort, donne luy vn peu de la tierce, ou bien de la derniere, selon que tu sens qu'il est fort, ou peu, ou asses, selon que tu vois qu'il en a besoin.

Si tu le vois estre trop blanc, outre ce qu'il soit fort, donne luy vn petit d'huile, mais peu à la fois, & incontinent se racoustrera.

Quand il est presque cuit, & qu'il fait gelée, donne luy vn peu de la seconde, ou bien de la tierce, selon que tu vois en estre besoing.

S'il passoit son temps ordinaire de cuisson, & qu'il ne congelasse, donne luy vn petit de la premiere, mais fais que le fauon ne soit fort, essaye-le premier, car autrement ce ne seroit faite petite.

Mais quand il ne seroit trop fort, ne blanc, & qu'il ne se congele, tu luy pourras donner de la magistra comme est dit, & estant vn peu fort, luy donneras de la secōde à l'accoustumée.

Quand il seroit presque cuit qu'il seroit gelée, & fuisse fort sans estre blanc, donne luy vn petit de la quatriesme, peu à la fois, à fin que tu ne luy ostes son nerf.

Mais quand il seroit presque cuit, & seroit fort blanc, & qu'au reste il fut à point, donne luy vn petit d'huile, & sera bon & beau.

Quand il deuroit estre cuit, & qu'il passeroit l'heure de la cuisson, sans estre fort ne blanc, donne luy vn petit de la premiere ou de la secōde, ou de l'autre, selon que tu le voiras plus ou moins fort, & tournera en son bon estre, & veut boullir tout bellement, à fin qu'il ne s'attache au fond, qu'il ne se
brule

brule aussi par trop grand feu, à quoy faut prendre esgard car il importe.

— La quatrième lessive ne se met en œuvre, sinon quand il deviendroit comme gelée, & qu'il est fort & trop crud.

Quelques vns subtils ont coustume de mettre la magistra seconde avec l'huile, à fin que l'huile ne soit tant endomagé par sa fortressé, puis y mettent vn peu de la tierce, puis vn peu de la première, mais ceste façon n'est point de si grande importance, pour ce que ses mesures y sont, & que ces mixtions se font en présence d'autres personnes, quand le maistre ne se veut laisser à entendre que vn autre ne l'apprendroit tant facilement.

La bone & parfaicte magistra te regira tousiours l'œuf de trauers, & pesera tousiours deux fois dauantage que l'eau, & ainsi au contraire, quand elle est moins forte, elle poise moins, & l'huile poise autant que la quatrième magistra.

— Si tu acoustres par mesure tes lessives susdites, fois auerti de tousiours donner auantage à l'huile quatre ou six pour cét, si tu veux qu'il soit gras & beau, combien que qui est bon praticien s'apperçoit incontinent au boullir de ce qu'il a besoing, à sçauoir, ou d'huile, ou de magistra, ou d'autre chose.

Quand tu voudras faire saouon blanc, tien le mesme ordre, & quand il sera plus d'à demy cuit, mets y dedans du sel en sa mesure, & le laisse quelque temps boullir, puis le tire d'icelle chaudiere & le mets en vne autre, & quand il boullit, on y remet du sel, & on le fait bouillir en sa cuisson parfaicte, puis on le met esluyer en lieu plat, & on le taille par pieces, & sera bon & parfaict.

— Le mesme se fait avec la sode, comme on fait à Venise. Le sel veut estre pilé grossièrement, & dix liures pour cent, il le faut mesler dedans subit, & par tout, & peu à la fois.

¶ *A faire Azur tresbeau sans la pierre de l'azur.*

— PREN sel armoniac, & en deffais aussi gros qu'une noix en vne phiole avec eau de puis, laquelle ayt esté deux ou trois iours sus chaux viue, & puis coulée, puis mise avec ledit sel armoniac, laissez la ainsi durant vne nuit. Puis y mettes de la limaille de laiton autant qu'il en pourroit en la coquille de demie noix, & la laissez là trois ou quatre iours, & vous aurez d'azur en eau. Mettes-la en vn bassin de laiton, ou autre chose

d'airain, ou mesme en vne escuelle, & avec demie liure de chaux viue bien passée, verd de gris bon & naturel, qui ne soit falsifié avec sel, avec tartre, ou autre chose semblable, & se cognoist à le veoir, qu'il ne tire rien à blancheur, & qui ne soit point en morceaux comme petites pierres, mais qu'il soit verd bien vis & enflammé, & que en le touchant il se desface en poudre bien subtile & qui pique le nez: de tel verd de gris mettes en avec la susdite chaux viue, vne autre demie liure, ou bien deux onces, qui fera le meilleur, & trois onces de sel armoniac net, & que tout soit bien broyé auant que les mesler ensemble. Les ayant mesles ensemble abbreuez-les petit à petit de la susdite eau d'azur, & en broyant toujours bien avec vn pilon, mettes y tant de ceste eau, qu'il deuiene comme vne fausse assés espesse, & broyez toujours bien, & verres chose fort belle, car deuant voz yeux en broyant ainsi, il deuiendra incontinct en fort bel azur. Mais sachez que si vous le voulez auoir parfait, & que estant sec il ne retourne point à sa couleur verdatre, & qu'il ne soit point blanchatre, il faut auoir grande patience à le broyer longuement & souuent; puis le mettre en vn vaisseau d'airain bien couuert, l'enseuelir sous le sien vn mois de long ou dauantage, puis le tenir dans des sachets de cuir, & en lieu frais, & il sera tresbeau & excellent.

¶ *A faire vn verd comme vne esmeraude, qui sera tresbeau.*

PREN huile d'oliue, ou de lin, bien clair, & le mettes en vn pot au feu qu'il se chauffe bien; & pour chacune liure de ceste huile, mets y demie once d'alun de roche broyé en poudre bien subtile, & quād il sera bien defait avec l'huile, mettes y autant de verd de gris bon et bien remué leāns tant qu'il soit tout perdu avec l'huile, & couures bien le pot, & le leuez du feu, & laissez tout le dedans reposer, iusques à huit ou dix iours. Puis le rebroyez, et en vsez, vous le voires cōme vne vraye esmeraude, & ce pendant que le broyerez mettez y vn petit d'eau de Raisine si vous en auez, cela le fera si beau, que ce qui sera paint de cela semblera vne piece d'esmeraude vraye.

¶ *A teindre le marbre & albastre en couleur d'azur, ou violet.*

PREN suc de carottes bleues, & suc de lis bleus, & pour ce que ces deux choses ne se trouuēt point en vn mesme temps de

de l'année, il faut garder le suc de l'vne, puis le mesler avec le suc de l'autre quand viendra sa saison. Et encores se peut il bien faire avec vn tout seul, à sçauoir, ou avec le suc de carottes, ou avec celuy de lis, mais il faut qu'il soit bien coulé, & purifié, & le ferez boullir avec vin-aigre blanc, autant d'vn comme d'autre, & pour chacune liure de ce suc & vin-aigre ensemble, mettez y vne once d'alun de roche bien pilé, & les faites ainsi boullir vne bonne piece. Puis mettez y le marbre, & l'albâtre qu'ilz bouillent autant, puis allés voir comme se fait la couleur, car tant plus long temps il bouille, la couleur se fait plus obscure. Et si vous ne pouuez faire entrer dedás le marbre ou l'albâtre pour les y faire boullir cōme a esté dit, il les faut chauffer là ou ilz sont, puis tout auprès auoir le pot sus vn petit fourneau là ou il bouille tousiours, & avec le pinceau ou quelque piece mettre ceste couleur ainsi bouillante, sur les ouvrages de marbre, ou d'albâtre, & ilz deuiendront tresbeaux.

¶ A faire eau verte, pour en teindre drapeaux qui se gardent pour faire des couleurs quand on en a besoing, mettant lesdits drapeaux tremper en eau. Et est bon aussi à teindre cartons de liures, pour en luminer, & pour peindre en toutes choses, & est chose fort belle et singuliere.

PREN vin-aigre bien fort, & y mettez du suc de rüe, verd de gris, gomme arabique, & alun de roche, et le laissez ainsi l'espace de deux ou trois iours. Puis mettez y vn petit de saffran en poudre: et si c'est d'esté, tenez-le au soleil l'espace d'vn iour, si c'est d'yuer, tenez le enuiron demie heure sus vn petit feu, puis le coulez, & le gardez, car cest vne liqueur verte tresubtile sans corps, & fort claire, & en peut-on vser, estant mesme ainsi en eau, & si on le veut en drapeaux, il ne faut que les y tremper, comme a esté dit dessus des autres drapeaux pour même effect.

¶ A faire orisfel, qui est vne couleur dont on teint les draps fins en violet, et se fait en peu d'endroits d'Italie.

Premierement prenez l'herbe d'orisfel, laquelle vient de Leuant, & s'en trouue quasi par toutes les citez grossés, elle est longuette, & deliée comme des cheueux ou de filace: il la faut nettoyer & en oster toutes les petites pierres, ou autres ordu-

yes, qui y sont coutumierement parmy, ce qui se fait la passant par vn crible ou tamis à corde large. De ceste herbe ainsi nettoyée prenez en vne liure, & la mettez dans vn petit cuvier de bois, & l'arrousez ou baignez bien avec vn peu d'vrine. Puis ayez sel armoniac, sel gemma, & sel nitre, de chacun deux onces en poudre bien subtile, & les mettez sus ladite herbe la remuant bien & la laissez ainsi l'espace de huit iours, la remuant fort chacun iour par deux fois. Puis luy donnez vn petit dauantage d'vrine tant que l'herbe en soit toute baignée, sans toutesfois quel'vrine monte par-dessus, & la laissez encore autre huit iours, la remuant deux fois le iour comme deuant. Puis ayez cendre brulée ou calcinée, comme les teinturiers l'accoustrent pour leurs couleurs, qui soit bien criblée, & pour chacune liure de ladite herbe doit y auoir deux liures & huit onces de ceste cendre, & la meslez fort bien ensemble. Et incontinent iettez dessus vne liure & demie d'vrine, qui ait esté gardée quelques iours en vn pot ou autre vaisseau, & la remuez fort bien, & la laissez ainsi durant autres huit iours, la remuant tousiours deux fois le iour. Et luy iettez encore autant d'vrine comme deuant, à sçauoir autres deux liures & huit onces, ou deux liures & demie, & la laissez encor six ou sept autres iours reposer, qui pourra mōter en tout enuiron vn mois, l'ayant tousiours remué deux fois le iour. A la fin pour chacune liure d'herbe, luy adiousterez vn quart once d'arsenic en le bien remuant, & de là à deux iours ou trois, vous verrez de sus cōme vne certaine escume de plusieurs fort belles couleurs, laquelle recueillerez diligemment avec vne cuilere, & la garderez à part en vn vaisseau de verre nettement, car c'est la fleur d'orifel, & est tresexcellente couleur pour enluminer, escrire, peindre, & cadeler. Puis tout le reste, à sçauoir l'herbe, l'vrine, & la cendre sont l'orifel fort beau, dont vsent les teinturiers laissez-le là ainsi tousiours au mesme cuvier tant qu'il sera liquide, & se mette en besongne l'vrine & tout, & quand il est sec il se garde en pains. Et à fin qu'il ne se corrompe estant dans le cuvier, tous les quinze iours luy faut ietter vn peu d'arsenic dessus, qui luy maintiendra le lustre, & luy gardera sa beauté.

Cest orifel se fait encor de bresil, mais il est sophistiqué & faux,

faux, & les teintures qui s'en font ne font point de durée, & perdent leur couleur. Mais le premier fait avec l'herbe, est vne couleur tresfine, & s'appelle escarlatin violet tresparfaict.

¶ *Autre maniere de faire l'orifel sans l'herbe, et cestuy-cy se peut faire en tout lieu, et en tout temps, et est de grande importance.*

PREN cent liures de tartre de vin de Romaine, ou de vin Grec, ou de vin dit Mangeguerre, ou d'autre vin grād, sinon, la lie de tout autre vin noir sera bonne, mais quand elle sera de meilleur vin, elle fera la couleur meilleure, & plus parfaite. Prens en donc cent liures cōme a esté dit, & qu'elle soit bien puluerisée, & tamisée, et la mets en vn petit cuuier de bois, ou quelque autre vaisseau de terre cuite, & ayez quatre liures de cendres de Sode, qui est celle cendre qui vient d'Espaigne, & d'Alexandrie, laquelle mont en œuure ceus qui font le Sauon, & ceux qui font le verre, & s'en trouue en tous les lieux ou citez grosses, & autrement se nomme Alumen catinum, & fait que ceste cendre soit bien passée, & la meslerès avec le sudit tartre. Puis ayez vrine d'home laquelle ayt reposé par cinq ou six iours, & avec icelle vous baigneres fort bien lesdites poudres, lesquelles laisserès rasseoir iusques au iour d'apres, & quād les verres changer de couleur, & que fera vne couleur brune, c'est signe que la mixtion est bonne, & que la couleur deuiēdra fort belle: mais si elle faisoit vne couleur iaunatre palle ou morte, c'est signe que la mixtion n'est pas bone, que le tartre a esté de trop petit vin. Apres cela meslés-les deux fois le iour, & vous verrez que le troisiēme iour commencera à deuenir rouffe, & pourtant l'ires ainsi meslant iusques à huit iours, prenant bien garde, quand elle commencera à s'enbrouillonner & s'amasser en petites pelortes. Lesquelles prendrez & ouurires, & les verrez dedans treluire comme la couleur de violette, & alors vous ietterez dessus iusques à huit boccais d'vrine, les meslant fort bien, & au bout de trois iours, va les bien meslant, & si la couleur vous plaist ainsi crue, amassez-le, & en faites comme vne paste & la gardez. Mais si la voulez plus violette, laissez la ainsi dedans le cuuier, & sera tresbelle. Et notez que aucune-fois ladite mixtion, pour n'estre pas bien meslée, cōme a esté

dit, ou pour quelque autre occasion, se retourne reschaudée
 coustumièrement, & la refait on. A l'heure pour y remedier,
 incontinent que vous vous en auisez, tirez la hors du cuuier,
 & l'estêdez sur des nates, & la y laissez par quatre ou six iours
 l'arroulant avec vrine. Puis la remettez dâs son cuuier, & pour
 cent liures de tartre, luy dônerez vn seau d'vrine, & le tiers iour
 elle sera toute acheuée & accomplie, & la pourrez mettre en
 besongne: mais notez que tous pâstels qui reçoieût ainsi quel-
 ques inconueniens, veulent estre employez incontinent, car en
 les gardant ils se gastent. Ceste maniere de faire ceste belle cou-
 leur est fort vtile, & fort requisite iusques à present par tout.

¶ *A broyer l'or de l'argent.*

PREN rongneures d'or batu pour demi escu, puis gom-
 me arabique de la grosseur de deux feues, mets la tremper en
 autant d'eau que à grande peine elle soit couuerte, la y laissant
 vne nuit, broye la puis vn petit sur le marbre, & y mets l'or pe-
 tit à petit, l'incorporant bien avec la gomme, puis le broyez
 légèrement par l'espace de deux heures le tenant tousiours ra-
 massé sous le broioir, car en s'ellargissant, il sen perd trop, &
 avec le pinceau baigne autour de l'or qu'il ne se seiche point,
 car vous le perdriez, attendu que la gomme le fait secher. Pren
 puis sal nitre demie once, & le mets en vn vaisseau de fer, & y
 verse tant d'eau que à grande peine il soit couuert, & le mets
 boullir au feu, et l'escume bien, puis le coule par vne piece de
 linge fendue & double & le laisse refroidir, & sera congelé &
 blâc. Broyez-le puis en cōpagnie de l'or l'espace d'heure & de-
 mië: & estât broyé, r'assemblez le petit à petit avec le pinceau,
 le mettât en vne tasse de verre, puis le resous tout en eau. Ayez
 puis trois ou quatre tasses de verre pour verser l'eau de main
 en main, & mets de l'eau sus l'or, & avec le bout de ton doigt
 laue le bien de la gomme, & du sel nitre & verferas l'eau de
 main en main dans les tasses, & tu auras appareillées des co-
 quilles qui soient nettes et essuyées pour le mettre dedâs: estât
 l'or bien laué dans la tasse, verse y dedans vn petit d'eau, & a-
 vec vne epingle ou poincte menue desmesleras l'or, & en ver-
 feras tout bellement dedans la coquille autant qu'il te semble
 en falloir pour mettre en œuure: & le distribue en autant
 de mesures que tu en retires ton argent. Sachez que tousiours
 s'en

s'en guaigne la moytié, & prè garde de le mesler avec l'éguille en le versant à fin que le grós voyse au fons; sans le mesler avec le liquide & delié, car tu ferois honte & guasterois ton ouurage: mais le garderas; car tu le pourras vne autrefois rebroyer, quand il sera en la coquille, tien ladite coquille sus vn charbon ardant sans la tenir ferme, mais fay-la vndoier tout bellement, il s'essuyra, & semblera plus bel à l'œil; puis le garde de toute ordure & poudre & sera fort beau.

¶ *A faire lettres de relief d'or & d'argent.*

PREN vne teste ou deux d'ail, nettoye les gosses & les pile, & en tire le plus de suc que tu puis, incorpore avec iceluy vn petit d'ancre, tant que tu le faces noir, ou bien vn petit de safran en poudre sans encre, & avec ledit suc escrie tes lettres capitales ou autres, & les laisse secher, puis leur en donneras dessus encore vne autrefois pour les faire de la grosseur que tu voudras, laisse les puis secher, & quand tu voudras attacher l'or, eschauffe les avec l'aleine, & attache l'or en fueilles, le pressant legerement avec du cotton, & osteras ce qui n'est point attache, ainsi te demeurera ton ouurage d'or & de relief, chose fort belle à voir.

¶ *A faire quelque gentillesse; ou armoiries; ou autre chose sur vne giroflée, ou rose.*

PREN sel armoniac, & le broye sur le marbre avec vin-aigre & vn petit de sucre candy, & le garde en vn petit vaisseau de terre; puis prens la rose, ou giroflée, & attache les fueilles avec cire rouge qu'elles foyent plates, & avec vn petit pinceau fais y dessus telle entreprise ou armoiries que voudras, les laissant secher l'espace d'vne heure ou plus, & mets dessus or ou argent en fueille, le pressant legerement avec du cotō, ce qui n'est point attaché s'en ira, & demourera l'ouurage net, beau, & plaisant.

¶ *Pour donner beau lustre aux peintures.*

PREN raffine grasse & blanche vne liure, gomme de prunier deux onces, terbétine de Venise vne once, huile de semence de lin deux onces. Pren premier la raffine & la defais, & la coule ainsi chaude, trempe ta gomme en huile cōmun, tant quelle soit defaite, & la coule aussi, & mets la terbétine huile & toute chose ensemble en vn pot qui ne soit gras sur vn petit feu,

feu, le meslant tousiours tant que tout soit bien incorporé ensemble, oste-le du feu & le garde, & quand tu le voudras mettre en œuvre, fais que tes figures soyent nettes, & que ce vernis soit vn peu chaud, & l'induis sur ta peinture comme on fait l'autre vernis, & ton ouurage sera beau & luisant.

Et pour faire vn autre vernis lequel incontinent que sera induit se sechera, pren encens masse, & vernis à escrire à scauoir sandaraca, qui est gomme de genéure, autant que tu veux, reduis-le en poudre la plus deliée que tu puis, & les incorpore ensemble. Pren puis terbentine de Venize, & la mets en vn vaisseau non gras, & la defais, puis mets dedans lesdites poudres petit à petit, les incorporât bien, sans la faire trop tendre, mais bien à point, & ainsi chaude la couleras par l'estamine, & quand tu en voudras vser, chauffe la, & estends fort deliée, & te fera ton ouurage fort luisant, & se sechera incontinent & bien.

Et pour faire encore vne liqueur de laquelle on vse pour vernis sur les peintures, pren huile de lin & le fay distiller en alembic de verre, prens puis vernis d'ambre qui soit belle trois onces, & dudit huile vne once, incorpore les bien ensemble à petit feu, puis le mets en œuvre chaud en forme de vernis, & te viendra bien soit en bois, toile vieille & en tout ouurage, mais il le faut faire dextrement.

¶ *A faire vne sorte d'eau verde claire.*

PREN le fruit de Nerprû meur & noir & le brise bié, puis le mets en vn pot neuf, y adioustant vn petit d'alun de roche pilé, & le mettras en lieu chaud six ou huit iours, & boullira comme fait le raisin en la cuue, coule-le puis, en vn canevas au pressoir, & en tire toute la substance, & y mets à l'heure vn petit de turquin, & tu auras vn beau verd, lequel s'il te sembloit trop obscur, adiouste y vn peu d'alun : puis mets ladite composition en vne vessie, & la sèche à l'ombre & auras vne belle paste, non toutefois si ferme comme celle de dessus, mais elles sont bonnes toutesfois.

¶ *A faire vne eau qui teint toute chose, os, et bois.*

PREN vin-aigre blanc tresfort, & le verse en vaisseau de verre, & mets dedans limatures de cuiure, & vitriol Romain, alun

alun de roche, & verd de gris, & les laisse en infusion set iours, puis les mets boullir en vn receptoire, faisant boullir dedans ce que tu veus, sçauoir est bois, ou os, & prendront telle couleur que voudras, à sçauoir rouge & iaulne; & mets vn peu d'alun de roche, il a esté esprooué par plusieurs fois.

¶ *A faire vernis de mastix pour induire sur les peintures faites à l'huile.*

PREN mastix ferme deux onces, terbentine de Venise cle-re vne once, ayant broyé le mastix mets le en vn petit pot neuf, & le defais à petit feu, puis y mets la terbentine & la laisse boullir quelque temps la meslant tousiours, puis y mets icelle terbentine & ne le laisse boullir quasi rien, à cause qu'elle fait le vernis trop visceux, & pour sçauoir quand il est cuit, boures-y dedans vne plume de geline, & si elle se brusle soudain, elle est faite, contregarde la de la poudre, & quand tu en voudras vser, mets la chauffer au soleil, & induis la avec la main par tout, & quand elle sera seche donnera tresbeau lustre.

¶ *A faire vne peau blanche à taches noires de couleur de Leopard ou Panthere, et les cheueux blancs noirs.*

PREN Litarge d'argét vne once, chaux viue deux onces, et trois boccals d'eau, mets les boullir à petit feu en vn pot nouveau tât qu'il soit tiede, puis l'oste du feu, & le va mellant tousiours avec vn baton & sera fait. Pren puis vn pinceau de seyes de porc, & avec iceluy brouille ta peau blâche à ton plaisir, vne tache cy, l'autre là, bien espees, & grosses selon la matiere, fay les puis secher au soleil, & quand sera bien seche, bats-la avec vne vergette, & tu voiras les taches noires se tourner en couleur tannee: & si elle n'estoit bien coulourée à ton plaisir, tu le pourras faire vne autre fois, la rechargeât là ou tu l'as premier chargée, & la couleur deuiendra plus gentille, & en ceste sorte tu auras ton dessein, ceste couleur se maintient tousiours & rend bonne odeur. Et mettant encore ladite matiere sur les cheueux ou barbe, la fait deuenir rouffe & belle.

¶ *A faire vne pierre de mixtion composée, que en la baignant avec la saline, fait feu.*

PREN chaux viue, salpêtre raffiné par plusieurs fois, tutie alexandrine nō preparée, calamite de chacū vne part, soulfre vis, canfre, de chacū deux parts, pile le tout bié delié & passe par le tamis

tamis : puis mets ladite poudre en vn linge nouueau, & la lie bié fort: ayes deux creufets-grāds, & mets dedans ladite pouëre cōme elle est, & les mets l'vn sur l'autre à ſçauoir bouche cōtre bouche, & les lie bien fort enſemble & les lute avec lutum ſapientie, de ſorte qu'il ne respire point, & la fay ſecher au ſoleil & ſera ſaulne: puis mets le creufet accouſtré en vn four à briques ou quarrons, & eſtant refroidi le tire hors, lors tu trouueras ta matiere de couleur de briques, & ſera paracheuée: & quand tu en voudras vſer, baigne la d'vne goutte deau, ou avec vn peu de ſaliue, & luy preſente l'alumette elle ſ'alumera incontinent, & quand tu la voudras eſteindre, ſoufle la comme ſi-c'eſtoit vne chandelle, & ſ'eſteindra.

¶ *Pour faire le verdet bien beau à la moderne.*

PREN vin-aigre tresfort, & eſcaille de cuiure net de toute ordure ou poudre huiët onces, ſel cōmun quatre onces, tartre de vin rouge deux onces, ſel armoniac demie once, demi pain de leuain de froment, ou dauantage, qui ſoit bien leué, car c'eſt ce qui multiplie, & fait faire corps au ver de gris, detrempe le bien audit vin-aigre, & que les autres choſes ſoyent reduites en poudre fort deliée, le vin-aigre ſ'i met ſans meſure, à cauſe ſ'il y en auance, il eſt touſiours bon: toute choſe bien incorporée enſemble, mets la en vn pot neuf plōbé avec ſa coũerture; et le lute bien à l'entour: puis le mets ſoubs le ſien chaudemēt quinze ou vint iours, puis le tire, et en verſe le vinaigre tout bellement, et ſi tu le veũx dauantage multiplier, remets y de l'autre leuain bien detrempé et incorporé avec les matieres de deſſus, tant qu'il ſoit dur à ta fantaſie, puis le mets en vn ſachet fait de ſeyes de cheual bien ferré, puis le remets vne autresfois ſoubs le ſien huit ou dix iours, et à fin que le ſachet ne touche au ſien, mets le dans vne caſſette de bois eſpeſſe de deux doigts ſeulement à fin qu'elle ſe refroidiſſe bien toſt, puis le tireras hors; et tu auras vn beau verdet.

¶ *Autre verdet plus brief.*

AIES vn pot aſſez grand plōbé, et mets y dedans vin-aigre tresfort, car ſ'il n'eſt fort il ne fera rien, et auras moult de lames de cuiure, ou laiton, bien tendres et petites, à fin qu'il y en ayt nombre, mets vn triangle de terre au fond à fin que les lames ou platines ne touchent au vin-aigre; car tu ne ſer-

rois rien, puis le couure de son couuercle figillé & bouché avec lutum sapiétie, à fin qu'il ne puisse respirer, mets-le sous le fumier, ou bien en sablon, en lieu chaud bié exposé au soleil vingt cinq iours de long, oste puis le pot, & le decouures, et tu verras le verdet attaché ausdites platines, rasclez-le avec le couteau le faisant tóber dedans le vin-aigre: racoustre puis vne autrefois toutes les platines susdites comme deuant l'vne sus l'autre, comme on fait les briques en leur fournaise, puis le descouure & nettoye les platines cōme deuant: & tu le feras tant de fois en ceste sorte iusques à ce que toutes soyent consommées, puis couleras hors le vin-aigre legerement, & rassembleras le verdet, le mettant en vne vésie ou autre vaisseau propice, & tu auras vn verdet fin.

¶ *Pour faire Inde bon & bleu.*

PREN fleur de pastel ou guesde, c'est à sçauoir florée trois onces, farine d'amidon vne once, toute chose soit subtile, puis l'incorpore ensemble avec vrine & vin-aigre fort, & en fais vne fouace, & la fay secher au soleil, & si tu le veux plus chargé de couleur adioustes y plus de guesde, & le r'empaste vne autrefois, & tu auras vn Inde fort coloré & beau.

¶ *A faire couleur verte, rouge, iaulne, & turquine, sans corps pour escrire sur papier.*

PREN ver-degris pilé grossēmēt, & le mets en vne ampoule avec vinaigre fort, y adioustant vn petit de gomme arabique, & vn petit de ius de rue, & icelle ainsi plaine, la boucheras, & mettras au soleil, quinze ou vingt iours, ou bien la feras boullir au feu, puis la couleras à ce que le verdet soit bien deffait, puis le remets en ladite ampoule, & le garde de la poudre, & quand tu le voudras mettre en oeuvre, mesle le bien, à fin qu'il se trouble, & en escriis ou peins, ce sera vn beau verd sans corps.

Pour faire le rouge, pren lesiue de barbier, & y mets dedans le bresil taillé menu, & le y laisse vne nuit tremper, puis le fais boullir, mettant dedans vn peu d'alun, iusques à ce qu'il diminue vn tiers, puis le coule, & le garde pour t'en seruir, & quand tu en voudras vser, pren ce qui t'est besoing, & le fay reboullir, y mettant dedans gomme arabique, & plus en met-

tras, plus beau rouge feras & plus luisant, mais faut qu'il soit chau. & si tu le veus auoir clair, mets y vn peu d'alun de roche broyé, mais vn peu à la fois, & tu feras telle couleur q̄ tu voudras, rouge obscure & claire.

¶ *A faire le iaune.*

P R E N grains de Nerprun non meurs & les brise grossement au mortier, puis les mets tremper en lessiue de barbier, & boullir que la tierce partie soit consommée, coule la subtilement, puis remets au feu ledit broüet, jettât dedans vn petit d'alun de roche pilé, & quand tu voiras qu'il vouldra commencer à boullir, oste-le du feu, car tout s'en iroit, et le coule vne autre fois, puis le garde pour t'en seruir, & quand tu en voudras vser, touille-le & écris bien delié, & tu auras vn beau iaune qui dure longtemps, & en y adioustant deux fils de safran, sera plus haut de couleur.

¶ *A faire le Turquin.*

P R E N tourne sol d'Alemaigne, qui semble fleur de guéde, & le mets tremper vne nuit en vrine, & le matin broye-le sus le marbre, & mets dessus vn peu de chaux viue autant que voudras selon que tu voiras ta couleur deuenir claire ou obscure, & ne le detrempe avec autre chose qu'avec vrine, il durera vnt an & plus en sa couleur, & quand tu voudras le mettre en ceure trouble-le bien en la phiole, puis écris subtilement avec la plume ou pinceau, & tu voiras beau turquin, auquel si tu veus donner lustre, mets destremper gomme arabique en la-dite vrine, & fera lustre.

¶ Vray secret, & l'ordre qu'il faut tenir pour faire l'azur d'outre-mer en tout parangon.

¶ *A faire le ciment fort pour incorporer dedans le lapis lazuli, puis le retirer en son temps, ou quand on veut*

Ayez premier terbétine claire & nette 4. onces, belle raffine de pin six onces, belle poix grecque six onces, mastix bel & net trois onces, cire neuue luisante trois onces huile de semence de lin purifié once & demie, ou bien huile d'amandes ameres vne once. Pren premier vn pot neuf plombé & bien laué, auquel mettras la terbentine sur vn petit feu & lent de charbons, tât qu'elle soit bien défaitte, & la mesle dedans avec vne spatule de bois faite tout expres comme celle des Apoticaire, & estant
bien

bien defaite, mets y petit à petit la raifine de pin taillée menu, l'incorporant bien, puis semblablement la poix grecque peu à peu, puis y mets le mastix en poudre à trois ou quatre fois, puis la cire taillée menu, meflant le tout bien ensemble avec la spatule de bois, à fin qu'il soit bien incorporé, mais sur tout à petit feu, car autrement se bruleroit, pour ce que sont toutes choses chaudes. Puis mets l'huile dedans saches toutesfois que l'huile de lin est meilleur que celui d'amandes, mais tu y mettras celui qui te sera plus commode, laissant le pot de sorte au feu que ladite composition grenotte l'espace d'un quart d'heure ou plus s'est besoin: & quand ledit ciment sera cuit tu le cognoistras en faisant cest assay. Pren la spatule de bois & la maine bien dedans & tout à l'entour, puis la hausse & en fay tōber deux ou trois gouttes en vne escuellée d'eau fresche, & si la goutte s'eslargit sus l'eau, elle n'est pas bien cuite & la fais mieux cuire, & si la goutte tiēt ensemble, est signe qu'elle est cuite. Tu pourras encore faire cest autre assay, c'est à scauoir que tu baignes tes doigts en eau, & presses ladite goutte, & si en la tirant elle s'alonge, & se destache d'elle mesme, alors sera bien cuite. Oste la du feu, & ainsi chaud verse le en vn sachet agu par le bout, qui soit premier mouillé en eau chaude, & fay couler le ciment en vn bassin dedans vn seau d'eau fresche ou dauantage, & faut estre habile, à fin que tout sorte, tu presseras le sachet avec deux bastons, par ainsi en sortira plus viste, & ce faisant te fay ayder. Quand il sera quelque peu refroidé, tire le hors de l'eau, & le manie bien tant que tu puisses cognoistre qu'il n'y est plus demourée d'eau dedans: & si d'auenture pour le chaud il s'attachoit aux mains, oings les avec huile de semence de lin purgé, comme est dit au chapitre de l'huile purgé, & apres que tu l'auras bien pressé avec les mains, & nettoié de l'eau, le ciment, est fait, & le garderas tousiours en eau fresche: & si c'est d'esté, change luy l'eau fresche tous les iours, ou pour le moins tous les deux iours vnie fois, & faisant en ceste sorte, se gardera huit ans tousiours bon pour ciment fort.

¶ *A faire le second ciment plus doux, pour faire l'azur d'outremer.*

PREN terbentine belle, quatre onces, résine de pin belle, six

onces, poix grecque luisante six onces, belle cire vne once, huile de semence de lin trois quarts . Et ce second ciment cuiras ne plus ne moins que tu as fait le susdit, & tiendras le mesme ordre, toutesfois faut noter que cestuy-cy se cuit plus-tost, pour ce qu'il est plus dous, c'est à dire que te rendra plus-tost l'azur que ne fera le premier qui est plus fort: mais note q̄ si tu veulx mettre en œuvre le lapis lazuli avec les deux cimens, fay que cestuy dous soit le premier: mais sois auerti, que, si la pierre ne fust de la parfaite, qui a veines d'or, de ne luy donner iamais deux cimens. Et faut noter que en ces cimens est la vraye art de sçauoir bien faire le vray azur d'outre-mer, car en cela gist ton gaing & ta perte, parquoy sois soigneus de le faire bien.

¶ *Pour purifier l'huile de semence de lin pour l'azur d'outre-mer.*

PREN huile fait de semence de lin beau & clair de couleur safranée, à sçauoir de couleur d'or telle quantité que bon te semblera, & le mets en vne corne de verre, ou de bœuf, ayant vn pertuis au fond, & verse dessus eau fresche, & le laue bien avec vn petit baton le meslât ce dessus dessous: puis le laisse quelque peu reposer, & ouure le pertuis de dessous, et laisse sortir l'eau, & feras en ceste sorte par sept ou huit fois, ou bien tant de fois que l'eau en sorte claire comme tu luy a mise: en ceste maniere se purifie l'huile susdit, lequel tu garderas en ampoulle de verre pour ton seruice. Et si par auenture tu ne pouuois recouurer l'huile susdit, yse de celuy d'amâdes ameres, lequel se peut mettre en œuvre sans autre purgation, il est vray qu'il couste plus & si n'est encore si bon comme l'autre. Et note que quand tu oyras nommer huile entends de cestuy purifié.

¶ *A faire la lessive pour lauer l'azur d'outre-mer.*

PREN cendres de vigne criuillées huit ou dix poignées, mets les en vaisseau qui tiene pour le moins seau & demy d'eau, ayant vn pertuis au fond, l'acoustrant de sorte que l'eau puisse couler, & que la cédre ne sorte toutesfois, bouche le trou par dehors, puis mets dedans ladite cendre, & la presse le plus que tu puis, & verse dessus vn seau d'eau chaude petit à petit, sans l'ouurer dessous iusques à ce qu'elle s'en soit allée au fons: ouure puis vn petit le trou: & la laisse couler goutte à goutte tât
q̄ uif

qu'il en viendra: ceste premiere garderas en vn vaisseau de verre, & la distille par le feutre, c'est à sçauoir pren vne lifere de drap blanc vieil, puis le distille derechef par vne piece de feutre, ou drap blanc, & alors elle sera bien nette & purifiée, garde la de la poudre en vaisseau plôbé, puis remets vn autre seau d'eau chaude sus ledit vaisseau & la laisse couler comme tu as fait l'autre, & garde tousiours de ces deux sortes pour ton seruice, tu feras encore la tierce de ceste maniere, méntant chacune à part, & ainsi tu auras la premiere qui est la plus forte, la seconde qui est moins forte, & la tierce qui est la plus debile & douce.

Et ces lessiuues sont faites pour lauer le ciment ou pastè quand les pierres d'azur ne voudront sortir, comme tu entendras cy dessous, & quand tu la voudras mettre en oeuvre, prens en de toutes les trois sortes, & tu la feras douce & forte à ton plaisir.

Encore se peut faire vne autre lessiue pour lauer le ciment de son vnctuosité: Pren tartre calciné tant que tu voudras, & le mets boullir en eau nette vn quart d'heure ou dauantage, puis la laisse aller au fond, & la garde ainsi claire, d'icelle te pourras tu encore seruir quand le ciment sera gras, & pour lauer l'azur d'outre-mer, pour ce qu'elle luy rechauffe la couleur, & encores est bone pour guarir gratelle, rongnes, & mal S. main, continuant à s'en lauer, rendant toute la personne nette & blanche.

¶ Quel doit estre le vaisseau, auquel se mont toutes les eues avec lesquelles on laue l'azur d'outre-mer, qui sont fondrilles, & se recueillent & se mettent avec l'autre azur,

LE vaisseau doit estre de terre cuite, & bien plombé, & poly au fond, & encore qu'il ne fust de terre, moyennant qu'il soit de cuiure, ou laiton bien poly au fond, il n'y a point de danger, & fais qu'il aye trois pertuis & broches ainsi que tu les voudras appeller, l'une au milieu, l'autre plus bas, l'autre à deux doigts pres du fons, & encor qu'il ne te semblast azur, laisse le toutesfois ainsi huit ou dix iours, tant qu'il soit bien reposé, & tu voiras au fons quelque peu dudit azur, puis verse l'eau tout bellement, & tireras l'azur hors, puis le lauera com

me l'autre avec eau fresche, & le mets avec l'autre, ou bien le garde à part, il est bon & beau.

¶ *La premiere partie de cognoistre les vertus & bontez avec les marques du lapis lazuli pour faire l'azur d'outre-mer.*

Mouille premier ladite pierre avec la salive, ou avec eau, & luy mets à l'entour vn drap bien blanc, & tu voiras qu'elle rendra dedans vn beau lustre de couleur violette, qui te resiouira les yeux.

Et si tu veux faire espreuue s'il est du fin, prens en vn petit, & le mets soudain sur les braises, & les fay bien embraser, puis le tire hors, & quand il sera refroidi, si tu vois qu'il n'aye perdu sa couleur, il sera du bon, & s'il n'en a perdu du tout rien, sera du plus fin, pource qu'il ne redoubte point le feu, ains la vraye & parfaite couleur luy augmente.

Si tu veux faire vne autre espreuue, mets le sur vne palette au feu, ou sur vn autre fer, & le fais embraser, puis l'estains en vinaigre blanc fort, & le tire hors, & si tu vois qu'il n'aye perdu ou changé sa couleur, c'est du bon, & s'il acquiert couleur, c'est du tresfin & parfait: Et qui en pourroit trouuer de celly qui selon la preuue susdite acquerisse couleur, s'en pourroit payer treize ou quatorze escus pour once, mais il s'en trouue peu qui vueille maintenir sa couleur naturelle, qui ne la perde aucunement à ces espreuues. Et est de sçauoir, q'en faisant ces espreuues avec le feu, si le lapis ne retient entierement sa couleur naturelle, l'azur ne deuiendra trop beau, mais sera azur moyen.

A cognoistre puis si c'est du bon quand il est en poudre, pren vn creuset d'orfeure, & y en mets dedans vn petit à ton plaisir, puis le mets sur le feu, le faisant bien embraser, & le laisse refroidir, & si c'est esmail, il sera fondu comme verre, & si c'est pierre bonne, demourera en son estre, & combien qu'elle soit en poudre, elle ne laissera pourtant à estre bonne: & si par auenture elle fust à demy esmail, & à demy pierre, l'esmail se fond & deuiet comme vne fouace ou tarte, & la pierre demeure en son estre & en sa couleur: & ceste tromperie font de coustume ceux qui le vendent, parquoy chacun soit sur sa garde.

Et de toutes les trois sortes d'azur tu en tireras pour vne liure de lapis lazuli (parlant de celly qui aura esté fort aux ciments susdits) iusques à cinq onces & demie d'azur d'outre-

mer premier, qui sera tresfin, & se vendra douze ou treize ducats l'once: le second puis se vendra trois ou quatre escus: le tiers vn escu: puis tireras le dernier, qui s'appelle cendres, duquel se fait peu d'estime, neantmoins quelque fois te payera la despense du ciment, & en ceste sorte tu pourras iuger de l'utilité de ton œuvre.

Mais si c'estoit de celuy lapis lazuli, lequel en faisant l'essay dessus-dit descroist & perd sa couleur, il ne s'en fait tant, ne si fin: mais si tu veux endurer le travail en l'augmentant en finesse, il faudra luy donner des ciments cōme se dira dessous, mais il diminue beaucoup de pois.

Finablement celuy lapis lazuli est bon, vray, & parfait, qui est bien plain & remply de veines d'or, & bien luisant & c'est celuy qui se maintient joliment à tout ciment au feu, & avec le vin-aigre, & avec toute autre espreuve.

¶ *En quelle sorte il faut calciner, ou bien preparer la pierre dudit lapis pour le vouloir broyer.*

PREN ledit lapis lazuli, ie dis celuy qui a les veines d'or, & qui a esté aux ciments susdits, romps-le & en fais petites pieces comme noiffilles, & les laue avec eau chaude, puis les mets en vn creuset sur le charbon, & les fais embraser, & les tire l'une apres l'autre, les estaignāt en vin-aigre blanc distillé par le feu tre trois ou quatre fois, ou bien estainds* les en vrine d'enfant sain qui soit distillée en la maniere susdite, mais saches que le vin-aigre est meilleur & feras ceste calcination six ou sept fois, pour ce que en les pilant sont plus frangibles & plus faciles à broyer: & n'estant bien calciné, à grand peine se pourroit il piler, à cause qu'il s'attacheroit au mortier.

Mais cest autre lapis qui ne se maintient au feu, & ne retient sa propre couleur aux ciments, il n'est besoin lui faire ceste calcination, car il perdrait tousiours de sa vertu, & de sa couleur, & tu perdrois le travail & la despense.

¶ *La maniere de tirer l'or hors du lapis lazuli, apres qu'il est broyé.*

PREN ladite pierre preparée, & rompue au mortier de bronze, & broyée bien deliée sur le porphyre, & non moins d'une liure, & mets vne once de mercure purgé en la dite pou-

dre, mets le tout en vn mortier & incorpore bien ensemble, & mets ladite poudre en vn linge, & la presse bien, l'argent sortira dehors, emportant quant & soy l'or, puis mets ladite matiere en vn creuset et la mets au feu, le mercure s'esuanuira, & l'or demourera au fons du creuset, & de ce peu d'or fais en ce que bon te semble, il sera fin & parfait: Et de tirer cest or en telle sorte, il n'y a trop grand gaignage, mais ie te l'ay bien voulu manifester pour ce que la maniere est facile, mais ie te diray encore, que cest or qui est audit lapis, est la vraye mere de l'azur d'outre-mer, pour ce qu'il luy augmēte le lustre, & sa beauté, & le mettant en œuure pour paindre, le laisse mout doux & mol au pinceau, & s'estend fort doucement.

Pour piler puis ledit lapis calciné ou non calciné, prens-le & le pile dans vn mortier de bronze couuert, puis le passe par vn tamis delié couuert dessus, à fin que la partie subtile ne s'esuanuisse, car icelle est sa finelle, sa beauté, & bonté.

¶ *Comme se fait la liqueur avec laquelle se broye le lapis lazuli, pour faire l'azur d'outre-mer.*

P R E N trois ou quatre verres d'eau de puis, & la distille par le feutre, que toute ne monte point plus de trois verres, & la mets en vn pot neuf, y adioustant autant de miel crud qu'il en pourroit en la coque d'vn œuf, tant que leau tiene couleur crocée, & la fais tant boullir qu'elle ne face plus d'escume, & sera cuicte. oste la du feu, & la garde en phiole, pren puis sang de dragon fin la quantité d'vne noix muscade, & le broye sur le porphire, avec quelque peu de ladite eau miellée, & le garde en vne autre phiole, ou verre & y adiouste dessus autant de ladite eau, qu'elle deuienne de couleur violette, & ceste est la liqueur qui se met en œuure, garde la de la poudre.

Et faut noter que si la pierre de laquelle tu veus tirer l'azur d'outre-mer, auoit quelque couleur violette qui fust belle en perfection, tu mettes dedans tant de la liqueur susdite, qu'elle face vne couleur violette non trop chargée, mais qui tire plus au clair, que au rouge: & si la pierre auoit la couleur chargée, que ta liqueur ayt couleur plus ouuerte & clere: et si ladite pierre auoit la couleur claire, fay que ta liqueur ayt couleur plus chargée: mais tu feras ces trois sortes de couleurs selon tō esprit, leur

leur donnant de la-dite liqueur peu & assés selon que tu voiras que les couleurs se porteront en adioustant de ladite matiere.

Pren encores sang de dragon de celuy duquel vsent communement les orfeures qui est en larme, non de celuy en poudre: les aucuns sont acouitumez de le broyer avec deux parts de la lesiue susdite, & vne part de tragacanta: & les autres le font avec bdellium defait avec vn petit d'eau, & est tresbon.

*¶ En quelle sorte se broye le lapis lazuli sur le porphire,
& de ses marques.*

PREN ladite poudre pilée & tamisée, broye la & baigne la avec icelle liqueur petit à petit, & qu'elle soit bien serrée & estroite, c'est à sçauoir ramassée en vn le plus que tu puis, car estant esparse au large, tu en perdrois assés, & estant serrée, tu la broyras plus viste, tu broyras vne liure de ladite pierre en deux ou trois fois nō en moins, & ne faut emploier au broyement moins de deux heures pour en retirer tes deniers, & la faut tenir mouillée à l'entour avec ladite liqueur, à fin qu'elle ne s'attache sur la pierre en broyant: c'est à sçauoir q̄ tu pourras employer vn verre de ladite liqueur à l'entour d'vne liure de lapis lazuli. Et quand tu en auras broyé vne partie, oste la, & broye l'autre au mesme lieu s'il est possible, & garde toy bien d'y adiouster autre eau que la liqueur susdite.

Et si tu veux sauoir quand il est bien broyé; mets en tant soit peu entre les dents, & si tu ne le sens craquer comme si c'estoit poudre, alors est il honestement broyé. Mais se faut garder aussi de le broyer, qu'il ne perde sa couleur, mais suffira qu'il soit broyé honestement.

Et pour secher ledit lapis quand il sera tout broyé, mets-le sur vn pierre nette, & le fay secher à l'ombre, non au soleil, car en c'est endroit il luy est fort contraire, & quand il te semblera sec touche le avec les doigts, & s'il se poudroye cōme terre, ou fange seche, il n'est besoing de l'oster, combiē que l'ostant ne nuiroit gueres. Mais estant sec, s'il fait resistance sans se briser, il est alors temps de l'oster, c'est signe que la poudre est grassie de miel, & pourtant la faut purger, à fin qu'elle puisse sortir en temps & heure hors du ciment.

A lauer puis ledit azur d'oultre-mer, pren vn bacin de bar-

bier ou plat de terre fait expres, qui soit poly par tout le dedans et au fons, & mets y dedans lazur, versant dessus de la lessive douce susdite, qui passe dessus de quatre doigts, & laue le bien avec les mains, puis le laisse bien aller au fons tant qu'il soit bien reposé, apres verferas icelle eau tout bellement en son vaisseau dessus-dit, puis le laisse ainsi quelque peu secher en ce plat à l'ombre, & l'oste apres en diligence, l'estendant sur le porphyre ou marbre, & ainsi le laisse acheuer de secher, puis se met au ciment en ceste sorte: à sçauoir,

¶ *Comment s'incorpore le lapis lazuli, apres qu'il est broyé, au ciment fort, ou en la paste ou ciment plus doux.*

PREN vne liure de lapis lazuli broyé & acoustré comme dessus, & vne liure du ciment fort, qui est le premier, & le laue legerement par dehors avec les mains: puis le taille en petites pieces les mettant en vn pot neuf bien plombe & mouillé, & le mets sur cendres chaudes, faisant dissoudre ledit ciment, gardant bien qu'il ne viene à frire, & si par auenture il frit, mets y dedans vne goutte de l'huile susdit, & cessera incontinent. Quand le ciment est bien defait, pren icelle palette ou spatule de laquelle tu t'es seruy en faisant le ciment, & l'oings avec l'huile, & mesle bien le ciment quand il est fondu: les autres versent la poudre preparée comme dessus petit à petit, comme se fait l'huile sur la salade, sans iamais laisser d'en mettre tant qu'il y en aye, mais peu à la fois: tu l'iras bien incorporant vne bone espace de temps tant que tu vois que ladite poudre soit bien incorporée, & que rien ne s'en voye hors du ciment qui ne soit penetré dedans, & ce veu, prendras subit le pot ainsi bouillant, & le verferas en vn plat d'eau fresche, & en mesme temps nettoiras bien le plus que tu puis le pot avec la spatule, qu'il n'y demeure rien dedans: & quand ledit ciment sera froid de sorte que tu le pourras manier, oings toy les mains dudit huile, & si tu vois que le ciment soit bien teint & coloré, sera bon signe pour toy, & avec les mains oingtes remué bien le ciment heure & demie de long, le tirant tousiours de long & de trauers, à fin que s'il auoit quelques vesies dedans, elles se puissent incorporer: & sois auerti que tant plus le manieras bien, tant plus viste le tireras puis en le lauât. Apres forme-le en pain long, ou rond comme bon te semblera, & le
mets

mets en vn plat vni & net avec asses d'eau fresche & clere, & le laisse tremper dix ou quinze iours ou dauantage, pour ce que plus se trempe, plus parfait deuiet & beau, & plus soudain et avec moins de facherie sortira du ciment.

¶ *Comment on tire l'azur hors du ciment.*

PREN le ciment preparé, & le laue tout doucement mais legeremēt par dehors avec les mains en ladite eau fresche: puis le mets en vn plat ayant le fond delicat et plombé, et oingt dudit huile, verse y apres dessus eau tiede, de laquelle à grand peine soit ostée la froideur, qu'elle monte par dessus le ciment de deux doigts, et si ladite eau estoit distillée par le feutre, elle seroit meilleure. Pour estre plus seur, tu peseras le ciment apres qu'il sera laué, à fin que tu saches ce que tu as à faire, & combien tu as à en tirer, calculant en ton entendement l'huile qui y peut estre entré en le maniant, & le laisse en ceste eau tiede vn quart d'heure si c'est esté, mais moins au printemps. Qu'il te souuienne puis de verser toutes ces eaus au vaisseau susdit à trois broches, & quand tu auras versé ceste premiere eau, remets y en dessus de l'autre tiede, pour ce que le ciment en est plus molle, & ainsi petit à petit en fort le bon: Car si tu voulois tirer hors tout à vn coup, tu ferois mal ta besongne, & iras tournant le ciment ce dessus & dessous, avec les batonceaus descripts ci dessous, tout bellemēt. Et si par fortune le ciment s'attachoit au fons oings toy les mains, & le tourne legerement, le tournant tant de fois que l'eau te commencera à deuenir azurée, & quand tu la voiras tainte, verse la sus l'autre, soustenant le ciment avec les bastons, à fin qu'il ne s'attache au fons du plat: saches toutesfois que peu d'azur qui en sortira par ce premier lauement te taindra assez d'eau, & que quand le ciment est auoyé à rendre l'azur, qu'il enuoyra hors certaines lignes d'azur par l'eau quisemblerōt rayons azurez du soleil, & verseras encore ceste eau dessus l'autre, & quand tu verseras l'eau en vn plat, coule la, à scauoir, tien dessous vn tamis pour recueillir aucuns fragmens du ciment, si par auenture il en estoit eschappé avec l'azur & deuiendra encore plus net. Puis remets petit à petit sur le ciment de l'eau susdite tiede, & iras ainsi tournant tout bellement avec les batonceaus le ciment, trauillant adextremement & à laise, principalement à ce commencement,

à fin que le ciment ne se delaye, & rende l'azur tout à vn coup, car il ne viendroit point à propos, d'autant qu'il ne se pourroit assortir; & quand tu l'auras tourné quatre ou six fois, rassemble puis ton ciment, & tu voiras incontinct combien il en est sorty, à sçauoir qu'il en deura estre sorty de quatre à cinq onces et demie, ie dis du premier, & cela s'entend si le lapis lazuli a esté du fin, & il ne deuroit pas sortir moins: & cestuy, pour estre premier, le mettras à part, car c'est le vray azur d'outre-mer.

Poursuy en apres en ceste mesme sorte à tirer le mesme azur, qui sera le second, lequel mettras encore à part, & en tireras de trois à quatre onces.

Tu tiendras le mesme ordre à tirer le tiers, avec la mesme eau, qui soit tousiours tiede, ayant à grand peine perdu la froideur, & le manie dextrement avec les bastons.

Il ne tiendra apres qu'à toy de tirer le quatriéme si tu veul lequel est appellé cendreau, lequel voulant tirer, l'eau veul estre vn peu plus chaude, lequel sera de couleur grisatre & presseras fort le ciment avec les bastons, & s'il ne vouloit sortir dehors avec l'eau, donne luy vn petit de la lessiue susdite.

Puis mets tous les azurs à part, pour ce que l'vn gasteroit l'autre, & principalement le dernier.

Et faut sçauoir, que auant que tous les azures soyent tirez dehors, il n'y faut pas moins de huit heures, & auant qu'ils soyent alles au fons, il n'y va moins de dix ou douze heures, car en cela gist ton gaignage, & verse les eaux avec diligence.

Et si par fortune en versant l'eau tiede, les azurs ne vouloient sortir sinon en petite quantité, donne leur deux parts d'eau, et vne de lessiue douce, & si encores ne sortoyent, donne leur la lessiue froide: & si encore ne venoyent, fay en ceste maniere: Pren vn pot, dans lequel mets cendres de vigne, et eau fresche clere, & la fay boullir la huitième partie d'vne heure, puis la verse & laisse clarifier, & fay qu'elle soit piquante à la langue, & cestuy sera son dernier remede, & d'icelle te seruiras à tirer le dernier azur, et la pourras encore mettre en ceuvre chaude pour lauer le ciment, puis la iette en voye, car elle ne vaut plus rien: et saches qu'en ce tiremēt des azurs est le gaing et la perte.

Les bastons desquelz on se sert au ciment, doiuent estre de
buis

buis ou d'autre bois delicat, faits au tournoir, longs d'une demie brassée ou dauantage, de la grosseur d'un pouce, ou un petit plus gros, et plus grossiers un peu par le bout & plats en forme d'une amande.

¶ *De quelle couleur sont les azurs quand ilz sortent du ciment, & quelles marques ilz ont.*

SOIT vne marque manifeste, que le premier azur, quand il sort hors, semble un peu plus grossier que les autres, et ce aduient à cause des veines d'or qui sont en la pierre. Le second semblera plus delié, mais il n'aura pas si belle couleur. Le tiers te semblera encores plus delié, mais il sera plus palle-bleu de couleur et plus ouuert et cler, et cela s'entend quand le lapis lazuli est bon et parfait: les pris des couleurs ont esté dit dessus: la pierre se vent de coustume six à huit escus la liure selon les lieux ou on est: et si la pierre est de la bonne et fine, comme elle doit estre, tu en tireras, toute chose mise en compte, du moins dix onces & demie: & si elle n'est si fine, du moins huit onces. Mais il faut noter que la pierre pourroit estre si meschante, que tu n'y gagnerois rien, ains y perdrois.

¶ *En quelle maniere on laue & purifie les azurs incontinent qu'ils sont hors du ciment.*

QUAND tu les auras tiré hors du ciment, & que tu auras osté l'eau, verse-y dessus de la lessiue douce qui soit claire, les lauuant adextrement avec les mains, & ainsi feras à chacune sorte d'azur, chacun à part soy, & verferas toutes les eaües à part, & laisse reposer lesdites eaus auant que tu les verses en leurs plats, et les laue tant de fois, qu'ils soient bién nets de toute graisse de ciment, puis les rince avec eau fresche du moins trois ou quatre fois, à fin qu'ils deuiennent plus purifiez & plus nets.

¶ *A parfaitement purifier lesdits azurs avec le iaune d'œufs de geline.*

PREN cinq ou six iaunes d'œufs de poule qui mange grain & non herbe, & perce le iaune avec vne pointe, & l'espars çà & là, comme se fait l'huile sur la salade, & les distribue sur les azurs un petit pour chacune sorte également, & en ceste sorte feras es plats, & incorpore fort bien l'œuf avec les azurs avec la main, puis les toutne à lauer avec lessiue tresdouce

douce, & tant les laue qu'elle en sorte hors aufsi claire comme tu luy as misé, puis rince les avec eau fresche trois ou quatre fois: & cestuy est le vray lauement & la vraye purgatiō, laquelle aquirt vn lustre à tous les azurs, & d'iceluy secret vsent tous les maistres excellens en tel art, & sur tout laisse tousiours reposer les euaes, auant que les verser es plats, pour ce que tu diminuerois trop la masse grande de l'azur.

C'est encor vn tresbeau secret pour donner le lustre aus azurs susdits, qui est a peu notoire, à sçauoir quand l'azur est bien laué & purifié, comme est dit dessus. Pren vn fiel de tor, et le va espanchant sur les azurs come tu as fait les iaunes d'œufs également selon que l'azur est abōdant par chacune sorte, puis les frotte fort bien avec la main, & les laue en la maniere dessus-dite: & saches que toutes ces purifications, se font toutes l'vne apres l'autre, puis que les azurs sont hors des cimens, & tu feras audit vaisseau toutes ces purifications avec diligence, dextérité, & patience, & cestuy est vn tresnoble secret & pour te faire honneur.

¶ *Comment on coule les azurs apres qu'ils sont purifiés, nettoyez, & lauez.*

IL est necessaire couler l'azur d'outre-mer, & les autres encores, si par fortune y estoit demourée quelque gresse, ou ordure ou quelque piece de ciment, pour ce que ces azurs veulent estre diuinement nourris, comme il est dit dessus, parquoy feras en ceste sorte. La derniere eau que tu leur donnes apres qu'ilz sont purifiés, passe la par vn tamis, & apres par vn autre plus rare, & la tierce fois fay la passer par vn sendal & quand tu feras ces esco ulemens, laisse tousiours reposer les eaus, que tu les voye bien claires, ou bien tireras l'eau avec l'esponge petit à petit, mais garde que l'azur n'entre dedans l'esponge. Apres que tu auras tiré toutes les eaus, laisse les azurs en leurs plats, & les laisse secher à l'ōbre, & non au soleil, car il leur est contraire, & faut noter qu'en trauaillant, il le faut faire nettement sans poudre, ou autres ordures, & apres qu'ilz seront sechez, recueille les en diligence chacun à part, & les mets en sachets blancs de sayes de bestes, du costé plus vni: apres que le sachet sera lié, frotte le bien entre les mains, à ce qu'il se raffine,

Et plus le feras, plus belle couleur acquiert il quand tu le monstres à l'air.

Et si tu voulois tourner à raffiner lesdits azurs, pour les faire de plus grand pris, il te sera besoing de les remettre vne autre fois à les reincorporer au cimēt fort, selon l'ordre susdit, & les laisser ainsi trois iours, puis les tire en la mesme sorte q̄ est dit dessus: & tāt plus de fois feras en ceste sorte, tousiours deuiendra plus fin: mais il est bien vray que fois pour fois il diminura de pois, mais à le mettre puis en œuure, vne once fera autant que trois onces, & pourtant fois diligent en toutes choses, & principalement és lauemens pour non oster le trauail, & fois bien auisē à cognoistre la pierre, à faire les cimēns, & à composer les pastes.

¶ *A faire dorure qui se donne sur les cuirs qu'ils sembleront d'or, & l'appliquant sur argent & verre, les fera sembler d'or.*

PREN vn pot neuf bien plōbé de la grandeur que tu voudras faire ton œuure, & tu feras vn fourneau, que la flamme ne passe point le pot; pour le danger que le feu ne se boute dedans, pour ce que il est quasi semblable au feu artificiel, parquoy fois en auerti, pren puis huile de lin trois liures quatre onces, & le fay boullir lentement dans ledit pot, tant qu'il soit cuit, & si tu veux sçauoir s'il est cuit, mets y dedans vne plume de geline, & la tire hors incontinent, si elle se poile dedans, c'est signe qu'il est cuit, s'elle ne se poile, laisse le boullir, etquād il sera cuit, mets y dedans raifine de pin pilée huit onces, s'andaracha c'est à sçauoir vernis d'escriuains huit onces, aloē hepatic quatre onces, toutes choses pilées subtilement, mets les dedans tout à vne fois tousiours meslant avec la spatule: & cōbien que toutes ces choses deuiēnt toutes en vn mont, c'est à dire à s'amonceler en vn, n'en fois en soucy pourtant, mais augmente leur le feu soudain, sans cesser de tousiours les remuer, car s'entans la grand' chaleur, ellēs se fondrōt & deuiēnt liquides: laisse les puis ainsi lentement boullir quelque espace, puis feras les esprenues sur le papier, ou sur l'ongle, cōme on fait le iuleb bien cuit, ou biē entre les doigts, pour voir s'il a prins corps assez, ou nō, & s'il te semble qu'elle soit trop claire & luisante, adiouste y d'once & demie iusques à deux d'aloē

d'aloë cicotrin, lequel luy donne vne certaine couleur vn peu plus obscure, & l'ouurage n'en est si clair, & encore le resamble mieux & y mets le moins du monde de sandaraca, et quãd il te semblera qu'elle sera cuicte, & à point, oste le pot du feu soudainement, sans l'approcher de la flamme du feu, pour ce qu'elle attire à soy ceite chaleur, & le feu la bruleroit toute, aye deux sachets appareillez appointis l'yn dans l'autre en forme de colatoire, & subit que l'auras ostée du feu, verse-la à fin qu'elle se coule subtilement auant qu'elle se refroidie, & la matiere non brisée demeure és sachets, laquelle en cest endroit ne vaut plus rien, & en reste plus de la moytié: & en ceste maniere tu auras fait ton vernis à dorer, lequel se garde long temps, & plus est vieil, tant plus fait meilleur operation: garde-le de la poudre, car elle le fait deuenir ord & ne le laisse couler: & faut sçauoir que l'aloë est celuy qui luy donne la couleur iaune, qui le fait ressembler à l'or, & les autres choses font le corps. Et si tu le voulois faire dur outre mesure, quand l'huile est cuit, estât mis par mesure, tire en telle quantité que te semble, puis poursuy ton ordre, & saches qu'estant acomply, il ne pesera non plus que de trois à quatre liures, & non dauantage: & ce est le moins que tu en puisses faire à la fois: mais les maistres en font quarante et soixante liures à la fois, et le gardent pour leur besoing.

Et le voulant mettre en œuure sur verre pour luy donner couleur d'or, il faut que la dorure soit chaude, ou le verre, et s'estendra au pinceau comme tu voudras, et encore sur l'estain, l'appliquant chaude, et sembleront dorez: et en tenant cest ordre tu feras bonne besongne.

¶ *A faire paste de Camaieux, pour imprimer ou former les petites figures & images qui sont és pierres des aneaus.*

PRENEZ porcelettes de mer bien pilées, et les mettez en suc de limons, lequel soit distillé par le feutre cinq ou six fois, et faut que le suc passe au dessus trois ou quatre doigts, soit en vn verre, ou en vne escuelle bien couuerte, le tenant tousiours ainsi iusques à dix iours, Puis versez tout le suc, et prenez la pâte qui demeure au fond, et la lauez avec eau claire, et la broyez puis sus vn porfire avec vne glaie d'œuf bié batue, & quand la
paste

paste sera liquide, selon que vous la voudrez, moyennant qu'il si puisse cacheter, ayez les figures taillées à fons, comme sont les cachets de lettres, & les oignez d'huile d'amandes d'ouces, & imprimez dedans la paste, comme vous feriez dans de la cire: mais il la faut bien polir par dessous, c'est à sçavoir par le reuers, auant que le tirer du cachet, car cest endroit se doit as-soir tout plat sur le champ là ou vous voulez mettre la figure ainsi formée. Tirés la donc aueques la pointe d'un couteau quand la figure sera bien imprimée, & la mettes sur vn papier secher au soleil, & sera faite. Et quand vous la voudrez mettre sur vn cristal noir, ou sur vne corniole, ou quelque autre pierre qu'il vous plaira, prenez vn petit grain de mastix avec la pointe d'un couteau, ou d'un petit baton & le chauffez au feu il rendra vne liqueur comme vne larme, avec laquelle ce pendant qu'elle sera ainsi chaude, vous collerez vostre figure, ou histoire sur ce que vous voudrez, faisant aussi que le reuers de vostre petite image, & la pierre sur laquelle vous le voulez coller, soyent chaudes en la collant, car autrement ils ne s'attacheroient pas bien.

Et si vous voulés mettre couleurs en ladite paste, vous y en pouuez mettre à vostre plaisir, apres que vous l'aurez tirée du suc de limon, en broyant fort bien avec elle telle couleur que vous voudrez avec la glaire d'œuf: mais faut que les couleurs soyent fort exquisement subtils, autrement la paste ne seroit pas bõne n'y ferme. Et qui se sçaura ayder avec ceste paste, fera choses tresbelles, non seulement pour camayeuze, ou autres pierres d'aneaus, mais aussi pour toute autre sorte de figures tant en relief, qu'en fons.

¶ *A contrefaire les perles qu'elles sembleront naturelles,*

PREN croie blanche de laquelle se font les escuelles, qui soit bien labourée & netoyée du gros sablon, puis tu formeras tes patenottes de telle grosseur que tu voudras, & leur fais le pertuis petit & les laisse secher au soleil: & si tu les fais cuire au four, elles seront plus durables, & plus seures. Puis avec le bolus armenus, & glaire d'œuf, leur donneras vne teinture de-liée, & leur attacheras dessus du fin argent en feuille: mais premier mouille les d'eau, & quand seront seches, brunis les avec la dent, & les feras luisantes, puis pren rongeures de parche-

min blanc, & non teint, & les laue en eau tiede, & les fay boullir en vn pot neuf tant que soyent bien cuites, & qu'elles ayent quelque espaisseur, puis les coule subtilement, & quand les voudras mettre en ceuvre, fay qu'elles soyent chaudes, puis prenta perle enfilée par le bout à vn eguille, ou autre fer delié, que le pertuis ne se bouche point, & la plonge en ladite colle, la leuant quant & quant en haut, et va remuant ce dessus dessous, que la colle ne s'arreste en vn lieu, mais qu'elle soit de pareille grosseur par tout, & si elle ne te semble grosse à suffisance, plonge la vne autre fois & paroistra mieux, c'est à scauoir, celle blancheur sera plus transparente sous icelle cole, & fera vne certaine obscurité par dedans, & dehors aura lustre, de sorte que semblera couleur naturelle de perle: & quand tu la paragoneras avec la naturelle tousiours ceste cy semblera plus belle, pour estre plus luisante, & plus ronde, & pour les tenir en credit, tu les tiendras en boiteletes les monstrant peu à la fois, & si tu veux bien gagner fais en aisez.

¶ *Pour imprimer medailles de relief avec gomme de tragacanta.*

PREN tragacantha six onces, & la mets tremper en fort vinaigre trois iours, puis pile la bien & luy donne corps avec gyp broyé tresdelié & net: & si tu les veux faire d'autre couleur, mets-y dedans telle poudre que voudras, blanche, ou vermillon, ou orpiment, tant que la paste soit quelque peu durette: & toute chose bien incorporée, tu prendras tes moules à fons, les oignant vn petit, & les empliras de ladite paste, la pressant bien: puis les laisse essuier au soleil, & tu auras ta forme iuste & nette hors du moule: tu pourras encore de ceste paste faire autres ouurages à ta fantasie, comme patenostres & choses semblables.

¶ *A faire paste pour ietter toutes medailles.*

PREN os des iambes de route sorte de bestes, romps les, et les mets en vn pot, & le couure, mets ledit pot en vn fourneau à briques, & quand ils seront froids, pile les & broye subtilement, puis pren escaille de fer bien lauée & nette, & quand sera seche, pile-la & la broye bien deliée sus le marbre, & la mouille avec fort vin-aigre tant que soit en forme d'onguent, puis

puis la mets en vn pot bien couuert, audit fourneau, quand sera froide, tu la rebroiras sur le marbre ; l'arroufant de quelque peu d'eau de vie, puis la laisseras secher, & sera faite. Prê apres vne escuelle de ladite escaille, & deux escuelles de la premiere poudre, incorpore les bien ensemble, & quand tu voudras faire la paste pour imprimer ou ietter tes medailles, mouille lesdites poudres avec eau salée, ou vinaigre, ou vrine, ou lessiue, et incorpore bien & mesle ensemble, puis les imprime dans tes medailles, & les laisse secher, apres iette dedans ton metal, ou ce que voudras, & tu auras belles medailles & nettes.

¶ *A faire medailles, & figures releuées, avec colle de poisson.*

AYES vn rouleau de colle de poisson, ou plus ou moins, bats la bien avec vn marteau sur vne pierre viue, puis la laue bien avec eau freche, & en la fin avec eau tiede: puis la mets en vn pot nouveau, versant dessus eau claire, & la laisse tremper vne nuit, mets puis vn petit de feu ou braises en vn tais ou reschauffoir & fais boullir ledit pot tout bellement vne heure ou plus, tant que tu puisses cognoistre qu'elle aura prins corps: ou bien tu feras c'est essay, mets en vne goutte sus l'ongle: si elle demeure ferme, elle est assez, oste la du feu, & la iette sur tes medailles que tu auras toutes prestes, lesquelles seront preparées en ceste sorte. Pren les medailles releuées, & leur mets tout à l'entour vne corde de cotton, ou meche que ladite colle ne puisse tomber, & les oings avec miel, versant ladite colle si tresespeuse, q̄ tous les reliefs soyent couuers: puis la mets au soleil qu'elle soit égalle, & la laisse secher, & quand sera bien sechée d'elle mesme, elle se destachera de la medaille, & sera toute deliée comme le papier, & tous les trais, qu'on deliés qu'ils soyent, se voiron tresbien, & aura lustre, tu les pourras prendre par quel costé que tu voudras car elles ne se rompent point: & si tu les veux faire de diuerses couleurs, teins l'eau avec bresil, safra, ou verdet, si petit que à grand peine l'eau soit tainte, & verse de ceste eau pour faire cuire la colle, & pren bien garde que la colle ne soit trop espeuse, car elle ne seroit belle à voir, & tu la pourras coulourer par dedans, ou bien peindre par dedans & semblera chose tresbelle.

¶ *A tirer l'huile de Talcum artificielement, & de ses vertus.*

PREN six liures de Talcum qui soit net, & l'ayant brisé bien menu, le mets en vn pot ne cuitt ne plombé, mais de grosse terre, & mets dedans ledit talcum, que le pot soit plain, & le couure de sa couverture, & la lie bien avec fil de fer & lute bien le pot avec lutum sapientie, le faisant bien secher & mettant dans vn four à briques ou à chaux à la bouche la ou le feu fait sa reuerberation, & quand tu le tireras, fay le dextrement qu'il ne se rompe, puis tire le talcum dehors & le broye sur le marbre aussi delie que farine, et le fay soudain à fin qu'il n'aye guere d'air, puis le mets en vn sachet à fons agu, mettant dessous vne tasse verre ou autre vaisseau plombé commode à recevoir ledit huile, Apres tu l'aualeras avec vne corde dans vn puis à vne brassée pres de l'eau, et près du mur, sans le toucher toutesfois, et sans le mouuoir iusques à vingt ou vingt cinq iours, alors si tu vois qu'il aye commence à ietter l'huile, tu le pourras tirer du puis, et le mettre en lieu humide, à sçauoir en vn celier en quelque coin, qu'il n'y entre n'air, ne vent, ne bestes qui luy puissent donner empeschement: et tu le laisseras si long-temps audit lieu, iusques à ce que ceste liqueur en soit sortie: puis tu prendras icelles lies et fondrilles et les distilleras en alembic avec petit feu, le croissant petit à petit, tant que par force du feu en sorte tout ce qui en peut sortir: lequel selon les Alchimistes s'appelle feu de talcum, le premier tiré par l'humidité s'appelle la Terre: faut sçauoir que ce premier huile est du tout medicinal, et ce second est la vraye richesse des Alchimistes: Et ie te vueil bien dire cela q̄ plusieurs de l'art d'Alchimie ont recherché ce secret, & ont procedé en leur besoigne ne plus moins qu'il est cy escrit: mais ilz n'ot iamais sceu trouuer ceste maniere de luy dōner la grāde humidité, et en abondance & en lōg tēps: Et pour ce q̄ la matiere est d'elle mesme seche & aride, & qu'elle a eu grād feu, parainfi elle desire humidité grāde & en abōdance: Et ayāt eu ces parties, se rend deux elemens & separés comme tu vois. Pren puis ces dernieres fondrilles, & les pile au mortier, les mettāt apres en vn chaudron ou pot, & versant dessus eau de puis, & la fay boullir quelque espace, puis la coule, & te laue tout le corps, tu voiras ta chair deuenir

deuenir tresblâche, & te guarira de toute enffleure de iambes: & continuât à te lauer les mains de ladite eau, tu les auras tousiours delicates & douces comme cotton & nettes de toute macule. Et ceste est la vraye maniere de faire l'huile de Talcum, & ha plusieurs vertus: D'iceluy secret vsoit la Princesse de Sauoye à se maintenir la charnure blanche et odoriferante: Et qui vsera de ceste liqueur, à en froter sur les verrues, dartres, poreaus, cicatrices, ou autres taches, il en voira de brief merueilleuse experience, car elle maintient la chair tresblanche, & blanchit les dens, efface les rides, de la face, & fait sembler la personne plus ieune qu'elle n'est, & en beuuât deux ou trois gouttes, avec du vin ou quelque broüet, te fera bonne haleine, si la puanteur procede à cause de l'estomach, conforte la matrice, te fait bõ appetit, & remet en son naturel l'estomach gasté de quelque qualité que ce soit: finalement est desiré des Alchimistes, pour ce que mettant le mercure purifié audit huile, se congele soudain, & se fixe en sorte, qu'il endure la copelle. C'est chose vraye.

¶ *Pour calciner le Talcum soudainement.*

POVR estre le Talcum vne chose de si grande importance & tant desirée, & recherchée de tout bon esprit, on a trouué plusieurs manieres de le calciner, lesquelles s'accordent quasi toutes d'accõpaigner le Talcū avec le double de sel nitrum, ou de tartre crud, et le mettre au four l'espace de quelques iours: puis en separer le sel, ou le tartre avec eau chaude. Les autres l'embrasent sur les charbons, puis l'amortissent en vrine, et ce font ilz par plusieurs fois. Les autres l'enueloppent en petites pieces de drap blanc, et le mettent au foyer, ou y ait grand feu, demie heure de long, ou dauantage, et puis le trouuent fondu et tout en vne piece, leger et spongieus, non guere different à l'alun brulé. Toutes lesquelles manieres, à vray dire, ne sont guere bonnes, et ou elles ne calcinent point parfaictement, ou corrópent la nature du tartre, et le font venir cõme chaux viue, ou comme alun et de peu de prouffit. Parquoy voulât calciner prestement et parfaictement, tiendrons ceste maniere. On prend le Talcum, et l'ayant escailé, ou pilé le mieux que sera possible, on le met en vn creuset, ou vn petit pot au feu entre charbons ardans. Et quand il sera bien chaud et allumé on verse

dessus goutte à goutte vin-aigre distillé, a uquel soit desfait tartre calciné, en y adioustant la tierce partie d'eau de vie, et on la verse sur ledit tartre enflambé, petit à petit, mettant trois onces de vin-aigre à chacune liure de Talcum. Et faut estre soigneux de luy donner grand feu à soufflets, cōme si on le vouloit fondre, ostéz le du feu alors il sera parfaictemēt calciné et tresbeau: lauez-le apres avec eau chaude, pour en separer le tartre, & en vsez à vostre entreprise. On le calcine encores en l'escailant le plus subtilement que se peut faire, & le mettre couche sur couche avec platinettes d'argent en vn creuset luté, & le boullir en vn four à verres, ou à briques quatre ou six iours. Le mesme se fait avec platines d'estain. Et encore on fond bonne quantité de cuiure, & quand il est fondu, on y boutte le talcum par lopins assés gros:, & en peu despace sera tresbien calciné, mais il gaste fort le cuiure, & le consume et fait domage asses, parquoy nul ne veut vser de ceste maniere.

¶ *A faire que tout metal ressemble argent.*

PREN eau de separation vne once, mets y dedans vn iule d'argent battu bien delié avec le marteau, & taillé en petites pieces, & mettras l'ampouille sur charbons de feu qui à peine reschaufent, & soudain se desfera en eau, oste le puis du feu, & mets dedans tartre de vin blanc reduit en poudre bien deliée, & en mettras tant qu'il boiue ladite eau, & en feras vne bone pâte, de laquelle tu en frotras sur tout ouurage de cuiure ou laiton & semblera blanc comme argent.

¶ *A contrefaire toute sorte de fueilles verdes, que sembleront naturelles.*

PREN telles fueilles verdes que tu voudras, & sur l'enuers tu leur applatiras les plus grosses costes, avec quelque petit baton, puis feras ceste teinture. Pren huile commun, ou huile de lin, ou bien autres liqueurs qui font fumées, lesquelles feras bruler en la lampe la couurant d'vne escuelle, que toute la fuye s'attache à l'entour, rassemble puis apres icelle fuye & la detrempe en vne escuelle avec vn peu d'huile ou de vernis, l'incorporant bien ensemble, puis avec icelle teinture embrouilleras les fueilles avec vn petit linge ou coton du costé duquel tu auras aplani les costes, puis retourne les dessus le papier, & avec la main ou bien avec quelque drappeau iras pressant legere-

ment sur lesdites fueilles, tant qu'elles ayent laissé la tainture sur le papier, puis les oste promptement, & trouueras la forme naturelle desdites fueilles iusques à la plus petite veine, de sorte qu'elles te sembleront belles, & avec toutes les marques naturelles. Et si tu la veus faire verte selon sa nature, pren fort vin-aigre, verdet, gomme arabique, verd de vesie, mets les ensemble & fay boullir au feu, & se fera vn verd comme est dit en son chapitre. D'icelle eau feras verdes toutes les fueilles, & les fera beau voir, pour en faire vne frize autour d'vne chambre, voire mesme en temps d'yuer.

¶ *A faire vne pâte de papier pilé, pour imprimer en formes à fons.*

PREN rongnures & retailles de papier blanc, bien nettes de toute autre sorte de papier, & sans qu'il y aye rongnures de parchemin par my: mets les tremper en eau claire six ou huit iours, leur changeant l'eau vne fois le iour, puis les remets en vn autre pot non gras avec autre eau claire, & les fay boullir deux heures de long, puis les tire hors dudit pot les plus essuies que tu puis, pour ce que ton ouurage en fera plus menu & plus fin. Mets donc ton papier ainsi pilé en vn sachet, lequel sachet mettras tremper en eau claire, & quand bien tu l'y laissasse vn an entier, il durera tousiours, moyennant qu'on luy change l'eau vne fois la semaine. Ayez puis tes moules ou formes de plomb, ou de terre, car toutes sont bonnes, moyennant qu'elles soyent à fons. Puis prendras de ladite pâte, pressant quelque peu dehors d'icelle l'eau, & la mets en moulle, & la presse dedans diligemment, ayant vne esponge pour presser dessus la pâte, & luy oster l'eau: puis les mets au soleil, ou au poile, & quand seront seches, d'elles mesmes sortiront des moules. Et en tenant cest ordre, tu feras tes images belles & nettes naturellement comme est la forme. Et si la pâte est pilée subtilement & fort deliée, semblerot faites de gip, & demeureront blanches comme papier: si tu les veus peindre ou illuminer, donne leur premier vne main de colle forte, à sçauoir de celle qu'vsent les peintres, & estant sechée, induis dessus de telles couleurs que bon te semblera, & les fera beau voir en tirant aucuns fils d'or, c'est l'ouurage de frere Cherubin.

¶ *A retirer vn dessein fait en moulle avec sauon noir.*

PREN sauon noir à lauer, vne liure, & lessiue forte, & les feras boullir iusques à la consumption de deux tiers, & le garde ainsi. Mais quand tu voudras retirer au naturel ce dessein, et que tu n'eusse le temps, tu feras en ceste sorte. Pren dudit sauon boulli, & sauone ton papier bien delié, puis le mets sur le dessein, & presse legerement avec la main, & le tien ferme & il prendra toute la forme du dessein, lequel tu pourras à loysir retirer en autre sorte.

¶ *A faire paste en ballotes blanches pour la face des Dames.*

PRENEZ demy quarteron d'argent vif, & autant de sublimé, & les pilés ensemble bien deliés, puis les mettes en vne escuelle de pierre, les meslant bié avec vn petit baton et saliué, tant que tout deuienne poudre. Sachez que telle mixtion se reduira comme cendre, & veut ainsi estre meslée quinze iours de long au soleil, & tant plus est meslée, tant plus deuiendra blanche ladite cendre. Les quinze iours passés, ayez trois fois autant d'eau de Ioubarbe, laquelle soit bien claire, icelle mettez sus ladite mixtion en vne escuelle comme est dit, & lauât bien ladite escuelle mettez le tout en vn petit pot. Il faut qu'il y ayt tant d'eau de Ioubarbe, qu'elle emplisse le pot, puis le mettez sur le feu, le laissant boullir tant que les deux tiers de ladite eau soient consumez, puis remplissez le pot de ladite eau de Ioubarbe, & ferez ainsi trois ou 4. fois, Puis escoulez ladite eau, & mettez sécher la poudre qui demourera dedés, dessus vne table à l'air vn iour & vne nuict: apres mettez ladite poudre en vne petite phiole, & sera faicte. Et quand en voudrez vsér, prenez vn petit de ladite poudre sur la main, & la mouillant avec vn peu d'eau d'ortie, l'appliquerez ou sur la face, ou sur les espauls, ou sur la poitrine, & aurez vostre œuure en toute perfection.

¶ *Eau souveraine pour les Dames.*

PRENEZ vne teste de mouton, & en tirez la ceruelle, partissant la teste en deux qu'elle soit bien ouuerte, & la lauez en tant d'eaux que l'eau deuiene claire, & qu'elle ne semble plus saigneuse, puis prenez la ceruelle & la rafreschissés bien, & prenez

prenez trente claires d'œufs frais quelque peu batues, & les mesles avec la ceruelle, & en ferez en forme d'onguent les incorporant bien avec les mains, & quand la ceruelle & les œufs seront incorporez comme paste les mettez à distiller tout bellement en vn alembic commun d'estain, leur faisant petit feu que la chair ne se brule, & adioustrez au mesme alembic canfre ou musc, & sera parfait.

¶ *Autre eau semblable.*

PRENEZ eau de limons, eau de courges, eau de fleurs de feues, eau de fleurs de sehu, de chacune vne liure, boras deux onces & demie, canfre quartron & demi, distillez le tout ensemble par l'alembic, mettant vn petit de musc au nez de l'alembic, et garderez icelle eau à part soy car elle est precieuse: ou bien s'il vous semble meilleur, la meslerez avec eau de miel de la premiere qui vient blanche, moyennant qu'elle soit premier lauée avec autre eau. Je suis certain que ceste eau est royale & souueraine, & n'est pour les Dames communes, mais pour les grandes Dames, qui peuuent faire la despense, lesquelles, combien qu'elles soyent belles, veulent toutesfois adiouster beauté à beauté pour se vouloir faire plus blanches, & belles en toute perfection. Parquoy est necessaire de traiter de choses excellentes pour soulager l'esprit de celles qui sont adonnées à ces manieres de blanchets & choses singulieres.

¶ *La maniere d'embellir la face, selon le commun.*

LA composition que font cōmunement les femmes pour blanchir la face, est de sublimé & argent vis meslé en vne escuel le de bois neuf iours de long, & incorporé avec saliué, & quelque peu d'autre liqueur: le liant en vn linge, et le touchant par plusieurs fois avec eau, lequel sublimé elles disent estre si bon et si bien accoustré, que sans dāger et seurement s'en peut manger: ce que toutesfois est dit de gens ignorans. Car s'il demeure en sa nature il sera, comme il est, malin, parquoy ie ne vueil de luy beaucoup traiter, mais bien de fait blasmer toute son operation: premierement il fait les dens laides, et punaisés, et les fait tomber, et non seulement les dens, mais aussi les cheveux, et en brief tēps fait la face ridée, et escailleuse, et l'enuiel lit et fronçit, de sorte qu'il ne peut delaisser sa nature, ce que les dames ont bien experimenté: mais sauf leur grace, c'est vne

maladie tant commune à toutes qu'il ne leur semble estre belles, si elles n'en ont sur leur face, & leur en aduient toutesfois tout au contraire de ce qu'elles demandent, car il fait la face tressaie.

¶ *A faire ballottes qui ne laissent croistre les poils, & sont tomber ceux qui y sont, les laissant aussi croistre à ceux qui veulent.*

PRENEZ vne once de saumon blanc qui ne soit enfumé, & vn quart d'once d'orpiment, & vn quartier de chaux viue, & gomme de l'hierre, piles bien deliées toutes ces choses ensemble, & ayez demie once de tragacantha accompagnée avec la mixtion susdite, pareillement saumon en poudre, & les ayant bien pilées & incorporées en ferez ballottes, les laissant bien sécher à la fumée, & les esprouuez si elles feront tomber le poil, & si elles ne le font tomber adioustez y vn petit d'icelle poudre avec vn peu de tragacantha, tant qu'elles le facent tomber, & fera fait. Et notes que ce saumon fera tomber le poil, sans iamais plus recroistre, toutesfois si vous vouliez qu'il recroisse, n'y adioustez point de gomme de l'hierre: & pour offer l'odeur ingrate qu'ont lesdites ballottes, y pourrez adiouster vn petit de canfre, & seront odoriferantes.

¶ *Pour faire croistre les cheueux à vn qui n'en auoit nulz, & les faire venir longs en peu de temps.*

PRENEZ miel crud, duquel vous en frotterez les cheueux, quand vous ferez lauer la teste, & au lieu de saumon mettez dessus la teste vne piece d'agaric, & fera sauoner: puis vous frottez la teste & essuyez, & voirez en peu de iours tresbelle esprouue, & est à noter que ceste lesiue est tressaine à la teste.

¶ *Pour faire les cheueux longs, & crespes, en abondance & beaux.*

PRENEZ les nerfs des feuilles de plantain & les sechez à l'ombre, & en faites poudre, & les detrempez avec beurre, ou graisse liquide, les faisant boullir vn petit, & si les voules faire longs, mettes vn peu de vin-aigre à boullir avec les choses susdites, & vous oignez les cheuens: mais si vous voulez qu'ilz croissent iusques aux pieds, cuisez en vn pot racines de guimauues, ou de tressie, en telle quantité comme est le miel & le vin-aigre.

¶ Pour remplir les endroits chauues & faire croistre les cheueux.

Premierement ferez cendres de fiente de pigeons, ou de cheure, & vous en laurez la teste, & le lieu chauue, ou bien avec quelque autre lessiue, laquelle essuyée vous l'oingdrez de l'vn des vnguëts ensuyués et de sang de tortue vous en oindres par plusieurs fois le lieu tout chaud, & fera croistre les cheueux ou poil: mais faut noter que ce doit estre tortue de guarigues & non d'eauë. Prendrez encore vn pain de farine d'orge, & le mettres en vne paille, le faisant bruler du tout, & d'icelles cendres avec graisse d'ours vous en oingdres le lieu chauue. Item prenez vn petit serpenteau que les Italiens appellent liguro, qui soit verd, & le sang d'iceluy reduit en poudre, le mellez avec huile de ladanü & sera medicinal. Item miel ainsi qu'il vient de la ruche, & les tiges de lin verd avec la graine, & ferez poudre de tout, c'est à sçauoir les bruslerez, & avec icelles cendres & le miel susdit vous en oingdrez & voyres merueilles.

¶ Pour conseruer les dens.

ON doit auoir soing non petit des dens, lesquelz sont coustumierement molestez de viandes gastées & pourries en l'estomach & de toute gourmandise & yurongnerie, principalement du soir, & du frequent vsage de miel, lait, fromage, tiguës dattes, poires, & toutes choses acres & aigres, & de semblables viandes trop chaudes ou trop froides. Il faut vser donques de ceste diligence apres le repas: vous laurez les dens incontinent apres auoir mangé, & les nettoyez bien sans toucher aux genciues, avec la touaille, ou quelque linge, tant par dehors que par dedans, bien essuyant l'humidité, sans toutesfois toucher les genciues: & seroit beaucoup meilleur si le linge estoit teint en graine.

¶ Poudre excellente pour les dens.

PREN coral rouge trois onces, sang de dragon fin vne once, os de seiche, pierre ponce, noyaux de dattes, corne de cerf, esponge, & racine de romarin: toutes ces choses brulées, et puis bien pilées, de chacune demie once, canelle & giroffles de chacun vn quartron, perles broyées demy quart, les poudres soyēt bien deliées & mellees ensemble, & avec tragacanta de la grosseur d'vne noix, ou autant que voudrez, mouillée en eau rose,

les

es mellerez tant en vn mortier de bronze, ou bien dessus vne pierre de marbre, que tout soit reduit cōme vne pâte durette, de laquelle ferés chissettes à vostre plaisir, lesquelles pourrez enuelopper en fin or, & les estendre sur vne table dessus vne fueille de papier, ou sur vn tamis, ou couuerture, & les secher à l'ombre, non au soleil, & les yrez retournant, affin qu'elles se sechent, vous pourrez d'icelles vous nettoier tousiours les dets, les frottant puis apres comme dit est.

¶ *Pour blanchir les dents.*

PREN demie once de tragacantha, vn quart de pierre ponce, vn quattrin de gomme arabique, & vn quattrin de cristal pilé, estampez bien subtilement les choses susdites ensemble, puis avec vn petit d'eau rose ferez des choses susdites comme vne paste, & en ferez poinctes ou curedets, lesquels laisseres secher: d'iceux bien sechez vous en frotterez les dens, & ilz les vous feront deuenir blanches comme lait.

¶ *Pour raffermir les dens qui lochent.*

VN quart de theriaque, vn quart d'eau de vie, vn quart de sâdal citrin, mettez le tout en vne ampoule de verre sur les cendres chaudes, et mesles les bien ensemble, et de cela ainsi chaud vous en frotterez les genciues, et les dens deux ou trois fois, et se r'affermiront, et la douleur s'en ira s'il y en auoit, c'est chose esproouée.

¶ *Eau merucilleuse pour oster les verrues & poreaus en moins de deux iours.*

PREN vin-aigre blanc tresfort, et le recuis avec cendres bien tamisées, et chaux viue, et les meslez avec la cède, autant d'vn que d'autre, les faisant boullir ensemble, iusques à la consumption de la tierce partie: laissez la purger, puis prenez sel armoniac, sel gemma, sel nitre, sel alkali, et alun de plume autant que bon vous semble, autant d'vn que d'autre par mesure, et les mettez en la seconde decoction de vin-aigre, avec les cendres et chaux: et les y laissez qu'ilz se viennent à dissoudre, puis les escoulez, et ceste eau gardez en vne phiole de verre, et en vsez pour les poreaux, et en vn iour les chasserez, qui est chose singuliere.

¶ *Pour les clox ou callosités.*

PRENEZ verre pilé et cerusse, et lait de femme, et les mettez

rez sur la callosité le soir quand vous en irez coucher, ayant premier bien raclé ou descharné la callosité, auant que mettre la paste dessus, & voyrez chose merueilleuse.

¶ *A faire pommes, ou ballotes, ou patenostres d'ambre.*

PRENEZ ambre fin vne once, autant de storax calamita, ladanum purgé c'est à dire fin, vn quart, poudre de lignum aloes, de canelle de chacun dix caratz, musc fin demy quart, broyez les sur le porfire, ou bien au mortier de bronze, tant que tout soit reduit en poudre impalpable, laquelle mettez à part, apres mettez les gommés, comme ladanum, le benjoin, le storax, & l'ambre en vn mortier de bronze bien chaud avec le pilon bien chaud, & les broyez bien ensemble, à fin que se face bonne pâte, puis iettez vîtement dessus la poudre, et la meslez, tenant le mortier chaud autant qu'est de besoing, & mettez lesdites pâtes dedans, & avec le pilon chaud, les pilez & incorporez, & quand seront bien incorporez, iettez le musc dedans, & les meslez adextrement, & puis auant que la pâte se refroidisse, ferez vos patenostres ou pommes à vostre plaisir.

¶ *A faire pommes de ladanum pour l'esté.*

V O U S prendrez ladanum fin vne liure, storax calamita quatre onces, benjoin deux onces, sandal citrin demie once, roses de damas trois onces, cyperus d'Alexandrie demie once, canfre demie once, musc fin & ambre de chacun vne drachme, faites en ballotes de telle grosseur que voudrez, obseruant toutesfois la regle dessusdite avec le mortier chaud, & à fin que la puissez mieux manier & maistriser, si la voulez mollifier mettez y vn petit de storax liquide.

Item quand on à suspicion de peste, prenez deux onces de fin ladanum, trois onces de storax calamita, vne once de benjoin: de myrte & gyroffles, de chacun once & demie, vne once de sandals, trois onces de canfre, ligni aloës, calamus aromaticus, suc de valeriane, de chacun vne once, musc fin & ambre de chacun vne drachme, meslez le tout avec suc de mellisse & eau rose: & se la voulez faire tendre, au lieu d'eau rose la ferez avec storax liquide & sera tresbonne.

¶ *Pommes de senteur contre la peste.*

PRENEZ ladanum demie once, storax calamita vne once, benjoin deux drachmes, canelle, noix muscade, giroffles, nielle blanche,

blanche, calamus atomaticus de cacun demie once:mettez toutes ces choses en vn mortier de plomb chaud, & apres auoir chauffé le pilon les pilez biē, en y adioustant cire blāche demie once, & de storax liquide purgé vne drachme, & leur dōnez pour le dernier les espiceries & le musc, & ferez patenoistres à vostre fantasie, ou pommes, les arrondissant en la main.

¶ *A purger le storax liquide.*

METTEZ le storax en eau rose trois heures de long & le laissez refroidir, & sera purgé tant pour cest endroit, que pour autres choses ou il se met en œuvre.

¶ *Eau pour dorer ce que vouldrez.*

PRENEZ cornes de mouton, ou de bœuf, & les ayant brulées, prenez en les cendres les faisant boullir en eau, iusques à ce que la dixiesme partie soit consummée, & en icelle eau pourrez dorer ce que vouldrez, de sorte qu'il semblera d'or, & on s'en peut seruir a dorer les images iettées en moule ou patenoistres.

¶ *Pate de patenostres.*

PRENEZ tragacanta trempé en eau rose, benjoin, storax calamita, & ladanum, que le benjoin & ladanum n'excèdent deux onces, apres auoir le tout broyé, ayez storax liquide, demie once, canfre deux drachmes, charbon de saule & os brulé incorporez les, & avec tel huile odoriferant, que vous semblera formerez vostre ouurage.

¶ *A faire eau odoriferante & singuliere, de laquelle mettant vne goutte en vn grand vaisseau d'eau simple, ou de roses, se conuertira en souueraine bonté, & à esté faicte du temps des Mamelucs en Damas, parquoy s'appelle eau Arabesque.*

PRENEZ vn bocail de verre ou dauantage grand à vostre plaisir auquel mettez vn tiers d'eau de vie tresfine, & apres de fines roses, cueillies auant que le soleil ayt donné dessus, & icelles quelque peu brisées mettez dans lesdits bocal, & à mesure qu'elles baisseront, y en adiusterez des autres ainsi rompues, & continuerez ainsi tant que le vaisseau soit plein, auquel mettez telle sorte de senteur que vouldrez, comme s'ensuit musc, ciuette, ambre, iris, sandali, cyperus, canelle, benjoin, storax, ladanum, noix muscate, clous de girofle, macalep, calamus

Iamus aromaticus, xylobalsamun, succe fin, fleurs de lauende, fleurs de citrons, fleurs d'orenges, fleur de 'Iosemin . Et ladite composition deuiendra comme vne sause, laquelle mettez au soleil, aux plus chauds iours, en vn vaisseau plombé ou de verre bien ferré & bouché qu'il ne respire. Et si vous mettez de ceste composition en vn vaisseau d'eau commune, ou d'eau rose, elle sera tresexcellente, moyennant toutesfois qu'elle soit bien boullie sur tout en balneo marie, à fin qu'elle deuienne toute liquide, & qu'elle soit toute incorporée ensemble.

¶ *Secret excellent pour faire eau de face.*

PRENEZ des oignons de lyz blanc, de roses sauuages sept liures, racines de serpentaire demye liure, recuite, ou ioncée liure & demie, vne demie phiole de lait, broyez le tout ensemble à sçauoir lesiliz, la serpentaire & la recuite, & les detrempez avec le lait, & les mettez en alembic à distiller à petit feu avec l'alembic commun, & ardez ceste eau:prenez puis vne geline plumée à sec sans eau, & luy ostez toutes les extremitez, à sçauoir le col, les ailes, les pieds & toutes les cuisses, & de la poulpe en ferez morseaus comme noisettes, prenez puis vne once de boras broyé, & vne poignée de petis limassons blancs, rōpus, & meslez avec la geline, mettez toute ceste matiere en alembic commun comme dessus, & en gardez l'eau. Prenez puis vingt cinq ou trente œufs frais, desquelz ostez le iaune, & battez la claire, & la mettez en alembic de verre à distiller en bain de marie, & gardez l'eau:meslez puis toutes ces eaux ensemble en vne phiole, l'estouppant tresbien & la mettez au soleil quelques iours, & ayez autant de porcelletes de mer que vous voudrez, et les mettes en vne escuelle nette, versant dessus le suc desdites porcelletes, & leur versez tant d'eau que toutes deuiennent eau, ou comme eau, tant seront detrempez. Luez vous la face & les mains premier avec son boulli en vin-aigre, puis avec eau commune, puis avec l'eau susdite. Et pour faire la face claire & luisante comme vn miroir, prenez talcum calciné, & le mettez en ladite composition, qu'il y soit pour le moins vn jour & vne nuict, de sorte que le talcum soit calciné en ceste sorte par la chose susdite, prenez le talcum & le mettez en vn sachet de linge blanc, y adioustant de sieures de pierre de taille bien lauées & sechées, & broyées avec les mains bien
fort.

fort, puis les bulletez comme on fait la farine, prenez aussi ce-
 luy qui est en feuilles & qui n'est point escaillé, & faites com-
 me dessus, & ferez passer l'eau parmy ceste poudre tamisée, et
 l'escoulez et vous en laquerez la face.

¶ Pour blanchir les mains.

PRENEZ terebentine lauée huit fois en eau rose, deux on-
 ces, bure frais laué huit fois once et demie, de ceruse vne once,
 de canfre demie once, pilez les et incorporez bien, et vous en
 oignez les mains: et ce ferez quand irez coucher, mais il faut
 chauffer des gants, à fin que l'onguent s'incorpore dans les
 mains.

¶ Eau pour la face.

PRENEZ six onces de terebentine, vne liure de sucre
 fin, neuf claires d'œufs, meslez les ensemble et mettez à di-
 stiller en alembic de verre à petit feu, et sera chose rare.

¶ Pour effacer les lentilles de la face ou d'autre part.

PRENEZ fiel de boucq, et le meslez avec huile de soufre
 vis, et esponge brulée, et le reduises en forme d'vn-
 guent lequel mettez sur tellieu que vou-
 drez nettoyer, ou sur la face, ou sur la
 poitrine, ou sur les espauls,
 et voirez l'effect.

F I N.

AVTRES
SECRETS ATTRI-
BVEZ AV SIGNEVR
DON ALEXIS,
SOVS LE TITRE DE
SECOND LIVRE.

¶ Eau de merueilleuse & excellente vertu pour retourner la lumie-
re des yeus, à celuy qui l'auroit afoiblie, ou esgarée, par mala-
die, ou autre accident.

REN trois drachmes de tutie puluerifée bien
menu, & autant d'aloë epatic en poudre, deux
drachmes de succe fin, six onces d'eau rosé, six
onces de bon vin blanc, qui soit plustost doux
qu'autrement, vray est q le trop dous est moins
loué, & melle tout cela ensemble, le mettant en
vn vaisseau de verre bien net, & bien ferré au Soleil par vn
mois continuel, en remellant à tout le moins vne fois le jour
toutes ces matieres, afin qu'elles s'incorporent bien ensem-
ble. Puis prenez d'icelle eau, & en mettez quelques gouttes sus
les yeus au soir & au matin, & en continuant quelque temps
elle fera retourner en brief la veüe clere, & aussi pure qu'au
parauant. Et fut ordonnée par vne consultation & assemblée
des plus sauans medecins d'italie pour faire retourner la veüe
à l'Empereur de Constantinoble, l'an 1438. lors qu'il estoit
au concile à Ferrare avec Pape Eugene quatrieme, & la veüe
luy retourna aussi belle que jamais par le moyen de cette eau.

¶ Pour oter le sang epandu par les yeus, par quelque reume ou flu-
xion, ou autre semblable cause.

PREN les pointes d'aluynes qui est vn herbe assez cogneue
& la pille en la mellant avec glaire d'œuf, & eau rosé, & en
fay comme vn emplastre, en l'etandant sus vn linge que tu
mettras au dessus de l'œil où s'est espendu le sang ou à tous
les deux, & fay cela au soir quand tu t'en vas coucher, & le

matin ensuiuant tu l'osteras, & tu trouueras que cet emplastre aura tiré à soy tout le sang, & toute la rougeur que tu auois aus yeus, & tu seras deliuré.

¶ Pour oster la jaunisse du visage à toute personne, quand cela seroit venu pour le fiel qui se seroit epandu.

A Y E vn gros oignon blanc auquel tu feras vn pertuis sus le germe en jettant le verd, & mets en ce pertuis autant de bonne tiriàque comme seroit vne chastagne, & que cette tiriàque soit incorporée avec demi once de safran pillé, & le laissez cuire petit à petit pres du feu, de peur qu'il ne se brule ou rotisse, & ne se touille point dedans les cendres. Et quand il sera bien cuit, mets-le en vn linge blanc, & l'estreins bien, afin que le suc en sorte, & que le patient en boiue au matin à jeun par trois jours durans, & la jaunisse s'en ira. Item pour le mesme effet: Donne luy à boire vne drachme & demie de Scolopendrie bié puluerisée avec du vin blanc tiède, au matin à jeun par vingt jours continuels, & toute jaunisse & palleur s'en ira: autant en fait le Lapatium agu, cuit avec ses racines. Et le vin pareillement ou aura cuit la Valeriane, estant beu au matin à jeun guarist la rate, & le foye, qui sont bien souuent cause de faire epandre le fiel comme nous auons dit.

¶ Quand quelque chose seroit tombée par fortune dedans les oreilles, ou y auroit esté mise à son esciant, pour la faire sortir dehors facilement.

PREN l'herbe nommée marmorelle, & la pile, & mets de ce suc dedans l'oreille: car ell' a cette vertu de tirer ce qui a esté mis dedans.

¶ Pour la douleur des dents.

PREN de ces petits grains que fait le fusain, & si tu n'en trouuois, pren de la racine, & en fay de la poudre: puis pren vn peu de vernis en poudre, de celuy qu'on vse pour écrire, avec vn peu d'origan sec, ou verd; & fay bouillir tout cela en vin-aigre fort, tant qu'il en reuienne le tiers, puis te laue la bouche avec ce vin-aigre autant chaud que pourras souffrir, & tout incontinent tu seras guarý. Et si la dent estoit gâtée, il la fera tomber, sans aucune douleur. Item pour le mesme, Pren clous de girofle, miel rosat, & eau de vie autant de l'vn comme de l'autre, puis mets tout ensemble dedans vn petit pot, & pren de la-dite composition en ta bouche du costé ou la dent

dent te fait mal , & la tien ainfi quelque temps , & la douleur s'en ira.

¶ *Pour faire tomber de soy-mesmes vne dent qui fait mal sans aucuns ferremens.*

P R E N farine de fourment, & la melle avec du lait de timalle, autrement herbe à lait, qui est vn' herbe assez cogneue & en fay comme paste de laquelle tu empliras le pertuis de la dent, & la laisse là quelque temps, & elle tombera de soy-mesmes. Et si tu te laues tous les mois vne fois la bouche de vin, ou tu auras fait cuire de la racine de ladite herbe , tu ne sentiras jamais aucun mal de dens . Aussi la decoction ou poudre de balaute, ou fleurs de grenades mises en la bouche, & entre les genciues ratermist les dens.

¶ *Electuaire capital lequel maintient la memoire, eclarcist la veüe, & conforte l'estomac.*

P R E N fleurs de buglose , de bourache & de romarin , de chacun vne liure, semence de fenoi, d'anis, de fenoi marin, filer de montaigne de chacun six onces, vn'once de canelle fine en pilant ceiles qui le doiuent estre, & sechant celles qui le doiuent estre, puis les melle ensemble, & en fay electuaire duquel tu prendras au matin de la grosseur d'vne chatagne, & tu veras vne operation merueilleuse , car cecy est venu d'vn grand personage.

¶ *Contre la pelade, & pour empecher que les poils de la teste ou de la barbe ne tombent point.*

P R E N les racines des yeus des roufeaus de ceus qui jettent du commencement, les fleurs & racines d'ortie: puis pren fiente de pigeon, & la fay bruler tant qu'elle soit reduite en cédres, & ayes aussi des cendres de vigne avec lesquelles tu feras bouillir les sudites racines, & en feras laisiue, & t'en lauera la teste & la barbe, & les poils ne tomberont point. Item pour le mesme effet, pren du miel fenugrec, & les yeus tondus des roufeaus autant de l'vn comme de l'autre, & les incorpore ensemble, & les fai distiller en l'alëbic, et en garde l'eau. Et si tu y veus distiller vn peu de fleurs de genets , elle fera les cheueus blons, & t'en mouille la teste & la barbe le jour au soleil , & au soir quand tu te vas coucher, & les poils ne te tōberont plus. Item pour le semblable cas, distille en l'alëbic du cresson , & de l'eau

que tu en tireras , tu en feras vn'autre distillation avec agri-
moine, capilli veneris, romarin, sauge, & clous de girofle, vne
poignée de chacun, & que la distillation se face au bain de
marie, & en te lauuant souuent de telle eau ; les cheueus, ne les
poils ne tomberont plus, comme plusieurs ont experimenté.

¶ *Vnguent pour guarir la tigne.*

PREN du lard bon, & viel à ta discretion, & l'embroche,
en l'entrelardant tout à l'entour de romarin, en guise de ro-
sty, & qu'il ayt assez bonne quantité de romarin, & le mets
cuire au feu, en le tournant tout bellement: Puis tu recueille-
ras en vne lichefrite tout la gresse qui en degoutera, & la jet-
te ainsi toute chaude dedans vne ecuelle pleine d'eau freche,
en la lauuant fort bien, & quand tu l'auras bien lauée, tu la re-
mettras en vne autre ecuelle nette, & par ainsi tu auras la gres-
se ainsi amassée belle & nette: Puis pese ladite gresse, & s'il y
en a vne liure, tu y mettras deux onces de sucre fin bien pillé,
& par dessus autant de ver-degris puluerisé comme seroit vne
noysette, & quatre deniers de vis-argent, avec autant de suye
de four de la plus dure comme seroit vne noysette: mais qu'il
soit bien puluerisée. Puis incorpore tout cela ensemble, &
il s'en fera vn fort bon vnguent, duquel tu oindras le premier
matin la teste du patient, & le laisse ainsi oint jusques à l'au-
tre matin ensuiuant: puis tu luy feras lauer la teste avec lesiue
qui ne soit pas trop forte, mais vn peu temperée, puis l'oins
de-rechef, & le laisse ainsi jusques au troisieme matin, & fay
ainsi jusques à neuf matins, en le lauuant & oignant, & il de-
uiendra aussi net qu'une perle. Aussi les amandes ameres plu-
mées, & pillées, & mises comme vn emplatre sus la teste du
patient, guarissent facilement la tigne, en continuant de chan-
ger & renouveler l'emplatre pour quelques jours.

¶ *Pour vn qui ne pourroit rien prendre par la bouche, ou pour le fai-
re aller à selle, & suer assez.*

IL faut premierement que le patient se face bien frotter
avec linges chauds, depuis la teste jusques en bas, & qu'il de-
meure chaudement au lit, & qu'on luy applique puis cette on-
ction. Pren autāt de poiure comme il en tiendroit sus vn ecu,
& le mets en demy verre de vin-aigre, & huile autant de l'vn
comme de l'autre, & faites qu'il soit bien chaud, & luy en oi-
gnez

gnez tout le corps, & qu'il soit bien couuert dedans le lit: alors il suera, & ira bien à selle.

¶ Pour guarir ceux qui ont mal de rate.

P R E N du bois d'aloë, & en fay poudre bien deliée, & la mets dedans du brouet, ou vin autant qu'il en tiendrait sus vn grand blanc, & qu'il en prenne par trois matins ensuiuans, autant en fait la semence du freine, & la racine de l'herbe nommée paumè de christ, si on en menge par neuf matins à jeun.

¶ Pour le mal de costé, ou colique.

F A Y cuire vne poignée de romarin, avec de l'eau, de laquelle tu tremperas le vin au patient, & qu'il ne boiue point d'autre eau. Item au semblable, Pren vn chien, & le fay demeurer quinze jours en vne chambre, en luy donnant à ronger seulement des oz d'agneau, ou de mouton, puis pren sa fiente, & la sèche au soleil, & en fay de la poudre, & en donne à boire tous les matins au patient demie once dedans du vin blanc chaud, en continuant par trois matins, & il sera en brief deliuré, comme il a esté souuent experimenté. Item pour le mesme effet, Pren fiente d'asne noir, autant chaud que tu en pourras trouuer venant alors tout chaud de son ventre, & le fay cuire dedans du vin blanc qui ne soit pas doux, en estregnant bien la fiente dedans le vin. Et en fay des clisteres tièdes au patient: car c'est le meilleur, & le plus conuenable remede qu'on puisse trouuer à telle maladie, comme ont affermé plusieurs notables personages, & dignes de foy. Item au mesme mal profitera grandement de manger tous les jours, ou quatre fois la semaine quatre noyaus de pesche par chacun jour, & on ne sentira jamais telle douleur, lequel secret a esté prins d'vn sauant Iuif. Il y a encore vn autre remede le plus facile de tous, c'est qu'il faut prendre quatre testes d'ail, & les mets bouillir dedans vn petit pot avec vne chopine de vin blanc excellent, & les laisse bien cuire: puis pren vn plein verre de ce vin autant que tu le pourras souffrir, & te va coucher en te faisant bien courir, & tu sentiras incontinent vn grand alegement. Si tu pren aussi vn'once de racine d'imperatoria espece de liueche reduite en poudre avec du vin chaud au matin à jeun, la douleur s'en ira incontinent.

¶ Pour celuy qui ne pourroit vriner.

PREN os d'auant pesches, de pesches, & de nefles, autant de l'vn comme de l'autre, & les reduy en poudre bien menue & la passè par le crible : puis pren de sucre fin au pois de tout cela, & melle tout ensemble, & en donne à boire dedans bon vin blanc, & incontinent il le fera vriner.

¶ Pour vn qui seroit rompu ou ouuert par quelque grand traual, soit pour cheuaucher en poste ou autre accident.

PREN sel armoniac, pois-raisine de chacun deux onces, & les mets tremper dedans du vin-aigre l'espace de vint-quatre heures, & les fay resoudre au feu, pourueu qu'ils ne se brulent: puis tu y melleras demie once de poudre de cipres, & demie once de galle, & en fay comme vn ciroene, vray est que ces gommès ne doiuent pas estre du tout fondues. Et si c'est en yuer que le ciroene soit trop dur, mets y vne goutte de mastic, & le mets tout estendu sus la rompure, & le change de quatre jours l'vn, & tu verras vne operation merueilleuse.

¶ Pour oster la douleur, & guarir les gouttes ou podagres.

PREN vn petit chien ne d'vne chienebraque, qui ayt ouuert les yeus depuis peu de temps, & qu'il soit le plus gras qu'il sera possible, & le plume comme vn cochon, & luy oste les entrailles par le costé: puis pren des orties pillées avec deux onces de soufre, quatre moyeus d'œufs, & quat'onces de termentine, & incorpore tout ensemble, & le mets dedans le corps du petit chien, en cousant diligemment l'ouuerture, de peur que cette composition ne sorte: puis le fay rotir à feu temperé, & amasse la greffe qui en sortira, & en oins les podagres: car cela donnera grand alegement à tout spasme & douleur que tu pourrois sentir, & avec ce remede plusieurs ont non seulement allegé la douleur, mais guarý du tout le mal.

Item pour le mesme effet, Pren vn pot neuf, & l'empli à demy d'huile, & l'autre moitié de bon vin blanc, & y mets dedans des orties que tu feras bouillir, & les mets ainsi chaudes le plus que tu pourras souffrir sus le lieu ou tu sens la douleur, & en deux ou trois fois elle s'en ira.

¶ Contre la podagre chaude.

P O V R autant qu'il y a deux sortes de podagres les vnes chaudes, & les autres froides, tu feras ce remede aus chaudes:

Pren

Pren suc de raifins passules, sucre rosat & sucre buglosé, de chacun vn'once, cinq onces de diapruni solutif, vn'once de reu barbari electi, & melle toutes ces choses ensemble, avec juleb violat, & en fay vne composition, de laquelle tu prendras demie once tous les matins vne heure deuant jour, & en brief tu feras guarly.

¶ *Eau merueilleuse & bonne pour diuerses infirmitéz.*

f P R E N vn'once d'encens masle, & autant de sarcocolle, six onces d'aloé epatic, bon miel & cler, suc de plantain, poix-raifine blanche de chacun trois onces, & pille tout bien ensemble, & les melle, puis les mets en vn matelaz bien clos, & bien luté, & le distille en l'alembic comme nous auons desia monstré, en tenant deffous le recipient bien clos & luté à l'entour de la bouche, en sorte qu'elle ne puisse respirer, & luy baille le feu lent, afin que la matiere ne monte point en haut, car elle se gateroit, si tu ne la faisois incontinent descendre, en mouillant la bouche avec eau de fleuve, ou de fontaine, ou de puis. Et cette eau est merueilleuse à toutes les infirmitéz de membres: car j'en ay veu l'experience d'vne fille, laquelle s'estant rompu le bras, soit qui'il ne fust pas bien acoutré, ou pour quelque autre occasion, dedans quatre jours il commença à pourrir, en sorte q'les medecins le vouloient couper: mais par le conseil de maistre seraphin, on luy apliqua cette eau que se fait en quatre ou cinq heures, & apres luy en auoir bien mouillé le bras, & les bandes, en la mettant sus la rompure & playe, & elle guarit en peu de jours apres. En distillant cette eau, sache qu'elle change de couleur sus la fin, alors tu changeras le recipient, à cause que la derniere gasteroit la premiere qui est trebonne, & estant finie de distiller, tu en amasseras la lie, ou la gomme qui n'a moindre vertu que l'eau. Et si tu en fais de la poudre, elle sera bonne pour les playes pourries.

¶ *Pour vn qui auroit perdu le repos, soit par douleur de teste, ou autre cause semblable.*

f P R E N huile violat avec vn moyeu d'œuf, & lait de femme autant de l'vn comme de l'autre, & l'ayant tout mellé ensemble, tu en feras vn emplastre, que tu mettras au dessus du front ou des yeus, & la douleur s'en ira, & le sommeil luy viendra.

¶ Pour vn qui auroit les mains ou les pieds cassez, à cause du froid.

PREN de la depouille de serpens, & la mets bouillir dedans vn petit pot, avec vn peu d'huile, & t'en oins les pieds & les mains, & tu gueriras.

¶ Pour consolider les fentes de la bouche.

PREN du miel, & moelle de porc seche, & la melle ensemble, en la faisant vn peu chauffer au feu dedans vn petit pot & t'en oins les leures.

¶ Eau pour maintenir les mains molles, & delicates.

PREN de petis limons, figues seches, racine d'enule campane autant de l'vn comme de l'autre, & les fay bien menues: puis y ajoute vne poignée de son de fourment, & les mets bouillir à feu lent dedans vne partie de vinaigre, & deux d'eau de fleuve, ou de fontaine, & la laisse vn peu bouillir: puis l'oste du feu, & la garde couuerte, de peur que la poudre ny entre, & t'en laue souuent les mains, & tu en verras belle experience.

¶ Eau excellente & de peu de frais, pour se lauer le visage, & le maintenir en vn estat.

PREN fleurs d'orenges, roses incarnates, fleurs d'espines, autant des vnes comme des autres, excepté d'espines qui doivent estre moins, & distillez tout ensemble, & en gardez l'eau qui est fort precieuse.

¶ Pour oster les rides du visage.

PREN vn chapon vieil, & le plume, & le fens par lechine, & l'acoutre comme si tu le voulois menger: puis l'empli de petis limons jaunes taillez bien menu, & de semence de fenoiil, & mets tout cela dedans vn alembic avec vn feu moderé: puis tu te laueras de telle eau.

¶ Pour maintenir le visage sans rides.

PREN vne paele neuue de fer, & la mets sus le feu, & quand elle sera bien chaude, arrouse la de vin blanc qui soit bon, & te parfume fort bien le visage dessus, puis t'essuye avec linges blancs & deliez, cela fait, tu mettras ladite paele sus le feu, & vn peu de mirrhe dessus, & t'en parfume de-rechef le visage dessus, ce pendant tien toy bien couuert, de peur que la fumée ne s'en voise: Puis t'enveloppe le visage, & t'en va dormir ainsi. Et cela faut il faire en quinze jours vne fois.

Pour

¶ Pour guarir le visage enflé, & gâté, pour quelque estrange ecorchement, ce qui aduient seulement quand le sublimé n'est pas bon.

PREN du suc de la Ioubarbe, & t'en froite le visage deux ou trois fois le jour, autant en pourras tu faire avec le suc de pourcelaine ou pourpier: mais si tu auois le visage trop gâté, pren quarante ou cinquante moyeus d'œufs, & les mets en la pacle à grand feu, & en tire de l'huile, duquel tu t'oindras le visage.

¶ Pour cognoistre si le sublimé est bon, & s'il a esté fait avec de l'arsenic.

NOVS auons montré au premier chapitre du sixieme Liure en la premiere partie des Secrets, la maniere de sublimer le vis-argent comme il appartient. Or pourautant que plusieurs n'ont pas ainsi la maniere de faire le sublimé, il leurs conuient l'acheter tout fait, & pourtant il m'a semblé bon de monstrer le moyen pour le cognoistre ou s'il est bon ou non, ou s'il est fait avec de l'arsenic: car tous les sublimez qu'on fait avec l'arsenic, ont de coutume de gater le plus souuent, & faire enfler le visage de ceus qui en vsent à se farder. Pren donc autant que seroit vne feue de sublimé, & le jette sus le brasier alumé, & s'il est bon il brulera, & fera la flamme bleue: & s'il fait autre couleur, il ne sera pas bon.

¶ Pour oster les lettres de dessus le papier.

PREN salnitre, & vitriol romain, vne liure de chacun, & les fay distiller: puis pren vne eponge, & mouille la lettre d'icelle eau, & elle s'otera facilement. Item pour le mesme effet, pren poudre d'oz blanc, & plastre deux onces, & les pille bien menus, & les melle ensemble, & les detrempe avec vn moyeu d'œuf, & en oins les lettres, & les laisse ainsi secher, puis les racle avec le trenche-plume, & le papier demeurera blanc.

¶ Pour renouveler les lettres caduques & vieilles.

PREN des noix de galle, & les pille vn peu: puis les mets tremper vn jour dedans bon vin blanc, puis les fay distiller, & de l'eau que tu en tireras, tu en mouilleras gentiment les lettres avec du coton, & elles se renouveleront, en sorte que tu les pourras apres lire assez facilement.

¶ Pour mollifier l'iuoyre, & l'os, & en faire ce que tu voudras.

PREN vin-aigre fort, & sauge, & y fay bouillir l'iuoyre, & les os, & ils se mollifieront. Item pour le mesme effet, pren du vitriol romain, & sel preparé & le tout reduit en poudre bien deliée: puis les fay distiller, & en garde l'eau en laquelle tu mettras l'iuoyre ou les os, & les laisse ainsi demy jour, & ils se mollifieront: puis les mets trois iours dedans du suc de betes, & ils s'atendriront: tellement que tu en pourras faire ce que tu voudras, & quand tu les voudras endürcir, mets les dedans du vin-aigre blanc fort.

¶ Pour oster les marques qu'on fait aux esclaves sus le visage pour les cognoistre, & que plusieurs portent sus leur corps pour diuerses causes.

POVR faire telles marques ou caracteres on en fait le pourtrait sus la chair: puis avec la lancette ou rasoir bien afile, on decoupe sus le pourtrait tout ainsi que quand on baille des ventouses, ou cornets, & quand le sang en est fort, on prend de la poudre de fumée de laquelle vsent les Imprimeurs, ou du charbon pilé bien menu, & l'en frotte on fort bien, & par ce moyen ils sont fort bien marquez. Or pour les oster il faut decouper de-rechef le lieu, & en lieu de poudre ou charbon, tu y mettras du blanc rasil bien puluerisé, ou de la farine de fourment bien faisée, & la laisse ainsi secher, & toutes les marques s'en iront, soyent noires ou bleues, & le lieu demeurera aussi net que jamais.

¶ Pour vn qui seroit piqué d'un scorpion.

SI tu peus prendre le scorpion mesme qui t'a piqué en lui ostant les pieds & la queue, & le faisant mourir dessus il tirera le venin à soy, & tout autre scorpion fera le mesme effet, estant froissé entre deux pierres, & y adjoutant vn peu de sel, & de sauge. Item pour le mesme, fay degouter trois ou quatre gouttes de figue sus la playe, & le venin s'en ira.

¶ Pour celuy qui seroit piqué de guespe, ou mouche à miel.

P I L E des mauues, & les applique dessus, ou des mouches pilées avec vn peu de fange.

¶ Quand on est piqué de l'aragne.

PREN des cendres de bois de figuier, avec du sel pilé, & le mets

mets dessus. Item prend des mauues, & mouille de la decoction le lieu, ou avec de l'eau de mer.

¶ Pour vn qui auroit mangé des crapaus, ou de la saluie qu'ils pissent, qui est vne chose mortelle.

FAY vomir le patient, en luy donnant à boire de l'huile d'oliue avec du vin-aigré trempé d'eau: puis luy donne à boire par plusieurs fois apres le vomissement du meilleur vin cleret qu'on pourra trouuer, & deux drachmes de racine de rouseau en le faisant courir excessiuiement, pour luy oster l'apésantissement, qui cause tel venin.

¶ Pour guarir les talons fendus.

PREN dragant, galbanum, autant de l'vn comme de l'autre, & en fay de la poudre, puis prend de la cire neuue, huile violat, & vn peu de suif de cheure, ou de bœuf, & le fay fondre au feu: puis y mets les sudites poudres, & en fay de l'onguent, du-quel tu oindras les talons, & ils guariront incontinent.

¶ Pour guarir le chancre qui vient sus la verge de l'homme, ou en la nature des femmes.

PREN vn' once d'alun de roche, & demie once de verdegris avec eau de forge, & mets tout en vn vaisseau de verre, & les fay bouillir deux heures, puis coule la-dite eau, & la garde en vn vaisseau pour tes necessités.

¶ Pour faire vnefort bonne eau de vie.

PREN d'vn vin qui soit d'âge moyen, c'est a-sauoir d'vn an ou peu plus ou moins, & qu'il soit fort bon, ayant bonne odeur, & le distille en vn vaisseau de verre qui aye le col long enuiron vne toise avec bien peu de feu, & assez lent, & la recueille tandis qu'elle sort dehors hatiuement, c'est a-sauoir, quand vne goutte n'attent pas l'autre, & elle sera fort bonne, & plaisante: car il n'y aura seulement que la partie du vin fort subtile, vray est qu'elle ne sera pas trop chaude, & ne brulera pas si facilement comme les autres.

¶ Pour faire encre noir fort bon.

PREN vne liure & demie d'eau de pluye, avec trois onces de galles bien pesantes, & les rôps en petites pieces, & la mets en in-

en infusion en la-dite eau , & la laisse demeurer deux jours au soleil, puis y adjoute deux onces de vitriol romain bien couloré & pilé menu , & melle tout ensemble fort bien avec vn baton de figuier, & la laisse encore demeurer au soleil deux autres jours . Finalement adjoute y vn'once de gomme Arabique qui soit clere, luisante, & mise en poudre, & vn'once d'escorces de pommes grenades : puis le me fay bouillir vn peu avec feu lent; puis le coule, & le garde en vn vaisseau de plomb ou de verre, & il fera fort noir, & bon en perfection.

¶ *Pour faire de l'ancre verd.*

P R E N du verdegris d'elite & beau, & l'empaste avec vn peu de vin-aigre fort , & eau distillée de galle verte , & le laisse secher, & quand tu voudras écrire, detrempe-le avec vn peu de la mesme eau de galle verte , en y adjoutant vn peu de gomme arabique.

¶ *Pour les bœufs qui pissent le sang,*

P R E N trois onces de phasioles rouges, & six drachmes de poyure, & semence de genets , & en fay poudre , & luy en baille à boire tous les jours jusques à tant qu'il soit guarý avec du vin blanc , mettant trois onces de la-dite poudre avec deux pintes du vin sudit , & luy en baille tous les jours jusques à trois fois.

¶ *Pour faire huile de vitriol.*

P R E N le vitriol , & le reduy en chaux , puis le mets en l'eau de vie, & fay que l'eau le couure, puis le distille premierement avec bien peu de feu , & le croissant petit à petit jusques à tant qu'il sera tout sorty, puis tire hors l'eau de vie par le bain de Marie, avec l'eau qui soit à grand peine chaude: Puis distille vn'autrefois l'huile, & si au commencement il venoit vn peu d'eau , alors mets le-dit huile en vn vaisseau au soleil, mais il vaudra beaucoup mieus de mettre deux vaisseaus bien ferrez ensemble , & l'eau estant au soleil se viendra à attacher au vaisseau de dessus , & pourtant tu osteras le-dit vaisseau, & y en mettras vn autre, & par ce moyen tu purgeras toute ladite eau, & l'huile restera non seulement pur, mais aussi plus delicat que l'huile commun du vitriol.

¶ *Pour faire les dents blanches.*

P R E N des limons, & en fay de l'eau distillée, & en laue les

les dents, car elle y est souveraine, ou si tu ne veus faire l'eau, pren le suc qui est pareillement bon pour cela, mais l'eau est beaucoup milleure, à cause qu'elle est plus subtile, pourueu qu'en la distillant elle ne perde pas sa force.

¶ *Pour le mesme.*

PREN tartre & le mets dedans vn vaisseau de marbre, & l'etoupe diligemment, puis l'enterre & le laisse demeurer la jusques à tant qu'il soit venu en eau, puis le tire dehors, & en frotte les dents, & elles deuiendront belles. Pren aussi de l'eau qui tombe au commencement de la distillation du sal nitre & allun, & en frotte les dents. Si tu prens au si vne racine de mauues, & qu'auéc icelle tu les frottes tous les jours, elles deuiendront luisantes & belles, sans gater la genciue. Si tu prens aussi vne crote de pain de fourment, & le fais bruler tant qu'elle soit comme vn charbon, puis l'ayant mise en poudre, si tu en escures tes dents, & les laues apres d'eau freche, soit de puis ou fontaine, elles deuiendront blanches, car c'est chose experimentée.

¶ *Pour oter les taches du visage.*

PREN deux onces de suc de limon, & deux onces d'eau rose, deux drachmes d'argent sublimé, & aussi autant de ceruse, & mets tout ensemble, & le fay en maniere d'onguent, & t'en oins le visage au soir quand tu vas dormir, & au matin quand tu es leué, oins-le de beurre, & cela est eproué.

¶ *Pour le mesme.*

PREN la glaire d'un œuf, & la demene tant qu'elle deuienne en eau, puis pren deux onces de cette eau, & demie once de ceruse, & deux drachmes de vis-argét, & vne drachme de canfre, & melle tout ensemble: puis t'en oins le visage.

¶ *Pour le mesme.*

PREN quatre onces de vitriol, & trois onces de sal nitre, & vn'once d'escaille d'acier, & distille tout ensemble, en y adjoignant demie once de canfre, & t'en laue le visage tous les jours.

¶ *Pour le mesme.*

PREN demie liure de racine de serpentaire qui fait certains gros grains rouges conjoints ensemble en vn monceau, ou bien vne tige de rouseau, & demie liure de racine de lis, & autant de mauues sauuages, & les fay toutes cuire ensemble en

eau de pluye, puis les pile dans vn mortier de marbre, & y ad-
joute quatre onces & demie d'huile de tartre, & de moelle de
cerf, & six drachmes de canfre, & melle tout ensemble, & t'en
oins la face. ¶ *Pour oster les lentilles du visage.*

PREN quinze œufs frais, & les mets ainsi entiers dedans
du vin-aigre fort, puis les oste & les romps, & avec ce mesme
vin-aigre en luy adjoutant vn' once de seneué, puis les distille
avec vn vaisseau de verre, & te laue de cette eau le visage au
soir quand tu vas dormir, & te relaue au matin avec eau cuit-
te dedans du son & mauue, & cela est experimenté.

¶ *Pour faire vn' eau qui oste les taches du visage, & le fait beau
& luisant, & ne laisse pas fendre les mains ny la bouche.*

PREN vn pigeon blanc & le plume, puis luy oste les en-
trailles, c'est a-sauoir les boyaus, & luy coupe la teste, & les
pieds, puis pren trois bonnes poignées de frassinelle, & deux
liures de lait, & trois onces de creme de lait, & six onces d'hu-
ile d'amandes douces, qui soit frais, & mets tout ensemble:
puis le distille en vn vaisseau de verre, & te laue de cette eau
tous les jours le visage, & les mains, & elles seront tou-jours
blanches, molles, & sans aucune tache tout ainsi qu'en plein
esté.

¶ *Pour faire vn' eau qui fait la face blanche & luisante.*

PREN lait d'anesse, & ecorces d'œufs, & en fay de l'eau
distillée, & t'en laue le visage, & il sera blanc, beau, & luisant.

¶ *Eau pour faire la face vermeille.*

PREN la jambe d'vn bœuf ou veau, c'est a-sauoir du ge-
noil en bas, & luy oste la peau & les ongles, puis romps tout
le reste en pieces, c'est a-sauoir les os, les nerfs, la moelle, & le
distille, & te laue de cette eau le visage au matin.

¶ *Pour faire le blanchet.*

PREN deux drachmes de dragant, & le dissous avec la
glair d'vn œuf bien batu, puis y ajoute demie once de boras,
avec autant de ceruse, & autant de canfre: & melle tout ensem-
ble, & en fay de petites plottes plattes, & quand tu en voudras
vser, detrempe-en vne avec l'eau rose, & t'en oins le visage au
soir quand tu t'en vas coucher: & te laue au matin le visage
avec l'eau de fleur de feues, ou fay bouillir du bran en eau de
puis, & t'en laue le visage.

¶ *Pour faire vn autre blanchet meilleur qui fait le visage blanc, & luisant.*

PREN deux onces d'escume d'argent, & vne liure de vin-aigre blanc bien fort, & les fay tant bouillir qu'ils décroissent de deux tiers: Puis pren deux drachmes de canfre, deux d'alun deux de borax, & autant d'huile de tartre, & les fay cuire en l'eau rose, puis prenez de ces deux liqueurs, c'est a-sauoir de vin-aigre sudit, & de l'autre autant de l'vne comme de l'autre, & les melle ensemble, & t'en frote le visage autant que tu voudras, & outre cela il oste les taches du visage.

¶ *Eau pour faire le visage rouge, & luisant.*

PREN vn' once de colle de poisson, & vn' once d'allun de roche, & deux onces de berzil, & les mets en vne pinte d'eau, c'est a-sauoir vingt-huit onces, & les laisse demeurer en infusion trois jours, puis les fay cuire, & coule l'eau, & la garde en vn vaisseau de verre à ton plaisir.

¶ *Pour faire vn autre blanchet.*

PREN deux drachmes d'argent sublimé, & le mets en vne phiole d'eau qui tiene pinte, & la fay bouillir tant qu'il décroisse de la dixieme partie, puis y adjoute demie once de ce ruse, & vne drachme de canfre & de borax, & le suc du limon entier, & melle tout ensemble, & le laisse cuire à feu lent par l'espace de sept heures. Mais note que cecy à cause de l'argent sublimé fait par le continuel vsage quelque peu les dents noires, & à la fin les fait tomber, & fait l'alaine puante & offencé les nerfs, & le cerueau.

¶ *Pour faire vn autre blanchet, qui fait la face blanche, & de couleur de roses, & n'offence en rien, comme le sudit.*

PREN deux onces de borax, quatre onces de pois cices brisés, c'est à dire, sans ecorce, & quatre de phasioles, & autant de feues, & les mets tous en poudre, & vn fiel de taureau, & quinze glaires d'œuf, & vne pinte de vin blanc, & mets tout ensemble à distiller, & t'en laue le visage au matin.

¶ *Pour faire vn autre blanchet qui s'appelle royal, qui est le meilleur, & le plus excellent de tous les autres.*

PREN vne bonne poignée de fleur d'oliuier, & vne de fleur de luseau, & vne de roses blanches, & vne d'orenges, & vne autre de gelsemins & douze œufs frais, douze figues ver-

des &c

des & fresches, & douze limasses, vne drachme de canfre, vn' autre d'alum qui s'appelle descaille, deux drachmes de boras demie drachme d'allum, quatre deniers d'allum qui s'appelle de plume, huit deniers d'argēt sublimé, vn' once de cire rouge, vne bonne poignée de lis blancs, & distille toutes les fleurs quand elles sont verdes à leur saison, & les figues, aussi les limasses & les œufs, & melle toutes ces eaus ensemble, & mets à part la moitié d'icelle eau, & garde l'autre moitié, & la mets en vn vaisseau de verre, & y melle dedans toutes les autres choses qui soyent premièrement mises en poudre, & y mets aussi la cire, puis la mets au soleil, & la laisse ainsi tant demeurer, que le tout soit venu en forme de cire, puis la tire dehors avec vn linge blanc, & pren quinze œufs, & les distille en icelle eau & mets en infusion toute celle cōposition en ladite eau distillée avec vne liure de miel crud, & la remets au soleil, & la laisse demeurer là jusques à tant que l'eau soit deséchée, & il sera parfait. Quand tu en voudras puis vser, pren en autant qu'vn grain de fourment, & t'en oins le visage avec l'eau que tu as mis à part, c'est à-sauoir celle des fleurs, & est chose merueilleuse.

Pour oster les rides du visage.

P R E N vn peu de bois de vigne blanche, ou bien vn peu de Brionie, & la pille avec vne figue seche qui soit grasse, c'est à-sauoir pasteuse, & t'en oins le visage, puis te pourmene jusques à tant que tu vienes à suer: car si tu ne suois, la vigne enleueroit la peau, & la Brionie feroit noircir.

¶ *Pour faire que les poils soyent tardifs à venir aus enfans, tant en la barbe, qu' autres parties.*

P R E N vn rasoir qui soit de cuiure melle avec or pigment en la fonte, tellement qu'il soit incorporé ensemble, & en rais la barbe ou poils, & ils ne renaistront pas, ou si tu enflambes le-dit rasoir de cuiure, & l'etains dedans du sang de Salemandre, ou bien au lait de l'erbe nommée laicteron. Si tu frotes aussi le lieu ou tu ne veus pas q' les poils naissent avec le sang de tonine, il fera le semblable. Aussi si tu prens des feues, & les fay bouillir en eau, & que d'icelle eau tu laues tous les jours le lieu, ils ne naistront point, ou bien ils seront tardifs à venir.

oster, coupe le rouseau, & les mets en l'eau tiede, & elles seront aussi belles comme au mois de May.

¶ *Pour garder les peches ou autres fruits.*

PREN les peches ou autres fruits que tu veus garder quand il fait beau temps & sec, & les ouvre par le milieu, & en oste le noyau, & les mets tout vn jour secher au soleil: puis pren du sucre cuit & bien purgé, & les en frotte, & les retourne encore mettre le jour ensuyuant au soleil, & les en frotte autant de fois qu'elles secheront, jusques à tant qu'elles ayent fait leur crote, puis les garde à ton plaisir, & ce sera chose parfaite.

¶ *Pour oster le vernis du papier, apres qu'on a escrit.*

PREN la mie du pain de millet, & en frotte le papier, & non seulement il osterà le vernis, mais aussi il en osterà toute l'odeur du papier, comme si on n'y en eust jamais mis.

¶ *Pour faire vomir le poison à vn qui seroit empoisonné.*

PREN deux grains de Pazar qui est vne pierre qui vient de Portugal, & est verde & tanée-obscur, luyfante & legiere, & en la rompant par dedans elle tire sus le cendré, & la baille à boire avec vn peu de lait, & il vomira incontinent le poison, s'y aucun y en a.

¶ *Pour faire que les fruits prennent telle forme, qu'il te plaira.*

PREN du bois, & le coupe selon la forme que tu veus qu'aye le fruit, mais qu'il soit grand comme le fruit quand il est meur, puis pren du plastre detrempe avec de l'eau, & le mets à l'entour gros comme le petit doigt, & le laisse secher, & il sechera incontinent, puis le tire dehors, & quand le fruit n'est pas encore venu à sa parfaite grandeur, lie le estroit à l'entour de cette forme, & le laisse ainsi demeurer jusques à tant qu'il soit meur, & il sera selon la-dite forme. Si tu y veus aussi escrire dessus, acoutre les lettres en cette forme faites de plastre, & elles seront intelligibles.

¶ *Pour acoutrer la chair l'esté.*

PREN la chair & la fay cuire, mais qu'elle ne soit pas trop bien cuite, puis la tire du feu, & estreins l'eau, & la mets à l'ombre par l'espace d'vne heure à secher à vn lieu d'ou le vent vienne, puis pren vn pot de terre avec du vin-aigre blanc qui soit fort, & pren de la seméce de geneure bien pilée, & du sel, & en jette par dessus la chair: puis la mets dans le vin aigre, &

mettras le pot en vn lieu frais, comme en vne caue, & remue tous les jours la chair dedans le pot, & la laisse ainsi demeurer à ton plaisir: & quand tu la voudras manger, fay la bouillir vn peu, ou si tu veus, tu la peus manger ainsi, car c'est vne chose fort delicate.

¶ *Pour faire vn cautere qui enleue la peau sans aucune douleur.*

PREN du saumon tendre, & chaus viue, qui n'aye point esté mouillée, autant de l'vn comme de l'autre, & les melle ensemble. Et quand tu en voudras vser si la peau est saine, mets y vne petite piece de cuir avec quelque vnguent, & y laisse vn pertuis au milieu de la grandeur que tu voudras que soit la playe & mets en ce pertuis autant de ce cautere comme est vn grain de fourment, & le laisse ainsi demeurer, & dedans trois ou quatre heures il fera vn pertuis sans aucune douleur. Mais si la peau est pourrie comme sont les fronces, il suffira de lauer le lieu deuant que tu mettes le cautere de vin-aigre fort, & dedans vne heure il enleuera la peau sans aucune douleur.

¶ *Pour faire que l'acier trenche le fer comme plomb.*

PREN l'acier, & le purge bien, puis pren des vers qui naissent en terre, & en fay de l'eau en l'alembic, puis pren du suc de raifort autant de l'vn comme de l'autre, & y estains l'acier bien embrasé par quatre ou cinq fois, puis en fay des couteaus, épées ou dagues, & ils couperont le fer comme du plôb

¶ *Pour faire de l'ancre rouge.*

PREN de la laisiue forte bouillante, & la mets dedans l'ecorce de bresil, & la laisse refroidir, puis pren huit onces d'icelle laisiue, & vne once de bresil raclé avec vn verre, & y mets aussi dedans vn peu d'alun: puis la mets en vne escuelle sus la cendre chaude, & qu'elle bouille biē l'espace d'vne heure, puis en vse à ton plaisir, & l'encre sera fort bon: mais note qu'il n'est pas bon, sinon d'autant qu'il est frais, c'est a-sauoir qu'il soit fait d'vn jour ou deux au plus.

¶ *Pour le mesme & plus facilement.*

PREN vne once du mesme bois raclé, avec vne piece de verre, & pren dix onces d'eau, & mets en infusion le bois en icelle eau, & la laisse ainsi demeurer l'espace de sept heures, puis la mets cuire, & la laisse décroistre de quatre parties les trois, & il sera rouge & luisant. Et si tu le laisses encore décroistre plus

tre plus que des trois parties, il sera rouge et sanguin.

¶ *Pour faire amollir les os.*

PREN les os creus au milieu, comme ceus des jambes, & pren du suc de l'Ache, & de mile-fu eilles, et de raifort, & de marrube, et vin-aigre, autant de l'vn comme de l'autre, et emply de ce suc les os, & les etoupes si bien qu'il n'en puisse sortir: puis l'enterre dedans la fiente de cheual autant qu'il te plaira, et de tant plus que ils seront enseueliz, d'autant plus s'amoliront ils.

¶ *Pour garder des raisins frais tout l'uyer.*

IL les faut cuillir quand il fait serain, & qu'il n'ait point pleu long temps au parauant, puis les faut bien nettoyer, c'est a-fauoir oster les grains pourris: puis pren de la poix, et la fay chauffer tant qu'elle bouille, puis pren le raifin, & y mets dedans le bout du pendant, & le laisse ainsi demeurer vn peu, puis les mets secher au soleil par l'espace de deux jours, finalement mets-les dessus de la paille de fourment, en sorte que l'vn ne touche point l'autre, et ils se garderont ainsi bons toute l'année.

¶ *Pour oster les marques de la petite verolle.*

PREN du vin-aigre bien fort, & en fay de l'eau distillée, et t'en laue vn jour le visage, et le jour ensuiuant pren du bran et de la mauue, et de l'eau, et fay bouillir tant qu'elle décroisse de la moitié, et t'en laue le visage ce jour là, & l'autre jour re laue de-rechef le visage avec l'autre eau de vin-aigre distillée, et l'autre jour ensuyuant laue toy de-rechef avec l'autre eau faite de bran et de mauue, et continue ainsi jusques à tant que les marques soyent ostées, ce qui se fera en brief. Si tu prens aussi des ecorces d'œufs, & les fais distiller, et t'en laue au soir quand tu t'en vas dormir, et le matin ensuiuant tu te lauieras de l'autre eau de bran, et mauue, comme il est dit cy dessus.

¶ *Pour faire les mains blanches.*

PREN vn fiel de bœuf, et en pren demie cuillerée au matin avec l'eau de puis, & te laue de ce peu de fiel les mains, & elles deuiendront pasteuses, molles et fort blanches. Pren aussi du sauon, et le nettoye bien, puis pren de la racine d'iris, et la fay secher au four, et en fay de la poudré, laquelle tu melleras avec ce sauon bien nettoyé, & t'en laue les mains, et elles deuiendront pasteuses et blanches. Pren aussi du sauon bien pur-

gé, et pren de la cendre de vigne, et les melle bien ensemble, tant qu'ils soyent bien incorporez l'vn avec l'autre: et t'en laue les mains au matin, et elles deuiendront pasteuses et blanches comme neige, ce qui est experimenté.

¶ *Pour faire vne gresse odoriferante, qui fait que les leures ne se fendent point, n'y les mains, & les tient pasteuses.*

PREN vne liure c'est a-sauoir douze onces de gresse de veau, ou de cerf, qui soit jeune, & la gresse soit fresche: puis pren six onces de marioleine, et pille bien tout ensemble, puis en fay des petites plottes, & les arrouse avec vn peu de bon vin blanc ou cleret, qui aye bonne odeur: puis les mets en vn vaisseau, et le couure bien, afin que la bonne odeur de la marjoleine ne s'en voise pas, & le mets à l'ombre par l'espace de vingt-quatre heures peu plus ou moins, puis le mets dedans l'eau, et la fay cuire à loisir: puis la coule vne autre fois. Pren aussi neuf onces de marioleine, et la pille avec la mesme gresse, et en fay des petites plottes que tu arrouseras avec du vin, et la mets en vn autre vaisseau net que tu mettras aussi à l'ombre par l'espace de vingt-quatre heures, puis y remets de l'eau par dessus, et la fay cuire de-rechef, et la coule, et feras ainsi par quatre ou cinq fois, en y adjoutant toujours neuf onces de marioleine, et en l'arroufant de bon vin, tu y pourras facilement ajouter vn peu de musc, ou ciuette, en ce faisant tu auras vne chose fort excellente, pour empecher q̄ les leures & les mains ne se fendent, & contre toute grande froidure.

¶ *Pour faire la pomade.*

PREN vneliure de gresse de cerf, ou si tu n'en peus recouurer de cerf, prens-en de cheureau, & trois onces de gresse de porc mâle, & trois onces de moelle de cerf, & la nettoye bien de toute souilleure, & oste les cartilages qui sont en la gresse, puis les laue avec bon vin blanc, & les laue tant de fois que le vin demeure cler, & la gresse soit blanche, puis estreins tout le vin, & le laisse vn peu écouler sus vne table. Cela fait, pren huit pommes appianes, & les plume bien, & par dehors & par dedans & les pile. Puis pren demie once de clous de girofle, deux drachmes de noix muscades, six grains de spic d'Indie, & quatre liures d'eau rose, & melle tout ensemble avec la gresse, & mets tout cela cuire dedans vn pot couuert, mais que

que ce soit à feu lent, & les laisse cuire jusques à tant que l'eau rose soit quasi tout consommée : puis la coule, & la mets en vn autre vaisseau laué trois ou quatre fois avec l'eau rose, puis y adjoute quatre onces de cire blanche bien purgée, & six onces d'amandes douces. Puis la retourne sus le feu, & la laisse seulement jusques à tant qu'elle soit fondue, puis l'oste du feu, & la coule, & la mets en vn autre vaisseau laué d'eau rose. Finalemēt apres qu'elle sera congelée, prens autant de musc qu'il te plaira avec de l'eau rose : & autres eaus odoriferantes, & les melle ensemble avec vn pillon de bois. Et la garde en vn vaisseau de verre, et la mets à l'ombre vers le Septentrion, & si tu y adjoute vn peu de storax liquide, elle sera aussi bonne pour la rongne, que pour tenir les mains nettes.

¶ *Pour faire que les mouches ne tourmentēt point les cheuaus l'esté.*

PREN des fueilles de courges, & les pile, et frotte de ce sus les cheuaus tous les jours au matin, & à midy quand il fait grand chaud : ou bien pren de la lie de vin, et les en frotte, & les mouches ne les tourmenteront non plus qu'en plein yuer.

¶ *Pour garder les figues verdes toute l'année.*

IL les faut cueillir quand elles sont meures, et qu'il fait beau temps, & en plein midy, afin qu'elles soient essuyées sans rousée, et les mets en vn vaisseau de pierre quarré qui soit de subtile substance, & que les figues ne s'entretouchent point, puis les couure bien diligemment, en sorte qu'elles n'ayent point d'air, & les mets dedans du vin, & elles seront verdes autant que le vin sera bon, ce qui est experimenté.

¶ *Pour faire que les pommes grenades ne s'ouurent point.*

PREN trois grosses pierres viues, c'est a-sauoir caillous qui sont dedans les fleues, & dechaussé l'arbre, & mets trois de ces pierres sous la racine, & le remets comme il estoit. Aussi si tu plantes pres de ce pommier vne squille, les pommes ne s'ouuriront point.

¶ *Pour garder le vin dous toute l'année.*

PREN vn vaisseau bien poisé par dedans & par dehors, & y mets le vin deuant qu'il bouille, et estoupe bié le vaisseau, afin qu'il n'aye point d'air, puis le mets en vn fleue si profond, que le vaisseau soit tout couuert d'eau, & le laisse ainsi demeurer vn mois sans le remuer, puis le tire, et le mets ou il

te plira. En ce faisant, le vin sera dous toute l'année, & trouble comme moust.

¶ *Pour vn vin qui se veut gaster.*

PREN deux ou trois œufs, & si le vin est cleret, pren seulement le moyeu d'un œuf, & si le vin est blanc, pren seulement le blanc de l'œuf, et pren trois onces de pierres viues d'un fleuve qui coure fort, & les mets en poudre, & deux onces de sel puluerisé bien menu, & melle tout ensemble. Puis mets le vin en vn autre vaisseau net qui n'ayt point aucune odeur: puis jette dedans toute celle cōposition, et la melle avec le vin cinq ou six fois le jour, jusques au bout de trois ou quatre jours. Mais note qu'il faut faire cette prouision deuant qu'il soit du tout pourry: car s'il estoit du tout corrompu, cela ne seruiroit de rien, & seroit temps perdu.

¶ *Pour faire que le vin ne deuienne pas fort.*

PREN vne piece de lard salé, & l'atache au pertuis par ou on entonne le vin avec vn fil gros, tant qu'il puisse soutenir le lard: & fay que le lard touche seulement la superficie du vin. En ce faisant, le vin ne pourra deuenir fort à cause de la gresse, & du sel qui empechent la separation & attenuation qui baillent la force au vin.

¶ *Pour faire du vin-aigre.*

PREN des cornouilles quand elles commencent à deuenir rouges, & des meures qui croissent és ronciars, et de celles qui naissent és champs, mais il les faut prendre quand elles ne sont pas meures, & les fay secher, puis les mets en poudre, & avec vn peu de vin-aigre fort tu en feras de petites plottes que tu feras au soleil. Puis pren le vin, & le fay chauffer, & quand il sera chaud, mets y dedans celle composition, & il se tournera incontinent en vin-aigre fort, ce qui est experimenté.

¶ *Pour faire du vin-aigre avec du vin gasté.*

PREN du vin pourry, & le fay bouillir, & oste toute l'écumé qu'il fait en bouillant, & le laisse demeurer au feu jusques à tant qu'il décroisse du tiers: puis le mets dans vn vaisseau, ou il y ait eu dedans du vin-aigre, & y adjoute du cerfueil & coure bien le vaisseau, en sorte qu'il n'ayt point d'air, & en brieu ce sera du vin-aigre bon & fort.

¶ *Pour oster l'odeur de moisif du vin.*

PREN des nefles bien meures en la paille, & les ouure-en quatre parties, puis les lie avec vn filet, & les atache au bondon du tonneau, & qu'elles soyent toutes couuertes du vin, & les laisse ainsi demeurer vn mois, puis les oste, & tu osteras aussi la mauuaife odeur du vin.

¶ *Pour faire que le vin aye bonne odeur.*

PREN vn orange, ou vn citron qui ne soit pas trop gros, & pren des clous de girofle orientaus, & les plante dedans l'orange ou citron, jusques à tant qu'il soit quasi tout plein, puis le mets dedans le vaisseau, pourueu qu'il ne touche point au vin: puis estoupe bien le tonneau, afin que l'odeur ne s'en voise point.

¶ *Pour faire que les pourreaus deuiennent gros.*

PREN beaucoup de semences ensemble, et les plante dedans la fiente de cheure, & les laisse naistre & meurir, & tu verras vne chose merueilleuse.

¶ *Pour faire que les legumes cuisent bien tost.*

PREN les semences que tu veus semer comme pois, phasoles, ou lentilles, & plusieurs autres, et deuant que les semer, arrouse-les de sal nitre, puis les seme à ton plaisir. Et ceus qui naitront de cette semence, cuiront plus facilement, & plus tost que les autres.

¶ *Pour faire que les fruits ne pourrissent point sus la plante.*

PREN vn clou, & l'embrase, & le fiche dedans le pied de la plante, ou si tu ne veus faire ainsi, fay vn pertuis au mesme lieu avec vn perçoir, et le laisse ainsi: car par ce pertuis toute l'humeur superflue sortira dehors, qui est la cause qui fait pourrir les fruits sus la plante.

¶ *Pour faire lettres qui ne se puissent lire, si on ne met le papier en l'eau.*

PREN de l'alun de roche, & le mets en poudre, puis le mets en vn peu d'eau, & en ecry ce qu'il te plaira sus le papier blanc, puis laisse esluyer les lettres d'elles mesmes, & quand tu les voudras lire, mets le papier en l'eau claire, & que les lettres soyent tournées contremont, & tu les liras comme si elles estoient escrites d'encre, et pour autànt que l'eau fait vn peu le papier noir, ou pour mieus dire gris, & l'alun reuiuist pour la

blancheur qui est chose merueilleuse, & experimentée.

¶ *Pour faire lettres qui ne se puissent lire sinon au feu.*

PREN du sel armoniac, et en lay de la poudre bien menue & la mets en l'eau, puis cris ce qu'il te plait sus le papier, & le laisse secher, & quand tu la voudras lire, montre-la au feu, & tu la liras fort bien. Si tu prens aussi du suc de limon ou d'oignon, & si tu en cris, on ne les pourra lire sinon au feu.

¶ *Pour faire que l'eau de vie recoiue toutes les vertus des medicaments.*

PREN quatre onces d'eau de vie, & la mets en vn vaisseau de verre qui aye la bouche estroitte, mais grosse & espoisse de verre, puis pren les medicaments eleuz bien sechez, & decoupez bien menu, & les mets en ce vaisseau avec l'eau de vie, & estoupe diligemment la bouche du vaisseau avec son bouchon puis avec de la cire blanche par dessus: finalement pren vn vaisseau tel que tu voudras, & l'empli de cendres chaudes, mais qu'il n'y ayt point de feu dedans, & enterre dedans la cendre ce vaisseau d'eau de vie.

¶ *Pour faire que les tignes & vermine ne gatent point les habits.*

PREN de l'aluine ou aurone & des fueilles de cedre, & de valeriane, & les mets dedans le coffre ou sont les habits, & par les pliz des vestemens, & tu verras qu'elks ne te fascherot point, pourautant que telles fueilles & herbes sont ameres au goust, & joint que l'odeur en est fort grande, & abominable a telle vermine.

¶ *Pour faire la soye blanche.*

PREN du souffre & le brule, & mets la soye sus la fumée, & elle deuiendra incontinent blanche. Si tu veus aussi faire vne rose de diuerses couleurs, pren-la, & la tien sus la fumée du souffre, & elle deuiendra rouge blanche, & cramoisie, & sera belle, non pas odoriferante.

¶ *Pour faire vne pomme qui prouoque le sommeil.*

PREN du pauot, & suc de mandragore, & lie de vin rouge, autant de l'vn comme de l'autre, & vn peu de ciuette, puis tu en feras vne pomme que tu tiendras en ta main, & la tenant, elle te fera dormir merueilleusement.

¶ *Pour faire naistre les cheueus à vn qui sera chauue.*

PREN de l'huile de tartre, & le lay chauffer, puis t'en frotte la

re la teste ou autres lieux ou tu veus que le poil naisse, & dedans huit ou dix jours les cheueus te croistront ausi espais comme au parauant, & non seulement fait naistre ceus qui sont tombez: mais ausi en fait naistre d'autres plus qu'il n'y en auoit au parauant, & qui plus est, si tu en frottois la palme de la main, ils viendroyent ausi bien qu'en quelqu'autre lieu.

¶ Pour faire vn eau qui taint le cuiure en couleur d'or.

P R E N vn fiel de bouc, & vn autre de cheure, & vn peu d'arsenic autant que tu verras qu'il y en ayt assez, & distille tout ensemble, & trempe le cuiure en cette eau, mais que le cuiure soit premierement bien escuré, & incontinent il viendra en couleur d'or.

¶ Pour teindre le fer en couleur d'or.

P R E N alun de melancie, et le fay en poudre, puis pren vn peu d'eau de mer, et la melle ensemble: puis enflambe le fer, & le trempe en icelle eau, & le mets vn jour au soleil, et il aura la couleur d'or.

¶ Pour faire le fer fort & beau comme argent.

P R E N du sel armoniac, et le fay en poudre, et le melle avec la chaus viue, puis le mets en l'eau froide, & les melle bien ensemble, puis chauffe si bien le fer qu'il soit rouge, & le trempe en la-dite eau, et il deuiendra blanc comme argent.

¶ Pour faire vne eau qui oste incontinent les lettres du papier.

P R E N vne liure de vitriol romain, trois liures de sal nitre, & quatr'onces de vermeillon, et cinq liures d'alun de ramene, & les pille tous ensemble, & en fay de la poudre: puis les distille avec vn vaisseau de verre avec feu lent, et il en sortira deux eaus, l'vne blanche, et la seconde verte. Si tu prens vn peu de la premiere, en la mettant sus le fueillet du papier escrit, en le frottant avec vn gris drap qui soit aspre, elle osterá toutes les lettres du papier, et le laissera ausi blanc comme s'il n'y eust jamais eu d'encre. Ausi si tu prens de la-dite eau, et la fais chauffer, & que tu mettes sus la fumée vn fueillet escrit, elle deuiendra incontinent telle comme si elle eust esté ecrite dix ans au parauant.

¶ Pour oster vne tache d'huile d'vn drap.

P R E N huile de tartre, et le mets sus la tache, et l'oste in-

continent, puis le laue fort bien avec de l'eau tiede, et trois ou quatre fois d'eau froide, et le drap demeurera aussi net comme quand il estoit neuf, et deuant que l'huile y fust tombé.

¶ *Pour estancher le sang du nez.*

PREN de pois cices gros, & les mets sus vne tuile au feu, & jusques à tant qu'ils soient secs, puis en fay de la poudre bien menue, et en mets dedans le nez, et le sang s'estanchera.

¶ *Pour rompre les apostemes qui viennent en la gorge.*

PREN de la fiente seche d'asne, et fiente d'arondelle, et en fay poudre, et tu en mettras vñ peu dedans l'eau, ou dedans du vin chaud, et te guaruariseras souuent de cettè eau, et tu seras deliuré.

¶ *Pour oster vn fer d'vne playe.*

PREN les fueilles de paume de Christ et les pille, & mets au soir du suc sus la playe, & tu trouueras au matin la playe si large, & le fer si descouuert, q̄ tu le pourras oter avec les doigts.

¶ *Pour faire que les petis enfans n'ayent point de douleur aus dents.*

PREN vn coq vieil, & luy coupe la creste, & pren du sang qui en coule, & luy frotte les genciues, & il ne sentira jamais douleur.

¶ *Pour affermir les dents qui tremblent.*

PREN de l'encens, mastic, & ecorces de pommes grenades autant de l'vn comme de l'autre, & en faites de la poudre: & quand tu vas dormir, laue toy les dents avec vn peu de bon vin puis pren de la-dite poudre, & la mets sus les dents, & elles deuiendront fermes en brief.

¶ *Pour les hemorrhoides.*

PREN vne tortue, & la mets dedans vn pot bien estouppé sus le feu, & la laisse tant demeurer qu'elle soit toute brulée, puis l'oste du feu, & oste la tortue, & la mets en poudre: puis laue bien premierement les hemorrhoides avec du vin blanc bien chaud, puis y mets dessus de la-dite poudre, & en deux ou trois fois il sera guarý.

¶ *Pour vn qui auroit la veie trouble.*

PREN le poulmon d'vn porc massé avec toutes ses apertences, & le fay cuire en l'eau, & quand il sera cuit, mets les yeus dessus la fumée, & en trois ou quatre fois il sera deliuré.

¶ Pour vn qui seroit ouuert & greué.

PREN de la racine de consoude, & en mets dedans le pain duquel tu vseras tou-jours, & mange tous les jours de la-dite racine crue ou cuite, & ce sera chose fort profitable.

¶ Pour vn qui auroit les testicules enfléz.

PREN de la rue, & la pille, & la mets sus les testicules, & incontinent ils desenfleront, laquelle chose est assez experimentée.

¶ Pour faire tomber les dents qui sont mal.

PREN de la racine de grenoillette qui est comme vne noissette, & fait la fleur petite & jaune, mais cueille-la au mois de May, & la seche vn peu au four, & la garde toute l'année, puis en pren vn peu estant pilée, & pren vn peu de poix composée avec la termentine bien gluante, & mets la-dite racine dedans le pertuis de la-dite dent qui te fait douleur, & si elle n'a point de pertuis, mets-la sus la couronne de la-dite dent, puis y mets dessus la-dite poix, en sorte qu'elle soit bien atachée, & la laisse demeurer là trois heures, & dedans deux ou trois fois au plus la dent tombera en pieces dedans huit jours.

¶ Pour la putrefaction des dents.

PREN des racines de pied d'Alexandre, & les coupe bié menues, & les fay distiller avec fort bon vin, & tien vne cuillerée de cette eau en la bouche, & tu sentiras en brief vn bon remede: car cela guarist les dents malades, & gastées, & les nettoye, & outre cela il profite beaucoup pour purger toute ordure de bouche.

¶ Pour la puanteur de l'alaine, & pour blanchir les dents.

PREN vne liure de miel ecumé, demie liure d'eau de vie, trois onces de bois d'aloë, deux onces de gomme arabique, noix muscades, galange, cubebes, cinamome, mastic, clous de girofle, spic, & lauande moust ana trois drachmes, deux drachmes d'ambre pillé, & melle tout ensemble, & en fay de l'eau en l'alembic, & cette eau oste la puanteur de l'alaine, & blanchist les dents, & maintient longuement la santé.

¶ Eau pour nettoyer les dents.

PREN du sel armoniac, & sel gemme, trois onces de chacun, vne once & demie d'alun sucarin, & le distille ou detreins
pe de

pe dedans deux liures d'eau par l'espace de huit jours, & avec telle liqueur distillée ou ainsi detrempée, tu te froteras les dents & elles deuiendront blanches.

¶ *Autre eau pour blanchir les dents.*

PREN vne liure de Sel purgé, & pillé, vne once d'alun glaciel, & le distille en l'alembic, & melle vne once de cette eau avec vn' once d'eau de plantain, & t'en frotte les dents avec cette composition, & du cotton, & elles deuiendront blanches & nettes.

¶ *Pour oster la puanteur des aux, pourreaux, & oignons.*

A P R E S que tu auras mangé des aux, pourreaux, ou oignons, pren la racine de bete, & rotie sous les braises, puis tu la mangeras, & tu verras l'effet, ou bien tu mangeras de la racine semblable au gingembre, que les apoticaire appellent zedoaria, & tu ne sentiras aucune puanteur, & cela est plus aisé à faire qu'avec la racine de betes.

¶ *Pour faire que les poils ne naissent point.*

PREN ecorces de feues verdes, & en fay vn emplastre, & le mets sus celle partie ou tu veus que les poils ne viennent point, & s'il y en a, ils tomberont, & ne renaistront plus.

¶ *Remede tresvtile pour la durie des mammelles des femmes apres la gesine.*

I L faut prendre du bran de froument, & le cuire avec le suc de la rue, puis la mettre sus les mammelles qui se sont endurcies apres la gesine, & elles s'amoliront & desopiferont: Le mesme remede est aussi fort bon contre les morsures des bestes venimeuses.

¶ *Pour les apostemes, bosses chancreuses, & autres enflures.*

PREN orge & bran, & les fay cuire tant qu'ils soyent comme vn emplastre fort espois, & le mets sus l'aposteme, & il sera fort profitable.

¶ *Pour faire du vin-aigre.*

O N fait le vin-aigre, en mettant le vin en quelque tonneau ou il y ait eu du vin-aigre, en le mettant au soleil, ou pres du feu, ou en mettant dedans des tuilles ou briques neuues nettes & embrasées.

¶ *Pour faire du vin-aigre sec, lequel on peut porter ou on veut.*

P R E N des cerises sauuages quand elles commencent à mcurir, mais les cornouilles sont encores milleures, & les meu-

res quand elles sont rouges, & le verjus gros bien fort, & le glan sauuage deuant qu'il se meurisse, & pillé tout cela ensemble, puis pren du milleur vin-aigre que tu pourras trouuer, & incorpore toutes les sudites choses ensemble, & fay de cette paste là de petis pains, que tu mettras secher au soleil, & quand tu voudras faire du vin-aigre, detrempe d'icelle paste dedans du vin, & ce sera bon vin-aigre.

¶ *Autre composition pour le mesme effet.*

P R E N du verjus de grain bien verd, & le pille, en y ajoutant du vin-aigre, & en fay de la paste, de laquelle tu feras de petis pains que tu feras secher au soleil: puis voulât faire du vin-aigre, detrempe de ces pains dedans du vin que tu verras estre suffisant, & tu auras du vin-aigre fort.

¶ *Pour faire du vin-aigre de grene.*

P R E N vn' once de poudre de grene de laquelle on taint les draps fins, & la mets en suffisante quantité de vin-aigre, & là tien au soleil par quelques jours dedans vn vaisseau verré, & bien couuert, puis le garde ainsi tout ensemble sans separer le vin-aigre de la grene, & ce sera le plus excellent vin-aigre de tous, par ce que la grene est fort aromatique, odoriferante, cordiale, & chaude, & pour cette cause elle vient à temperer la grande frigidité du vin-aigre.

¶ *Preseruatif pour temps de peste, & contre tout venin, & morsure de chien enragé.*

S I deuant le repas tu menges vne noix ou deux, deux figues seches, & quelques fueilles de rue domestique, avec quelque grain de sel, ce sera vn bon preseruatif pour le temps de la peste, & contre tout venin qu'on mange apres, & le mesme estant pillé & appliqué sus la morsure d'vn chien enragé, le guarist: aussi sont les noix muscades.

¶ *Pour vn qui auroit mengé des potirons venimeus.*

I L n'y a point de plus soudain remede, à celuy qui auroit mengé des potirons venimeus, q̄ de faire vomir celluy qui les a mengez le plustost qu'il sera possible en luy donnât à boire des queües de feilles de rue bié pilées, & de l'origan, & du ruiel, & apres cela l'ysage de la tiriaque sera fort bon, & du mitridat, avec du vin-aigre fort, ou avec oximel scillitic, ou avec eau de vie. Encore a cela profite beaucoup de mêger des eaux cruz cōme font

font la plus grande partie des paisans, qui en vsent en lieu de tiriaque.

¶ Pour confire si bien des potirons, qu'on en pourra manger sans aucun danger.

P V I S que les potirons sont si plaisans au goût, que les hōmes ne s'en peuuent abstenir, qu'ils aprenēt pour le moins le moyen de s'assēurer du danger qui en peut aduenir, en faisant ce qui s'ensuit: Premièrement fay les cuire avec des poyres sauuages, ou bien avec les fueilles, ou avec l'ecorce de l'arbre qui produit les-dites poyres. Et si on n'en trouue point de sauuages, on peut faire cela avec les domestiques, pourueu que ce soyent celles qui par nature sont aspres, & qu'on ne mengē point autrement que cuittes, & en peut on prendre de sèches, ou de verdes, & elles osteront tout danger de venin.

¶ Remede contre les morsures des mouches guepes, ou à miel.

P R E N de fange ou fiente de bœufs arrousée de vin-aigre, ou des fueilles de mauues avec le mesme vin-aigre, ou en touchant la pointure avec vn fer, autant en fait on avec le lait de figes.

¶ Pour le flux de l'vrine.

P R E N des pointes tendres des fueilles du chesne, & les fay cuire en vin cleret, puis les pille, et en fay vn emplastre, & le mets tout chaud sus la verge du patiēt, & en brief il sera guaruy.

¶ Pour ceus qui ne peuuent retenir la viande, mais vomissent continuellement.

P R E N des plus tendres fueilles du fresne, & les faits cuire en vin-aigre fort: puis les pille, & en fay vn emplastre que tu mettras sus l'estomac du patient, ou sus le ventre, & il en sera grandement allegé.

¶ Remede à la raucité de la voix.

S I par froid tu estois enrōué, pren du pouliot, & le fay cuire en eau, & en pren au soir quand tu t'en vas coucher vne escuellée de cette eau assez chaude, avec quelque peu de sucre fondu dedans, & en faisant cela par trois ou quatre fois, tu seras deliuré de telle raucité, & t'eclerera la voix.

¶ Remede pour ceus qui ne peuuent vriner.

P R E N quatre ou six pourreaus, & les fay frire en l'huile de scorpion, puis les pille, & en fay vn emplastre, & le mets le plus

plus chaud qu'il se pourra souffrir sus les rongnons de celuy qui ne peut vriner, autant en feront les barbes & cheueus des pourreaus, en les faisant secher, & les mettant en poudre, en les donnant à boire avec du vin blanc, & ils feront sortir dehors la grauelle, & les petites pierres.

¶ *Pour oster la douleur des yeux.*

PREN le poulmon d'un cheureau tout chaud, ainsi comme on le tire du corps, & le mets sus les yeux du patient, & il luy osterà la douleur.

¶ *Remede à qui seroit mordu de quelque beste venimeuse.*

POVR oster le venin de la chair, & du sang à celuy qui a esté mordu, ou enuenimé de quelque sorte que ce soit par morsure, le meilleur & le plus souuerain remede qu'on puisse trouuer est de sucir le venin avec la bouche: mais il faut bien noter que celuy qui yeut sucir ne doit pas estre à jeun, mais qu'il ayt mangé & mesmement choses vinctueuses & grasses à pleine pance: puis s'estant laué la bouche avec bon vin, qu'il prenne en sa bouche de l'huile d'oliue, & qu'il commence apres à sucir: puis elargir la pointure avec le rasoir, afin que le venin sorte bien en mettant dessus les ventoses avec beaucoup de flamme, pour tirer: puis luy faire vn emplastre dessus avec des aux & oignons pillez bien menu, & fomentier le lieu avec vin-aigre chaud. Le regime de viure du patient doit estre de feuilles de pourreaus, aux, & oignons avec poyure en abondance, & du sel, & beaucoup de pain, en luy donnant à boire de bon vin avec origan, & semence d'orties, grenes de laurier, & de geneure, chair de herissons terrestres, citrons, & leurs semence.

¶ *Pour chasser toutes bestes venimeuses de la maison.*

PREN du geneure, semence d'agnus castus, coquilles d'escruissies de fleuve, corne de cerf, gresse de cerf, nasturce, origan, & diptame, & fay de toutes ces drogues vne paste, & quand tu en voudras vser, brule-la: car la ou ira celle fumée, toutes les bestes venimeuses s'enfuiront.

¶ *Contre tout venin beu, ou mangé.*

AYANT cogneu que quelcun est empoisonné, le principal remede est de luy faire vomir le venin, en luy donnant de l'huile d'oliue tiede, pur, ou mellé avec l'eau, & si on ne trouuoit point d'huile, en ce lieu donne luy du beurre avec de l'eau

chaude, ou avec la decoction de semence de lin, ou d'ortie, ou de fenegré, & toutes ces choses font aussi bien purger le venin par dessous, comme par vomissement. Apres l'auoir fait vomir par plusieurs fois, il le faudra euacuer avec cliteres aigus par dessous: puis luy donner de l'eau emmielée, & du vin vieil en abondance. Mais qui peut auoir de la bonne triaque ou mitridat, ce sont les principaus contrepoisons avec la terre scellée, coquilles de gland, & luy en donner souuent dedans de bon vin. Son viure soit de chair grasse de bestes vieilles, & brouets gras, mesmemét de poulles, poissons gras, & ne le laissez point dormir, en continuant ce moyen, il sera deliuré, moyennant l'ayde de Dieu.

¶ Remede duquel vsoit le Roy Nicomede, a-fin que nul poison ne luy
peut nuire.

PREN des grains de genetre, terre lemmie, de chacun deux drachmes, & les reduis tous en poudre bien menue, que tu mel leras avec miel, ou huile d'oliue, & le garde, & quand tu en voudras vser, prends-en la grosseur d'vne noysette à la fois, avec de l'eau emmielée, & tu seras assure de n'estre point empoisonné, car en mangeant apres des viandes enuenimées, si tost qu'elles sont dedans l'estomac, il vient vn vomissement, tellement qu'on est contraint de vomir la viande, & le poison ensemble: mais s'il n'y a aucun poison en la viande, le-dit preparatif ne nuira aucunement.

¶ Pour faire telle quantité de vin-aigre fort que tu voudras.

PREN vne squille qui est vne maniere d'oignon, & luy oste les fueilles: puis l'enfille, & la laisse cinq ou six jours en l'air, puis la plongeras dedans le tonneau du vin, duquel tu veus faire du vin-aigre, & faut qu'il y ait autant d'espace vuide dedans le tonneau, que la Squille ne touche point le vin, estant atachée par le bondon, & qu'elle demeure ainsi pendue cinq ou six jours, & le vin deuiendra fort, & se conuertira en bon vin-aigre.

¶ Pour vn qui auroit mengé des potirons venimeus.

LA principale chose est qu'on le face vomir, en lui donnant à boire de l'huile d'oliue, & laisiue faite de cendre de sarmens

de vigne, ou de branches de poyres sauuages, avec sel & vin-aigre trempé en d'eau. Les œufs de geline pareillement seroyent bons estans beuz avec vin-aigre trempé d'eau. Et tels remedes seroyent bons à quilconque auroit beu du plastre, ou menagé autre chose qui suffoque, & à qui on zuroit donné à boire du sang menstrual, comme font quelques fois les mauuaises femmes.

¶ *Pour rendre le lin aussi dous, & mol que soye.*

P R E N telle quantité de lin qu'il te plaira, qui soit bel & bon, & le fay pigner comme prest à filler: puis pren de la fiente freche de veau, tant qu'il y en ayt assez pour empaster le-dit lin, & qu'il soit bien laué apres qu'il aura esté cinq ou six heures aini embrené, & il sera aussi dous que soye, & le pourra on filler aussi delié qu'on voudra.

¶ *Pour guarir les mains fendues.*

P R E N mastic, encens, cire neuue, & huile rosat, & en fay de l'onguent, & en oins les creuasses des mains, & elles guariront incontinent.

F I N.

ii 2

LA

TABLE DES SECRETS
ATTRIBVEZ AV SIGNEVR
DON ALEXIS.

E Au de merueilleuse & excelente vertu pour retourner la lumiere des yeus, à celuy qui l'auroit afoiblie, ou esgarée, par maladie, ou autre accident.	fueillet 49
Pour oter le sang epandu par les yeus par quelque reume ou fluxion, ou autre semblable cause.	49
Pour oster la jaunisse du visage à toute personne, quand cela seroit venu pour le fiel qui se seroit epandu.	49
Quand quelque chose seroit tombée par fortune dedans les oreilles, ou y auroit esté mise à son esciant, pour la faire sortir dehors facilement.	49
Pour la douleur des dents.	49
Pour faire tomber de soy-mesmes vne dent qui fait mal sans aucuns ferremens.	50
Electuaire capital le quel maintient la memoire, eclarcist la veüe, & conforte l'estomac.	50
Contre la pelade, & pour empecher que les poils de la teste ou de la barbe ne tombent point.	50
Vnguent pour guarir la tigne.	50
Pour vn qui ne pourroit rien prendre par la bouche, ou pour le faire aller à selle, & suer assez.	50
Pour guarir ceus qui ont mal de rate.	51
Pour le mal de costé, ou colique.	51
Pour celuy qui ne pourroit vriner.	51
Pour vn qui seroit rompu ou ouuert par quelque grand traual, soit pour cheuaucher en poste ou autre accident.	51
Pour oster la douleur, & guarir les gouttes ou podagres.	51
Contre la podagre chaude.	51
Eau merueilleuse & bonne pour diuerses infirmitex.	52
Pour vn qui auroit perdu le repos, soit par douleur de teste, ou autre cause semblable.	52
Pour vn qui auroit les mains ou les pieds casses, à cause du froid.	52
Pour consolider les fentes de la bouche.	52
Eau pour maintenir les mains molles, & delicates.	52

L A T A B L E.

Eau excellente & de pain de frais, pour se laver le visage, & le maintenir en vn estat.	52
Pour oster les rides du visage.	52
Pour maintenir le visage sans rides.	52
Pour guarir le visage enflé, & gasté, pour quelque estrange ecorchement, ce qui aduient seulement quand le sublimé n'est pas bon.	53
Pour cognoistre si le sublimé est bon, & s'il a esté fait avec de l'arsenic.	53
Pour oster les lettres de dessus le papier.	53
Pour renouveler les lettres caduques & vieilles.	53
Pour mollifier l'iuoyre, & l'os, & en faire ce que tu voudras.	53
Pour oster les marques qu'on fait aux esclaves sus le visage pour les cognoistre, & que plusieurs portent sus leur corps pour diuerses causes.	53
Pour vn qui seroit piqué d'un scorpion.	53
Pour celuy qui seroit piqué de guespe, ou mouche à miel.	53
Quand on est piqué de l'aragne.	53
Pour vn qui auroit mangé des crapaus, ou de la salive qu'ils pissent, qui est vne chose mortelle.	54
Pour guarir les talons fendus.	54
Pour guarir le chancre qui vient sus la verge de l'homme, ou en la nature des femmes.	54
Pour faire vne fort bonne eau de vie.	54
Pour faire encre noir fort bon.	54
Pour faire de l'Ancre verd.	54
Pour les bœufs qui pissent le sang.	54
Pour faire huile de vitriol.	54
Deux manieres pour faire les dents blanches.	54. 55
Quatre sortes pour oter les taches du visage.	55
Pour oster les lentilles du visage.	55
Pour faire vn' eau qui oste les taches du visage, & le fait beau & luisant, & ne laisse pas fendre les mains ny la bouche.	55
Pour faire vn' eau qui fait la face blanche & luisante.	55
Eau pour faire la face vermeille.	55
Pour faire le blanchet.	55
Pour faire vn autre blanchet meilleur qui fait le visage blanc, & luisant.	56

L A T A B L E.

Eau pour faire le visage rouge, & luisant.	56
Pour faire vn autre blanchet.	56
Pour faire vn autre blanchet, qui fait la face blanche, & de couleur de roses, & n'offence en rien, comme le sudit.	56
Pour faire vn autre blanchet qui s'appelle royal, qui est le meilleur, & le plus excellent de tous les autres.	56
Pour oster les rides du visage.	56
Pour faire que les poils soyent tardifs à venir aus enfans, tant en la barbe, qu' autres parties.	56
Pour faire naistre les poils en tout lieu.	57
Pour faire les cheueus noirs.	57
Pour faire de l'eau qui fait le visage rouge & luisant.	57
Pour oster la mauuaise odeur de l'aleine.	57
Pour teindre tout metal ou pierre en couleur d'or sans or.	57
Pour faire deuenir le fer mol & l'acier.	57
Pour faire bien tost meurir les figues.	57
Pour faire que les gelines facent les œufs en yuer.	57
Pour faire vne colle qui tienne fort comme vn clou.	57
Pour oster toutes sortes de taches.	57
Pour nettoyer le miel sans feu.	57
Deux sortes pour garder des roses fresches toute l'année.	57
Pour garder les peches ou autres fruits.	58
Pour oster le vernis du papier, apres qu'on a escrit.	58
Pour faire vomir le poison à vn qui seroit empoisonné.	58
Pour faire que les fruits prennent telle forme, qu'il te plaira.	58
Pour acourrer la chair l'esté.	58
Pour faire vn cantere qui enleue la peau sans aucune douleur.	58
Pour faire que l'acier trenche le fer comme plomb.	58
Pour faire de l'ancre rouge.	58
Pour le mesme & plus facilement.	58
Pour faire amollir les os.	59
Pour garder des raisins frais tout l'yuer.	59
Pour oster les marques de la petite verolle.	59
Pour faire les mains blanches.	59
Pour faire vne gresse odoriferante, qui fait que les lcures ne se fendent point, n'y les mains, & les tient pasteuses.	59
Pour faire la pomade.	59

L A T A B L E.

1	Pour faire q̄ les mouches ne tourmentēt point les cheuaus l'esté.	60
2	Pour garder les figures verdes toute l'année.	60
3	Pour faire que les pommes grenades ne s'ouurent point.	60
4	Pour garder le vin dous toute l'année.	60
5	Pour vn vin qui se veut gaster.	60
6	Pour faire que le vin ne deuenne pas fort.	60
7	Pour faire du vin-aigre.	60
8	Pour faire du vin-aigre avec du vin gasté.	60
9	Pour oster l'odeur de moissif du vin.	61
10	Pour faire que le vin aye bonne odeur.	61
11	Pour faire que les pourreaus deuiennent gros.	61
12	Pour faire que les legumes cuisent bien tost.	61
13	Pour faire que les fruits ne pourrissent point sus la plante.	61
14	Pour faire lettres qui ne se puissent lire, si on ne met le papier en	
	Peau.	61
15	Pour faire lettres qui ne se puissent lire sinon au feu.	61
16	Pour faire que l'eau de vie recoiue toutes les vertus des medica-	
	ments.	61
17	Pour faire que les tignes & vermine ne gâtent point les habits.	61
18	Pour faire la soye blanche.	61
19	Pour faire vne pomme qui prouoque le sommeil.	61
20	Pour faire naistre les cheueus à vn qui sera chauue.	61
21	Pour faire vn eau qui taint le cuiure en couleur d'or.	62
22	Pour teindre le fer en-couleur d'or.	62
23	Pour faire le fer fort & beau comme argent.	62
24	Pour faire vne eau qui oste incontinent les lettres du papier.	62
25	Pour oster vne tache d'huile d'un drap.	62
26	Pour estancher le sang du nez.	62
27	Pour rompre les apostemes qui viennent en la gorge.	62
28	Pour oster vn fer d'vne playe.	62
29	Pour faire que les petis enfans n'ayent point de douleur aus dens.	62
30	Pour affermir les dents qui tremblent.	62
31	Pour les hemorrhoides.	62
32	Pour vn qui auroit la veüe trouble.	62
33	Pour vn qui seroit ouuert & greué.	63
34	Pour vn qui auroit les testicules enflex.	63
35	Pour faire tomber les dents qui sont mal.	63

L A T A B L E.

Pour la putrefaction des dents.	63
Pour la puanteur de l'alaine, & pour blanchir les dents.	63
Eau pour nettoyer les dents.	63
Autre eau pour blanchir les dents.	63
Pour oster la puanteur des aux, pourreaux, & oignons.	63
Pour faire que les poils ne naissent point.	63
Remede tresutile pour la durté des mammelles des femmes apres la geseine.	63
Pour les apostemes, bosses chancreuses, & autres enflures.	63
Pour faire du vin aigre.	63
Pour faire du vin-aigre sec, lequel on peut porter ou on veut.	63
Autre composition pour le mesme effet.	64
Pour faire du vin-aigre de grene.	64
Preferuatif pour temps de peste, & contre tout venin, & morsure de chien enragé.	64
Pour vn qui auroit mengé des potirons venimeus.	64
Pour consire si bien des potirons, qu'on en pourra manger sans aucun danger.	64
Remede contre les morsures des mouches guepes, ou à miel.	64
Pour le flux de l'vrine.	64
Pour ceus qui ne peuuent retenir la viande, mais vomissent continuellement.	64
Remede à la raucité de la voix.	64
Remede pour ceus qui ne peuuent vriner.	64
Pour oster la douleur des yeus.	65
Remede à qui seroit mordu de quelque beste venimeuse.	65
Pour chasser toutes bestes venimeuses de la maison.	65
Contre tout venin beu, ou mangé.	65
Remede daquel vsoit le Roy Nycomedé, a-fin que nul poison ne luy peust nuire.	65
Pour faire telle quantité de vin-aigre fort que tu voudras.	65
Pour vn qui auroit mangé des potirons venimeus.	65
Pour rendre le lin aussi adou, & mol que soye.	66
Pour guarir les mains fendues.	66

FIN DE LA TABLE.

SECRETS, OV
RECEPTES SOVVRAINES,
BIEN EXPERIMENTEES ET AP-
PROVVEES PAR DIVERS
AVTEURS.

CONTENANTES SINGVLIERS
Remedes contre diuerses maladies:
Auec plusieurs autres sciences artificielles, fort
profitables à vn chacun.



A ANVERS,
Del'Imprimerie de Christophe Plantin,
1559.
AVEC PRIVILEGE.

EXTRAIT DV PRIVILEGE.



A Maiesté Royale a donné Priuilege à Christophe Plantin Imprimeur juré de la Ville d'Anvers de pouuoir imprimer, ou faire imprimer, vendre & distribuer, tant en Brabant, que par tous ses Païs bas de par deça

Les receptes de plusieurs Auteurs: & Secrets de reuerend. Seigneur Alexis Piémontois, tous bien approuuez. Defendant à tous Imprimeurs, Libraires, & autres quiconques, de faire les semblables en tous ces païs su-dits, ny ailleurs imprimés, vendre ny distribuer en nul de ces trois langages, à sçauoir, François, Flameng, & Espagnol deuant quatre ans accomplis, sus peine de confiscation des liures imprimés, & par dessus ce de vingt Carolus d'amende pour chacune fois que quelqu'un auroit à ce contreuenu, ou faict le contraire, comme plus amplement est déclaré es originaus Priuileges donnez à Brusselles le 13. de Nouembre. Anno 1557.

Signé

P. de Lens.

Et au priné Conseil, le 2. de Mars, Anno 1557.

Signé De la Torre.

2

SECRETS, OV RECEPTEs

DE DIVERS AUTEVRS.

¶ *Contre toute douleur de teste, excepté de la verolle.*

PREN roses rouges, fleurs de camomille, melilot, calament, auronne, de chacun deux poignées: fay les bouillir en quarante liures d'eau & de bon vin, tant q̄ la moitié soit consumée. D'icelle chaude se lavera le malade tous les soirs, & matins les jambes, depuis les genous en bas, & les bras depuis le coude. Il ne faut toutefois auoir l'estomach remply.

¶ *Preservatif contr' epilepsie.*

PREN du meilleur castoreum, que pourras trouver, & assa foetida, de chacun demye drachme: racines de pivoine, bien puluerisées, vne drachme, aromaticum rosatum deux drachmes. De tout cela, demellé avec syrop de menthe, en feras sept pilules, à prendre deux ou trois fois la semaine à son coucher: est experimenté.

¶ *Contre mal caduc.*

LE patient estant tourmenté du mal, est bon luy donner à fleurir des plumes brulees, ou vieus souliers: car cela les reueille, & fait reuenir à eus.

¶ *Autre Remede souverain.*

PREN cent hirondelles, vn' once de castoreum, autant de vin que besoin est, & du meilleur qui se trouue. Fay le tout distiller ensemble, & en donne à boire, à jeun, au patient jusques à trois drachmes. Cette eau est aussi tre-bonne à gens apoplectiques, si on les en frotte.

¶ *Contre paralysie.*

PREN myrrhe, mastix, de chacun deux drachmes: encens drach. & demye, clous de gyroffle, canelle, nois muscate, lignum aloës, macis, de chacun vne drachme. Le tout soit puluerisé bien delié, & la poudre arrousee d'eauë de vie. Icelle seichee, la faudra de rechef arrouser, & ainsi continuer arroufant & seichant jusques à cinq fois. Puis la faudra de rechef pulue-

R E C E P T E S D E

rizer bien menu, & d'icelle poudre parfumer vne peau de renard, en mettant deux drachmes d'icelle poudre sus charbons vifs, à fin q̄ le parfum soit receu par toute la peau, & ainsi appliquee sus le membre. Ou bien qui vaudra mieus, la peau suppou-dree de ladite poudre, soit appliquee toute chaude sus le membre paralytic, & ainsi portee, & tu trouueras merueilleus effect.

¶ *Autrement.*

P R E N eau de vie vne liure, racine d'iuua, racine d'acorus, racine d'hissope, de chacune deux drachmes: poiure noir, clous de gyrofle, noix muscate, de chacun vne drachme: macis demy drachme. Il faut bien le tout piler, & lier dedans vn linge delié, & laisser tremper en l'eau de vie deux iours entiers, puis couler l'eau. D'icelle eau pren demy once: eau d'iuua & d'endiue, de chacune trois drachmes: donne les à boire au patient au point du jour, sans manger de six heures apres. Le patient sentira plus grand effect, si au même iour, qu'il boit d'icelle eauë, il s'en laue aussi la partie paralytique.

¶ *Contre frenesie.*

L E corps purgé, il seroit bon de raser la teste, & d'appliquer dessus la suture coronale des pigeons vifs (les ayant premier fendu par le dos, & tiré les entrailles dehors) les laissant ainsi dessus jusques à ce qu'ils commencent à se refroidir. Ou bien des petis chiens, d'vn mois, exenterez: ou des poulmons de brebis, ou de moutons tous chaus. Mais pource que l'vne des principales causes de frenesie est le tourment des veilles, il faut rendre peine de prouoquer le sommeil, du mieus qu'on pourra, par remedes propres à cela: comme en lauant les jambes, depuis les genous en bas, & les bras depuis le coude, de la decoction de fleurs de violettes, de nenufar, d'ecorces de racine de mandragore, & d'oindre les temples, jointures des bras à la main, & de la jambe au pié, d'huile de nenufar, & de populeon mellés ensemble.

¶ *Remede experimenté contre la grand douleur, tintement, & sourdesse des aureilles.*

P R E N huile de castoreum deux onces, huile rosat, & d'amandes ameres, de chacun vne once, d'eau de vie deux onces. Melle le tout, & le fais bouillir jusques à la consommation

ption de la-dite eau de vie. Puis chacun soir, à l'entree du liét, fais degouter quatre gouttes de cette huile chaude dans les trous des aureilles, lesquels tu boucheras avec coton sentant le musc. C'est chose bien esproouee.

¶ *Autre Remede bien cogneu & experimenté.*

f FAIS bouillir en quelque pot vne liure d'huile de noix: & lors que le bouillon fume, fais entrer la fumee dans tes aureilles par vn embut.

¶ *Remede pour estancher le sang coulant des narines.*

f PREN du suc de plantain, d'eau rose, & du meilleur vin-aigre de chacun quatre onces: de la glaire d'œuf bien battue deux onces: d'acatia bien demellee avec les choses susdites demy once: melle le tout ensemble, & t'en oins le front, & le gosier avec quelque drappeau.

¶ *Autre, bien experimenté, & de merueilleuse efficace à cecy.*

f LE patient prendra eau de pain de pourceau autant qu'il fera de besoin, laquelle il attirera par les narines, & soudain se sentira aydé.

¶ *Autre Remede souuerain.*

f PREN sang humain (c'est à scauoir de celui qui coule par le nez) vne once ou deux, lequel soit brulé sur quelque lame de fer: puis le puluerise tre-bien, & luy souffle aus narines, il s'en trouuera bien.

¶ *Autre pour le mesme.*

f PREN du meilleur vin-aigre, & de l'eau de plantain de chacun deux liures, mouille dedans quelques linges, & les mets aus plantes des pieds, aus paumes des mains, & sus l'endroit du foye, soudain s'estanchera le sang.

¶ *Pour la douleur des dens, Remede eproué.*

f PREN demi once de hiera picra, deux drachmes de methridat, & demy once d'eau de vie, le tout mellé ensemble: de quoy oindras, souuentefois le jour, la dent qui te tourmente, & l'entour de sa genciue. Car cela est singulier, si le mal est engendré de froid.

¶ *Autre Remede, fut que le mal soit engendré de froid, ou de chaud.*

R E C E P T E S D E

P R E N de vin blanc fort & puissant demie once, de racines de jusquiam blanc vn' once : que tout ensemble bouille tre-bien, jusqu'à ce que la troisieme partie ou bien la moitié du vin soit consumee. Auec ce vin chaud laue toute la genciu de la dent qui te fait mal, & le retiens encore long temps en la bouche, à coté de la-dite dent.

¶ *Autre pour le mesme.*

P R E N fleurs de sauge, romarin, betoine, sticados Arabic, marjolaine, de chacun vne poignée & demy: nielle, pyrethre de chacun deux drachmes, que le tout ensemble soit bouilly en suffisante quantité de vin blanc, tant que la moitié soit consumee : puis faudra couler & piler ces herbes, en faire emplatre, & la mettre sus la machoire de la mauuaise dent, & tenir ce vin ecoulé en la bouche tout chaud.

¶ *Autre Remede.*

I T E M si la-dite dent est creusée, melle demye once de theriaque ensemble avec pyrethre & nielle, de chacune demy drachme, & vne drachme d'eau de vie. Et de ce meslinge emply le trou de la dent. Toutefois si tout cecy, apres l'auoir eprouué, ne t'aydoit que bien peu ou riens, adjouté à chacun de ces remedes deux ou trois grains de opium, & applique le tout, comme dit est, sus le mal qui te fasche.

¶ *Remede pour la puanteur de la bouche,
& du nez.*

P R E N eau de roses liure & demy, eau de violettes vne liure, eau de marjolaine demye liure, mets en poudre noix de muscade, bois d'aloë, canelle, galange, zedoaria, de chacune deux drachmes, melle le tout avec ces eaux, & le mets en alembic pour distiller. Ce fait aromatise l'eau avec huit grains de fin musc. La teste purgee par cette eau, c'est à scauoir la tirant tous les jours par le nez à mont, mais l'estomach jeun, & le nez bien purgé premier: tu voiras merueilles.

¶ *Autre pour le mesme.*

C' E S T chose experimentee & souueraine de prendre à jeun tous les jours à l'entree du diner, ou bien de jour à autre vne pilule alephangine.

¶ *Contre la Squimantie, gargarisme bien bon.*

P R E N

PREN eau de reglisse deux liures, jus de plantain, suc de meures, suc de myrtilles de chacun deux onces : fais que le tout, mellé ensemble, bouille bien fort : puis le coule, & le laisse refroidir, ainsi le malade en gargarisera legerement.

¶ *Pour le mesme mal.*

C'EST vn remede ou allegement bien eprouué & certain, de souffler avec vne canne au gosier du malade, de la poudre bien deliée, de feuilles de plantain seiches.

¶ *Item pour le mesme.*

Y vaut aussi beaucoup de oindre le mal d'huiles de camomille, de violettes, d'amandes douces, & de gresse de geline, autant d'un que d'autre, mellât le tout ensemble, & d'en oindre la partie dolente, avec application de laine avec le suyn.

¶ *Pour amollir & meurir apostume en la gorge,*
Emplatre fort souuerain.

PREN nids d'arondelle vne liure, fais-en emplatre avec autant d'huile d'amandes douces, & de camomille qu'il suffit pour le faire, & l'applique tout chaud sur la gorge.

¶ *Contre crachat de sang prouenant des poulmons.*

PREN suc de pourpié & de plantain de chacun vn' once, puluerise vne drachme de coral rouge, & demy drachme de la pierre hæmatites, le tout ensemble mellé: donne le au patient à toute heure qu'il crachera le sang.

¶ *Pour le mesme autre remede eprouué.*

METZ en poudre, bien menue, gomme Arabic, tragacathe, corne de cerf brulé, de la pierre hæmatites brulée, & du coral rouge brulé de chacun demy drachme, & de boli armeni deux scrupules, melle le tout avec la glaire de deux œufs cruz, & le donne au patient lors qu'il crache sang.

¶ *Autre Remede, trouué fort singulier.*

ROTY tre-bien deux drachmes de reubarbe, ensemble avec de la semence de porcelaine, & de coriandre préparé de chacun vne drachme, puluerise le tout bien menu, & melle vne drachme de cette poudre avec autant de jus de porcelaine qu'il faut, & la donne au patient à l'heure qu'il crache sang.

¶ *Autre Remede de merueilleusement grande vertu.*

PREN jus de mille-feuille deux onces, de la pierre hæ-

matites brulee & bien puluerisee deux drachmes, & donne le tout froid au patient.

¶ *Autre Secret pour le mesme, experimenté certain,
& bon à toute heure.*

P R E N les coquilles d'aucuns œufs cruz, oste la petite taye de dedans, & seiche-les tellement que l'on les puisse mettre en poudre bien menuë. Demelle donc deux drachmes de cette poudre avec trois onces d'eau de plantain, & en donne au patient chaque fois qu'il jette sang, soudain verras le poulmon se consolider. Que si tu veux que ce Remede besongne plus vitement, & de plus grande efficace, melle deux drachmes de la-dite poudre, avec demy once de syrop de roses seiches, demy once de pourcelaine, & autant de syrop de myrte. Ce que donneras du matin, par cinq jours continuz, au patient. Cey ainsi prins, il se peut bien asseurer que d'oresnavant jamais plus la veine ne se rompera.

¶ *Pour le mesme.*

C' E S T vn Remede tres-assuré & experimenté, tant pour guerir ce mal aduenü, q̄ pour s'en preseruer auant qu'il auienne, que de macher, chaque matin à jeun, vn scrupule de reubarbe roty.

¶ *Item pour le mesme.*

C H A C V N jour du soir quand le patient voudra dormir, qu'il hume vn' eculée d'orge mondé: Car, à la parfin, l'effect en est fort grand, tant pour se preseruer, qu'estre guery d'vn tel mal.

¶ *Contre vlcération des poumons, & crachat de matiere purulente.*

P R E N vne liure de queuës d'ecreuisses de riuere, & quatre liures de laiët de vache ou brebis, mets le tout bouillir ensemble jusqu'à la consommation de la moytié du laiët, puis fay tre-bien piler les queuës des ecreuisses, ou cancrès, & les dissoudre avec tre-bon laiët, y adioutant demy poignée de farine d'orge, & autant de farine d'amidon, du laiët d'amandes douces quatre onces, le moyeu d'vn œuf fraiz, & quatre onces de sucre tre-blanc: melle le tout ensemble, & le mets sus le feu bouillir, le mouuant tou-jours doucement, tant qu'il

qu'il soit bien cuit. Le malade donc mangera de cette composition au soir & au matin, tant que bon luy semblera: Il s'en trouuera fort bien.

¶ *Pour le mesme.*

P R E N six drachmes de semence de pauot blanc, de semence d'endiue drachme & demy, avec autant de semence d'oseille, de grain de pomme de coin nettoye deux drachmes, semence de melons, courges, citrouilles, concombres, de chacun once & demy, de gomme Arabic, tragacantha, d'amidon, de chacun vne drachme, du jus de reglisse deux drachmes, du poumon de Renard drachme & demy: penides au pois de tout: Melle & brule le tout legerement: puis le mets en poudre bien deliee, de laquelle en prendras deux drachmes, la mellât avec once & demy de syrop de jujubes, & trois onces d'eau de escargots distillés. Dōne donc ce breuuage tie-de au malade au point du jour.

¶ *Autre encore pour le mesme.*

M E L L E demy once de sucre tre-blanc, avec six onces de lait d'anesse tout fraiz, & en pren quelque peu, au point du jour, dormant vn peu dessus, & du soir au coucher, continuant vn mois au prin-temps, & vingt jours de long en automne.

¶ *Remede contre la courte aleine.*

P R E N once & demy de reglisse nettoye, avec autant de passerilles, dont les pepins soyent ostez, jujubes, & sebeste de chacun dix, racine d'enula campana nettoye demy once, racine de pas de cheual deux drachmes, que le tout bouille en suffisante quantité d'eau, tant que la moytié soit consumee: puis le coule, & distous trois onces de la meilleure manne, ou bien once & demy de fleur de casse, avec ce qui est coulé, & le donne au patient au commencement que son mal luy prend, c'est chose eprouuee, tant singuliere, que elle guerira le malade, de sorte que le medecin n'en sera plus empché.

¶ *Pour le mesme mal, potion à prendre trois fois le jour.*

F A I S bouillir bien fort & longuement deux onces de jus de enula campana, avec autant de jus d'hyssope, & vne

liure d'eau de pas de cheual: fais-en syrop avec autant de suc-
cre qu'il sera de besoing, duquel le malade en prendra du
matin deux onces sans eau, & autant à midy, & à l'entree du
liet: durant le paroxisme, c'est à dire, au fort de la maladie il
est bon de meller quatre gouttes de gomme Armeniac, avec
deux onces d'oxymiel simplex, & les donner au patient.

¶ *Autre Secret experimenté, & bon pour les pauvres.*

MELLE ensemble vne liure de racines de guimauues
seiches en l'vmbre, avec quatre liures de miel cuict & ecumé:
remue ce-la sus le feu, tant qu'il ait forme d'electuaire, du-
quel le patient en prenne souuent, & s'en trouuera bien.

¶ *Pour le mesme, bon encores pour les pauvres.*

PREN eau de fontaine claire deux liures, de porreaux
hachez bien menu trois onces, de beure frais deux onces, du
meilleur succe once & demy, & vn moyeu. Le tout ensèm-
ble tre-bien battu & remué pres du feu, se donnera au patient
à diner & soupper.

¶ *Remede contre pleuresie.*

CEST chose bien eprouuee qu'au premier assaut de la
doleur du costé, il est fort bon de seigner la basilique du bras
opposite: que si la seignee se fait au quatrieme acces, ou tot
apres, la pleuresie quant & quant s'esuidera. Toutefois ja-
mais il ne faut se faire seigner que le ventre ne soit premier la-
ché & adoucy, ou avec de la casse prinse par la bouche, ou
bien avec quelque clistere lenitif.

¶ *Decoction pectorale tre-bonne contre la pleuresie.*

LA seignee faite comme il appartient, pren du suc d'hyf-
sope, capillorum veneris, de figues, dactes, sebeste, raisins secs,
orge mondé, reglisse nettooyee, de chacun demy poignée: fais
le tout bouillir en eau, tant qu'il en sera de besoin, & mets de-
dans dissoudre trois onces de manne graine. Que si le malade
est pauvre, pren once & demy de poulpe de casse, en lieu de
manne, & lui donne ce breuage vingt-quatre heures apres la
seignee, de grand matin: c'est chose assuree, par l'auoir experi-
menté, que le malade en guerira encore qu'il ne fut seigné
que peu deuant le quatrieme acces: A raison que les matieres
qui nourrissoient le mal es plus larges cōduits en sont purgés.

¶ Au-

¶ Autre Remede tre-certain contre toute pleuresie, & experimenté, comme diuin, pour engarder l'homme qu'il n'en meure.

F A I S vnguent de deux onces de dialthea mellé ensemble avec demy once d'huile d'amandes douces, duquel estant chaud, oins en la partie douloureuse espardant dessus la poudre de demy once de comin pilé bien menu, & passé par le tamis. Quoy fait, chauffé vne feuille de chou sus cendres ardentes, & la oins de beure vieil non salé, l'appliquant toute chaude sus le mal. La douleur s'appaisera que merueille, & se refoudra en matiere d'apostume, si qu'en fin à toy en demeurera l'honneur, & au malade santé. Il faut toutefois noter que l'on ne doit verser de ce Remede, sinon qu'au quatrieme acces, ou bien apres. Ce Remede peut encore seruir en toute autre grand' douleur espandue par tout le corps en dessous la teste.

¶ Oignement pour faire apostumer & meuir la pleuresie.

P R E N deux onces de mucilage de semence de chous, avec autant de mucilage de semence de guimauues, de mucilage de figues vne once, du lait de vache trois onces, de beure frais deux onces, huile d'amandes douces deux onces & de my: melle tout cecy ensemble, le mouuant toujours sus petit feu, & en fais vnguent mol, avec autant de cire qu'il sera de besoin. Ce fait, etens-le sus de la laine avec son suin, & le mets sus la douleur, renouuellant, en vingt & quatre heures, trois ou quatre fois.

¶ Emplatre pour le mesme mal.

P I L E tre-bien, dans vn mortier, quatr' onces de racines de guimauues cuites, mets-y vn' once de beure, once & demy de miel, de la fiente de colombe deux drachmes, melle le tout ensemble, & l'appliqué tout chaud droitement sus le mal: tot apres l'apostume se derompera.

¶ Encore pour le mesme.

C' E S T vn Remede bien eprouué, qui toutefois n'est fort vsité, que de donner au patient, en vint quatre heures, quatre fois, quatre onces d'eau de liarre terrestre chaude. Car ce faisant, la cure en sera si belle que tu voiras l'apostume se de rompre & purger de tout sang corrompu & pourri. Avec ce qu'en seras preterué de crachat de sang & de phtisie.

RECETTES DE

¶ *Contre la toux chaude, scauoir est quand le malade en est tellement molesté, qu'il ne peut bonnement dormir.*

PREN vne drachme de pilules de cynoglossé de la description de Mesue, avec sirop rosat, & en fais cinq pilules, desquelles le malade en prendra vne de jour à autre à l'entree du liét.

¶ *Contre la mesme, si la voix en estoit enrouée.*

PREN diadragante froid, diacodion sucré, diapenidion sans especes, de chacun vn' once, boli-armeni bien puluerisé vne drachme, melle le tout, & avec julep violat fais en forme de loch, & en prens, souuentefois le jour, en le lechant.

¶ *Pour le mesme.*

PREN du diacodion, & de la poudre de tragacante froide, penides de chacun deux drachmes: boli-armeni demy drachme: mets tout cela en poudre tre-fine, & avec syrop de myrte fais-en pilules en forme de lupins, desquelles quand le malade s'en ira dormir, il en tiendra vne sous la langue, & s'en trouuera bien.

¶ *Electuaire experimenté pour le mesme.*

PREN de diapenidion sans especes, loch sani & experti, de chacun vn' once, de penides deux onces, & avec autant de syrop d'hyssope, qu'il suffira, pour incorporer le tout: fais-en electuaire, du-quel le malade en tiendra en la bouche le lechant.

¶ *Pilules pour la toux froide.*

PREN deux drachmes d'agaric préparé, & le melle avec drachme & demye d'encens puluerisé, & avec jus d'hyssope, ainsi fais-en dix pilules, desquelles le patiét en prendra vne chaque soir au coucher. C'est vn Remede bien bon, tant pour les petis enfans, que pour les anciens.

¶ *Encore pour la toux.*

PREN vne liure de beure frais non salé, trois moyeux d'œufs recens, deux onces de farine d'amidon, & vn' once de sucre fondu en eau de violettes, melle le tout ensemble, & le remue tou-jours tant qu'il soit bien assaisonné, & de bon gout: C'est vn bon Remede qui te peut seruir, tant en lieu de viande, comme de medecine.

¶ *Oignement pour la mesme.*

PREN

f P R E N du vieil beure qui ne soit point salé, huile d'amandes douces, & de lis blancs de chacun vn' once, demy once de mucilage de semence de guimauues, avec au-tant de mucilage de semence de mauues, & demy scrupule de safran, melle le tout, & en fais vnguent avec quelque peu de cire: du-quel, estant chaud, t'en oindras la poitrine.

¶ *Contre tremblement & batement de cœur.*

Cettuy-cy est fort bon, mais principalement a us femmes, qui sont fort sujettes à cela.

f P R E N ecorces de citrons seiches, zedoariae, daronici, calami aromatici, de chacun vne drachme, de graine de paradis demy drachme, de racines de buglosse seiches deux drachmes, de fin musc demy scrupule, epithimi demy drachme, que le tout soit puluerisé le mieus qu'il est possible, & la poudre puis apres criblee: de-laquelle, mellee en eau de tormentille, en prendra le patient drachme & demy, au point du jour, & au vespre qu'il voudra dormir vne drachme. Il se verra deliuré de son mal, auant le septième jour.

¶ *Remede contre le mesme, & tre-bon pour restaurer les forces debilitées par trop grand' ardeur de fieures.*

f P R E N deux drachmes de la meilleure canelle, demy drachme de macis, d'hyacinthes, sinaragdes, rubins, de chacun demy drachme, de perles percees & non percees, de chacun vn scrupule, d'or & d'argent bien puluerisés, de chacun demy drachme, que le tout ensemble soit mis en poudre bien deliee, laquelle demellant avec succe fondu en eau rose, en feras boulettes chacune de deux drachmes. I'ay veu mesmes avec cette confection beaucoup de gens auoir esté preserués de la peste en temps fort pestilentieus.

¶ *Autre Remede, avec lequel je me suis tou-jours bien trouué.*

f F A Y breuuage avec deux onces de suc de buglosse purgé au feu, & deux drachmes de succe tre-blanc melles ensemble, & le boy tyede, chaque jour, à l'entree du liêt: jamais les dix jours ne se passeront que tu n'en sois guery.

¶ *Epitheme contre le mesme mal.*

P R E N eau rose, eau de bourache, eau de melisse, eau d'oseille de chacune six onces, de sandal blanc & rouge, & de

de semence de roses rouges, de chacun drachme & demy, de bois d'aloës, d'os de cœur de cerf, & de corne de cerf brulée de chacun vne drachme, de coral rouge, de been blanc & rouge de chacun demy drachme, de fleurs de buglossë & de bourache, de chacun vne pleine poignée. Ce qui se peut pulueriser, soit puluerisé, & que le tout bouille ensemble, jusqu'à ce que la troisieme partie de l'eau soit consumée: puis y adjou te trois onces de la meilleure maluoisie, & deux onces du meilleur vin-aigre blanc avec vn scrupule de saffran: melle ainsi le tout ensemble, & le mets chaud sus le cœur du malade, avec vn linge net taint en graine de bon matin & du vespre deuant que souper. Car soit que adonc il sente son mal, ou non, tant y a toutefois que c'est chose experimentee, & fort bonne.

¶ *Oignement fort bon pour les pauvres qui n'ont point la puissance d'acheter la su-dite fomentation.*

PREN trois onces d'huile de nenuphar jaune, deux drachmes de poudre des fleurs d'iceluy nenuphar, de sandal rouge, de coral rouge, & de semence d'oseille, de chacun vn scrupule, de perles, du bois d'aloës, d'os de cœur de cerf, de chacun demy scrupule, trois grains de camphre, de cire blanche lauee en eau de nenuphar citrin ou jaune autant qu'il est de besoin. Ce qui se doit mettre en poudre, estant puluerisé, fais-en oignement mol, duquel en oindras le malade, soir & matin, tout l'endroit du cœur, auant qu'il prenne son repas, & s'en trouuera bien.

¶ *Autre composition fort bonne en temps de peste, tant pour en estre preserué, que guery.*

PREN vn' once de la meilleure theriaque, demie once de jus de limon, vn scrupule de saffran, des deux sortes de perles, de coral rouge, & de semence d'oseille de chacun demy drachme, deux grains de camphre, melle le tout ensemble tre-bien avec deux ou trois gouttes de vin blanc odoriferant, & en fais onction, de laquelle en étendras quelque quantité sus vn drap de soye cramoisie, l'appliquât sus le cœur tout chaud, renouuellant au matin & au soir.

¶ *Autre Oignement fort bon, & principalement pour enfans qui sont tormentez des vers.*

P R E N demy once d'aloës hepatic, vn scrupule de safran, deux drachmes de jus de citrons, vne drachme de vin blanc odoriferant, demelle tre-bien le tout ensemble, & l'estens sus quelque linge, l'appliquant sus le cœur.

¶ *Remede contre les vers des petis enfans.*

P R E N farine de lupins amers, aloës hepatic, de chacun trois drachmes, de suc d'aloïne deux drachmes, le tout ensemble bien demellé, soit estendu sus quelque drappeau, & appliqué sus l'umbilic de l'enfant.

¶ *Remede contre douleur d'estomach.*

P R E N deux onces de mye de pain de son, arrouse-la avec vin de grenades aigres-douces, & eau de plantain, de chacun quatr' onces, presse cela bien fort, & donne le vin, detrempé avec la-dite eau, au malade: si la douleur est causée par assidue & trop grande ardeur de la fièvre, pren ce breuuage vne heure auant l'access, & le trouueras de merueilleuse vertu. Mais si la douleur estoit excessiue, il ne seroit que bon de donner au patient le bolus ensuyuant, à quelle heure que ce soit de la douleur:

P R E N trois drachmes de electuarium de succo rosarum, deux scrupules de philonium Romanum, melle-les, & en fais vn bolus, le-quel proufitera grandement.

¶ *Autre pour le mesme, quand tous autres Remedés ne proufiteront.*

P R E N syrop rosat, syrop d'aluyne de chacun once & demy, vn grain d'opium, fay-les bouillir legeremēt vn bouillon, & les demellant avec trois onces du brouët d'vne poulle, le donneras à boire au patient.

¶ *Fomentation singuliere pour le mesme.*

P R E N roses rouges, fleurs de camomille, d'aloyne, de menthe de chacun pleine poignée, mets lesdites herbes chauffes sus tuiles ardantes arroufées de vin blanc, & les applique souuent sus l'estomach.

¶ *Autre.*

C' E S T chose experimentee contre douleur d'estomach, pourueu qu'elle soit causée de froid, & aussi pour estre preser-

R E C E P T E S D E

seruë d'icelle, de prendre, de jour à autre, auant le repas, deux scrupules de pilules d'aloë lauee.

¶ *Autre contre le mesme.*

P R E N demy once d'aloë lauee, & trois onces de miel rosat, mets bouillir cela en deux liures d'eau, tant qu'il n'en demeure que la moitié, puis fais le passer par l'estamine, & en donne au malade, chaque jour de bon matin, deux onces: cela luy guarira sa douleur, ou bien l'en preseruera, s'il n'en est encor attaint.

¶ *Autre Remede.*

C' E S T chose bien experimentee, que si le malade prend, de bon matin, drachme & demy du meilleur methridat, & incontinent sus cela il boit vn trait de maluaisie, incontinent il s'en sentira allegé.

¶ *Autre, bien bon.*

P R E N cinq onces d'eau de camomille distillee, & de noix muscate bien puluerisee demy once, si le donne chaud au malade, à l'heure que le mal le tient, & en fera allegé.

¶ *Autre Remede experimenté.*

P R E N fleurs de camomille, melilot, menthe, pouliot, calament, auronne, senegré, semence de lin, de chacun vne poignee, roses rouges, spica, squinanti de chacun deux drachmes, dauci, carui, anis, aneth, fenouil, de chacun demy poignee, galanga, zedoaria, de chacun deux drachmes, clous de gyroffe, noix muscate, bois d'aloës, macis, coral rouge, de chacun vne drachme, que le tout bouille en suffisante quantité d'eau, & de vin blanc odoriferant, tant que la troisieme partie soit consumee, puis avec quelque esponge trempee dans la liqueur chaude, fomente en l'estomach du matin, & du soir deuant que manger, cela te r'appointera fort bien l'estomach.

¶ *Fomentation fort bonne contre le mesme mal.*

P R E N vne liure d'huile de spica faite in balneo marie, chauffe la tiede, & avec laine dont ne soit oté le suin trempee dedans: fomete en l'estomach, la liant dessus à la dernière fois.

¶ *Sachet à porter contre le mesme mal.*

P R E N aloïne, menthe, pouliot, calament, de chacune demy poignee, noix muscate, clous de gyroffe, macis, bois

d'aloë, de chacun vne drachme: puluerise le tout bien delié, & le mets en vn petit sachet, le parfumant avec vin blanc odoriferant, & l'applique puis apres sus l'estomach: si tu continue à le porter, tu t'en trouueras merueilleusement bien.

¶ *Breuage pour le mesme.*

f I E me suis tou-jours bien trouué, tant pour estre preserué de ce mal d'estomach, que pour estre deliuré, en estant faisly, à scauoir de prendre six onces de miel rosat coulé, drachme & demy de noix muscate, & deux onces de la meilleure eau de vigne, & les faire bouillir tout ensemble, tant que l'eau de vigne soit toute consumée, & prendre à jeun, chaque matin, trois cuillieres de ce qui en est coulé.

¶ *Autre Remede pour appliquer à l'estomach.*

f P R E N mastix, clous de gyrofile, noix muscate de chacun vne drachme, demy drachme de macis, & autant de canelle: fais-en poudre bien deliée: puis roty la croute, de dessus ou dessous, d'vn pain de son, & la trempe en maluoisee chaude, semant dessus de la poudre su-dite, & l'appliquât sus l'estomach, tout chaud, la douleur s'en retirera tout incōtinēt.

¶ *Autre Remede bien experimenté, & bon, principalement pour les enfans; trauaille de douleur d'estomach: ce qu'on cognoit s'ils routent & vomissent.*

f P R E N de la mie de pain de son quatr' onces, rosty-la, & puluerise tre-bien, incorporant puis apres la poudre en suc d'aloïne & de menthe, de chacune autant qu'il suffit: y ad-joutant d'auantage vne drachme de noix muscate. De tout cecy mellé ensemble, fais-en comme vnguent, l'appliquant sus l'estomach, il appaisera la douleur, les sanglots, route-mens, & vomissemens,

¶ *Remede contre apostume en l'estomach.*

f C' E S T chose bien experimentee, que si le patient prent, chaque matin, au point du jour, six onces d'eau de camomille distillee, il se guerira de l'apostume ja encomencee.

¶ *Contre le mesme.*

f P R E N quatre onces de suc d'enula purifiée, deux onces de suc d'aloïne nouvellement tiré, & en fais forme de loch, avec autant de sucre qu'il en faut, & le donne au patient soir

& matin, auant le repas.

¶ *Emplatre.*

P R E N deux liures de miel blanc, demy once d'aloÿne verte, once & demi de racinés de guimauues, mets tout bouillir ensemble, tant qu'il soit tre-bien cuit: adjoute y de la farine de senegré, & de semence de lin, de chacun demy poignée. Puis y mets de l'huyle d'aloëne, tant qu'il en faut pour faire emplatre, laquelle mettras sus l'estomach apostumé, la renouuellant au soir & au matin.

¶ *Estuement.*

P R E N deux liures de térébentine, suc d'aloÿne, & de guimauues, de chacun quatr' onces, de beure frais vn' once, de safran vne drachme, d'huyle d'aloÿne deux onces, melle le tout, & le fais bouillir vn bouillon, cōme il est encore chaud, mouille dedans quelque linge, en fomentant l'estomach soir & matin. Tu vois incōtinent la matiere se resoudre.

¶ *Remedes contre vomissement.*

S I le vomissement retourne à certain jour ou heure, seroit fort bon que le patient, deuant, ou à l'heure qu'il doit vomir, mengeast quelque morseau de pain roty, trempé en quatr' onces de vin de grenades aigres, beuuant apres aussi le vin.

¶ *Oignement fort bon contre vomissement cholérique.*

P R E N huile de coings, & huile rosat de chacun vn' once, demy once d'aloÿne, de corail rouge, & de roses rouges de chacun demy drachme, de noix muscate vne drachme: mets en poudre ce qui se peut pulueriser, & avec quelque peu de cire fais en vnguent mol, duquel en oindras l'estomach, soir & matin, deuant le repas.

¶ *Autre Remede contre vomissement phlegmatique.*

P R E N vn moyeu d'œuf cuit, vn scrupule d'encens avec autant de mastic, mets en poudre ce qui se peut pulueriser, & si l'espans sus l'œuf: Le malade se trouuera bié, s'il en prend chaque matin à jeun.

¶ *Remedes contre le hoquet & sanglot.*

M E L L E vne liure de vin blanc odoriferant & puissant, avec vne drachme de galanga bien puluerisee, & en fay breuage, duquel le malade beuuant se trouuera le patient, soir & matin,

tin, deux onces, deux heures auant le repas.

¶ Autre.

C'EST chose trouuee bien bonne, que de donner au patient, chaque matin, trois heures auant son repas, vne racine de verd gingembre, & sus cela incontinent luy faire boire deux traits de maluoisie: Car subit il s'en guerira.

¶ Remedes contre la douleur du foye, causée par ventosités.

PREN racines de galanga & zedoaria, de chacun deux drachmes, vne drachme de spica, avec autant de squinantum, clous de girofle, noix muscate de chacun demye drachme, q le tout soit puluerisé bien menu: & en fais electuaire avec miel ecumé, tant qu'il en faut: duquel pren-en soir & matin, auant que rien gouter.

¶ Autre de moult grande efficace.

MELLE ensemble deux onces de diarrhodon abbatis, trium sandalorum vne once, du meilleur reubarbe, mis en fine poudre, vne drachme, & avec syrop de cicoree fais-en electuaire, duquel le malade en prendra au soir & au matin, deuant toute autre viande, de la grosseur d'vne noix.

¶ Remede trouué fort bon contre le foye apostumé

PREN quatr' onces de diarrhodon abbatis, du meilleur reubarbe bien puluerisé deux drachmes, melle tout avec syrop de cicoree, & en fais electuaire. La dose soit de trois drachmes, laquelle le malade prendra, chaque matin, deux heures auant son repas.

¶ Pour le mesme.

C'EST chose eprouuee que si vous mettez de la laine avec le suin tremper en huile de lis blancs, & huile d'aspic, & l'appliquez droit dessus le mal, cela engardera que le foye ne s'apostume.

¶ Remedes contre hydropisie.

PREN aloyne seiche, aigremoine seiche, soldanella seiche, de chacun deux drachmes, de spica deux scrupules, tout cecy bien puluerisé, mets-le detremper en eau de roses de sehu, tant qu'il est de besoin, & en donne au malade, chaque matin au point du jour deux drachmes.

¶ Pour le mesme.

PREN

P R E N trois onces de suc de iris, galanga, zedoaria, de chacun deux drachmes, de canelle, de clous de girofle, de chacun demie drachme, de soldanelle demye once. Le tout trebien puluerisé, fais-en electuaire avec autant de miel ecumé, qu'est de besoin, duquel electuaire donne demy once au patient chaque matin deux heures auant son manger.

¶ *Breuuage, de grand' efficace, contre l'hydropisie venteuse.*

M E L L E ensemble deux onces d'eau de racines d'hyebles, avec quatr' onces d'eau de schu, en beuuant cela, de bon matin, par trente jours continuz, à la fin tu t'en trouueras fort bien.

¶ *Autre Remede, fort bon à prendre apres que le corps est purgé.*

P R E N vne liure de fiente de cheure, avec autant de fiente de boeuf, mets-la seicher en vn four, en gardant toutefois qu'elle ne brule: puis mets-la en poudre bien fine, l'incorporant avec jus d'aloïne, & huile de rue, autant qu'il en faut, comme pour en faire linimêt. D'iceluy en estens quelque partie sus quelque linge, l'appliquant chaud sus le ventre du patient, quand il voudra aller dormir.

Le matin suyuant pren quatr' onces de vin puissant & odoriferant, fais-le bouillir avec vne poignée de sauge, & autant de romarin, tant que la quatrième partie du vin soit consumée: avec lequel, estant chaud, laue luy le ventre.

Tout cecy fait, pren vn' once de diagalanga, de rosatum aromaticum, trium sandalorum, diarrhodon abbatiss, de chacun demye once: melle-le tout avec miel rosat, & en fais electuaire, luy en donnant vne bouchée, incontinent apres la sūdite lotion.

¶ *Remèdes contre l'hydropisie nommée ascites.*

Breuuage fort bon, à prendre vne fois la semaine.

P R E N autant de suc de flambe ou iris que peut tenir la moitié d'vne coquille d'oeuf, mellant ensemble quatr' onces de melicrat, avec demye drachme de la meilleure reubarbe biē puluerisee. Ce breuuage donné chaud & de bon matin, au patient: c'est merueille de quelle vertu & efficace il besongne.

¶ *Contre la mesme, electuaire singulierement bon, lequel*

ne se deueroit reueler qu'à bons amis.

P R E N aigremoine, cuscuta, raisins secs, riguelisse, mirabolans citrins, de chacun demye once : de racines de persil, de fenouil, de cappres & agaric de chacun vn' once. Tout cecy grossièrement pilé, se doit cuire jusqu'à la consommation de la moitié de l'eau, & puis couler: & en le coulant, y mettre demy liure de miel, & quatr' onces de sucre, & de rechef les bouillir tant qu'ils ayent epeisseur de miel. Ce fait, adjoute y demye drachme du meilleur reubarbe, deux drach. de Turbith gommeus, drachme & demye de feuilles de mezereon trempées en vin-aigre, deux scrupules de diagridium corrigé, de spica demye drachme, avec autant de zingembre, faisant de tout cecy electuaire, duquel luy en dōneras deux fois la semaine. Saches toutefois que la plus grand' dose ne doit passer la demy once. Et quant à toy qu'il te souviene luy en donner plus tot moins que d'avantage, ou autant: ayant toujours egard à la force, ou debilité du patient.

¶ *Oignement contre la mesme.*

MELLE vn' once d'vnguenti sandalini avec demye once d'huyle d'aspic, & autant d'huile de camomille, dequoy n'oublie point luy conforter, tous les jours, le foye soir & matin, oignant l'endroit d'iceluy.

¶ *Autre Oignement fort bon.*

P R E N vne liure de terebentine: d'encens, mastic, mirrhe, de chacu deux drachmes, noix muscate, clous de gyroffe, galanga, zedoaria, de chacun drachme & demye: jus de hyebles, jus de concombre sauvage de chacun vn' once, ce qui se peut pulueriser soit puluerisé, & le tout mis en alembic pour en distiller l'huile, de laquelle en oindras tout le ventre. C'est vn remede souverainement bon, non seulement pour r'abaisser l'enflure du ventre en maladie d'ascites, mais aussi pour oter toute tumeur pituiteuse, en quelque membre que ce soit. Voir mesmes aussi pour la douleur des jointures, & autres membres venue par froidure.

¶ *Remede contre la jaunisse.*

P V R G A T I O N faite, pren deux onces de vers de terre seichez en l'ombre, & preparez en vin, de la meilleure reubarbe vne drachme, de la fiente de chien seichée demye once.

R E C E P T E S D E

De tout ensemble fais-en de la fine poudre, en en donnant au malade, chaque matin, once & demy, à jeun, continuant par quinze jours, il s'en trouuera fort bien.

¶ *Remedes contre la colique.*

f P R E N deux onces de vin blanc fort & odoriferant, de noix muscate & clous de gyroffle, de chacun demye drachme: de galanga vne drachme, pile les grossièrement, & les mets tremper vne nuit dedans le-dit vin, & au matin donne-le au patient à boire, avec quelque peu de sucre blanc. Car continuant ainsi à boire deux fois la semaine à jeun, c'est chose laquelle j'ay experimenté estre fort bonne pour se preseruer de la colique.

¶ *Remede pour jâmais plus n'auoir la colique.*

f P R E N deux liures d'écorces de raue espoësées, & quatre liures de miel blanc, fay bouillir tout cela ensemble tant que la moytié du miel soit consumée. Puis melle-y ensemble de poudre de canelle, & clous de gyroffle, noix muscate, macis, poiure noir, de chacun deux drachmes: & le garde en quelque vaisseau. Desquelles écorces, pren en chaque matin à jeun, demye once.

¶ *Autre Remede à prendre pendant le torment de la colique.*

f M E L L E demye once d'electuaire de dates, avec drach. & demye de philonij Romani, & en fay bolus, lequel donne au patient estant à jeun, chaque fois que le mal le prendra. Et faut noter que en cas de necessité on peut donner cette medecine, voire deuant la digestion de la maladie.

¶ *Poudre fort bonne pour estre incontinent guery du-dit mal.*

f M E L L E drach. & demye de feuilles de meurier blanc, seichees en l'ombre, avec vne drachme d'écorces de refort seichées aussi en l'ombre, & drachme & demye de pierrettes de nefles. Le tout bien puluerisé, donne-en au patient deux drachmes en vin blanc odoriferant.

¶ *Remede que j'ay trouué fort bon contre toute douleur d'entrailles.*

f P R E N diagalange, & diabuglossatum de chacun deux drachmes, Philonij Romani quatre scrupules, melle le tout, & en fay bolus, lequel donne en chaque heure que le mal tourmente le patient, & principalement quand il est encor jeun.

¶ Au-

¶ Autre fort bon, tant pour se preserver du-dit mal, que s'en guerir.

MELLE ensemble vne drachme du meilleur methridat, ou de la meilleure theriaque grande qui se puisse trouuer, avec deux drachmes de succe rosat, & le donne au patient chaque matin qu'il est encor à jeun.

¶ Clystere avec lequel j'en ay guery plusieurs.

PREN treize onces de vin blanc puissant, quatr' onces de beure frais, six onces d'huile commune, anis, aneth, fenouil, carui, dauçi, ameos, carthami, de chacū deux drachmes, melle & fais bouillir le tout jusqu'à ce que la moitié du vin soit consumée. Puis le coule, adjoutât à ce qui sera coulé, deux onces de miel rosat, once & demye de succe rouge: deux drac. de sel commun, & vn moyeu d'œuf, melle de rechef tout cecy ensemble, & en fais clystere.

¶ Autre contre ce mesme mal.

FAY bouillir liure & demy de vin blanc puissant, avec deux onces d'eau ardente, tant que la-dite eau soit consumée, & fay clystere seulement avec le vin tiede: c'est chose éprouuée qu'apres les autres clysteres cettuy t'aydera bien fort, n'est que la fieure y soit.

¶ Autre contre le mesme.

PREN huit onces d'huile de rue, trois onces d'huile de castoreū, deux drachmes de Philoniū Romanū, vn' once de benedieta, d'autres choses comme dessus: excepté qu'il y faut mettre le moins de sel qu'il est possible, à fin que la vertu du Philoniū puisse arrester au ventte. Ce clystere est experimété si bon, que ou tous les autres ne t'ayderoyent de rien, il te deliurera, voire en tre-grande nécessité.

¶ Oignement contre le mesme.

PREN huile de castoreum, huile de lis blancs, huile de rue, huile de cheiri, de chacun trois onces: jus de guimauues, jus d'armoise, de chacun quatr' onces, d'eau ardente six onces, mets le tout bouillir ensemble, tant que l'eau soit consumée: puis ajoute y nielle, mastic, graine de paradis, galanga, de chacun drach. & demye: de poiure, clous de gyrofle, noix muscate, bois d'aloës, de chacun vne drachme. Tout cecy soit tre-bien puluerisé, & bouilly de rechef à petit feu, dequoy en

feras onguent avec vn petit de cire, & en oindras l'endroit de la douleur, mettant dessus laine dont ne soit oté le suin & tiede. Tu en voiras merueilleuse operation.

¶ *Recepte tre-bonne, laquelle print le Pape Clement septième, en sa derniere maladie.*

P R E N mastic, encens male, macis, de chacun demye liure: galanga, zedoaria, de chacun quatr' onces, clous de gyroffle, canelle, xilobalsami, carpobalsami, de chacun deux onces: de zingembre, cardamomi, poiure long, poiure noir, de chacū demye once, turbith, agaric, réubarbe, de chacun deux drach. racine d'endiue, racines de buglosse & bourache, de chacune deux poignes: betoine, iue, fleurs de sticados arabic, marjolaine, sauge, romarin, de chacun demye poignée: que tout soit ensemble grossièrement pilé, & mis dans cent liures de vin blanc puissant & odoriferant, le faisant reposer leans par trois jours continuz. Lesquels passez, presse bien fort, & coule le vin dehors, le mettant tout soudain en alembic, pour en distiller eau de vie. Ce fait, mets dedans l'eau de la premiere distillation vne liure de sang humain d'vn corps d'homme bien sain, & charnu, la remettant de nouveau en chappelle. Fay le semblable, en distillât tou-jours jusques à neuf fois. Puis apres prenent cent. feuilles d'or du meilleur & plus fin qui se trouue, cinquante feuilles d'argent tre-fin: hyacinthes, esmeraudes, rubis, granats, des deux sortes de perles, coral rouge, roses rouges de chacun drachme & demye: du muç tre-fin demye drachme: melle & puluerise cela tout ensemble, mettant la poudre en l'eau derniere distillée, & la laissant leans dedans vn vint & quatr' heures. Quoy fait, mets tout ensemble de rechef en alembic, & le distille à petit feu: laquelle eau ainsi distillée pour la dixième fois, se mettra en quelque verre bien épais, & bien étoupé: à raison que autrement toute l'eau s'esuanuiroit. Elle est donc merueilleusement bonne contre toute maladie froide dedans, ou dehors le corps: tant seulement en prenāt vne drach. ou bien quatre gouttes avec vn peu de vin blanc odoriferant. Que si la maladie est chaude sans fieure, comme sont aucunes autres par matiere chaude, donne de la-dite eau mellee avec eau d'endiue, à toute heure de la douleur. Ce neantmoins, si

tu veus voir à l'œil le merueilleus miracle que fait cette eau, donne-en seulement cinq ou six gouttes à quelque malade, qui auroit perdu toute sa force & vertu, avec quelque peu de vin odoriferant, soudain voiras sa vertu lui reuenir. Croy aussi qu'il n'y a autre remede plus souuerain contre la peste, & la mort subite, que d'en boire chaque matin, deuant que sortir du logis, cinq ou six gouttes mellees avec vin fort & puissant, ou avec eau d'endiue. Ou bien s'en lauer le dedans, & dehors des narines avec toute la face, ou ensemble avec vn peu de vin ou sans rien y ajouter autre chose. Je m'en suis tou-jours bien trouué en toute peste que-ce fut. Voyre mesmes elle est fort bonne aussi contre apoplexie, & mal caduc, que l'on appelle de S. Jean, s'en laurant le col, & la nucque.

Cette eau s'appelle *Elisir vitæ Benedicti*.

¶ *Remedes contre flux de ventre cholérique.*

Syrop.

P R E N six onces de suc de pommes de coïn, suc d'endiue, suc d'oseille, de chacun trois onces, semence d'oseille, semence de plantain, de chacun deux drachmes: coral rouge, semence de roses rouges de chacun vne drachme: eau de plantain quatr' onces: mets le tout bouillir ensemble jusqu' à la consommation de la troisiéme partie de l'eau & du jus. Puis coule-le, pressant bien fort, en faisant syrop avec autant de fin succre qu'il est de besoin: du-quel en prendra le patient deux onces, soir & matin, dex heures auant que rien manger. Le breuage est bien experimenté, & fort bon.

¶ *Oignement fort bon contre le mesme.*

P R E N huile rosat fait d'oliues non meures, huile de coings, huile de myrte de chacune vn' once, roses rouges & coral rouge de chacun vne drachme, mastic, noix muscate, de chacun demye drachme: puluerise ce qui se peut pulueriser, en faisant onguent mol avec quelque peu de cire, du-quel oins-en l'estomach, & le bas ventre.

¶ *Remedes contre le flux de ventre dysenterique.*

P R E N six drachmes de myrobalans citrins brulez, semence de plantain, semence d'oseille, semence d'endiue toutes rosties, de chacune trois drachmes: des quatr' fleurs cordiales

sans les violettes de chacune vne poignée : mets tout bouillir en suffisante quantité d'eau, en laquelle on a éteint de l'acier, tant que la moitié soit consumée : puis apres coule, mellant avec ce qui sera coulé, deux drachmes & demye du meilleur reubarbè rosti, & de philonij persici quatre scrupules. Ce breuage est par experience trouué fort bon.

¶ *Autre breuage fort bon.*

PREN deux drachmes d'encens male, avec autât de mastic, vne drachme de boli armeni, coral rouge, corne de cerf brulé de chacun demy drachme : de la pierre hematites brulee deux scrupules: reduis le tout en poudre deliée, & la detrempe en vin rouge astringent, en donnant drachme & demy au malade, à l'entree du lit.

¶ *Autre Remede.*

C'EST chose bien éprouuée & recommandee que de manger en telle caquesangue, chaque matin à jeun, demye drachme de reubarbè rosty.

¶ *Autre breuage fort bon, en cas que le malade eut aussi grand douleur de ventre (comme souuent il aduient) à cause de l'exulceration & corrosion des intestins:*

PREN trois onces de lait, ou de cheure, ou de brebis, auquel soit étaint acier rouge, & brulant, once & demy de jus de plantain, aromaticū rosatum vne drachme: melle tout ensemble, & en fais breuage pour vne fois, duquel donn' en au patient par trois jours continuz : tot apres le flux s'estanchera.

¶ *Autre Remede quand la douleur est grande.*

PREN grains de myrte deux drachmes, semence d'oseille, semence de plantain, de chacune deux drachmes: d'encēs male trois grains, de cire neuue jaune deux drachmes : de canelle deux scrupules: mets tout cecy au ventre d'vne tourterelle plumee, le recousant : puis mets la cuire à petit feu, & la donne au patient à manger par trois ou cinq jours cōtinuz. Ou bien si tu veus, fais-en coulis. C'est chose bien experimentée que le malade s'en guerira.

¶ *Suffumigations pour le mesme.*

Premiere.

METS vn' once de turbentine sus quelque lame de fer embrasée de feu, & fay que le malade en recoiue, soir & matin, la fumée par bas sus vne selle percée. Car continuant par trois ou quatre jours, en la façon, que je dis n'y a doute qu'il n'en soit guery.

¶ *Seconde.*

PILE tre-bien deux liures de fiente d'un jeune ane, & la mets seicher en vn four gardant bien qu'elle ne brule. Cey fait, pren-en quelque portion, la mettant, au soir & au matin, sus charbons vifs, sous vne selle percée, à fin que le malade, estant assis dessus, en ait le fondement parfumé. C'est vn Remede de grande vertu contre la caquelangue des petis enfans: voire si premierement ils sont purgez avec reubarbe.

¶ *Autre Remede pour le mesme.*

FAY bouillir vne liure de melisse ensemble avec vne poignée de taspus barbatus en vin rouge gros & stiptique, & vinaigre trefort, de chacun à suffisance, tant q' la tierce partie soit consumée. Coule puis apres en arriere le vin-aigre & le vin, & ferrât ces herbes en vn sachet assés long: applique-le chaud au vespre & au matin, sus le fondement. Continuant en ce point, tu-en voiras bonne fin.

¶ *Oignement fort bon contre toute caquesangue.*

PREN trochisques de carabe, trochisques de terra sigillata, de chacun trois drachmes, galliæ muscatae, galliæ alefangine de chacune drachme & demie, coral rouge, semence de roses rouges, mastic, encens, de chacun vne drachme. Tout cela soit tre-bien puluerisé, & mis en vin-aigre rouge tre-fort, vn vint quatr' heures de long, & en apres seiché au feu, ou en l'ardeur du soleil. Quoy fait, mets tout cela de rechef en poudre, y ajoutant huile de coings, huile rosat cru, ou aigret, huile de mastic, de chacun deux onces, avec autant de cire blanche qu'il suffit: du-quel oins-en le ventre du malade.

¶ *Remedes contre enflure & oppilation de rate.*

PREN deux onces & demye de jus de guimatrues depuré: deux onces de suc de calamente, deux drachmes de feuilles de sene seichées, & en fay electuaire, mellant tout cela avec, autant qu'il faut de miel despumé, du-quel donne-en au patient

tient vne cuillierée, trois heures auant son repas. C'est vn remede bon à merucilles.

¶ *Fomentation contre le mesme mal.*

P R E N racines de guimauue, & de mauue de chacune deux onces, semence de fenegré, semence de lin, fleurs de camomille, melilot, de chacune vne poignée: calamenti, melisse, cuscute, pouliot, anis, carui, fenouil, de chacun vne poignée: fay bouillir tout cela en suffisante quantité de vin-aigre blanc tre fort, & en estuüe l'endroit de la rate tous les jours. Le malade s'en trouuera fort bien.

¶ *Oignement contre le mesme.*

P R E N huile de rue, huile de cappres, huile de camomille, de chacune vne liure, du plus puissant & meilleur vin blanc demye liure, racines de guimauues, racines de mauues, racines de feuchiere, de chacunes demy once: broye tre-bien les racines, & les fay bouillir ensemble avec tout le reste, tant qu'il n'y demeure plus de vin: coule apres, & presse bien fort l'huile de hors, y adjoutant vne liure de tre-fort & tre-bon vin-aigre blanc, avec vn'once de pain de pourceau biē pilé & nettoyé, le faisant encore bouillir à force, tant que le vin-aigre soit consumé, & de rechef le coulant & pressant bien fort. A ces huiles ainsi coulées, adjoute-y oppoponacis, bdellij, galban, armoniaci, de chacū deux drachmes: dissou ces gommés en vin-aigre fort, les mellant ensemble avec l'autre, & bouillant legerement encor vne fois, à fin que la vertu des gommés ne s'euanoüisse: dequoy fais-en onguent mol, avec tre-bonne cire jaune, duquel oins-en la rate, chaque jour, au soir & au matin.

¶ *Autre fomentation contre le mesme.*

C'EST chose experimentée que seulement si vous étuuez la rate avec vin-aigre tre-fort, où l'on aura étint marchasita: appliquant le drappeau trempé dedans, droit dessus l'endroit de la rate: Il ne sera ja besoin chercher autre Remede, que cela rabaïssera toute l'enflure.

¶ *Remedes contre douleur, tumeur, & ventosité de matrice.*

F A Y bouillir ensemble racines de matricaire vn'once: lauci demye once, miel blanc deux onces, ecumant tre-bien

le miel tant qu'il soit cuit: en-apres le coulât & pressant bien fort, melle ensemble ce miel deux onces de brouët d'une poule, & trois onces de decoction d'anis, en donnant à boire à la femme par dix jours continus, elle s'en guérira. Parquoy retien-le bien.

¶ *Autre expérimenté par aucunes femmes.*

f P R E N vne drachme de noix muscate: drachme & demye de racines de matricaire: vn scrupule de spica, fay tout bouillir en six onces de bon vin blanc, tant que la troisième partie soit consumée. Coule-le apres, mettant en ce qui sera coulé, deux drachmes de sucre tre-blanc, & en-donne ainsi à la femme, au point du jour, & à toute heure, que la douleur la moletera.

¶ *Autre Remede fort bon, & bien cognu des femmes.*

f P R E N vne pomme douce, & la creuse par dedans, pulverise noix muscate, macis, canelle, de chacun demie drachme: clous de gyrossie demy scrupule: mets tout cela dedans cette pomme avec quelque peu de sucre, la laissant cuire sous cendres ardentes, & en-donne à la femme chaque-fois que le mal luy reuient. Que si la douleur rengrege tellement que la vie en-soit en doute, adjouté à tout cela deux grains d'opium, soudain se retirera la douleur.

¶ *Autrement.*

f P R E N calament, matricaire, fleurs de camomille, de sauge, de romarin de chacun vne poignée: fay bouillir tout cela en lexique, ou eau cendreuse suffisante, tât que la troisième partie soit consumée: de-laquelle eau laue-en les jambes de la femme, deuallant des genouils aus piés.

¶ *Fomentation.*

f P R E N vne poignée d'armoise, avec autant de fleurs de camomille, menthe, & calamet, chauffé quelque tulle, & verse dessus du vin odoriferant, mettant apres les-dites herbes dessus pour les appliquer ainsi échauffées sus l'amarri, chaque fois que le mal luy reuient. Garde bien toutefois de l'étauuer, à raison que toute humidité luy est fort contraire.

¶ *Oignement fort bon.*

f M E L L E vne liure d'huile de cheiri, avec quatr' onces d'hui-

d'huile de sureau, chauffe-le, & en oins le dessus de l'amarri, trempant quelque linge dans l'huile, & l'appliquant chaud sus icelle. Cela aussi mis en cette sorte sus le ventre de la femme qui traueille, adoucit fort les douleurs.

¶ Cerot pour appliquer sus la matrice, si le mal estoit inueteré.

PREN vn' once de matricaire seiche, avec autant de fleurs de cheiri seiches: demye once de gallia muscata de mesue (ou alefangine, si la femme est pauure) de galbanon, bdellium, serapini, de chacun deux drachmes: olibani, mastic, de chacun drachme & demye: dissou ces gommés en huile de cheiri, puluerisant le reste qui se peut pulueriser: & en fay cerot avec vn peu de poix, de cire, & d'huile de sesame, l'étendât sus quel que cuir, & l'appliquant sus l'endroit de la matrice, renouvelant de huit en huit jours.

¶ Remedes pour faire venir le temps des femmes detenu & empeché.

PREN deux onces de suc de fauina, & le purifie, mellant ensemble deux drachmes de canelle bien puluerisée: quatre grains de saffran: deux onces d'eau de raué distillée, avec vn peu de succe, pour deux fois: cela prouoque les fleurs à merueille. Parquoy se faut bien garder de le donner à la femme enceinte. Car tout ce qui prouoque les fleurs, les fait aussi auortir.

¶ Autre Remede fort bon aussi pour faire jeter l'auortement.

MELLE deux grains de saffran, & deux drachmes de succe, en quatre onces d'eau de pimprenelle, en faisant breuage pour vne fois: & le donne à la femme, à deux fois, au point du jour, & à l'entrée du lit.

¶ Lauement fort bon pour le mesme.

PREN calament, pouliot, sauge, armoise, romarin, de chacun vne poignée, racines de glayeul, racine de hyebles, racines de sureau, de chacunes demye poignée: fay tout bouillir, en bon vin blanc, à suffisance, tant que les trois parties soient consumées. Dequoy laue la femme au matin, & à l'entrée du lit, depuis les hanches en deuant. Avec ce toutefois que du matin apres le lauement fait, tu luy dōneras à boire vne drachme de theriaque vieille, trois grains de saffran, & deux onces d'eau

d'eau d'armoise mellés ensemble. Ce remede est si certain, que si tu le fais par cinq fois seulement, la femme rendra ses mois.

¶ *Contre trop grand flux de fleurs.*

F A Y poudre très-fine de demye once des peaus interieures, qui couurent les noyaus des auelaines sauuaiges, en donnant vne drachme à la femme, soudain le flux s'étanchera.

¶ *Oignement contre le mesme.*

P R E N jus de plantain, jus de solatrum, jus de joubarbe, de chacun demye once: coral rouge, encens, mastic, de chacun drachme & demye: coriandre préparé, semence de roses rouges, de chacun deux scrupules: semences de jusquiam blanc, écorces de racines de mandragore, de chacun demye drachme: de vin-aigre rouge très-fort demye once: pulcrisé bien delié ce qui se peut pulueriser, & melle tout ensemble, dequoy estant tiede, oin-en les plantes des piés de la femme, chaque soir à l'entrée du lit, tu en voiras bonne & heureuse issue.

¶ *Contre presocation de matrice.*

F A Y bouillir, en vin puissant, tant qu'il est de besoin, racines de glaycul, racines de calament, racines de ciclamen, de chacune vne poignée, tant que le vin soit à moitié consumé: puis coule-les, & de ce qui est coulé, laue-en les genouils de la femme au matin & au soir. Cela y vaut beaucoup.

¶ *Contre la mesme de quelque cause qu'elle vienne.*

M E L L E vne drachme d'assa foetida, & demye drachme de daucus, avec miel rosat, & en-fay cinq pilules, en prenant vne chaque matin à jeun: elles sont fort bones, tant pour se preseruer dudit mal que s'en guerir.

¶ *Autre contre la mesme.*

P R E N deux scrupules du meilleur agaric, deux drachmes de terbentine, semence de daucus, & assa foetida, de chacune demye scrupule, melle & en fay bolus, duquel donne-en à la femme de jour à autre. Car c'est chose fort bonne pour en guerir, ou bien aussi pour s'en premunir.

¶ *Contre la mesme.*

P R E N eau distillée de racines de daucus, de pauots sauuaiges cinq onces: miel rosat once & demye: melle tout ensemble, & en donne à boire à la femme. Car ou que le mal luy soit

soit auentü ; ou qu'il soit encor à venir, elle en guerira, & sera preferuée.

¶ *Contre le mesme.*

PREN deux drachmes de castoreum, vne drachme des cheueus de la patiente, melle attec resine de pin, & fay pilules grosses com' auelaines, avec l'vne desquelles parfume ses narines, à l'heure de la prefocation, incōtinent elle en sera allegée.

¶ *Remedes pour quand la matrice sort de son lieu, ou tombe.*

MELLE huile de mastic, avec huile rosat verd où cru, de chacune deux onces, puis preu cupularum glandium, ba-laustes, écorces de grenades, grains de myrte de chacun vn scrupule: d'encens, mastic, acatie, hypocistidos, demye drachme: melle, & en fay poudre tre-fine: après en epandant sus le col de la matrice, & trempant tes doits dedans l'huile, repousse-la avec iceus amont,

¶ *Cerot fort bon.*

PREN semence d'oseille, de plantain, & de coriandre preparé, de chacune deux drachmes: coral rouge, semence de roses rouges de chacun vne drachme: hypocistidos, acatie, encen, de chacun drachme & demye: galles, écorces de grenades, fleurs de grenades, de chacun deux drachmes: puluerise le tout bien menu, & ramassant la poudre avec huile de verjus rosat, & en faisant cerot avec cire & poix, tant qu'il faut, & l'étens sus du cuir, duquel en appliqueras vne partie sus le ventre de la femme, à l'endroit de la matrice, & l'autre partie sus le dos, au droit de la matrice, jusques aus deux hanches. Cela lui sera fort bon.

¶ *Remedes pour la matrice apostumee.*

Emplatre pour la resoudre.

PREN fleurs de camomille, melilot, matricaire, feuilles de mauue, racines de violiers, branche vrsine, de chacun vne poignée, racines de guimauues coupees bien menu trois onces: fay tout bouillir en eau suffisante, tant que la moitié soit consumée: puis ajoute-y vne main pleine de farine de semence de lin, avec autant de farine de fenegré, de beure, gresse d'annette, gresse de geline, de chacun tant qu'il faut pour engresser l'emplatre: laquelle appliqueras sus l'apotume.

Qu'il

Qu'il te souuienne toutefois que à toute douleur de matrice (comme nous-mesmes l'auons bien experimenté) toute fermentation humide est fort nuisible, & pourtant sus toute chose garde bien de le faire.

¶ Autre emplatre pour le mesme.

PREN jus de camomille verte, & jus de matricaire de chacun deux onces : melle-les ensemble avec vne liure d'emplatre de melilot, & le mets sus le lieu apotumé : c'est chose seure qu'en continuant, elle se meurira.

¶ Cerot.

PREN six onces de diaquilon sans gomme, deux drachmes de saffran, once & demye de jus de matricaire: fais-en cerot avec cire & quelque peu de resine de pin, l'appliquant sus le lieu de l'apotume: c'est chose singuliere.

¶ Remedes contre les vlcères de l'amarri.

PREN deux onces d'oignement de tutia commun, dissou-le tre-bien en huit onces de lait de brebis, & en syringe la matrice. Cela est fort bon.

¶ Breuuage.

PREN six onces de lait frais & nouveau, melle ensemble vn' once de miel rosat, & le donne, par dix jours continus, à la femme, trois heures auant qu'elle menge rien. Cela est aussi fort bon.

¶ Remedes contre le flux blanc des femmes.

PREN gomme arabic, dragacante, amidon, de chacun deux drachmes, de mastic vne drachme: mets tout cela en fine poudre, & avec vn petit de tre-bon succe dissolu en jus de coin: fais-en boulettes, chacune de deux drachmes, desquelles donn' en vne à la femme, chaque matin, trois heures deuant qu'elle dejeune, sus quoy tout à coup elle boiue vn trait de vin rouge astringent, en faisant autant au soir deuant que souper. Cela luy aidera tellement, qu'en bref temps elle en guerira.

¶ Autre contre le mesmes.

PREN la glaïre de deux œufs crus & recens, encen male, boli armeni, terræ sigillatæ, de chacun deiny drachme, puluerise ce qui se peut pulueriser, mellant tout ensemble: & en donne, chaque matin, vne bouchée à la malade, six heures,

C pour

pour le moins, auant son repas. Ce Remede est tant excellent, que j'en ay guery beau.

¶ *Breuuaage.*

P R E N quatr' onces de vin rouge astringent, auquel plusieurs fois lon aura étint l'acier, gomme Arabic, dragagante, de chacun demye drachme: melle ensemble, en faisant breuuaage. Duquel donn'-en à la femme par quinze jours continus de bon matin, n'y a doute qu'elle n'en guerisse.

¶ *Poudre encore contre le mesme.*

M E L L E demye once d'os de d'ates bien puluerifés, avec vne drachme de sang de dragon en vin rouge astringent, donn'-en vne drachme à la femme, à l'aube du jour, & l'autre à l'entrée du lit: la femme s'en guerira.

¶ *Remedes contre la chaude pisse.*¶ *Syrop.*

P R E N syrop violat, & de nenufar, de chacun vn' once, mellant ensemble eaus de plantain, porcelaine, de semences communes froides, de chacun vn' once. Ce syrop digere la matiere cholérique, & retire les humeurs mordentes, qui causent l'ardeur.

¶ *Breuuaage contre la mesme, à prendre trois heures deuant le diner, & à midy.*

M E L L E quatr' onces d'eau de mauues, avec deux onces de syrop violat. Boy cela, continuant jusqu'à sept jours: au huitième melle ensemble vn'once de diasebestes lenitif avec drachme & demie de diaprunis laxatif, & en fai breuuaage avec eau de decoctiō pectorale: lequel done au patient, cōme dit est.

¶ *Contre Gonorrhœa qui est escoulement de semence genitale.*

P R E N quatr' onces de lait de brebis, & melle avec deux drachmes de poil de lieure brulé, & tre-bien puluerisé, donn'-en à boire au patient deux fois le jour, au matin, & au vépre, deux heures auant le manger.

¶ *Oignement pour le mesme.*

P R E N deux onces d'olibanum, acatie & hypocistidos, de chacun deux drachmes: de galles vne drachme, ladani demye drachme, huile de mastic, huile de spica, huile de myrte, de chacun demye once: puluerise bien subtilement ce qui se
doit

doit puluerifer, & en fay onguent mol avec cire fuffifante, ad-
 ajoutant en fin demy scrupule de camphre. De cet onguent
 oins-en les reins, l'epine du dos, les flans, & le pecten soir &
 matin.

¶ Autre Remede souverainement bon.

P R E N demye once de tutia preparée, sarcocolla lauée, a-
 loës hepatic, sucre candi, de chacun trois drachmes : melle &
 mets en poudre bien fine, de laquelle dissou vne drachme en
 lait de femme, duquel syringeant la verge bien auant, quatre,
 cinq, ou dix fois le jour, le malade en guerira incontinet. Que
 s'il y a quelque ylcération, aussi tot en sera il deliuré.

¶ Remedes pour quand on pisse sang.

P R E N eau de plantain, de morellé, oseille, endiue, aloene,
 de chacun quatr' onces, sandal blanc & rouge, been blac & rou-
 ge: de roses rouges de chacun drachme & demye, spodiū deux
 drachmes, de spica gra. dix: du meilleur vin-aigre trois onces:
 puluerise ce qui se peut puluerifer, & en fay epithime pour le
 foye.

¶ Oignement pour le mesme.

P R E N suc de plantain, suc de morelle, suc d'oseille, de
 chacun vn' once, huile rosat, huile de myrte de chacune demie
 once, hypocistidos, coral rouge, de chacun vne drachme: pul-
 uerise ce qui est á pulueriser, en faisant onguent mol avec vn
 peu de cire, & oindant les reins du patient, depuis la hanche
 jusques sus tout le pecten, & à la racine de la verge. Le mala-
 de en sera fort aidé.

¶ Cerot pour le mesme.

P R E N semence de plantain, semence d'oseille, semence
 de porcelaine, de chacune deux drachmes, gomm' arabic, dra-
 gagante, de chacun drachme & demy, hypocistidos, acatie, bo-
 li armeni, soye brulée, de chacun drachme & demye, terræ si-
 gillatæ, poils de liëture brulés de chacun vne drachme, pulueri-
 se tout ensemble bien menu, en faisant cerot avec huile rosat
 verd ou crud, cire & pois, tant qu'il suffit, lequel appliqueras
 sus les reins du patient: il est experimenté fort bon.

¶ Remedes contre la grauelle.

C'EST chose certaine que si le patient aualle trois drach-

mes de cassé nouvelle, chaque jour deuant que diner, jamais plus ne recherra en grauelle.

¶ Autre.

P R E N de la pierre trouuée en la teste des cancre demye once, brule & puluerise la tre-bien, demellant la poudre avec eau de rompiere, & la donne ainsi au patient.

¶ Autre remede bien experimenté; duquel je me suis souuent bien trouué.

P R E N huile de scorpions faite d'huile d'amandes ameres, terbentine, beure frais; de chacun demye liure; de safran vn scrupule: chauffé tout en quelque vaisseau sus le feu; & avec quelque linge étuue-en plusieurs fois le jour, le haut des hanches jusqu' où la verge commence.

¶ Contre la mesme.

D I S S O V trois drachmes de sang de bouc préparé en suffisante quantité d'eau distillée de fleurs de geneste, & le donne ainsi au patient.

¶ Autre fort bon.

M E L L E vne once de jus de limon verd en trois onces de maluoisie, & le donne à boire tout à vn coup, à l'heure que le patient sent son torment.

¶ Receptes pour haier l'ensantement, & adoucir la doloer du travail.

P R E N grains de génoiuier, & grains de laurier de chacun sept; canelle grosse demye drachme; canelle entiere vne drachme, mets tout ensemble au ventre d'vne tourterelle grasse & charnuë, laquelle mettras en broche, & l'arrouseras de gresse de poule, laquelle donneras à la femme, de jour à autre, pour son souper. C'est chose autant singuliere en cet affaire, que null' autre. Ce pendant toutefois fait noter, que nulle de ces receptes se doit donner à la femme grosse, si elle n'a passé la lune du neufuimé mois; qu'elle porte enfant.

¶ Autre.

P R E N beure frais lauë en eau de violettes trois onces, mucilage de chous deux onces, inucilage de guimauues, mucilage de figues, de chacun demye once, melle ensemble. Et si la femme est proche de son ensantement, qu'elle mette tous

les jours, à l'entrée de sa matrice, vn drapeau mouillé dans certe liqueur, elle enfantera sans grand trauail & difficulté.

¶ Autre.

PREN six liures de vin blanc odoriferant, calament, sauge, romarin, de chacun demye poignée: mets tout bouillir ensemble, tant que la quatrième partie du vin soit consumée, avec lequel la femme approchant son jour, s'en lauera les jambes, vne fois le jour, du soir ou du matin.

¶ Autre.

PREN vn' once d'écorces de raues, avec autant de mercuriale, trois grains de saffran, vne drachme de canelle grosse bien puluerisée, deux drachmes de jus de saunier. Melle & pi le bien tout ensemble, le liant en quelque fin linge, sus le col de la matrice. Si la femme trauaille à grand' difficulté, soudain elle enfantera.

¶ Autre Remede fort bon, mais tel toutesfois qu'il ne se doit donner, sinon qu'en grande necessité, ou bien si l'enfant estoit mort au ventre.

MELLE ensemble deux onces de jus de saunier, vne drachme de borras mineral bien puluerisé, & vne once de vin blanc odoriferant, & le donne à boire à la femme, l'effect s'en ensuyuera subit.

¶ Remedes pour quand l'on ne fait que pisser outre son gré

C'EST vne chose bien bonne & éprouuée que de donner, chaque matin, au patient vn mirobalan citrin tre-bien confit.

¶ Autre pour le mesme mal.

PREN eau de plantain, eau de roses, d'oseille, de morelle, de chacun demye liure, eau d'aloene quatr' onces, especes de cerot triasandalin vn' once: spodij deux drachmes, coral rouge, semences de roses rouges, semence d'oseille, semences de plantain, de chacun deux drachmes, de spica dix grains, du tre-bon vin-aigre trois onces: melle tout ensemble, & avec vn linge blanc trempé là dedans, & bien tors: epithime & fomenten-le foye, & les reins du patient. Cela fait pren huile rosat, huile de myrte, huile de coins, de chacune vn' once. Puluerise ce qu'il faut pulueriser, & en fay onguent mol avec

quelque peu de cire, luy en oindant incontinent les reins, encor & le ventre.

¶ *Remedes contre la pierre en la vefsie.*

P R E N liton tripon trois drachmes, dix amandes ameres, avec autant de noyaus de pêches : pile tre-bien tout cela ensemble, & en fay bolus avec fucce, lequel donneras au patient chaque mois par dix jours cōtinus, au premier point du jour, dormant vn petit là dessus, & en voiras bonne ifsue.

¶ *Remede & preferuatif contre le mefme mal.*

P R E N quatr' onces de terbentine, & la brule sus quelque lame de fer rouge, tant qu'elle se puiſſe mettre en poudre, de laquelle poudre pren deux drachmes, eau de rompierre quatre onces, mellant tout ensemble, & en fay breuuage, lequel donneras au malade, deux fois la ſemaine, à l'aube du jour, continuant ainſi deux mois de long. S'il n'a encor la pierre, il en fera ſans aucune doute preferué: s'il l'a, auſſi en guerira il.

¶ *Autre pour le mefme.*

P R E N fix drachmes de terbentine dix fois lauée en eau, & en fay bolus, avec jus de rompierre, & quelque peu de fucce, le donnant ainſi comme deſſus au patient.

¶ *Remedes pour guerir des hemorrhoides.*

Oignement tres-excellent.

L E corps eſtant purgé, pren huile violat laué en eau de violettes, & de beure frais laué, de chacune vn' once: fais-en onguent mol avec vn moyeu d'œuf, demye once d'huile de ſemence de lin, & tant de cire qu'il eſt de beſoin, en oindant deux ou trois fois le jour les hemorrhoides. Il n'eſt point de tel remede que cettuy, quand pour la retētion des menſtruës, les femmes en couche, ſont le plus ſouuent, & preſque toujours, moleſtées de ces hemorrhoides fort doloſeuſes.

¶ *Emplatre contre le mefme.*

P R E N de la moelle de pain de ſon vne liure, de lait de brebis, ou de vache, ou de cheure deux liures: fay tout bouillir ensemble, tant que les deux ou trois parties ſoyent conſumées, y mettant puis apres deux onces de greſſe de reins de cheure, & vn' once de poudre de vers de terre, mellant tre-bien le tout ensemble, & l'appliquant chaud ſus le ſiege.

¶ *Bain chaud excellent & tre-bon contre les mesmes.*

PREN feuilles de mauues avec ses racines, racines de guimauues, de bismauues, violiers, chous, fleurs de tapfus barbarus, camomille, mélilot, fenegré, semence de lin, de chacun poignée & demye: fay tout bouillir en suffisante quantité d'eau de riuere, ou de quelque autre eau douce, tant que la moitié soit consumée: puis verse-la toute chaude en quelque cuue, faisant asseoir dedans le patient deux fois le jour, au soir & au matin, par l'espace d'une heure.

¶ *Autre Remede de fort grande vertu.*

PREN deux onces de jus de porieaus, vn' once de jus de persil, beure de vache, huile de noix, huile de la decoction de cataputia, de chacun once & demy, huile de ressort vne once, suif des rongnons des cheures once & demye: que tout soit bien demellé & broyé au mortier. Cецy estant chaud, si tu en applique auec laine grasse sus, & à lentour des hemorrhoides, deux fois le jour, cōtinuant par trente jours de long, j'ay éprouué le remede estre de si grãde efficace, que sans nulle doute j'ose assureur le malade de guerison.

¶ *Remedes contre tumeur & enflure des couillons.*

PREN huile de lis blancs, huile rosat complet, de chacun deux onces, de suyn de laine once & demye, trempe quelque laine grasse dedans, & l'applique chaude sus les couillons: car ainsi s'euanuit l'enflure, & la douleur.

¶ *Autre contre l'enflure dure.*

PREN raifins secs euuidés trois onces, farine d'orge deux onces, autant de farine de pois cices blancs, demye once de farine de fenegré, autant de farine de semences de lin, once & demye de miel, melle tre-bien tout ensemble, le pilant en vn mortier, & l'applique chaud sus les couillons.

¶ *Cerot contre le mesme.*

PREN gomme arabic, dragacante, de chacun deux drachmes, galbanon, armoniac, de chacun drachme & demye, farine de feues & de cices blancs, de chacune vn' once: dissou les gommés en huile d'amandes douces, & vn peu de vin-aigre: puis melle tre-bien tout ensemble, & en fay cerot auec poix & cire, tant qu'il suffit,

¶ Oignement contre le mesme.

PREN huile de lis blancs, & huile de camomille, de chacune vn' once, de comin deux drachmes, ladani, galbani, de chacun vn' once: dissou les gomme en vin-aigre fort, & puluerise ce qui est à pulueriser, en faisant onguent mol avec vn peu de cire: auquel mouille de la laine avec le suin, & l'applique sus les couillons.

¶ Emplatre.

FAY bouillir vne liure de cices blancs en vin blanc odoriferant, tant qu'ils soyent bien cuis: apres pile-les tre-bien en vn mortier, y adjoutant deux onces de farine de camomille, vne drachme de saffran, deux onces d'huile de lis blancs: melle tout ensemble, & l'applique chaud sus les couillons, y laissant l'emplatre jour & nuit.

¶ Remedes contre la douleur sciatique.

Cettuy est certain.

PREN fleurs de camomille, melilot, senegré, aneth, semence de lin, de chacun deux poignées: aloene, menthe, pouliot, calament, auronne, iue, fleurs de sticados arabic, betoine, marjolaine, herbe paralyfis, sauge, romarin, germandrée, iue muscate, de chacune poignée & demy: fay bouillir tout cela en deux cens liures d'eau de fontaine clere, tant que la troisieme partie en soit consumée: puis coule-la, & la remets de rechef bouillir bien fort, adjoutant demye liure de souffre vis: 4. onces de salpêtre préparé, & 3. onces de sel de gemme: fay les bouillir derechef, & les coule, puis garde ce qui en est coulé pour ton vsage. Le malade donc s'y baignera chaque matin, par huit jours continus, y demeurant, l'espace d'vne heure, bien couuert, la teste toutefois nuë. L'heure passée, sortant dehors le bain, & tout le corps bien essuié, qu'il entre en son lit tout chaud, & que tantot apres il prenne vne drachme de theriaque grande, mellé ensemble avec once & demye de sucre rosat, dormant sus cela deux heures de long: & ce pendant, estant si bien couuert qu'il suë, & ceus qui le gardent, l'essuyant tre-bien, incontinent apres luy oindront le lieu, où la douleur luy tient, à sauoir, toute la jambe depuis la hanche, avec onguent marciaton, vnguentagrippa, onguent d'aragon

de chacun vn' onte mellés ensemble . Cōtinuant donc le tout en tel ordre ; & ainsi que nous auons dit vn huit jours , j'ose bien asseurer, le malade de guerison.

¶ *Remedes contre phlegmons.*

Emplatre pour meurir & supputer l'apotume.

P R E N vne liure de lait de vache non encor écremé , vne liure de mie de pain tre-bien menuisée , trois onces de jus de chous , demye drachme de saffran , trois onces d'huile de lia blancs:melle tout, & l'applique chaud sus le mal.

¶ *Autre pour le mesme.*

P R E N trois onces de diaquilon sans gommés , jus de chous once & demye, de saffran vne drachme: fay de cecy onguent assés gras & épés, avec cire jaune, tant qu'il en faut: lequel étendu sus cuir, le patient le portera vn jour ou deux continus, & s'en trouuera bien.

¶ *Autre pour le supputer tout incontinent.*

M A C H E tre-bien à jeun demy liure de blé , & le demelle bien avec force saliué: pren aussi deux onces d'huile rosat complet, & vne drachme de saffran, mellant tout ensemble, & l'applique sus le mal, renouellant bien souuent . Les signes de la meurison sont , quand il est mol, vndoiant, qu'il ne fait plus de mal, que la lieure s'appaise, & qu'il ne tont plus . L'apotume ainsi amenée à meurison , prepare toy à la percer . Que si le patient s'epouente du fer , ou du feu, fay-la creuer avec ce qui s'ensuit: Pren deux onces de diaquilon simple, vn' once de leuain, demye once d'huile d'amâdes douces: melle & l'etens épés sus cuir , ou quelque drappeau , mettant au milieu vne drachme de fiente de colomb bien puluerisée, & ainsi l'applique sus le lieu où la ruption du phlegmon sera plus commode . Tu peus aussi prendre demy once de leuain, vne drachme de sel cōmun , deux drachmes du meilleur vinaigre , quatre scrupules de poudre de cantarides , melle tout ensemble, & broye trebien au mortier, tant que pate s'en face: de laquelle en metteras demye drachme, ou selon la quantité de la matiere qui doit sortir , recourant cela du cerot, ou l'emplatre sus-dite.

L'apotume rompue, & bien nettoïée, si tu crains que beau-

cop de sang y reuienne, Pren tout incontinent la glaire de deux œufs, deux drachmes de sel, vne drachme de boli armeni, & trempe quelques tourtes d'étoupes dedans, les mettant & laissant sus la diruption vn vingt & quatr'heures de long.

¶ Contre feu volage ou erisipeles.

C E remede est fort bon de meller tout au commencement, jus de plantain, souciz, solatrum, ioubarbe, de chacun six onces avec trois onces d'eau rose, & trempant quelques drappeaux dedans, les appliqueras sur l'erisipele. Faut toutes-fois prendre garde d'oter les drappeaux tout aussi tost qu'ilz commencent à s'eschauffer, afin que la chaleur retournant du linge au membre n'accroisse dauantage le mal, ou bien qu'étant le linge seiché de chaleur il ne tienne à la peau, & l'emporte. Car si ainsi estoit, danger y auroit, pour les vlceres qui y viendroyent.

¶ Autre medicament bien bon pour guerir le mesme mal, quand il ne fait que commencer ou augmenter.

P R E N litharge d'argent six onces, jus de plantain trois onces, huile rosât deux onces, du meilleur vin-aigre vn'once, melle & broye tout tresbien en vn mortier de plomb, tât que vnguent en soit fait de couleur de plomp: duquel étendu sur quelque linge en metteras sus l'erisipele, renouuellant au soir & au matin, & sollicitant en toute diligence, tant que tu soys certain de l'augment & estat. Quand elle commencera à decliner (ce que cognoistras par ce qu'elle se chāgera en couleur blanche tirant sur le rouge) garde toy d'y appliquer rien qui soit froid: car peut estre que tu ferois venir quelque morte chair rouge & obscure, & par ainsi, que danger y auroit qu'avec ces refroidissemens l'herisipilat ne se tournat en hestiomene. Mais mon conseil est de prendre fleurs de camomille, melilot, fenegré, de chascune demy poignée, & bouillir cela en eau suffisante tant qu'il ny en demeure que la moitié: Puis le couler, & en etouer tous les iours le lieu avec vne esponge trempée dedans: en apres de le lauer avec quelque peu de vin blanc odoriferant & chaud. Car c'est ce qui empesche que le membre ne se mortifie en telle maladie. Si le mal est venu en vlcere, ou par l'imprudence du medecin, ou par le mauuais regime

gime du patient, ou par la mauuaife matiere laquelle n'a peu s'amender par les medecines. Pren litharge d'argent trois onces, onguent de populeon, ceruse lauee, infrigidatis galeni de chcaun demi once, huile rosat complet vn'once: Melle tout ensemble, & le broie tresbien en vn mortier, tant qu'onguent en soit fait, duquel en vseras, tant que le mal soit consolidé.

¶ *Contre tumeur flegmatique.*

SI ce mal se tient en la iambe, pren vingt liures d'eau de cendres, fleurs de camomille, racines de hyebles de chascun vne poignee, sel commun demy liure, du meilleur vin-aigre blanc quatr'onces, melle & fay bouillir tout ensemble, tant que la moitié soit consumee, puis le coule, & en laue la jambe.

¶ *Remedes pour la rongne.*

¶ *Onguent fort bon pour oindre les petis enfans qui pour leur petiteffe ne peuuent endurer la purgation.*

PREN quatr'onces d'huile rosat, drachme & demy de sel commun, vn'once de beure fraiz laué, & si broye & demelle tresbien tout ensemble, tant qu'en soit fait onguent mol.

¶ *Autre onguent fort bon aux petis enfans & ceux de grand aage, pour en vser deuant ou apres la purgation.*

PREN terebentine lauee en eau rose quatr'onces, de ius de limon once & demy, de beure fraiz vn'once, vn moyeu d'œuf, de sel commun deux drachmes, d'huile rosat deux onces, melle & tœuille tout bien longuement en vn mortier, tant que onguent en soit fait, duquel oins en prés du feu à l'entree du lit les membres rogneux, ou bien tout le cors: Mais le plus maigrement que se peut faire.

¶ *Autre remede.*

PREN eau distillee de lapatium acutum deux liures, jus de plantain quatr'onces, eau rose trois onces, ius de limon deux onces, litharge six onces, ceruse demy once, soulfre vis trois drachmes, puluerize bien menu ce qui se doit puluerizer, et le melle avec les eaus, laissant le tout reposer vn vingt et quatre heures de long. Cela fait, mes tout en alembic, et le distille à petit feu. Ceste eau ne sert pas seulement pour

pour guerir de la rongne cōmune, mais aussi pour faire tomber les croutes des vlcères de la verolle, & en oster totalement la cicatrice.

¶ *Bain pour le mesme.*

P R E N feuilles de lapatium acutum, feuilles de fume terre, feuilles de mauues avec ses racines, feuilles de bourache, de chascune trois poignes, de son lié en quelque drappeau, deux poignes, de seigle trois poignes, fay tout bouillir en eau suffisante, tant que la troisieme partie soit consumee, puis coule tout, & durant le temps que le patient se oint, qu'il baigne la dedans tout son cors au point du iour, & sans y arretter long temps, qu'il entre dedans son liēt chaud y dormant & suant.

¶ *Contre le mal S. Main.*

P V R G A T I O N faite, ie prise fort de oindre du vespre au coucher toutes les parties du cors entachees de ce mal, avec huile de tartre chauffee, & trois onces de vin blāc biē puisāt.

¶ *Remedes contre les ampoules & pustules de la face dites petite verolle.*

¶ *Onguent.*

P R E N vn'once de noyaux de pêches brulés & bien puluerizes, ius de plātāin & de ioubarbe, de chacū demy oncé, ce rusē lauee drachme & demy, fay de cela onguēt mol à suffisāce

¶ *Autre remede bien experimenté.*

P R E N deux drachmes de camphre, vn'once de ceruse lauee, demi liure de cices rouges, vne liure du dedens des melōs, dix ceufz d'arondelles, deux drachmes de perles, trois drachmes de semences de cotton, deux drachmes de sel, quatr'onces de jus de limon, demi once de tartre de vin blanc: puluerize ce qui se doit puluerizer, & melle tout en dix liures d'eau distillee de lapatium acutum, laissant là tout deux iours & deux nuicts de long. Ce fait, distille tout ensemble en alembic, de la quelle eau distillee le patient en lauera sa face trois ou quatre fois le iour. Cest vn remede fort bon.

¶ *Contre la forte toux des petis enfans.*

F A Y bouillir en vin, de l'hyssope & du serpoller, ou bien detrempe des grains de genouier en vin, & luy donne l'vn ou l'autre à boire.

¶ *Contre la sueur puante.*

NOVS faisons à ceux-ci vn drap trempé en vin, auquel ont boutilly ou feuilles de myrte, ou l'herbe, ou bien ses fruits mesmes.

¶ *Contre la douleur des yeux.*

PREN mauues, violiers de quaresme, des sommités de roncés, roses seiches, veruaine, filer de montaigne, avec cela fomentes toy les yeux du soir, & fay des herbes emplatre avec la glaire d'un œuf, l'appliquant dessus.

¶ *Pour la toye aux yeux.*

BRVLE coquilles de mer & olibanum, tant d'un que d'autre, puluerize les avec os de seche non brulé, & mes cela ainsi sus les yeux, deux ou trois fois la semaine.

¶ *Contre la difficulté d'ensanter, & retention de la secondine.*

PREN racine de persil, & feuilles de porreaux, exprime le jus dehors, le mellant avec vn peu d'huile, & le donne à la femme à boire, versant du vin-aigre en la matrice, elle sera deliuree.

¶ *Pour quand le siege sort.*

PREMIER nous fomentons tresbien le siege (soit ou de l'homme ou de la femme) avec decoction de vin & d'alone bouillis ensemble, & le oindons par tout de quelque vnguent restrictif. Apres nous surfermons cendres faites de saule & de ses racines, & de l'arestre de quelque poisson salé, & remettons le siege avec quelque linge. Ce faisans deux ou trois fois le iour, tellement qu'il s'en trouue bien.

¶ *Contre douleur d'entrailles.*

MES cuire en eau, du solanū avec cendres, & l'applique sus le lieu dolozeus. A ce mesme est bon le Sisame crud, cuit avec sa semence, & appliqué dessus.

¶ *Contre difficulté d'vrine, excepté celle qui est causee par la pierre.*
Pour les hommes.

CVY du cresson d'eauë, fais-en cataplasme, & le més sur le pecten, faisant seoir l'homme dedans la decoction.

¶ *Pour les femmes.*

FAY leur suffumigation de menthe sauage, d'herbe de chat & de pouliot.

Nous faisons autrefois tant à l'homme que à la femme et-
 tuue en laquelle ont bouilli du ienouiuer, nepita, pulicaria,
 menthe sauuage, feuilles de laurier, pulegium, aloëne & ar-
 moise, donnant au patient estant la dedans benedictam simpli-
 cem. Que si la pierre en est cause, nous faisons bouillir en eau
 de la romppierre avec racines de gramen, tant que la moitié de
 l'eau soit consumee, laquelle nous donnons au patient: qui s'il
 appete le vin, nous luy en donons trempé de cest'eau, cōtinuāt
 ainsi par quatre ou cinq iours, & deux ou trois fois le jour. S'il
 ne piile pas pour tout cela, c'est signe que la pierre est toute fai-
 te & endurcie. Mais alors si elle se tient au col de la vesse, pren
 mauues, creste marine, petit chou sauuage, romppierre parie-
 taire, cresson aquatic, ameos, & semence d'ortie, cuy tout cela
 en liqueur, de laquelle la troisieme partie soyt vin, la troisieme
 huile, & la quatrieme eau de mer ou salee, ettuuant trēbien
 avec cestē decoction les parties honteuses, & y mettant mēmes
 les herbes.

¶ *Contre les morpions.*

CONTRE les morpions qui naissent au pecten & sous
 les aisselles, nous oindons ces lieux la avec cendres detrempees
 en huile: Mais contre ceux qui se tiennent aux sourcils, pren
 vn'once d'aloës, ceruse, oliban, de chacun cinq onces, pulueri-
 ze cela, & en fay oignement avec du lard bien haché tant qu'il
 en faut.

¶ *Contre chancre.*

NOTE que feuilles de lierre sauuage, cuites en vin, &
 mises dessus, y sont assés bonnes.

¶ *Contre les syrons & demangeison.*

CONTRE la demangeison & syrons en quelque partie
 du cors qu'ilz soyent, principalemant toutefois s'ilz sont en la
 face & au front, faut detremper du froment en vin avec pou-
 dre d'oliban, & le mettre sus le lieu comme vn'emplatre.

¶ *Contre enflure des coullons.*

PREN mauues, aloëne, vertaïne, bismalua, armoise, &
 des choux, cuy tout cela eu vin vieil & fort, en les ettuuāt deux
 ou trois fois le jour. Quant aux herbes pitules & fay bouillir
 en miel les mettant dessus avec vin.

¶ Pour faire ijsir les Syrons des mains & des pieds.

P R E N vne tuyle bien chauffée, & quelque vasseau plein d'eau, puis mez de la semence de jusquiam sus la tuyle rouge, tenant les pieds ou les mains sus la fumee, tu voiras les vers choir en l'eau comme poils. Autrement, brule de la paille d'avoine en cendres, & les mes en eau autant chaude que la pourras endurer, tenant tes pieds dedans, & endurant la chaleur, tant qu'elle se refroidie, puis coule & presse les si bien, qu'il n'y demeure plus d'eau, les separant tout doucement, Tu trouveras les vers cōme filés que la fumee du jusquiam a tiré dehors. Si le lieu est demangé & rongé des vers, mes de la paille en cendre, & les touille en eau autant chaude que la pourras endurer, mets y le membre dedans: les vers en sortiront. Puis apres tu medicineras la corrosion comme quelqu'autre playe.

¶ Remede pour la sourdesse des oreilles.

P R E N gresse d'anguilles freiches, laquelle nage dessus la decoction d'icelles, ius de caprifolium, barba iouis, & vne paille pleine d'œufs de formis, broye & coule tout, le mellant & cuisant avec huile, La decoction faite, adjoute y du vinaigre ou du vin à suffisance, afin qu'il soit plus penetratif, puis verse en dans l'oreille qui est saine, estoupant celle qui est blessée, & couchant sus la saine: gardant bien l'endemain de se mettre au vent. Mais garde la maison, se reposant le long du jour maintenant sus la bonne oreille, tantost sus la mauuaise.

¶ Remede pour fistules.

P R E N feuilles de chou rouge & sa semence, racines de garance grande, de chacun également, broye tout, & le fay bien bouillir tant que les trois parties soyent consumées, puis le coule, y aioutant du miel & le recuisant, tant qu'il deuiene époes, dequoy en donneras deux cuilliers au patient soir & matin.

¶ Pour la rongne aux mains.

P R E N lapatium acutum & fume-terre, en faisant comme de l'onguent avec oin de porceau & bure de May, duquel oins en les mains.

Eau de tresgrand & merueilleus effect pour garder le corps humain de beaucoup d'infirmitez.

P R E N quatre liures d'eau de vie distillee de tresbon vin, deux liures de sel brullé, deux liures de soufre estainct, quatre onces de tartre blanc, quatre onces de charbons de bois de noisiers auelaines, trois onces de sel de roche. Que tout cela soit pilé, criblé & melle ensemble, versant dessus l'eau de vie susdite, & mettant tout en alembic pour distiller.

¶ *Quelles operations viennent de telles distillations.*

L A premiere distillation attire les vertus de tous les esprits que nul animal venimeux peut s'approcher de luy: avec elle se garde la chair & poisson comme avec baume, elle guerit & nettoie les lētilles & autres macules du visage. elle chasse toute rongne du cors, & nettoie les yeux larmoyans & chāsieux.

La seconde chasse les apostumes & autres superfluitez du cors, elle arrache & guerit les dens crollantes, & si chasse toute tumeur de foye.

La troizieme nettoie toute macule & toute lepre, elle amende toute puanteur d'aleine, & purge toute flegme d'estomach, comme viande non digeree.

La quatrieme pousse hors du cors tout sag caillé ou refroidi.

La cinquieme deliure le cors de mal caduque.

La sixieme chasse toute langueur & infirmité caufée par la goutte. La septieme deliure des gouttes aux pieds.

La huitieme surpasse le baume, laquelle tu dois biē garder.

La neufuieme si tu y melle & dissou de l'or, est la conserue du foye.

La dixieme si tu en mes vne goutte en quelque vaisselle doree pleine de vin, vne écume nagera sus le vin qui est vray or, tellement que tout ce que tu en voudras toucher sera bel or.

* Il faut toutesfois noter, qu'apres chascune distillation il faut piler & cribler les lies, comme à la premiere fois.

¶ *Autre eau ou Balsame bien pres pour le mesme.*

P R E N vne liure de terebentine par trois fois distillee, vne liure d'aloës par trois fois aussi distillee, vne liure d'ambre cruë, muscate broiee sur la pierre en forme de quelque onguet liquide, adioutant à tout cela vn peu d'huile, & ainsi l'incorporant

rant, & le distillant par neuf fois. C'est vn baume qui se peut bien garder, car il est si parfait qu'il soustient, Premièrement, tout examen de feu & d'eau.

Secoindement, il perce la main.

Troizièmement, en oindant la face, il entretiët la jeunesse.

Quartement, il consolide toute incision.

Quintement, il purge merueilleusement les yeux.

Sixièmement, en oindant tout le cors, P'on dit que jamais il ne pourrit, & qu'il n'engendre nul ver. Cecy a écrit Hermes Philosophie, & moy je le confirme, comme tré-uray, d'attant que ie l'ay experimenté.

¶ Autre Eau pour en faire merueilles jusques à en estre tenu pour prophete.

P R E N limature d'argent, d'erein, fer, plomb, acier, or, écume d'or & d'argent, storacis selon la richesse ou pauvreté du patient: mets tout le premier jour eu vrine d'enfant vierge: le second jour en vin blanc chaud: le troizieme en jus de fenouil: le quatrieme en glaire d'œuf: le cinquieme en lait de femme allaitant: le sixième en vin rouge: le settième jour en sept glaires dœufs. Cela fait, mets tout en chappelle sus petit feu, gardant bien en quelque vaisseau d'or ou d'argent ce qui en distillera.

De la vertu de cette eau il s'en faut taire d'autât qu'elle ne se peut acheter. Elle deguise les ladres, voire elle guerit & détruit la maye lepre, elle efface toute macule, elle maintient la jeunesse, elle fait beaux yeux: bref, je n'en diray point plus auant, à fin que ceux qui en auront, ne s'en tiennent trop fiers, & arrogans.

¶ Poudre fort bonne pour conseruer la veue.

P R E N betoine, rue, chelidoine, romp pierre, leuistici, pouliot, anis, canelle, euphrase, de chacune vne poignée, graine de paradis, zingembre, fenouil, persil, hyssope, origan, siler de montagne de chacun vne drachme, galanga vn' once, de sucre vn' once, mets tout cecy en poudre, & en mange tousiours avec ta viande: car la veue en est preseruee: & si elle est blessée, ou à demy perdue, elle en guerit, & reuiet à son entier.

Cette poudre est trouuee, & ainsi ordonnée par M. Gerard,

D qui

qui en soy mesme l'a experimentée: Car luy ayant vſé de beſicles douz' ans de long, ſi qu'encor les ayant, il ne pouuoit qu'à grand peine lire la plus groſſe lettre qui fut (tant auoit il fa veue gattée) apres qu'il a vſé de cette poudre le long d'vn quarême ſeulement, en la facon que nous auons dit, il en a tellement receu la veue que tout le reſte de ſa vie il a leu la plus petite lettre. qui ſoit.

¶ *Contre douleur de flancs, ou pleureſie.*

P R E N dent de porc cenglier, de la machoire de deſſus, ſçauoir eſt, le plus gros, & en fais poudre, laquelle en doiras à boire avec quelque peu de brouet, & guarira.

¶ *Contre fieures quartes.*

P R E N greſſe, ou craſſe qui eſt ſous le crin des cheuaux, & la fay bouillir en vn pot de terre neuf: & quand tu ſentiras venir la fieure, oings t'en l'eſchine de dos, & ſeras guarý en trois fois.

¶ *Pour guarir vieilles playes & chancres de jambes.*

P R E N les recouppures des cordonniers, & les fay bouillir, & la greſſe qu'en tireras, mettras à part, puis pren de celle herbe qui croit aux pied des ſauls la plus deliée, c'eſt à dire, cette mouſſe qui ſemble vn velours: fay-le bien ſeicher, & reduis en poudre: d'icelle poudre mettras ſus la-dite playe, & de la-dite greſſe en oindras l'étour de la playe, & guarira en brief.

¶ *Contre tigue.*

P R E N lard de porc maſſe en telle quantité que voudras, & le fay bouillir avec vn verre de vin, & demy liure de farine de feues en forme d'onguent: puis pren vrine, & la chauffe tant comme la pourras endurer, de laquelle te laueras la teſte; puis en oings la teſte avec la-dite greſſe, & guariras en moins de quinze jours.

¶ *Contre ventofitez, ou colique, ou douleur de matrice.*

P R E N vne drachme d'entrailles miſes en poudre, vne drachme de ſtechas, donne-les enſemble à boire en vn œuf frais, & guarira.

¶ *Pour oſter les calloſitez des pieds.*

T R E M P E les pieds en vrine chaude, & quand les calloſitez ſeront amollies, pren vne lancette, & les ſcarifie à l'entour,

trouuent sous terre, fay les seicher, & mets en poudre: mets le tout ensemble, & en donne à boire tous les matins quelque quantité, & en brief temps guarira.

¶ *Contre sourdesse.*

PREN vne anguille viue, & la mets en broche toute viue, la faisant rostir: pren la gresse qui en sort: puis pren vne teste d'ail rosty sous les cendres, tu en prendras à la fois vne gossie, & la bouteras en la-dite gresse: puis la mettras tout ainsi chaude dans l'oreille, tenât l'oreille en haut, par l'espace d'un Credo, & tu voiras sortir de la-dite oreille la meschante humeur, & la personne guarira.

¶ *Contre oppilation.*

PREN guimaues en telle quantité que tu voudras, & les fay bouillir en eau courante; prens-en enuiron plein vn verre tout chaud avec succe candy du soir & du matin, & guarira en brief.

¶ *Contre estourdissement de veue.*

DONNE à manger tous les matins du fenouil doux à vn enfant, puis fay que ledit enfant leche les yeus à celuy qui aura mal, & guarira incontinent.

¶ *Pour ceus qui ne scauent retenir la viande.*

PREN mente bien pilée, & moule de pain brulée au feu, & vin-aigre: fay en comme vne fausse, & l'etends sus vne piece de linge avec poudre de clous de gyrofle, mets-la chauffer sus vn quarreau, ou tuile, puis le mets sus l'estomach, & tu en voiras belle experience.

¶ *Contre douleur de teste venant de trop boire.*

PRENEZ des fueilles de rue, broyez-les avec du vin-aigre, & y mettez des roses, & des amandres ameres, & de ce trottez la teste, & guarira.

¶ *Contre toute douleur de teste.*

PRENEZ demie drachme de grains de laurier, de scamonee vne drachme, vne drachme de safran, broyez bien tout ensemble avec du vin-aigre & des roses. Et quand la teste fait mal, il faut oindre la partie malade de cestuy onguent, & verrez la vertu estre merueilleusement grande.

¶ *Contre douleur de teste durant continuellement.*

PRENEZ des fueilles de lyerre noire, broyez-les, & mettez avec du vin-aigre, de l'huile & du vin, autant d'un que d'autre: faites bouillir cela ensemble, puis en oingnez le front & les temples, & ce prouffitera grandement.

¶ *Autrement.*

S' I L est aduis au malade que la teste luy fende, à cause de la grande douleur: prens de lyerre, & en fais du jus, lequel tu melleras avec huile rosat: & avec vn drapeau de toile tu en oindras doucement les narines, les temples, & le front. Et si la douleur est fort vchemente, mets en sus le cerueau.

¶ *Autrement.*

PRENEZ la ceruelle d'une corneille, & la cuisez, puis la mengez: car il n'y a maladies de teste, tant grandes ny vieilles sont elles, qu'elle ne dechasse par vertu singuliere.

¶ *Contre migraine venant soudainement.*

PRENEZ du benjoin, broyez-le avec du vin-aigre, & de ce oingnez le front & les temples, & ce appaisera la douleur.

¶ *Contre demengement de teste.*

PRENEZ du fiel de brebis, & le mellez avec de la croye blanche, & de ce en frottez la teste, & le laissez seicher dessus, & guerirez.

¶ *Contre vlcères de teste, tant aus hommes que aus enfans.*

PRENEZ du fiel de taureau, & le mellez avec du vin-aigre, & de ce frottez la teste, apres qu'il est tiede, & trouuerez en ce merueilleus remede.

¶ *Contre playes vieilles & pourries.*

PRENEZ de l'herbe de celidoine, broyez-la, & puis la mellez avec du vieil oing, & l'appliquez sus les vlcères, & guerira.

¶ *Pour garder que la chair dans vne playe ne croisse trop.*

PRENEZ le poulmon d'un mouton, tout chaud, & l'appliquez sus la playe, & la chair sera egale à la peau.

¶ *Pour oster & guarir de la tigne.*

PRENEZ vne poignée de l'herbe de rue, & demie once de soulfre vif. & faites tout cuire avec bon vin vieil. Et vous en lauerez la teste, mais il faut que la teste soit esté lauée deuant avec eau tiede, comme on a accoustumé de faire.

¶ Pour faire mourir les pous.

PRENEZ du petit lait, lequel reste quand on fait les fromages, mettez-y vn peu de vin-aigre, & en beuvez quelque peu de jours: & tous les pous mourront, & plus n'en renaitront aucuns autres.

¶ Contre distillation de cerueau, & pesanteur de teste.

PRENEZ les racines de bettes dites porrees ou reparees, & les broyez fort, puis prenez le jus d'icelles, & le attirez par les narines. Cela attirera toute l'humour de la teste, & la fera jetter hors.

¶ Contre caterres prochains à venir.

IL faut s'abstenir de soupper, & ne manger aucunes herbes, choses salées ne grasses. Car le caterre vient d'indigestion des viandes, & pour cause de la crudité, à ceste cause sus tout on doit fuir les choses grasses, & quand il sera guarý, il pourra soupper comme au parauant.

¶ Pour restraindre caterre.

PRENEZ cinq parties de vin, & la sixième de miel, mellez tout ensemble, puis le faites froidir, & en faites vn gargarisme.

¶ Pour guerir de la maladie de la barbe, & de la teste, quand le poil chet de luy mesme.

Premierement, il faut tondre avec vn rasoir le lieu, puis le frotter avec vn oignon bien fort: & ce fait, prenez de l'orge brulé, & mis en poudre, & le mellez avec graisse d'ours, puis appliquez-le sus le lieu, & les cheueus reuiendront.

¶ Pour garder que les cheueus ne tombent.

PRENEZ de la poudre des noix de cyprez brulées, de la cendre des ongles des mules, ou mulets brulées, de l'huile de myrte, de la cendre des rats brulez, ou de leur fiens en poudre, aussi de la cendre d'vn herisson freschement brulé, ou bien du fiens frais d'vn herisson, & de la sandaracha, mellez toutes les-dites choses avec du vin-aigre, & de la poix liquide, puis le mettez sus la teste, & ce gardera de choir les cheueus.

¶ Pour faire croitre la barbe & les cheueus.

PRENEZ cela qui vient aus jarrets des asnes, ressemblant à verrues, & le brulez, & en faites poudre, laquelle vous met-

trez en huile vieil, puis l'appliquerez sus le lieu. Ceste chose a telle vertu, que si on frotte ou oingt les machoires d'une femme, certainement la barbe luy viendra.

¶ *Pour faire reuenir les cheueus.*

PRENEZ tant seulement la teste d'un herisson, & la brulez à part, puis mettez avec ces cendres la graisse dudit herisson, & de ce frottez la teste, & reuiendront les cheueus, combien qu'il y ayt des places demeurees de blessures & naurures.

¶ *Autrement.*

PRENEZ vn herisson, & le brulez tout entierement, puis mettez celle poudre ou cendres bien menues avec de l'oint d'ours, & mettez cet onguent sus toute la teste d'un homme chauue, cela fera reuenir les cheueus beaux comme il les auoit au parauant.

¶ *Pour faire les cheueus crespez.*

PRENEZ des cendres de cornes de moutons, & les mellez avec de l'huile, & de ce frottez souuent la teste, mais il faut estre tondu.

¶ *Pour faire les cheueus noirs.*

PRENEZ du siens d'arondelles, & le mettez en bon vinaigre dedans vne fiole, ou pot de terre vernissé, puis l'enseuilliez dans vn fumier ou siens de cheual, & l'y laissez trente-cinq jours enterré. Puis oignez la teste estant tondu, de ce médicament, à l'ombre avec le pinceau d'un peintre. Mais auant que de faire ce, il conuient oindre tout le visage de graisse de cerf, à fin que rien dudit onguent ne le noircisse ou tache. Et pendant que la teinture s'essuie & desèche, tenez dans vostre bouche de l'huile, à fin que les dents ne norcissent: & le quatrième jour apres que tu auras fait la-dite onction, faudra lauer la teste.

¶ *Pour garder que les cheueus ne viennent chanuz & blancs.*

PRENEZ des vers de terre brulez, & mellez celle cendre en huile, & en frottez vostre peigne quād vous vous peignez, & les cheueus ne changeront point de couleur en vieillesse: cest vn sercet duquel communement vsent les femmes.

¶ *Pour noircir les cheueus.*

PRENEZ des feuilles de cypres broyées, & mellées avec vin-aigre : puis en oignez les cheueus, cela teindra les blancs en noir, & en leur place en feront venir de tous noirs.

¶ *Contre douleur des yeus.*

PRENEZ des chous cruds, & les broyez, & trempez en ce-dit jus du pain blanc, & en oignez le front, cela oïtera la douleur des yeus.

¶ *Contre esblouissement de veuë.*

PRENEZ du sel ammoniac brulé, broyez-le fort, & puis le mellez avec de l'vrine d'un jeune enfant, & de ce oignez souuent les yeus, & en mettez dessus, cela abolira & oïtera l'esblouissement.

¶ *Autrement.*

PRENEZ du suc des racines de fenail broyées, & y mettez autant de bon miel purifié, & cuisez le tout, en petit feu, jusques il soit espais comme miel. Puis mettez cela dans vne boete d'arain. Et quand il sera de besoing, mellez cela avec eau de cisterne, ou lait de femme, & pour certain cela dechassera l'esblouissement tout soudain, si vous en mettez dessus les yeus.

¶ *Contre esblouissement & debilité de veue.*

PRENEZ du jus de centaure, dite fiel de terre, du jus de celidoine, & du miel purifié, de chacun egale portion, mellez tout ensemble, & puis en oignez les yeus, cela les guarira certainement.

¶ *Contre la tache de l'œil.*

PRENEZ du fiel d'un coq blanc, broyez-le avec eau, & en mettez aus yeus, & il oïtera la tache, consumera les gouttes de sang estans aus yeus, & fortifie la veuë.

¶ *Pour oïster les cheuens nuisans aus sourcilz.*

IL faut que vous arrachez & tirez songneusement les poilz des yeus, lesquels y nuisent & empeschent : & puis oignez le lieu avec du sang de bouc tout chaud, ou de sang de lieure, ou de chauueforis, ou bien q̄ le frottiez avec du lait de chienne, ou bien avec vne esguilled e cuiure, laquelle estant souuent échauffée soit esteinte en vin-aigre de laquelle vous toucherez le lieu, & certes vous verrez que les poilz ne reuiendront point.

RECÈPTES DE

¶ Pour garder que les poils estans arrachez ne reuiennent aus yeus.

PRENEZ de sangsues, faites les bruler dans vn pot de terre, puis prenez de celle cendre bien puluerisée, & en mettez sus le lieu duquel on a arraché des poils, & il n'y en reuiendra plus.

¶ Contre toutes douleurs des oreilles.

PRENEZ vn scrupule pesant de fiel de chieure, & autant de miel, broyez tout ensemble, puis le mettez échauffer dans vne poisse, & le mettez dans l'oreille, & étoupez-la avec de la laine. Croyez certainement qu'il guarira toutes douleurs d'oreilles, bien qu'il y ayt du chancre.

¶ Contre douleur des oreilles, & surdité, & pour purger les apostumes d'icelles.

PRENEZ du benjoin, & du lait de chieure tout frais: mellez tout ensemble, puis mettez avec ce du fiel de taureau, & de l'huile de cedre, autant d'vn que d'autre. Iettez de cecy tiede dans les oreilles, & il appaisera merueilleusement les douleurs d'icelles, & confortel'ouye debile, & ausi purge les apostumes des oreilles.

¶ Contre douleur des oreilles.

PRENEZ de l'vrine de porc sanglier, faites-la échauffer sus le feu, & puis la mettez dans l'oreille, car c'est vn singulier remede. La-dite vrine se peut garder dans vne fiole de verre, ou bien mieus dans la vessie mesme du porc sanglier.

¶ Contre le son & tintement ou bruit des oreilles.

PRENEZ de la graisse d'oye, du jus de safran, & du jus d'ailz ou aux broyez: mellez tout ensemble, & le versez dans les oreilles, & pour certain cela guarira.

¶ Contre tous maus d'oreilles.

PRENEZ des vers de terre, & les faites cuire avec graisse d'oye: puis degouttez de celle decoction dans l'oreille malade, & n'y a si mauuais mal qui ne guerisse.

¶ Contre sourdesse & difficulté d'ouyr.

PRENEZ du fiel de boeuf, & de l'vrine de bouc, mellez tout ensemble, & puis en mettez en l'oreille de laquelle on ne peut bien ouyr, & soudain guarira.

¶ *Contre douleurs d'oreilles, sourdesse, boue, & ordure, vers & eau y estant.*

PRENEZ du jus d'oignons, & le mellez avec du miel, puis le distillez en l'oreille, & guarirez.

¶ *Pour estancher le sang sortant du nez.*

PRENEZ du vin-aigre bien fort, & en versez dans l'oreille du costé dont le sang sort, & si lon seigne des deux costez, vous mettrez du vin-aigre aus deux oreilles, & ce l'arrestera.

¶ *Pour guarir la maladie, qu'on dit poupe ou noli me tangere.*

PRENEZ de l'herbe dite dracunculus ou serpentine, & en faites du jus en la broyant: puis mettez d'iceluy jus dans les narines, ou trempez en iceluy vn linge, & l'appliquez sus le mal, & l'ostez le jour apres, car cela arrachera toutes les racines du mal.

¶ *Contre puanteur de bouche.*

PRENEZ d'une racine nommée acorios, ou calamus aromaticus, & la machez à jeun, comme si c'estoit mastic, la tenant long temps en la bouche, cela fera bonne haleine.

¶ *Contre douleur de dents.*

PRENEZ de la racine de Iusquiam, faites la cuire avec vin-aigre, puis tenez d'icelle decoction dans vostre bouche, & guarirez.

¶ *Autrement.*

PRENEZ des vers de terre, faites-les cuire en huile, puis les broyez fort, & mettez de celle decoction dans l'oreille du costé que la dent fait mal, & la douleur cessera.

¶ *Pour faire tomber & choir les dents.*

PRENEZ des vers de terre, & les faites bruler sus vne tui-le bien embrasée & rouge, puis apres prenez des cendres desdits vers ainsi brulez, & en mettez dans les dents creuses & dolentes, & les couvrez de cire, & facilement cherront sans faire douleur aucune.

¶ *Pour blanchir les dents qui sont noires*

PRENEZ du pain blanc, & de la pierre ponce, autant d'un que d'autre, brulez tout ensemble, puis faites-en de la poudre, de laquelle vous frotterez les dents tous les jours, & elles de-

deuiendront tre-blanches.

¶ *Pour ceus qui sont enrouez.*

IL faut qu'ils auallent, trois matins durans, vn moyeu d'œuf tout crud, & frais, & guariront.

¶ *Pour guarir les escrouelles.*

PRENEZ de la farine d'orge, de la poix liquide, de la cire, & huile egales portions, mellez tout ensemble, & le faites bien cuire, & y mettez vn peu d'vrine d'enfant, en le remuant fort, puis vous l'appliquerez sus le mal en forme d'emplastre, & le mal guarira.

¶ *Pour cognoitre les escrouelles.*

PRENEZ vn ver de terre tout vif, & le mettez sus l'enflure ou mal, puis couurez-le avec vne fucille: si ce mal est les escrouelles, le ver se muera en terre, si non, il restera entier & sain.

¶ *Contre la toux, & distillation de la poitrine, & du poulmon, & defluxion des yeus, douleur de vessie, & quand le tuyau de l'vrine est étouppé: laquelle chose est cause qu'on ne peut pisser, sinon avec grande difficulté. Aussi pour ceus qui jettent le sang par la bouche, ou avec l'vrine: aussi contre le flux de ventre, & colique, & douleur ou pesanteur de ventre, & cholere: & contre vu vomissement, lequel prouient sans fièvre. Aussi contre toutes douleurs du corps, excepté de la teste: & mesmement contre vlcération de poulmon, si on en donne vn ou deux electuaires.*

PRENEZ six drachmes de myrre, cinq drachmes d'encens, quatre drachmes de suc de pauot, dit opium, six drachmes de safran, quatre drachmes de seméce de jusquiame blanc, dit hanibane, & quatre drachmes de l'escorce de la racine de jusquiame noir. Vous pulueriserez ladite escorce apart soy, & la passerez parmi vn crible bié delié & menu, puis apres moudez le safran, puis la semence de jusquiam blanc, & apres la myrte & encens, avec lesquels vous mellerez le suc de pauot, lequel aura trempé le jour precedent en eau: & ce fait, vous y mettez incontinent vn peu d'eau, à fin qu'on en puisse faire des trochisques ou tablettes, lesquelles seront du poix de demie drachme. On en prendra le soir avec trois goulées d'eau. Cela prouoque à dormir, & appaisé toute douleur, comme il est

il est dit cy dessus. Si vous voulez, vous en ferez des pilules: car il est tout vn, quant à la vertu.

¶ *Contre toute forte toux.*

PRENEZ le jus des porreaus broyez, & le faites cuire avec huile, puis le donnez à boire à ceus qui ont grande toux, & ce leur proufite grandement.

¶ *Contre toux tant forte qu'elle soit.*

PRENEZ du soulfhre en poudre, tant que vous en pourrez prendre avec trois doigts, donnez cela avec vn œuf à demy cuit, auant desieuner, cinq jours durans, si c'est vn grand personnage: & si c'est vn enfant, trois matins, & n'y aura si forte toux qui ne soit guarie dans ledit temps.

¶ *Pour quelcun qui a auallé vne sangsue.*

PRENEZ du vin-aigre dans lequel on a esteint du fer rouge au parauant: & en iceluy mettez du beurre, & le faites chauffer petit à petit, puis le donnez à boire, & ce fera sortir les sangsues.

¶ *Contre la toux vieille.*

PRENEZ du soulfhre vif, & le puluerisez: ce fait, enuelopez-le dans du vieil oint de porc: puis vous en donnerez trois pilules le premier jour, le second deux, le tiers vne. Et faut que les-dites pilules soient faites de sorte qu'on les puisse aualler.

¶ *Contre flux de sang sortant de l'artere, du poulmon, ou du foye.*

PRENEZ la racine de consyre, dite marguerites, lavez-la en eau froide, & la raclez avec vn couteau d'yuoire ou d'os. Donnez-en au patient deux onces ou plus, & tant qu'il en pourra manger. Notez qu'il ne faut point toucher de vin-aigre ce jour là, cōbien qu'il ayt grande vertu de arrester le sang. car certes il oste l'effect & vertu de ceste racine, si on en baille avec icelle.

¶ *Pour restraindre vn tre-grand vomissement.*

PRENEZ vn peu de soulfhre vif, & autant de scieure de corne de cerf, le tout estant broyé & mis en poudre, mellez-le dans vn œuf mollet, & le buuez, cela appaisera le vomir.

¶ *Pour ceus qui ne peuuent retenir la viande dans l'estomach, ains vomissent.*

PRENEZ vn peu d'aloës, & le donnez boire avec eau froide, & cela fera retenir la viande dans l'estomach.

¶ Pour estancher ou appaiser la soif.

PRENEZ de l'eau & de l'huile mellez ensemble: faites-la vn peu échauffer, & la buuez, & incontinent vomissez-la. Et s'il est nécessaire, vous ferez cela derechef, & ce appaisera la soif.

¶ Autrement.

PRENEZ vn moyeu d'œuf de poule à demy cuit, & le mellez avec huile, & puis l'auallez, & ce ôtera la soif.

¶ Autrement.

PRENEZ vne pierre dans vne fontaine, & la mettez soudain souz la langue, & l'y tenez quelque peu, la soif cessera.

¶ Pour appaiser le sanglot, ou hoquet.

PRENEZ vne pleine cuillère de vin-aigre scillitique, & l'auallez, soudain le sanglot cessera.

¶ Pour appaiser le sanglot qui vient souuent.

PRENEZ de l'eau chaude, & y mettez les mains, lesquelles vous y tiendrez longuement, & le hoquet cessera.

¶ Remede souuerain pour ceus qui ont le col penché sus les espaules, à cause des nerfs retirez: aussi pour ceus qui ont les gouttes.

PRENEZ des couillons de bieure, dits castoreum, du poiure blanc, & du persil, de chacun egalemēt. Broyez le tout ensemble, puis le passez par vn crible. Et ce fait, prenez vne pleine cuillère de cela, & la mettez avec autant de miel. & deux goulées d'eau chaude, & le donnez boire au malade auant de ieu-ner, & guarira.

¶ Pour oster la puanteur des aisselles.

PRENEZ du benjoin bien vieil, faites-le pulueriser & cribler, puis en frottez les aisselles, & elles sentiront bon.

¶ Contre apostumes venans à la racine des ongles.

PRENEZ vn gland broyé avec du sauon, & mettez cela dessus, & guariront.

¶ Pour faire reuenir incontinent les ongles estans tombées.

PRENEZ de l'herbe dite quintefeuille, & la broyez avec quelque graisse que ce soit: puis mettez cela sus le lieu, & l'ongle reuiendra incontinent.

¶ *Contre males detres.*

PRENEZ des branches nouvelles de figuier, faites-les cuire dans du vin-aigre, puis les broyez fort, & de ce engraissez le mal, & certainement guarira.

¶ *Pour oster la galle ou feu volage venant au visage.*

PRENEZ des racines de concombre sauuage, faites-les cuire jusques au tiers, puis les broyez bien: & y adjoustez du litharge d'argent, & du soulfhre en poudre, autant d'un que d'autre, & y mettez vn peu de cire, & de ce frottez & oingnez le lieu malade, & guarira.

¶ *Contre les bourgeons ou pustules qui viennent en la face, tant pour cause de la chaleur du Soleil que autrement.*

PRENEZ le moyeu d'un œuf cuit, broyez-le avec du miel, & de la ceruse, & de ce oingnez les boutons du visage, & guariront.

¶ *Contre toutes taches, pustules ou vlcères en la face.*

PRENEZ du mastic, de l'herbe dite gleton ou bardane, du fauon, de la cire, de l'huile vieil, du litharge d'argent, autant d'un que d'autre: mellez tout ensemble, & le cuisez en forme d'onguent, & de ce oingnez le lieu dolent; & guarira.

¶ *Pour oster la noirceur du col, & les taches du visage.*

PRENEZ de la farine de feues, & la detrempez avec du jus du dedans des pompons, & en faites huit trochisques, lesquels laisserez seicher en l'ombre. Et quand vous voudrez aller aus baings, vous prendrez desdits trochisques tant que bon vous semblera, & les concasserez avec eau, & de ce oindrez les taches, auant que entrer aus baings. Et quand vous commencerez à suer, alors vous frotterez le lieu, & le lauerez, & les taches se perdront.

¶ *Contre meurtrissure du visage, faite par cheute, ou batture.*

PRENEZ l'escorce d'un refort, broyez-la fort, & la mellez avec miel, & de ce oingnez le lieu, & guarira.

¶ *Autrement.*

PRENEZ du fromage de chieure tout frais, & mol, broyez-le avec du miel, puis l'appliquez sus le lieu, & le couurez avec vn drapeau, & ce osterà toute meurtrissure.

¶ *Contre verrues & malandres.*

PRE-

Prenez de l'herbe au cancre, dite la queue de scorpion, broyez-la fort, & y mettez vn grain de sel avec, puis appliquez cela dessus les verrues, & elles cherront.

¶ *Contre enflure d'estomach, douleur de reins, grauelle, steume, coliques, hemorroïdes, & maladies du fondement, aussi pour restraindre les fleurs des femmes, & pour ceus qui ont mal au foye & en la ratelle, aussi pour ceus qui toussissent ordinairement: & pour ceus qui tombent du mal caduque.*

Prenez vne once de racine d'énula campana, trois onces de graine de fenail, deux onces de poiure noir. Pilez les-dites choses chactune apart, & les criblez bien menu. Puis mettez le tout dans miel à demy cuit, & en donnez le gros d'vne auellane avec eau chaude, aucuns le prennent avec oxymel, les autres avec vin: & les autres le prennent tout seul dans vne cuilleré, pour faire pissier les pierres.

¶ *Contre douleur de ratelle.*

Prenez vne drachme de racine d'Enula campana seiche & puluerisée, puis passée bien menu, & la donnez avec du vin vicil à jeun, & guarira la douleur de la rate.

¶ *Autrement.*

Prenez du cucumin en poudre ce que pourrez empoigner avec trois doigts, & le broyez avec du vin, puis le donnez à boire auant delieüner, & ce osterà la douleur.

¶ *Contre douleur de rable.*

Prenez la racine de glaycul, broyez-la avec soulfhre vif, & graisse d'ours, puis appliquez cela sus le rable en forme d'emplatre, & vous aurez souuerain remede.

¶ *Contre enflure ou vlcères des reins, & des roignons.*

Prenez des fueilles de roses seiches, semence de pauot noir, & des noyaus ou grains de pin, egale portion, pilez chascune chose apart, puis mellez tout ensemble, & de ce vous en prendrez le gros d'vne noix, & le mettrez dans deux goulées de vin cuit, & trois goulées d'eau, & le donnez à boire au malade, & ce le guarira combien qu'il pissast sanglant.

¶ *Contre douleur de grauelle, & pour faire vriner.*

Prenez vn peu de pierre d'Ambre, de la racine de cyperus, ou fouchet, & du poiure, pilez tout cela, puis cuisez-le, & de ce don-

donnez-en vne pleine cuillere auant defieuer, il fera piffer, & appaisera la douleur de grauelle.

¶ *Contre douleur de reins.*

PRENEZ vne liure de guimaues, siens de brebis toute fresche, & vieil oing, de chacun deux liures: pilez toutes ces choses, & les meslez ensemble, puis mettez cela dessus de la laine avec la sueur, & l'appliquez sus les reins en forme d'emplastre, & ce otera soudain la douleur.

¶ *Contre grauelle.*

Prenez racines d'Asperges, de la saxifrage, la racine de bardane, la racine d'Ache, la racine de hyeble, trois testes d'aïlz des fueilles de saule, & vn peu de persil macedonique. Pilez toutes ces choses, & les meslez ensemble, puis en donnez boire trois matins avec du vin cuit, ou avec vin doux, ou miellé, & ce le fera piffer la grauelle.

¶ *Contre douleur de vessie, & grauelle.*

Prenés la peau d'vn lieure tout frechemēt escorché, mettez la avec ses poilz dans vn pot de terre, ou sus vne tuile nette, & ce fait la mettez le tout au feu, tellement que vous pussiez faire poudre d'icelle peau, laquelle poudre estât criblee vo⁹ garderez dans vn vaisseau net. Et quād il sera de necessité, vous prendrez de ladite poudre trois cuilleres pleines en bruuage. Laquelle chose appaise incōtinent les douleurs de la vessie & la grauelle. Neantmoins le remede auroit plus grand vertu, si on prenoit le lieure tout vif, & qu'on le mist dans vn pot de terre neuf, & qu'on estoupast tous les pertuis avec plastre ou terre grasse, tellement qu'il ne sortist point d'air dudit pot. Puis si on mettoit iceluy pot dans vn four, & qu'on laissast tout bruler à petit feu, & quand tout seroit bien brulé, qu'on le puluerisast, & passast bien menu par vn crible, & puis qu'on le mist apoint. Cey est bon pour ceus qui ont la grauelle, & aussi ceus qui pissent le sang, si on en prend avec du vin.

¶ *Contre caquesangue, ou trenchees de ventre.*

Prenez du lait & y esteingnez des caillouy allumez, ou du fer chaud, & quand vous aurez cela fait plusieurs fois, donnez le boire au malade, pourueu toutefois qu'il n'ayt point de fieure, & il guerira.

¶ *Contre espraintes & trenchees de ventre.*

Prenez des grains rouges & longuets d'un rofier sauua ge, & qu'ilz soyent meurs, sept, ou neuf. Broyez les fort, puis le donnez au patient avec du vin vieil s'il n'a fieure: & s'il est febricitant, donnez le avec eau. Et s'il est expedient, vous en donnez trois iours durans, & aurez vn souuerain remede.

¶ *Pour ceux qui ont trenchees, & trop grand flux de ventre.*

Prenez des moyeuz d'œufz cuits ou cruds, des raisins sauua ges verds, desnoix de galles, autant pesant d'un que d'autre, mellez tout ensemble en le broyant, puis le donnez au patient, & qu'il soit chaud quand il le beura, & guarira.

¶ *Contre colique.*

Prenez vne poule toute viue, & gardez qu'elle ne menge de deux iours: puis tuez la, & prenez vne petite peau laquelle est en son estomach ou gosier, faites la seicher, & apres la mettez en pouldre, laquelle vous donerez avec du gros vin rude & aspre. Et faut que celuy qui en prend soit à ieun, & qu'il n'ayt point souppé le iour precedent, ains ayt vescu sobremet, & guarira.

¶ *Contre douleur de colique venant subitement.*

Prenez le talon d'un lieure, & le portez sus vous, & la colique venant subitement ne vous attaindra iamais.

¶ *Contre douleur de boyaux ou entrailles.*

Prenez des feuilles de laurier, faites les cuire en eau, puis donnez à boire de celle decoction au patient, & guerira.

¶ *Pour arrester flux de ventre.*

Prenez la racine des cornes d'un cerf laquelle tient à la teste, & en faites pouldre ou sciure delige avec vne lime: & d'icelle pouldre dondez en vne dragme avec de gros vin vn plein goblet: ce arretera le flux de ventre, si on le continue trois matins.

¶ *Contre trenchees de ventre ou dysenterie.*

Prenez vne pomme grenade ou plusieurs, & les mettez en vn pot de terre, lequel vous estoupperez bien & luterez avec argille, afin qu'il n'en sorte point de vent. Ce fait, vous le mettez en vn four pour le faire bruler: puis mettez celle grenade en poudre bien prime, laquelle vous garderez. Et quand vous aurez quelques trenchees de ventre venans soudainement, buuez vn peu d'icelle poudre avec du vin, & vous serez gueri incontinet.

¶ Pour cognoistre la maladie occulte de quelcun, & le guerir.

Prenez vn petit chien qui tette encores, & le faites coucher iour & nuit avec le malade l'espace de trois iours, pendant lequel temps le malade prendra du laiët dens sa bouche, & le iettera en celle du petit chië. Puis prenez ledit chien, & le fendez, & cognoitrez la partie malade de l'homme, par celle du chien que verrez blessée ou mal saine: car certainement le chien attire à soy le mal occulte, & caché, dont il meurt, & le malade guerira. Et faut enterrer le chien.

¶ Pour guerir ceus qui iettent le sang par le fondement, & pour ceus qui ont le sang corrompu.

Prenez le surgeon des orties gresches ou gringes, & qu'il soit bien tendre, broyez le fort en vn mortier, puis tirez en le ius, & le dõnez à boire seul, ou avec fort vinaigre, & eauie froide, trois iours durans, le matin, & n'y aura sang corrompu qui ne soit purifié, n'y flux qu'il n'arreste.

¶ Contre les vers qui s'engendrent dans corps des hommes.

Prenez du fiel de taureau, & en iceluy trépez de la laine, & puis la mettez sus le nõbril, & fera fortir les vers hors le corps.

¶ Contre espraintes, ou desir insatiabile d'aller à la selle, avec peu d'effeët.

Prenez du laiët de vache cuit, & en donnez souuent à boire au malade, & guerira.

¶ Contre douleur de colique.

Prenez vne hupe & la bruslez toute entière avec ses plumes, puis prenez de celle cendre, & en donnez à boire au malade avec du vin, & ce le guerira.

¶ Contre vlcères du cul, ou fondement.

Prenez des noyaux de dattes, & les brulez, puis les mettez en poudre fort deliée, d'icelle poudrë vous en mettez souuent sus les fistules ou vlcères du fondemët, ou trou du cul, & guerirõt.

¶ Pour guerir les hemorroides, & ceus qui perdent leur sang.

Prenez des pourreaux, broyez les fort, & en tirez le ius, que donnerez à boire au patient auant desieuner, & incontinet cesseront les hemorroides.

Contre vlcères du fondement, & contre vne maladie, qu'on nomme communement le mal saint Fiacre.

Prenez l'escorce d'une grenade, concassez la & la faites cuire en bon vin, puis broyez fort cela, & le mettez sus le mal en forme d'éplastre, ce guerira infalliblement les vlcères du fondemēt.

Pour faire fondre vne apostume estant es aines.

Prenez du creffion alenois, & le broyez avec de la poix : puis l'appliquez sus l'enflure, & cela consumera.

¶ *Autrement.*

Prenez chaux viue, deux testes d'ailz, & trois moyeux d'œufz, meslez tout ensemble, & puis l'appliquez sus le mal en forme d'emplastre. Cela fera euanouir toute douleur & enflure des flegmons ou apostumes.

Contre blessure ou escorchure de peau par eschauffement & par long chemin, es piedz ou entre les cuisses.

Prenez vn mortier de plomb, & vn pilon de plomb, mettez en iceluy mortier de l'huile rosat, & vn moyeu d'œuf: lesquelles choses vous moudrez tant qu'elles soyent espais: & qu'il y ayt quelque portion dudit plomb meslee avec ledit onguent. Et quand il sera espais comme emplastre, vous l'estendrez sus du linge doux & prim: puis le mettez sus le mal, & cōtinuez cecy par trois iours, iusques à tant que l'escorchure soit guerie.

Contre enflure & douleur de la plante des piedz.

Prenez de la mouffe qui croit dens l'eau, & qu'elle soit toute verte, broyez la fort avec huile d'oliue, puis l'appliquez sus le mal avec vn linge, & ce appaisera la douleur, & otera l'enflure.

Pour tirer hors les choses qui se plantent au corps, comme espines.

Prenez de l'esponge, ou de la laine trempée en vrine, & la mettez sus la chose qui est fischee au corps, & elle sortira sans douleur.

Pour tirer hors toutes choses fischees au corps.

Prenez du lard, & le faites cuire avec la graisse, puis l'appliquez sus le lieu, et le liez, et il attirera toutes choses hors.

¶ *Pour faire choir verrues*

Quand on tuera vn porc, il faut que celui qui a des verrues recoiue le sang tout chaud dessus le membre ou sont lesdites verrues, & incontinent qu'il sera sec, qu'il le laue. Et si c'est vne femme qui aye lesdites verrues, il faut remedier à cela avec le sang d'une truie, & incontinent gueriront.

¶ Pour oster les cloux & furoncles, ou duretez des piedz.

Prenez des vers de terre, pilez les, & avec de l'huile appliquez les sus le cloux, & ilz les arracheront totalement.

¶ Pour soudainement appaiser la douleur des gouttes.

Incontinent que les suins ou foiers commencent à ietter fueilles, prenez en vne liure, & les broyez: puis prenez vne liure de racines de plantain, lesquelles vous pilerez, & ce fait prenez vne liure de graisse ou vieil oint, nettoyez la, puis pilez tout ensemble, & de ce oignez les piedz, puis mettez dessus vne fueille de choux, & soudain la douleur cessera.

¶ Contre toutes douleurs des piedz.

Prenez des vers de terre, & les mettez en vin-aigre, afin qu'ilz se purgent de toute leur ordure; le matin suyuant vous les esuyerez, & mettez neuf onces d'iceux dedés vne liure de graisse en les broyans longuement, afin que vous les puissiez incorporer, & de cela oignez les piedz, & la douleur cessera.

¶ Autrement.

Prenez vn renard, & le faites fort cuire, puis faites couler la decoction d'iceluy parmy vn linge, de laquelle vous fomenterez ou estuerez souuent les piedz, & ce osterá la douleur.

SENSYVENT AUCVNES

RECEPTES CONTRE

LA PESTE.

¶ Composition preseruatue contre la Peste, excellente comme Theriaque ou Mitridat.

¶ Bipennulæ vel bipennellæ vel pimpinellæ siccæ sescun-
ciam. Scordij veri, Gentianæ radiceis, Imperatoriae, Zeduariae
singulorum drach. sex. Calaminthes, Melissophylli Latinis a-
piattri vel citraginis, Radicis enulæ, tormentillæ quæ est pen-
taphylli species, Baccarum iuniperi, Seminis cardui benedicti
quæ vna est attractilidum, citrij mâli, oxalidis, Boli Armenici
preparati singul. drach. treis. Glycyrrhizæ rasa, Glycanisi semi-
nis, Sem. scariolæ quæ est intybus satiuæ, Cinnamomi exqui-

fiti singul.drach.duas. Caryophylli, Rosarum rubrarum, Coriandri preparati, Sem.ocimi, Corticis citrij ficci, Santali lutei vel rubri, Agallochi, i. xylaloë vel ligni aloës, Scobis eboris, Corallij rubri, margaritorū seu vnionū sing. sesqui drac, Croci scrupula duo vel scrupulos duos, Tenuissime trita miscētur cum pari saccharo, vel comprehenduntur oxymelite, vel syrupo acetato, vel oxyfacchara, vel potius syrupo ex limonibus. Vētriculis tamen imbecillioribus aduerso ad formam cōfectionis liquida, seu opiatae vel massae, vel fit electarium per tabellas pondō drachmæ vnus vel scrupulorū quatuor, si ad singulas vncias sacchari adijcias pulueris drachmam vnā. Vous en prendrez deux ou trois heures deuant le repas. Et si c'est poudre, la quantité sera vne drachme ou demy drachme pour le moins, avec quelque liqueur conuenable de celles qui sont maintenāt nommees. Si c'est opiate, autant ou la grosseur d'vne chastraine ou d'vne noix. Si c'est en forme de masse, vous en ferez deux ou trois ou plusieurs pilules bien molles pour vne prise, en buuant après quelque liqueur telle que i'ay desia dit. Quand ce sera en tablettes, vous en prendrez vne ou deux.

¶ Autre composition en poudre ou en autre forme, pour le mesme.

℞. Angelicæ radicis, Gentianæ, Zedoariæ, Radicis tormentillæ, Sem.oxalidis citrij mali, Cinamomi electi quæ est cassiæ species, Santali lutei vel rubri, Cardui benedicti singulorum drach.duas, Corticis citrij sesqui drachmam. Ramenti eboris drachmam vnā Corallij rubri drachmæ semissem. Sacchari optimi par omnibus pondus, siquidem potior ac gratior videtur puluis. Vel, si maus, aliam formam acquire, quemadmodum dictum est de proxima antidoto. Touchant la quantité de c'est antidot pour chacune fois, & le temps d'en vsfer comme du precedent. Que si vous les vouliez tous deux, qu'ils ne soient pas d'vne mesme forme, mais l'vn en poudre ou en tablettes, l'autre en opiate ou en masse à pilules.

¶ Pilules communes fort propres pour le mesme.

℞. Aloës probatæ & lotæ vncias duas. Croci vnciam, Myrrhæ bonæ tantundem. vel Myrrhæ & Ammoniaci vino albo soluti singul. semunciam: Comprahendē melle rosato, Addi potest hyeme Zedoariæ, Agallochi vel Santali rubri singulorum drach-

drachmam vnam. Aestate verò dempta myrrha & amoniaco, adde boli Armenici preparati drachmas tres: Corallij rubri drach. semiffem, Caphuræ scrupuli semiffem Communement vous prendrez vne pilule ou deux deuant le repas. Quelque fois vous procederez iusques à vne drachme apres le premier sommeil.

¶ *Antidois ou medicaments preseruatifs & confortatifs de vil prys, faciles à trouuer & à preparer pour les pauures.*

- 1 Prenez d'un ail & buuez vn peu de vin pur apres.
- 2 Ou d'une figue avec vne noix et de rue et vn peu de sel memes en hyuer.
- 3 Ou vingt fueilles de rue avec deux noix, autant de figues, & vn grain de sel, le tout mellé ensemble pour prendre incontinent au matin.
- 4 Ou six fueilles de rue avec vinaigre.
- 5 Ou la racine de l'herbe appellee vulgairement au struche en Latin Imperatoria, d'aucuns la serpitium Gallicum.
- 6 Ou la racine d'Angelica.
- 7 Ou de gentiana.
- 8 Ou de zedoar.
- 9 Ou de chardon benit.
- 10 Ou de carlina appellee d'aucuns le bon chardon.
- 11 Ou de l'herbe nommee scordium de l'une, de deux, ou de plusieurs en pouldre bien menue à la quantité d'une drachme, ou en masse bien molle faite de miel cuit & de vinaigre, ou de quelque syrop propre, comme de limons, ou en opiate le gros d'une chastagne, ou d'un pois cice avec du vin en hyuer, en esté avec eue rose ou avec ius d'oxeille.
- 12 Oxeille seule ou avec pimpinelle trempee en vinaigre pour prendre au matin.
- 13 Ou le ius d'icelles, ou de pourchaille avec vn peu de vinaigre: de quoy on pourra faire vne tostee en esté.
- 14 Ou graine de geneurier, fueilles verdes de pimpinelle, de betoine, de puliot, d'oxeille autant d'une que d'autre, broyez ensemble cuites avec miel cuit, & vn peu de vinaigre en façon de conserue.

¶ *Autre medicament.*

15 **R.** Baccarum Iuniperi, Boli Armenici veri singul. drach. duas, vel par pondus. Trita comprehendantur oleo dulci & aceto, vel oxymelite in formam mediam seu opiatae vel in massam. Si c'est opiate on en prendra comme vne chasteaigne. Si c'est masse, vne grosse pilule en buuant apres vn peu d'hydromel, ou d'oxymel, ou de vin.

¶ *Les choses de senteur comme poudres, pommes, eaues, parfums :* & premierement poudre à plusieurs vsages.

R. Iridis Florentinae vncias quatuor. Maioranae seu sansuchi, Rosarum rubrarum, Caryophylli singul. vnciam j. Melissophylli, Nucis odoratae seu moschatae, Zedoariae. Cinnamonomi, Agallochi, Santali lutei, Mastiches, Styracis calamitae, Belzoin ling. semiunciam, Calami odorati, Spicae nardi radice sing. drachmam j. Cyperi scrup. ij. Fiat puluis olfaciendus serico aut tenui linteolo infractus. Haec etiam crasse conterantur ad suffitum & ad lotionem capitis & barbae. Vel vt in vino albo & aqua rosacea aliquot dies commacuërint post colantur. Colatura seruetur vsui, vel diplomate seu duplici vase distillantur, vt sit aqua aromatica. Come ie viens de dire c'est pour parfumer la chambre soir & matin sus les charbons, ou c'est pour bailler bonne odeur en la tenant sus soy ou en quelque lieu entre les habillemens & linges, ou pour faire sachet, ou pour mesler en quelque liqueur idoine comme pour laouement de teste & de barbe, ou autrement pour y tremper mouchoir ou esponge à sentir, ou faire eau distillee à sentir.

¶ *Parfums.*

R. Carbonis salicis vncias viij. Ladani puri vncias. ij. Thuris masculi, Ligni & baccarum iuniperi singul. vnciam j. Agallochi seu xylaloes, Belzoin, Styracis calamitae singul. semiunciam, Nucis Moschatae, Santali lutei singul. drachm. iij. Caryophylli, Styracis liquidae sing. drach. ij. Zedoariae, Calami aromatici singul. drach. j. Gummi tragacathae aqua rosacea solutae quod fit satis. Fiant auiculae cyprinae seu suffitus qua forma libebit.

¶ *Pomme de senteur.*

R. Ladani puri vncias ij. Belzoin, semiunciam, Carbonis salicini vnciam j. Styracis calamitae drach. vj. Iridis Florentinae semiunciam, Caryophylli drach. iij, Sampsuchi seu maioranae, San

tali lutei vel rubri sing. drach. ij. Rosarum rubrarum, Calami aromatici sing. scriptula ij. leuigetur. Deinde, ℞. Olei amygdalini dulcis, Belzoin sing. drach. vj. Styracis calamitæ semunciam. Simul bulliant cum aquæ rosacæ drach. vj. Colentur. Colatura liquefiat cum ceræ albæ vnc. ij. styracis liquidæ drach. j. Fiat ad modum cerati quo cætera comprehendantur per pistillum calidum. Adde moschi drachmam semissem, vel scriptula ij.

¶ *Autre pomme aromatique plus conuenable pour l'esté.*

℞. Rosarum rubrarum, Violarum sing. vnc. iij. semissem. Bacacrum & vbi inueniri possunt, foliorum myrti, Carbonis saligni singul. vnciam j. Baccarum iuniperi, Corricum citrii singul. drach. vj. Santali lutei vel rubri. drach. ij. Belgoin drachmam j. Caphuræ scrupulos duos. Fiat puluis. Postmodum ℞. Olei rosacæ vnciam j. s. Styracis calamitæ, Belzoin singul. drach. ij. Aquæ rosacæ vnciam j. vel quod sit satis. Colatura liquefiat cū ceræ albæ vnc. ij. Fiat ceratū ad comprehendenda cætera cum pistillo calido. Adde Moschi modicū, vel grana sex.

¶ *Remedes exterieurs à purger l'air des plus faciles, plus prompts, & qui sont de moindre prys pour ceux qui ont moins de pouuoir.*

- 1 Parfum de graine de geneurier de la racine fendue & seichee, & des autres drogues dessus mentionnees au premier remede exterieur.
- 2 Vinaigre tout seul ou meslé avec eue rose pour arroser la chambre.
- 3 Pour souuent tenir en la bouche & mascher, mesme quand on sort & on conuerse avec les gens, il y a escorce & semence de citron, qui baille aussi bonne odeur cinnamome ou canelle, gyrophile, racine d'angelica ou d'austruche, ou de zedoar, & de semblables dessus nommees.
- 4 Pour sentir avec vne esponge, ou avec vn mouchoir iour & nuit, maluesie ou autre vin puissant & odoriferant, comme muscadel seul, ou avec eue rose auquel on ayt trempé quelque drogue aromatique, maintenant dite, comme gyrophile, muschade, &cæt.
- 5 Ou bon vinaigre deux fois autant que d'eue froide avec vn peu de camphre, principalement en esté.

RECEPTES DE

¶ Poudre contre les vers.

℞. Coriandi preparati drach. quinque: Baccarum iuniperi drach. iij: Abrotani, Cornu ceruini, Corallinae singulorum drach. ij: Agarici albi recens in pastillo's coacti, Nucis moschatæ, Cinnamomi electi singul. scrupul. duos. Fiat puluis non ita tenuis.

¶ La somme du regime.

- 1 Il est necessaire que vous soyez tenuz nettement, & tout ce qui est de vostre logis, en euitant & corrigeant diligemment & tant que pourrez le mauuais air.
- 2 Euitez tous excès & superfluitez, principalement au boire & au manger, & en Venus si vous en vsez. Item au traual, au dormir, & au veiller.
- 3 Euitez viandes trop humides & corruptibles.
- 4 Item tout ce qui est cause de crudité & d'autres mauuais humeurs.
- 5 Viuez sobrement.
- 6 Buués & mangez à heures ordinaires & par bon ordre.
- 7 Prenez vostre repos, & faites exercice en temps requis.
- 8 Maintenez voz euacuations naturelles ou coustumieres.
- 9 Tenez vous ioyeux.

¶ Poudre cordiale contre le venin de la peste, pour les riches & puissans, & pour les princes.

℞. Sapphyri, Hyacinthi, Smaragdi vnus horum vel duorum vel omnium drach. j. Vnioum seu margaritorum, Boli Armenici optimi, Sem. oxalidis singul. drach. ij. Scobis eboris scrup. duos. Cornu monocerotis vulgd vnicornu scrup. j. Sem. ocimi scrupuli semissem. Santali lutei & rubri, Agallochi vel xylaloës optimi, Doronici, Cinnamomi exquisiti, Croci singul. gr. iij. Moschi gra. vj. Fiat puluis tenuis. On laissera le musch pour ceus qui ne l'ayment. L'usage de la-dite poudre & des autres qui s'ensuiuent sera déclaré cy apres.

¶ Pour les pauures poudre qui n'est pas de moindre efficace que la seconde.

℞. Boli Armenici optimi drach. ij. Sem. oxalidis drach. iij. Aloës hepaticæ lotæ, Corallij rubri singulorum drach. j. Pulueris diamargariti frigidis scrup. ij. Pulueris diatrion santalon scrup.

Syrup. s. Corticis citrij, fici, Cariophylli, Cinnamomi, Crœci singul. drach. v. fiat puluis tenuis. On vsera des dites poudres avec conferves ou sans icelles avec Syrops, eaues distillees, ou plustost avec des sucz & d'autres liqueurs idoines.

¶ *Potion pour les pauvres, & es lieux ou il y a faute ou moins de suu ou de Syrop de citron ou de limon ou de grenades.*

℞. Pulueris pauperibus præscripti Conditi rosacei seu confervæ rosacæ, Conditi boraginis seu potius coraginis singul. drach. j. sesquidrachmā, Succu oxalidis vncias. ij. Succu arantij, Succu coraginis aqua rosacea extracti, aceti albi optimi singulorum vnciam j. fiat potio.

¶ *Potion souvent experimentee, vtile & salutaire, & laquelle selon aucuns n'a iamais esté trouuee vaine.*

℞. Pulueris cardiaci primi, vel secundi drach. ij. Sem. sancti vel sem. citrij, Myrrhæ singul. drach. s. Ramenti cornu ceruini drach. j. Misce probè leuigata. Il faut boire cela avec vin-aigre blanc bien fin deuant le feu soudain qu'il appert tumeur es aynes ou es aixelles ou ailleurs: Le remede doit estre prest. Car il excite grande sueur par laquelle le venin se vuide de toute part. Le malade iettant vne telle sueur vilaine au pres du feu, sera torché avec linges chauds: lesquelz faudra changer iusques la pueur de la sueur s'en aille en frottant. Des-dites poudres on pourra aussi faire des condits ou des opiates à la maniere qui s'ensuit.

¶ *Opiate.*

℞. Pulueris primi vel secundi, Corticis citrij conditi singulorum vnc. s. Conditi rosati, id est confervæ rosarum, Conditi buglossati. i. ex coragine vulgè boragine singul. vnc. ij. Syrupj ex succo citrij, vel limonis, vel mali punici, vel saltem oxalidis, vel omphacini, id est, ex agresta vel oxylacchare quod sufficit. Fiat electarium liquidū in modum opiatæ. On en prendra demy once, ou d'avantage, en buuant apres des liqueurs sulfites, & telles qu'elles s'ensuyuent. Ce sera bien fait d'en mesler & brasser vne once pour prinse avec icelles liqueurs, comme il s'ensuyt:

¶ *Potion ou bruuage conuenable apres chasque prinse de l'opiate dite,*

RECEPTES DE

ou à mesler avec les prinſes d'icelle optate pour les plus puiffans ou les mediocres, ſelon le lieu & la ſaiſon.

℞. Succu citro mali, vel limonis vncias . iij. Vini mali punici acidi, Vini albi, Aquæ rofaceæ ſingul. vnciam. j. Miſce.

¶ *Potion pour les pauures.*

Suc d'oxeille bien cler, trois onces. D'oranges aigres, Bon vin-aigre blanc & cler, Eauue roſe de chacune choſe vne once. Faites bruuage, en adioutant vn peu de ſucce qui voudra.

¶ *Potion pour emouuoir la ſueur.*

℞. Theriacæ vel Mitridaticæ bonæ drach. j. Boli Armenici optimi, vel pulueris alicuius ex cardiacis ſuprà deſcriptis drachmæ ſemiſſem. Aquæ ſcabioſæ vncias. ij. Aquæ oxalidis, Bugloſſi ſeu boraginis ſingul. vnc. j. fiat potio.

¶ *Autre potion facile comme pour les pauures.*

Decoction de ſcabieufe & de fleurs de pauot rouge, vn voirre avec vn peu de ſucce. Ou ptifaine faite d'orge & de ſeméce d'annis & de racine de perſil. Ou decoction de poix cices, de racine de perſil, de racine de cicoree: l'vne ou l'autre decoction avec ſyrop acetueux deux vnc. ou avec ſucce & vn peu de vin-aigre blanc. Ces bruuiages ſe doiuent bailler chauldz au malade eſtât bien couuert au liſt. La theriaque & le Mitridat cōbien qu'ilz ſoyēt de grande efficace en ceſt endroict, toutesfois ilz ne ſont pas conuenables aux femmes enceintes, ny aux enfans. L'usage auſſi n'en doit eſtre frequent n'y en grande quantité quand il y a grande fieure. L'aduis d'aucūn eſt de meſler le remede pour ſuer avec quelque eauue diſtillée, ou avec decoction d'herbe conernât la partie à laquelle la matiere veneneuſe prêt ſon cours. Si donc on congnoit que la matiere tède à la teſte, ilz veulent qu'on baille pour ſuer avec eauue diſtillée, ou avec decoction de betoine, ſi elle s'en va aux parties ſpiritales ou pectorales, ou à la poictrine & au cœur avec l'eauue ou decoction de borrache, qui eſt la vraye bugloſſe. Si au ventre & aux boyaux, avec liqueur d'abſinthe. Si au foye, avec decoction, ou eauue d'agrimoine, qui eſt le vray eupatorium.

¶ *Epitheme cordial aſſez froid.*

℞. Aquæ rofaceæ vncias iiij. Aquæ violaceæ ex nymphææ vulgò nenuphare ſingul. vncias. iij. Aquæ bugloſſi, vulgò bora-

ginis

ginis, oxalidis, Vini granatorum, Aceti boni singulor. vncias. ij.
 Coriandri præparati drach. iij. Rosarum rubrarum, Farinæ v-
 nionum seu margaritorū singul. drach. j. Santali rubri drach-
 mæ semissem, Corallij vtriusque, Caphuræ singulorum scr. j.
 Croci scrupuli semissem. Misce, fiat epithema.

¶ *Epitheme cordial pour les pauvres qui pourra aussi
 servir au foye.*

Il se fait de douze onces ou d'une liure d'eau rose, de trois
 onces de bon vin-aigre blanc, en adioustant en esté santaux blancs
 & rouges de chacun vne drachme. Si c'est hyuer, au lieu des san-
 taux on adioustera gyrophles, fleur d'aspic, ou de l'auende, de
 chacun vne drach.

¶ *Epitheme hepaticque ou pour le foye.*

℞. Aquæ feridis, id est, intybi seu cichorij seu picridis, Lati-
 nis ambubeiæ, Aquæ rosaceæ oxalidis singulorum vncias. iij.
 Aceti albi, Vini granatorum singul. vncias. ij. Pulueris diarho-
 di Abbatis drach. ij. Pulueris diamarg. frigid. drach. j. Santali
 rubri drachmæ semissem, Caphuræ scrupuli semissem. Fiat
 epithema.

¶ *Medicaments locaux de bubon: & premierement pour attirer
 & resoudre, cataplasme ou liniment.*

De racines de narcissus dit anettes, ou de lis avec son huile,
 & broyée avec miel. Il est bon pour vn corps delicat, & appai-
 se la douleur.

¶ *Autre attractif facile.*

De rue ou dogon broyé avec theriaque, ou de theriaque
 seule, ou de raiphor coppé en roelle appliquees l'une apres l'au-
 tre, & souuent changees.

¶ *Autre bien bon en forme d'emplastre.*

℞. Diachyli vncias. ij. Ammoniæ, Gilbani singul. semun-
 ciam, vniantur.

¶ *Medicaments de la espece qui sont caustiques ou vesicatoires, des-
 quelz le premier est bien fort.*

Cataplasme de cantarides & de chaux viue meslées avec
 huile de noix au lieu d'une lancette pour arracher l'enflure.

¶ *Autre cataplasme.*

℞. Radicis narcissi vel lilij cineribus coctæ, Fimi columbini
 fin-

RECEPTES DE

ſingulorum partes æquales, Melliginis anacardinae, vulgè malis anacardini quod fit ſatis. Fiat cataplaſma.

Autre plus fort.

℞. Fermenti acris, Saponis, Ficum, Iuglandium vetuſtarum ſingul. ſemunciam, Iridis Florentinae, Semi. ſinapis, Calcis viuae, Calcanthi, id eſt vitrioli Romani leuigatorum ſingul. drach. ij. Terebinthinae quod ſufficit. Fiat cataplaſma.

¶ *Medicament mondificatif.*

Vn iaune d'œuf meſlé avec vn peu de farine d'orge, ou de ſpelte, ou de froment en adiouſtât miel roſat. Il eſt bien doux & propre pour vn corps delicat.

¶ *Autre mondificatif tres-bon.*

℞. Succu apij vncias vj. vel Huius & ſucci abſinthij, Mellis boni ſingul. vncias. iij. Farinae hordeaceae vel frumentaceae vel zae vulgè ſpeltae drach. ij. vel drach. iij. Coque ad idoneam craſſitudinem, & fit vnguentum ſeu illitus mundificans ſeu purgans vlcus.

¶ *Emplaſtre incarnatif.*

℞. Bipennulae vulgè pimpinellae foliorum, Betonicae, Verbenacae, Semperuivi tertij vulgè vermicularis Centaurij minoris ſingul. manipuli dimidium. Decoque in vino albo ad dimidias. Expreſſo adde Pitynae vulgè picis reſinae, Ceræ, Sepi arietini ſingul. vnc. iij. Omnia ſimul coquatur aſuſo lacte muliebri dum abſumpti fuerint ſucci. Tandem igne ſublatis vbi ceperint frigefcere adde, Reſinae terebinthinae vel abietinae qualem hodie pro illa ſolam ferè habemus vnc. iij. Maſtiches lucide ac probate drach. x. Aloës hepaticae drach. ij. Commiſceantur rudicula & fiat emplaſtrum.

¶ *Vnguent repercuffif & reſolutif contre chancre.*

℞. Plumbi vſti eloti, Pompholygis, Thuris ſing. vnc. ij. S. Abſinthij pontici. vnc. S. Olei roſ. vnc. iij. Ceræ drach. vj. Succu ſolani quod fit ſatis ad vnguenti craſſitudinem.

¶ *Emplaſtre diapompholygos de Theodoric, pour empescher ou oſter la corroſion du chancre. Il eſt repercuffif, refrigeratif & deſiccatif.*

℞. Olei

℞. Olei rosacei boni, Cerae albæ añ. vnc. ij. S. Succu granorum rubrorum solani vnc. ij. Cerae lotæ vnc. j. Plumbi vsti loti, Pompholygos vulgo ruthiæ añ. vnc. S. Thuris maris drach. ij. Fiat emplastrum.

¶ *Vnguent bien doux pour les chancres vlceréz, lequel aussi est sedatif de douleur en ceux qui ne sont pas vlceréz.*

℞. Cerae bonæ, Terebinthinæ, Adipis taurini, Medullæ ceruinæ, vel vitulinæ recētis, Olei ricinini, Rosacei nouorum, Adipis anserini recentis, Mellis electi, Thuris, Diphrygis vel pompholygis ana partes æquales, Oesypti triplum.

Sans le thus l'Autheur l'estime plus doux, avec iceluy il est plus resolutif & maturatif, & conuient mieux aux chancres non vlceréz.

¶ *Liniment merueilleusement vertueux contre rongement grand, & ambulatif du chancre, & pour arracher toute la malice d'iceluy.*

℞. Rhu confectorum corij seu sumach sextarios iij. Pilularū supressi vnc. iij. Gallarum immaturum, Cassiæ añ. vnc. j. S. Vini Adriani, id est, adstringētis & odorati antiqui sextarios v. Toutes ces choses ensemble brisées, seront trempées au vin par trois iours, & seront cuites iusques à la tierce ou quarte ebullition en le fort remuant avec vne spathule de cypres. Puis auoir tout diligemment exprimé & ietté le mag au loing le suc se cuira en espaisseur de miel, pour estre gardé en apres en vaisseau de voirre. Ce liniment sera mis en vsage tout pur, & sans estre meslé contre le mal nommé, en adioustant quelque fois quelque peu de vin. Si le medicament se trouue trop espais, il le faut fort liquide pour le mal qui occupe la partie honteuse de la femme, aſcauoir le col de la matrice. Si on le dissout avec laiët d'Asnessé, il mitigue la douleur, & si est vtile à toutes autres escorchures, ambulatiues & extensiuës, sans qu'il induise inflammation. Il est bon pour desſeicher les oreilles des long temps subiettes à vne sanie obstinee, item pour genciues gastées & fletries, item contre vlceres difficiles & qui ne se peuuent cicatrizer, sinon à grand peine si on le mesle moderément & raisonnablement. Mais comment est ce que les remedes benignes

RECEPTES DE

resisteront à vne telle maladie, à laquelle les plus aspres & sauuages obeissent? Le-dit liniment se pourra preparer comme il s'ensuit.

℞. Rhu, id est, sumach lib. j. Pilularum cupressi vnc. iij. Gal-larum immaturarum, Cassiæ añ, vnc. j. Vini Adriani, id est, astringentis, lib. iij

¶ *Emplastre mitigatif & tredooux pour les chancres, mesme des mammelles.*

℞. Croci, Opij, Thuris masculi añ. dra. j. Lithargyri, Plu-mbi vsti loti añ. drach. ij, Cerusæ preparatæ. vnc. S.

Ceræ albæ vnc. ij. Adipis anserini, Butyri recent.

añ. vnc. iij. Rosacei boni vncias iij. Les

poudres estant broyees avec suc de morelle se meslent avec les choses fondues.

F I N.

SEN-

41

S'ENS VY VENT

PLVSIEURS BELLES

RECEPTES TOVCHANT LE MA-

niement de diuers metaus, toutes bien approuuees.

Et premierement,

¶ Pour endurcir le fer.



REN verbenes ou veruaine, & le broye avec les tiges, & garde le ius en quelque verre. Or quand tu voudras faire quelque fer dur, tu adjoindras avec le dit jus en quantité autant d'y-rine que de ius, avec ce aussi le ius d'un petit ver appellé Spondilis en Latin, en Alemant Engher lincker. Et ne laisse deuenir ton fer trop chaud, mais quand tu verras qu'il sera moyennement chaud, tu l'esteindras en la-dicte mixtion, & le laisseras refroidir de soy-mesme tant que tu y verras venir des taches jaunes, & alors le boutras en la-dicte eau. S'il deuiet fort bleu, c'est signe qu'il n'est pas enco-re dur assez.

¶ Autrement.

Pren cuire vieil brulé, & la moitié autant de sel, ou pren des cornes brulees & puluerisees avec autant de sel, puis les seme sur le fer chaud. Item eau de fiente d'homme distillee deux fois, en laquelle tu esteindras ton fer. Prends antimonie, calamine, couperose, egalemēt, & puluerise chascune à part loy, puis le seme sur le fer, & laisse deuenir le fer rouge, apres le ba, & le forge à ton appetit, & le detrempe au ius suiuant. Prends celi-doine autant des racines que des feuilles iusques à dix liures, & les laisse bouillir iusques à six liures, puis y detrempe ton fer, lequel tu rendras dur à ta volonté.

¶ Pour endurcir couteaux, fourmoirs, & autres semblables.

Pren moelle de cheual, en laquelle tu mettras refroidir ton fer.

¶ Pour endurcir vne lime.

Pren des vieux souliers & les brule, puis les puluerise, & y

R E C E P T E S D E

ajoute autāt de sel: espars ceste mixtiō dessus & dessus les limes en quelque laette de fer couuerte d'vne couuerture de fer, & mets la poudre tellement qu'elle soit tant dessous comme dessus de l'epaisseur d'un festu. Couure ladite laette de son couuercle, puis la mets au feu tant qu'elle deuienne toute rouge, apres ce la laisseras tomber en quelque eau froide, & auras les limes bonnes et dures. On les oint aussi d'huile de lin ou de sang de bouc.

¶ *Pour endurcir quelque autre matiere.*

PREN le ius de quinte fueille avec le ius d'aluyne & le mets en quelque verre, puis prens des vers lesquels tu pileras et passe ras par vn linge & en froteras la matiere chaude, puis l'esteindras eudits ius.

¶ *Pour rendre quelque instrument d'acier dur & bien trenchant.*

PREN les fueilles & racines de buglosse bouillies en eau en laquelle tu esteindras ton instrument.

¶ *Vn autre.*

Prend dragoncion avec les racines & autāt de verueine: mets bouillir cecy en eau clerre puis la laisse deuenir froide & claire, & en oins ton instrument. Item prens vrine d'homme mellé avec eau claire & chauffée tant qu'elle soit teide, en icelle esteindras ton instrument. Item on endurecit aussi en bonne moutarde faite avec quelque bon & fort vin-aigre. Item quand on veut endurecir il est necessaire que ton cas soit bien net & poly.

¶ *Pour contregarder de fendre quand on endurecyt.*

PREN suyf & le fonds, puis le verse en eau froide tant qu'il deuienne espes & qu'il nage sur l'eau de l'epaisseur d'un doigt. Puis prens ton instrument tout chaud & le bôte premierement par le-dit suyf, & puis en l'eau. Item les cottes de mailles esteint on en ius de naueaux.

¶ *Pour endurecir en telle sorte qu'elle demeure dure.*

Mets distiller des limasses avec leurs coquilles, & esteins ton instrument en icelle eau. Et ce que tu voudras auoir fort dur, tu y espardras par dessus de l'arene broeye & souffre, puis l'esteindras en la-dite eau.

¶ *Pour amolir le fer ou l'acier.*

SI tu veux rendre le fer ou l'acier aussi mol que cuiure, prends chaux viue avec autant d'alun, mais pille bien premièrement en quelque mortier: melle bien ces deux choses ensemble & les mets de l'épaisseur d'un doigt ou demy sur quelque linge, & y boute l'instrument q̄ tu voudras rendre mol, puis le mets ainsi en quelque petit feu par l'espace d'une heure tant que le feu s'esteinde, & que ton instrumēt deuienne froit de soy-mesme, lors le trouueras mol comme cuiure.

¶ *Vn Autre.*

Mets ton fer ou acier en quelque petit feu, & apres que le feu sera esteint, laisse refroidir ton instrument de toy mesme.

¶ *Vn autre.*

Prends aqua raphani en laquelle tu esteindras ton fer ou acier. Item tu pourras prendre des cendres clauelées avec chaux viue & en feras vne lessiue laquelle tu laisseras couler neuf ou dix fois par les-dits substances: en ceste lessiue mettras tremper ton fer ou acier par l'espace d'une nuit, si le rendras propre pour tailler ou engrauer. En apres si tu le veux r'endurcir, tu l'esteindras en eau froide.

¶ *Vn autre.*

Prends fleurs iaunes semblables a soucies, les fueilles sont larges comme, vn vngle d'homme, prends les avec leur tiges & les pile, puis les passe par vn linge, & en garde le ius en quelque pot. Puis boute ton fer ou acier au feu tant qu'il soit tout rouge & l'esteins apres en la-dit eau, & deuiendra aussi mol que cuiure.

¶ *Vn autre.*

Prends des limasses & autres grans vers de terre egalemēt & du sel la tierce partie. Puis prends vn pot de terre ou quelque autre plat de terre plein de trous auquel tu saleras tes limasses & vers, & receuras le-dit sel qui se fondra & coulera le-dit sel en quelque autre pot que tu auras mis dessous, & la plus epesse substāce demourera audit vaisseau troué, laquelle tu pourras jeter en voye. Puis mets vne pierre sur le pot, & le mets bouillir tant qu'il escume, & quand il aura tout escumé, oste le du feu, & le laisse refroidir. En ceste eau esteindras tu ton fer, ou acier, tout rouge, par ainsi le rendras mol comme cuiure,

& pour le réduire tu le feras rouge & l'esteindras en eau froide
¶ *Vn autre.*

Pren l'herbe qu'on nomme pied de cheual & la distille, puis fay ton fer rouge, & l'esteins en icelle eau.

Item prens limasses pilées avec quelque bon vin-aigre auquel tu esteindras aussi ton fer, ou acier.

Ité esteins ton fer en sang d'aguille & sera mol pareillement.

¶ *Vn autre.*

Pren fer, ou acier, & l'envelope d'argille avec vn linge mouillé, puis le boute au feu, & le laisse en apres refroidir de soy mesme.

¶ *Vn autre.*

Pren le ius de marubium & le ius de mille feuille avec le ius de radis melle avec bon vin, & esteins ton fer en icelle mixtion.

¶ *Pour rendre le cristal mol tellement qu'on le puisse briser en pieces.*

Pren plomb brulé, & cristal de l'vn autant que de l'autre & le brisé sur vne pierre, puis mets ceste mixtion en vn cruset d'orfeure & le mets fondre, par ainsi le feras de telle forme que tu voudras. Le mesme pourras tu rompre & briser à ta voloté.

¶ *Vn autre.*

Pren chaux viue & cendres clauellees egaleement et en fay de la lessiue la coulant par neuf ou dix fois. En apres mettras tremper ton acier, ou cristal, en icelle lessiue par l'espace de vingt quatre heures, si le trouueras tendre à ta voloté.

¶ *Pour amolir le fer.*

Pren l'eau qui nage au dessus du sang humain, apres qu'on est saigné laquelle tu verseras tout bellement ius du sang. En apres mettras ton fer au feu tant qu'il deuienne chaud, puis d'vne plumette mouillée en la dite eau le frotteras tât & si longuement que l'eau s'euanoira & deuiendra mol.

¶ *Vn autre.*

Pren du miel ecumé, vrine de bouc nouuelle, alun, boras, huile d'oliue, & du sel:melle bien tout ensemble & esteins ton fer en icelle mixtion.

¶ *Pour vn peu amolir ce qui est trop dur.*

Ce qui te sera trop dur, tu le tiendras si longuement au feu qu'il deuienne bien chaud, puis pren suyf duquel tu froteras ta matiere, & le laisse ainsi passer en icelle chaleur.

¶ Pour amolir fer ou acier, en telle maniere qu'on le puisse courber & dresser a son plaisir.

Pren fleur de camomille avec vne partie d'herbe robert, & vne partie de verueine: mets tout cecy en vn pot avec eau chaude, & l'estoupe de sorte qu'il ne puisse sortir quelque fumée, puis le mets bouillir, & en apres y esteindras ta substance.

¶ Pour sauder toutes choses, & premierement pour sauder le fer froid.

Pren vne once de sel armoniac, vne once de sel commun, vne once de tartre calcinée vne once de estoffe de cloches, trois onces d'antimoine pile bien tout ensemble & le tamise, puis mets tout en vn linge & l'entourne tout autour d'argille bien preparé l'epaisseur d'un doigt et le laisse deuenir bien sec, puis le mets entre deux tests sur petit feu & le laisse chauffer petit à petit: Apres fay le feu plus grand, tant que ta masse deuienne toute rouge & se fondera ensemble, alors laisse le ainsi refroidir, puis apres le puluerise. Et quand tu voudras sauder quelque chose mets les deux pieces que tu voudras sauder sur vne table aussi pres l'une de l'autre que tu pourras, mais il faudra mettre du papier sous les dites pieces. En apres semeras de la dite poudre entre la iointure & vn peu au dessus d'icelle puis y feras quelque croute d'argille tellement toutefois qu'elle soit decouuerte par dessus, apres mettras du boras en vin chaud tant qu'il y soit tout consommé, puis d'une plumette froteras ladite poudre, & incontinent commencera à bouillir, & quand tu ne le verras plus bouillir, c'est signe que la consolidation est faicte. Et s'il y a quelque excrescence, il l'a faudra diminuer en la frotter tant ou esguiser, car elle ne se laisse point limer.

¶ Pour sauder quelque chose chaude.

Pren eau de gomme, croye puluerisée & en fay vne paste de laquelle tu oindras la chose fendue & mise sur la table à la maniere su-dite puis oteras la paste de dessus la iointure & la laisse à deux costez, puis oindras la iointure de saumon, & tiens vn charbon au dessus, incontinent la dite substance se fondera.

R E C E P T E S D E

Après ce osteras la-dite paste & sera fait.

¶ Pour sauder cuiure.

Pren demie once de cuiure, trois quarts d'once arsenicum album, mets fondre le cuiure & parts ton arsenic en deux, l'une des parties ietteras dedens le cuiure fondu en melant tout ensemble, puis y ietteras aussi l'autre partie: en apres le verseras sur vne pierre & le bats bien menu.

¶ Pour sauder fer.

Limes bien a propos & proporcion les ioinctures des fers, mets le apres dedans le feu comme dessus, iettans dessus verre de venise & sera saudé.

¶ Pour faire vne poudre laquelle rendra tout metal liquable & mol.

Pren vn quart de antimone, sain de verre, & du sel, egalemment puluerisé tout ensemble, puis pren d'icelle poudre trois parties, & vne partie de metal et le mets fondre.

¶ Vn autre sur arrain.

Prends du sel estampé, tartre salpetre, sain de verre, cendres de vigne, ou de lye de vin, chaux viue: puluerisé & le mets sur l'asiete.

¶ Pour faire mordre en fer, acier, couteaux, harnois.

Pren vne partie de charbon de tilleut estâpez, deux parties de vitriol avec autant de sel armoniac, puis estampe tout ensemble avec du vin aigre tant qu'il deuienne comme paste molle. Or quand tu voudras mordre en fer ou autre chose, fay premierement la description comme tu voudras & ce avec du vermillon melle avec huile de lin, puis le laisse secher, en apres le couuriras de la-dite substance quasi lespesseur d'un doigt, laquelle tant plus chaude y sera mise, & tant plus tost sera fait, mais il faut garder de le bruler. E apres qu'il sera bien sec tu osteras la-dite poudre & laue trebien l'engraueure.

Item on prend aussi deux parties de verd d'espagne ou vne partie de sel commun & en lestampant en quelque mortier on y adioute du vin aigre fort, puis on le fait comme su-dit est.

Item pren vitriol, allun, sel, vinaigre, charbon tillet, & fay comme dessus.

¶ Pour graner avec eau.

Prep

Pren verd d'espaigne, argent vif sublimé vitriol & alun ega lemēt pile bien tout ensemble & le mets en vn verre le laissant ainsi vn demy iour & le mouuāt souuente-fois, puis fay ta description comme tu voudras avec cire ou ocre artificiele et huil le de lin mesle, ou vermillon melle avec huile de lin, puis l'oin-dras d'icelle eau, & le laisse ainsi l'espace d'vn iour mais si tu veux que ta descriptiō soit biē profonde engrauee, laisse le ainsi plus long temps. Mais si tu veux engrauer escritures ou images tu feras vne asiete de cire en laquelle tu feras ta descriptiō avec la pointe d'vn poinson jusqu'au fond, puis y verferas l'eau laquelle engrauera. Ou tu pourras mettre sus ta description faite comme dessus mercurium sublimatum, puis y verse du bon vin-aigre dessus & le laisse ainsi l'espace d'vne demie heure.

¶ *Vn autre plus forte & plus mordante.*

Prē verd d'espaigne vn quart d'ōce, alun de plume, sal armoniac tartre, vitriol, sel commun de chacun le quart d'vn once, le tout biē estapé & mellé avec vinaigre fort, puis le laisse ainsi l'espace d'vne heure. Et quand tu voudras que ta description soit eleuée, descris avec ocre artificiele & huile de semence de lin broyes & melles ensemble, puis le laisse bien secher, puis mets chauffer l'eau sudite en vne poelle plombée, la laissant sur le feu. Pren apres ton acier & le tiens au dessus de la-dite poelle, sus lequel verferas de ladite eau chaude avec vne cuilier: par ainsi l'eau retombera en la poelle, & n'y aura rien de perdu. Fay cecy par l'espace d'vn quart d'heure: mais que l'eau ne soit point trop chaude, de peur que l'huile qui estoit mellé avec le vernis ne s'ecoule. En apres frotte ius la matiere sudite avec cendres ou chaux viue: & lors trouueras que ce qui estoit parauant oint, sera entier & eleué, & l'autre engraué.

¶ *Pour faire couleur d'or ou d'argent à mettre sur tout metal, et pour faire vne asiete aussi d'or ou d'argent sur fer ou cloche ou pierre, laquelle ne se desera point à l'eau.*

Prens vne partie de ocre la deuxiēme partie de minie la quatriēme partie de bole armenique & autant de eau de vie: & broye bien tout ensemble avec huile de semēce de lin; & y mets aussi la grosseur d'vne noisette, de gallissenstein, & trois ou quatre gouttes de vernis. Si la couleur est trop epeüe, mets y vn

RECEPTES DE

peu plus de ladicte huile: puis le passe par vn linge bien menü en vn vaisseau net, & sera de l'epaisseur de miel: puis en fröte ce que tu voudras, la laissant secher, puis mets ton or ou argent dessus.

¶ *Couleur d'or pour mettre sur l'estain ou le cuiure.*

Pren vn petit pot, bien plombé & y mets trois onces d'huile de semence de lin, puis prens demie once de mastix & demie once de aloë epaticum citrinum & les puluerise tre-bien, puis les verse audit huile & les couure bien ferré avec vn autre pot, auquel tu feras vn petit trou par dessus, a sauoir au fond du-dit pot lequel sera en haut. Oins bien le-dit pot avec bonne argille, & qu'il soyent si bien ferré l'vn sur l'autre que rien n'en puisse sortir: puis y boute par en haut vn baton qui soit large par deffous, avec lequel tu le puisse mouuoir: & laisse tout bouillir comme on fait le vernis de paintre. Apres poli bien ce que tu en veux d'orer, & puis aplique la-dite couleur dessus, la laissant secher au soleil: & s'il n'y en a point assez, mets en tant qu'il soit bien.

¶ *Vn autre.*

Pren vernis sec, amber & alun de ces deux autant de l'vn comme de l'autre: puis prens vernis & huile de semence de lin: mets bouillir tout ensemble sur vn feu de charbon en vn pot bien plombé à ce que tout soit bien mellé l'vn parmy l'autre: puis l'essaye sur vn couteau, & si elle est trop epeisse mets y plus d'huile, si trop clere tu y mettras plus d'alun.

¶ *Vn autre.*

Demie once de aloë epaticum citrinum, demie once de amber: ces deux choses bien puluerisees mets les sur vn feu temperé en vn pot plombé, mais que il ne soit point trop chaud du commencement. Et quand tout sera fondu, verse de l'huile bouillante dessus, le mellant bien ensemble avec vn petit baton: apres le laisse refroidir, puis le passe par vn linge.

¶ *Vn autre.*

Demie once de bole armenic, demie once de gome blanc, & les mets sur feu de charbon, y adioutant vne once d'huile de lin: & quand on le pourra estendre comme vn filet, ce sera fait.

¶ *Couleur d'or sur estain.*

Pren

Pren huile de lin, bien mondifié sur le feu puis y mets amber & aloë epaticum citrinum d'un autât que d'autre, & bien estampez: apres les melleras si bien avec l'huile sur le feu, qu'il en detienne epés: puis l'oteras du feu & le meteras bien couuert sous la terre par l'espace de trois iours: Et l'estain que tu en doreras prendra couleur d'or.

¶ Pour argenter du cuiure,

Pren tartare de vin, alun & sel: broye bien tout ensemble sur vne pierre: puis y ajoute vne fueille d'argent ou deux, les broyât bien aussi avec les choses sudites. Mets tout en vn pot bië plombé y adjoutant de l'eau à lauenant: puis iettes le cuiure dedens, apres le frotte d'un esponcette: ainsi pourras tu veoir quand il sera assez.

¶ Pour d'orer fer ou acier.

Pren tartare de vin vne part, la moitié d'autant de sel armoniac, autât de verd d'espaigne, & vn peu de sel. Mets tout bouillir en vin blanc puis en oins ton fer ou acier apres l'auoir bien poly: laisse le secher, & lors d'ore le d'or moulu.

¶ Pour faire vne eau à d'orer sur fer ou acier.

Pren vne once de grauelée, vne once de vin blanc, vne once d'alun, demie once de salgemme, alun de plume la pesanteur de deux gros, verd d'espaigne la pesanteur de deux gros, coprose la pesanteur d'un gros, sel gros, vne pinte d'eau courante. Mets bouillir cecy iusqu'à la moitié, puis le mets en vn pot neuf, mettant dessus sept ou huit fueilles de papier epés & vne tuile dessus, afin qu'il ne reçoie point d'air.

¶ Pour tenir tout fer ou acier nettement & aussi tout instrument de guerre.

Pren plomb limé bien menu & le mets en vn pot avec huile d'oliue tant qu'il en soit couuert, le laissant ainsi neuf iours de long: puis oins de la-dite huile les harnais, epées, fer ou acier, & ne s'enrouilleront point. La graisse de pieds de bœufs apres auoir este boillis est aussi bonne pour le mesme.

SECONDE TRAITÉ CONTENANT LA
 maniere d'oster legerement avec eaue ou lessiue sans aucun
 dommage toutes taches hors d'acoustremens de drap, de ve-
 lours, de soye & autres pieces, soit qu'elles soyent faites
 par huile, par gresse, par vin, ou queles
 qu'elles soyent.

¶ *Pour rendre à vn drap sa couleur perdue.*

Prends vne liure de potasse brisée & y ayant versé dessus enui-
 ron quatre pintes d'eaue, laisse les reposer vne nuit. Puis verse
 hors la lessiue, mets dedans icelle deux fielz de beuf, & vne poig-
 nee de feuilles de Bouleau seiches, & les laisse boullir ensemble
 demie heure de long, ou bien iusques à ce q̄ les feuilles voient
 au fond. Puis la laisse refroidir, & telle couleur perdue q̄ tu vou-
 dras rendre, prends tondures de drap de telle couleur, & les bou-
 lls derechef avec ladite lessiue, la laissant ainsi reposer par l'espa-
 ce de xiiij. iours ou d'auantage, car la lessiue tirera à soy la cou-
 leur des tondures ou bourre. Verse la hors, & en laue le drap a-
 uec, & il reprendra de nouveau sa premiere couleur.

¶ *Pour oster taches d'un drap.*

Prends lessiue froide faite de cendres de fau, & y mets vn peu
 de lies de vin, & de vieille argile de quelque four, metz y le drap
 dedans à l'endroit de la tache, car elle tirera toute la tache hors,
 puis laue bien le drap avec eaue nette, & le laisse essuyer au So-
 leil, & si la tache n'est bien nettooyee, fais derechef cōme deuant.

¶ *Autre maniere.*

Prends six onces d'alun de fece, quatre onces tartari crudi, deux
 onces d'alun, demie drachme de camphre, demy drachme de
 sanguis draconis, piles les bien menu, & les mesle bien ensen-
 ble. Prés puis apres six onces de fiel de beuf, trois pintes d'eaue
 claire, mets le tout ensemble en vne chaudiere, & le laisse bouil-
 lir iusques à diminuer les deux tierces parties, puis le passe par
 vn linge, & encore q̄ le fiel ne le camphre n'y soyent pas, si fera
 l'eaue forte asses. Quand tu en voudras vser, baigne vne piece de
 drap neuf dans icelle eaue, & en frotte bien la tache, apres que
 la piece aura perdu toute son humidité, mouille la derechef, &
 en frotte la tache tant & si longuement qu'elle soit osee. Puis
 prends eaue chaude, & en laue l'endroit ou la tache a esté. Mais

si le

Si le drap est blanc, prens vn petit de sauon avec icelle eau, & la distille, & en vse comme deuant.

¶ *En autre sorte.*

Prens six fiels de beuf, & deus fois autant d'eau de pluye, de my liure de tartar, vne once d'alun, pile les bien menu, & prens vn verre plain de vinaigre, dans lequel mettras six drachmes de vitriol bien broyé, verse le tout ensemble, & les laisse bouillir iusques à diminuer les deus tierces parties, et en vse come dessus.

¶ *Eau pour oster taches hors de drap blanc.*

Prens quatre onces d'alun de fece, vne pinte d'eau, laisse la bouillir iusques à la consumation de la quatrième partie. Prens puis sauon blanc, & le coupe bié menu, vne once d'alun, mets tout en l'eau, & l'y laisse par l'espace de deux iours, & en vse puis sur ton drap blanc comme dessus.

¶ *Pour oster taches de gresse ou d'huile hors de drap blanc.*

Prens empoys qui soit boulli avec la farine, trempe le drap la dedans aussi auant que vient la tache par l'espace d'une nuit, laque-le puis apres avec eau de riuere nette, & le pends à la plus grande chaleur du Soleil: mais si le drap est de couleur noble, il ne faut pas pendre trop chaudement, que le Soleil n'appalisse la couleur, car la chaleur du Soleil nuit legerement aux couleurs belles.

¶ *Pour oster taches de gresse, & d'huile hors de toutes sortes de drap, quant ce seroit du blanc.*

Prens le bouillon de pois, trempe l'endroit du drap ou est la tache la dedans, puis la laue avec eau de riuere nette, pends-le puis apres au Soleil.

¶ *En autre sorte.*

Prens lessiue coulee froide, lies de vin blanc vn peu eschauffees, & bien meslees ensemble. Mais il faut garder qu'elles ne soyent trop chaudes, & les laue hors comme dessus.

¶ *Pour oster taches de vin hors de toute sorte de draps.*

Prens lessiue faicte des cendres de fair, & lies de vin blanc au tant d'vn que d'autre, trempe le drap vne nuit la dedans, & laue le apres d'eau freche, & seiches au soleil.

¶ *Pour oster toutes taches hors de draps de soye.*

Prens le ius de champignons gros rons, de goust pic-
quan-

RECEPTES DE

quantés, trempe les taches la dedans par l'espace de deux heures, puis les laue avec eue claire, & les laisse secher.

¶ Pour oster toutes taches hors de velours cramoisi.

Prends cendres de reinseaux de vigne, & en fais bonne lessiue, de laquelle prendras vne pinte, & y mettras dedans demy once d'alun de fece, laisse la reposer quelque temps, puis la coules.

Prends puis vne dragme d'alun, demye dragme de saun d'espaigne, & demy dragme de saun mol, vn quart de dragme de sel eõmun, & vn quart de sel armoniac, demi quart du ius de Chelidone, vn quart de fiel de veau. Mets le tout ensemble & le passe par vn linge. Et quand tu voudras vser de ladicte eau, prends bourre d'escarlante, & vn peu de bresil menu, boullisses tout vn peu en ladicte eue, puis le passes par vn linge, & tu auras vne belle eue rouge, laquelle oste les taches de tous semblables cramoisis. Et de telle couleur qu'est ce d'ond vous voulez oster la tache, de telle couleur vous faut il prendre la bourre. Toutefois s'il n'est rouge, il faut oster hors le bresil.

¶ Pour coller velours, & le faire roide.

Prends quatre parts de gomme dragagant, vne part de gomme arabique, pile chacune d'icelles à part, puis les mesle ensemble en vne esuelle, & apres auoir versé dessus belle eue clere, laisse les reposer vn iour & vne nuit. Puis d'vne esponge plongee en ceste eue frotte l'enuers du velours, puis le laisse secher.

¶ Eue pour oster toutes taches hors de drap d'or, & de velours.

Prends arsenicum rubeum crudum, martem crudum, d'vn autant que d'autre, apres qu'ilz sont bien broyez, verse eue nette dessus, & en y adioustant herbe quintefueille laisse le boullir iusques à la moytié: puis la laisse refroidir, & estre au soleil par l'espace de deux heures, laues en puis tõ drap, & le laisse essuyer au soleil.

¶ Pour faire saun à oster toutes taches.

Prends alun de roche vne liure puluerise la, de racines de flambe florentine puluerisees demy liure, vn œuf frais, deux liures & demie de saun d'espaigne broye les poudres susdites avec l'œuf & saun, & en fais des pommés. Si vn œuf ne suffit, près en autant que bon te semble. Et quand tu voudras oster la gresse, laue l'endroit de la tache à deus costez du drap, d'eue net-

te, puis le frotte desdites pommes, & drap sur drap. Ce faict laue hors l'ordure avec eaue nette, & tords le drap, afin de mieux faire sortir la gresse ou ordure. Puis le laue toujours avec eaue nette, & il se nettoira.

¶ Pour oster taches d'encre, de noir, ou autre chose hors de drap, ou de linge.

Prends limons verds, ou orengees verdes avec les escorces, lesquelles les Italiens appellent Pommes d'Adam, ou lesquelles tu veus des deus, Ne prends sinon l'humidité liquide que tu tireras dehors en les pressant, de laquelle froteras bien les taches puis les lairas essuyer. Puis prends eaue tiede, & en laue lesdites taches, & les laisse derechef essuyer. Et s'il te semble que de la premiere fois la tache ne soit assez ostee, fais le encore vne fois, & le drap retournera en sa couleur.

¶ Pour oster taches hors d'escarlata ou de velours de couleur, sans en rien toutesfois endommager la couleur.

Prends le ius de Saponaria, ou herbe à foullon, lequel mettras sur ton drap à l'endroit ou est la tache l'y laissant vne heure de long si c'est en esté, & quatre heures de long s'il est yuer, puis prends eaue tiede, & en laue ton drap à l'endroit ou est la tache, & s'il ne se nettoye net, mets y davantage de ius dessus, ou de l'humidité sus-dite. Mais si c'est escarlata non teinte en graine mets y dessus moitié saumon noir, moitié ius, puis le laue avec eaue chaude, & la tache s'effacera.

¶ Pour oster taches d'huile ius de parchamin ou de papier blanc.

Prends os de brebis, & les brusle & puluerise: d'icelle poudre frote en la tache aux deux costez, & les mets ainsi entre deux ais en la presse par l'espace d'une nuit, & la tache s'en ira.

TRAICTE TROISIÈME. POUR

taindre filet & toille, enseignant la maniere de faire les couleurs & teintures, d'avantage pour taindre cornes & os, & pour les amollir & bailler telle forme qu'on veut.

¶ Pour taindre filet ou toille en brun.

Il faut prendre vne liure de saffran bastard, lequel mettras en sachet

fachet, & pendras en eau de riuere vn iour & vne nuit, puis le laue tant qu'il ne rende plus couleur iaulne, puis dedans vn pot faiçts vn lit de Safran, non par trop espes, puis vn lit de cendres clauellees bien puluerisees, puis de-rechef vn lit de safran, puis de cendres. Puis les couuiras tre-bien, & laisseras reposer sept ou huit heures. Apres prens huit pots d'eau, quatre pots de vin-aigre, & mettant le safran avec les cendres en vn sac long & pointu, passeras parmy quinze ou seize fois ladicte eau & vinaigre tous chauds: Et ceste est la derniere tainture. Prens puis encores autant d'eau & de vinaigre, & les passe parmy: ce sera la seconde tainture. Fais en pareille sorte pour la tierce fois, & ce sera la premiere tainture. Celle tainture mettras chauffer, & laisseras tremper ton filet ou linge là dedans par l'espace d'une nuit, puis le pends sans l'escourre ou frotter. Fais en pareille sorte avec la seconde tainture, & avec la tierce pareillement, mais laisse-le tremper dedens sept heures de long.

¶ *Pour taindre filet ou linge en bleu.*

Prens bayes de hyeble bien meures, & bien seichees au Soleil, puis les trempe en vinaigre par xij. heures, frotte les puis avec les mains, & les passe par vn linge, en y adjoustant verdet brisé & alun. Si le bleu est trop clair, mets y du verdet dauantage, & trempe ton filet ou linge dedans. Ou prens cufines qu'on appelle en Alleman heydelbesien, verse eau dessus, & les laisse tremper trois ou quatre iours, & y adjoustant de l'alun, fais les boullir ensemble.

¶ *Teinture bleue, pour taindre toutes choses.*

Prens vne once de batture de cuyure, vne drachme de sel, trois culieres pleines de vinaigre. Mets tout ensemble en vne culiere de cuyure, ou quelque autre vaisseau fort de cuire, & quand tu voudras taindre, mets ladite matiere au bouillon chaud de bon bresil, & en tains ce que veus.

¶ *Autre maniere pour taindre en bleu.*

Prens les trois parts des cendres clauellees, vne part de chaux viue, fais en lessiue, laisse la clarifier, puis la passe par vn gros linge, Prens d'icelle lessiue xv. pots, & les verse sur vne liure de pers de Flandre, qu'on recueille es chaudieres des Teinturiers, les meslant bien ensemble avec vn baston: Mets la puis au feu

iusques à ce qu'à grand peine y puiffes endurer la main. Mais avant que taindre, il faut que tu ayes ton linge boulli en alun, puis effuié, puis le plongeras en la lessiue chaude par deux ou trois fois, selon que tu veus auoir la couleur chargée ou claire. La tainture doit estre chaude, auant qu'en pouuoir vser.

¶ *Pour taindre en rouge.*

Prends demy once de bresil raclé, demy once de vermillon bien broyé. Boullis les en eaue de pluye, mets y dedans d'alun aussi gros qu'une noix. Boullis le tout iusques à moitié, & en tains. On peut boullir aussi le bresil par deux ou trois fois, en y adjoûtant à chacune fois vn peu de vermillon, On en pourra aussi faire autant de taintures que l'on voudra.

¶ *Autre maniere.*

Prends chaux viue, verses y caue de pluye dessus, & la laisse reposer vne nuict, passant puis le plus clair par vn linge, & pour chaque chopine d'eaue y mettras demy once de bresil raclé.

Laisse la boullir iusques à moitié, & y adjoûte demy once d'alun, verse la ius du bois, & la mets chauffer sans la laisser boullir. Quand tu en voudras taindre, tu auras tousiours ce qui est à taindre préparé en la maniere que sensuit.

Prends lie de vin rouge la mettant dedans vn sac de sorte que tout le vin s'en coule, & deuienne sec, faietz de cela pommes de la grosseur d'oeuf de gelines, les laissant seicher au soleil en les brulant apres en cendres, de ceste cendre faietz lessiue forte, & la faietz trèsbien chaude & mouille la dedans ce que tu veuls taindre le seichât apres, puis teinds cela de la teinture prediète.

¶ *Pour taindre en rouge.*

Prends pour chacune liure de drap vn quartron d'alun, & le boullis, puis mets le drap dedans deus heures de long. Prends puis rosette de bresil avec gomme arabique, & les laisse boullir enuiron vn quart d'heure. Coule la puis, & mets dedans ton filet, drap, ou ce que tu voudras.

¶ *Pour faire rosette belle.*

Prends vn lot d'eaue, vne once de bresil. Boullis les iusques à moitié, puis les oste du feu, & y mets autant de Graine que te semble necessaire, demy quartron de gomme. Si tu veus auoir vn leger rouge, verse la en vn autre pot, ou adjoûte y vn quar-

tron d'alun puluerisè, & la laisse ainsi reposer vne nuit.

Pour taindre boys, os & cornes en verd.

Prends deux parts de verdet, vne troisieme de sel Armoniac, broye les bien ensemble, & les mets en fort vinaigre. Mets dedans ce que tu veux taindre, le couurant tresbien, & le laissant ainsi reposer iusques à ce qu'il soit asses verd. Mais auant que taindre, il faut tousiours tremper vn demy iour en eaue d'alun ce qui est à teindre, & puis le bien essuyer.

¶ Autre verd.

Mets ta corne, os, bois, ou ce que tu veux taindre en vn pot vernissè, & verse dessus fort vinaigre, y meslant parmy verd de gris, qu'il soit espes asses, & non clair. Couure le bien puis, & le mets sept iours de long sus vue fumier chaud, & s'il n'est alors encore asses verd, laisse le la plus long temps. On peut faire le pareil avec verdet.

¶ Pour taindre cornes, os, & bois en rouge.

Pour taindre les choses susdites, Prends chaux viue, verse y dessus eaue de pluye, & la laisse ainsi reposer vne nuit, le lendemain au matin, passe le plus clair par vn linge, y mettant pour chacun pot d'eaue demy once de racleures de bresil, & les laisse bien boullir là dedans: toutesfois il faut tousiours que elles ayent esté premierement boullies en allun comme dessus.

¶ Pour taindre en iaulne.

Prends l'escorce de Pommier, non celle rude exterieure, mais l'interieure, taille la par petis loppins, en y versant dessus eaue, mets ton bois, os, ou corne dedans avec alun, & les laisse bien boullir ensemble.

¶ Pour taindre en noir.

Prends noix de galles brisées, & les boullis en fort vinaigre, mets ton bois, os, ou corne dedans, & les laisse bien boullir ensemble. Tire les puis hors, et les mets en vne glaire d'œuf, en y adjoûtant le ius des escorces de noix gaugues, laisse les derechef bien boullir ensemble.

¶ Pour amollir cornes.

Prends vrine d'homme, qui ayt esté tenue estoupee vn mois de long, mets y dedans vne liure de chaux viue, & à demy auant de cendres clauelles, ou de cendres de lie de vin, quatre on-

es de tartre, & autant de sel. Mesle bien tout ensemble, laisse les bien boullir, puis les passe par vn cédrier deux ou trois fois. Tiens puis ladite lessiue bien couuerte, & quand tu voudras amollir cornes, mets les tremper huit iours dedans, & les cornes seront tellement amollies, que tu les pourras tailler & acoustrer en telle sorte que tu voudras.

Ou faites lessiue de cédres des testes & tiges de pavot, & dedans la lessiue laisse boullir les cornes et autres choses semblables

¶ *Pour amollir cornes, de telle sorte, qu'on les pourra
imprimer en figures.*

Prends vne liure de cendres, desquelles on fait les verres, vne liure de chaux viue, vn pot d'eau, laisse les boullir tant & si long temps que les deus tiers soyent diminuez, puis y boute vne plume dedans, & la tire entre les doigts: car si la plume se poille ou desplume, c'est signe qu'il est cuit assez: & si elle ne se poille point, laisse le cuire d'auantage: & quand il sera assez cuit, laisse le clarifier, & le verse hors. Prends puis les limatures de corne, & les laisse tremper là dedans deus iours de long: alors oings bien les mains d'huile, & ouure bien la corne entre les mains comme vne pate, puis la presse en quelle forme tu voudras.

¶ *Autrement.*

Prends ius de Marrubin blanc, & d'Ache, & de millefeuille, ius de raifort, ius de chelidoine & fort vinaigre. Mesle les tout ensemble, & mets ta corne dedans, bien couuerts par sept iours de long en vne fumier, puis fais comme dessus.

¶ *Pour ietter cornes en moule comme plomb.*

Prends cendres clauellees, & chaux viue, fais en lessiue forte: mets dedans la limature de corne, & les laisse bien boullir ensemble, & deuiendront comme pappin, & mets y dedans de telle couleur que tu les voudras auoir, puis les iette en telle moule que tu voudras.

¶ *Pour faire pierres d'ambre claires.*

Boullis de la terebinthine en vne poille plôbee, avec vn peu de cotton, les remuant iusques à ce qu'ilz deuiennent: espes comme pappin: puis les verses en quoy vous voudres, le mettât au soleil par l'espace de huit iours, lors il sera clair & dur assez. On en peut faire patenostres, mâches de cousteau, & ce qu'on veut

¶ Autrement.

Pren xvj. jaunes d'œufs, & les bats bié avec vne culiere, pren puis deux onces de gomme arabic, vne once de gomme de cerifiers, reduis les en poudre, & les mesle avec les jaunes d'œufs, laisse bien fondre les gommcs, & les verse en vn pot plombé, mets les six iours de long au soleil, & ilz deuiendront durs & transparens comme verre, & quand on les frote, tirent à soy pailles comme autre pierre d'ambre.

¶ Pour polir & donner lustre aux pierres precieuses.

Pren poudre d'Antimoine, & l'espars sur vne table de plomb bien vnée. Polissez la dessus vostre pierre, cela la tiendra en son lustre.

¶ Pour faire pierre qui s'allumera la mouillant avec le doigt.

Pren vne pierre d'Aymant qui attire à soy d'vn costé, & repousse de soy, de l'autre costé: mets la en vn pot plombé, y adiouste quatre liures de poix, vne liure de souffre, lutes bien le dit pot, & le mets en vn fourneau, luy baillant petit feu l'espace d'vn iour & d'vne nuit, augmentant le feu pour le second iour, & le tiers iour encore plus fort, iusques à ce que l'aymant soit embrasé. Apres auoir eu tel feu & esté embrasé, laisse le refroidir, il est préparé pour en tirer du feu quand on s'en vouldra seruir.

¶ Pour amollir cristal & pierres precieuses de sorte qu'on le pourra tailler comme fromaige, & qu'estant mis en moule deuiendra derechef dur.

Pren au moys d'Aoust sang d'oyson, sang de bouq, & les laisse secher iusques à ce qu'ilz soyent bien durs: & quand tu voudras amollir le cristal ou pierres precieuses. prens desdits sangs autant d'vn que d'autre, & les reduits en poudre, puis verse dessus lessiue forte faite de cendres clauellees, & les laisse entremeller ensemble en vn pot, en y adioutant vne escuelle pleine de fort vin-aigre. Et quand tu voudras amollir ta pierre, jette la dedans, & la laisse vn peu chauffer, lors elle se laissera tailler & former de telle sorte que lon voudra: iette la puis en eau froide, & deuiendra derechef dure en dedens vne heure: & on luy rend son lustre comme dessus.

Pour

¶ Pour contrefaire perles lesquelles seront fort belles, cōme naturelles.
 Prens en esté les coquilles ou escailles de moelles blanches, & les nettoye tresbien d'vn cousteau : prens pareillement vne partie de coquilles de limasson, des pl^r nettes que pourras trouuer, & apres estre trebien lauees, pile les ensemble en vn mortier de pierre, aussi deliées que tu peux, & les laue biē nettes au soleil sur vn linge: puis les mets en vn pot neuf bien net, lequel luteras avec lutum sapientia, lequel estant seché au soleil, mettras en vne fournaisse de chaux, le laissant cuire au si long temps qu'on est acoustumé la chaux, puis les tire hors, & tu les trouueras reduites en poudre aussi blanche que neige. Puis prens claire d'œuf nettoye & defaite avec vne esponge, melle les poudres avec la claire en vn telle bien nette, puis laue bien les mains, & forme tes perles de la grosseur que tu voudras les perçant d'vne soye de pourceau, ce pendant qu'elles sont encore molles. Mets les puis en vn telle nette au soleil, plus sera chaud, tant sera meilleur: il les faut toutesfois bien garder de la pluye: puis les polis en vin rouge, & les laisse secher; & tu auras de belles perles.

¶ Pour taindre draps de soye qui ont perdu leur couleur en noir.

Boullis premier ton drap de soye vne heure de long, en couleur faite d'escorce de chesne, laisse les puis apres essuyer au vent. Tu le feras puis apres bouillir deux fois en tainture noire, & le laisse essuyer à chacune fois: s'il n'est noir assez, fais le bouillir en eae de galles, & tainture noire, iusques à ce qu'il soit noir asses, laisse le puis essuyer, & oings avec burre & autre gresse, & le frotte bien hors. Il faudra depuis mouiller le drap de soye en eae de galles, le y laissant tremper vne heure de lōg, puis le laisse essuyer, & metz en lesiue de son & de cendres de serments de vigne, le y laissant par l'espace de xij. heures ou dauantage: puis le bien essuyer, & bouillir en tainture noire iusques à ce qu'il te paroisse beau asses.

Pour faire ladite tainture noire, prens vne liure de noix galles, vn quarteron de coupe rose, boullis les ensemble, y mettāt dedans demy quarteron de farine de seigle, autant de poudre de grez: autant d'escorce d'Aulne, autant de fer vieil; & de batture ou écaille de fer: melle le tout ensemble, & le laisse reposer trois

iours auant que y mettre quelque chose dedans, & faut qu'il soit à chacune fois essuyé auant que le rebouter dedens.

¶ Pour taindre coiffes ou soye en rouge.

Mets premier ta soye ou coiffe boullir en eau d'allun: prens puis eue de son & garance, & le laisse chauffer, mets tes choses dedans, sans les laisser bouillir, laue les puis en vn petit de lessiue, puis en eue, & seront belles.

¶ Pour taindre filet de couleur terrace.

Prens escorces de grenades, escorces d'orenges seches, laisse les bouillir avec alun de la grosseur d'vne noix, puis coule la tainture, & en icelle tu boulliras ton filet.

¶ Pour taindre filet en noir.

Prens galles brisees, & les laisse boullir en vn pot avec eue, quand elles auront vn peu bouilly, tire les galles dehors, & bou te au pot autant de vitreol Romain, avec vn peu de gomme arabic, laisse les boullir, & mets ton filet dedans, puis le tire hors.

¶ Pour taindre filet en gris.

Prens de la tainture noire sus-dite, adiouste y à demy autant d'eue, plus ou moins, selon que tu veux changer ta couleur. Laisse boullir ton filet là dedans, & il sera gris.

QUATRIESME TRAICTE, ENSEI- gnant diuerses manieres de d'orer, argenter, & taindre cuy- ure, fer, & autres metaux: pareillement pour former, fondre, & faire quelques couleurs.

*Pour preparer le Mercure, & l'endurcir de sorte qu'on le pourra
liquefier, & mettre en œuvre.*

¶ L'Empereur Frederic a fait faire de la matiere suruante plusieurs images qui sembloient d'argent, à Vienne & Nieu-
stadt en Autriche, & fut trouuee l'inuention par M. Guillaume & M. Martin ses Alchimistes.

Pour ce faire, il faut fondre Saturne, c'est à dire du plomb, & le verser en vn creuset rond, ce pendant qu'il est ainsi chaud. Presse de rondes pierrettes dedans, afin d'auoir de rondes fosses par dessus lesquelles estendras vn linge, & verseras Mercure
dessus

dessus autant que voudras, le mettant ainsi es cendres chaudes, jusques à ce que le Mercure soyt endurcy. Et quand il sera endurcy, romps le par petis loppins, & le iette en fort vin-aigre, & le fais bouillir là dedans le quart d'un heure. Ou bien prens le ius de langue appellee herbe de beuf, avec vn peu de vin-aigre & d'huile, fais bouillir là dedans les pieces de ton Mercure rompu, comme dessus, & par ce moyen sera il vrayement mortifié, autrement il reprendroit vie. Prens puis deux onces de sel Armoniac, vn demy pot de vin-aigre, & les verse avec ton Mercure bouilly en vn pot plombé, & le lutant & estouppant rresbien, le laisseras reposer huit ou dix jours, car par ce moyen le vin-aigre oste toute la rougeur du Mercure. Puis mets le Mercure en vn pot bien luté dans vn fourneau à vent, jusques à ce qu'il deuienne embrasé, augmentât petit à petit le feu, afin qu'il se tienne long temps embrasé, jusques à ce qu'il face creueure, lors c'est signe qu'il est assés. Mets puis le Mercure en vn pot, au fond duquel y a du souffre, estouppe bien le pot, & le boute es cédres chaudes, ou sur feu de charbons afin qu'il s'eschauffe petit à petit, & que le Mercure recoiue la fumee du souffre. Fais ainsi vne fois le iour trenté iours durans, puis tire le Mercure dehors, car il est alors dur assés pour le battre & iecter, Prens de tel Mercure cinq onces, & dix onces de Venus, c'est à dire, cuiure, fonds les ensemble, & semblera à toutes prouues que ce soyt vray argent.

¶ Pour faire formes, ou mouilles esquelles se pourront exprimer choses subtiles & delicates.

Pren orpiment & paillettes de fer, d'un autant que d'autre, iceux bié temperes avec claire d'œuf sont bons à faire formes. Ou bien prens escailles d'œufs calcinees, tēperees, cōme dessus.

¶ Matière pour fondre.

Plomb, estain vvisemut qui est le vray & naturel estain, fonds les ensemble, y adjoutant oing & suif, & quand tu veus fondre, mets dedans vn peu de suif.

¶ Matière faite de papier, ou autre chose pour exprimer quelque sorte de figure qu'on veut sus fer blanc. &c.

Mettes vostre papier ou parchemin à l'enuers sur le fer blanc, apres mouilles-le par dehors, le laissant seicher de rechef, alors

tire le ius, & verras l'impression sur le fer blanc.

¶ Pour bien d'orer.

Cuits ton argent en Tartar, nettoye le bien, frottant d'espousettes, & le mets de rechef en tartar: puis prens deus pars de salpêtre, vne part de sel armoniac, vne part de verdet, deus parts de batture de cuiure, pile les bien petit, & les passé par le tamis, & les mets au tartar avec l'argent, il acquerra vne couleur rouge, sur laquelle tu d'oreras.

¶ Maniere de broyer l'or pour d'orer.

Prens vne dragme de fin or, bats-le bien, & y adjoutant deux dragmes de Mercure, mesle les bié enséble, puis mets vn creuset au feu, & quand il sera embrasé, mettes l'or avec le vif argent là dedans, & quand le Mercure sera en partie euaporé, verse le en vne escuele, ou il y ait quelque peu d'eau, & le laue hors, & il sera molu.

¶ Pour dorer du cuiure.

Fais vn fond de vif argent, sur le cuiure, puis luy donne vne dorure d'or molu, mets le puis sur les charbons, & quand il fuinera, oste-le, & le partis ou espars avec les espousettes de fil de cuiure, puis le mets derechef sur le feu, tant qu'il deuienne liquide, ou le fonde & se seiche, apres qu'on le laisse si long tēps sur les charbons iusques à ce qu'il achiere vne couleur rouge d'oree, tire-le ius, & le nettoyes avec l'espousette de fil de cuiure, puis le bruniffes.

¶ Pour d'orer fer.

Il faut bouillir le fer en vinaigre, sel, & vitreol, & si le fer est grand, on les oindra autour du fer qui soit chaud qu'il les face esleuer, puis induis l'or molu dessus comme deuant.

¶ Pour oster la dorure d'vn argent doré, de sorte que l'argent demeure entier.

Mets au tour de ton argent doré, du souffre, puis prens du Mercure naturel, en vn creuset d'orfeure, ou autre vaisseau, selon qu'il faut qu'il soit, & le laisse chauffer, & mettes l'argent doré dedans, le Mercure tirera le fond à soy, puis frotte l'argent avec l'espousette par dessus le Mercure, auquel l'or est, puis enbrase ton argent & le boullis derechef en eau de tartar, & il sera nettoyé bien net. Quand tu voudras tirer ton or hors du
Mercure

Mercuré. mets le en vn sachet de cuyr, le liant & estouppant par haut, comme on fait le Mercuré, fais y vn petit pertuis de la poincte d'vne esguille, & presse le Mercuré dehors au dessus d'vn bassin, & ce qui demeure au cuir, mets-le derechef dans vn creuset sur le feu laissant euaporer & aller en fumée le Mercuré. Prends puis ce qui est demouré, & le verse en vne chappelle ou creuset, & tu trouueras ton or.

¶ Pour separer l'argent du cuiure, soit qu'il soit en mo-
noye ou autrement.

Pren demy once de verdet, vne once de vitreol blanc, autant de souffre, demye once d'alun, boullis les-dites matieres avec plain vn verre ou autant que tu veulx de fort vinaigre, & mets l'argent dedens. Ton argent demourra entier au verre, auquel au l'auras bouilly, & le cuiure se consume en l'huméur.

¶ Poudre laquelle mettant sur quelque chose argen-
tee en osterá l'argenture.

Pren vne liure de lies de vin, vne liure d'arsenic, vne liure de sel vulgaire, vne liure de chaux viue, mesle les ensemble avec claire d'oeuf, & les mets dedans vn pot, qui se bouttera au fourneau à sublimer, & quand elle rendra vne fumée iaulnatre, elle fera asses.

Pour conuertir le cuiure en areyn.

Prends du cuiure autant que voudras, & la tierce part autant de pierre calaminare: reduis en poudre, & les mets ensemble en vn creuset, laisse les fondre ensemble par l'espace d'vne heure sur le feu, puis les verse.

¶ Pour fondre parfaitement tout metal.

Quand le metal est fondu: verses y la quatriesme partie de auxungia vitri aupres, & ce fondera parfaitement.

¶ Pour donner au cuiure couleur d'or.

Pren demy once de cuiure, vne dragme de tuthie d'Alexandrie, deux parts de dactes, deux parts de figues, grappes de vingne sauuage noires de la grosseur de trois auellaines, musc de la grosseur d'vne auellaine. Pile toutes les-dites choses ensemble comme vn papin, & bats ton cuiure bien delié, le coupant

puis par pieces: fais puis vn lit de la-dicte mixtion, & vn peu de tutia la dessus, puis ton cuiure dessus, puis vn liêt de la-dite mixtion, puis du tutie, puis du cuiure, puis de la-dite mixtion, puis vn peu de tutie, puis du cuiure, tousiours liêt sur liêt, puis lute le creuset ou tinnette ou ilz sont dedans, & le mets au feu, laissant fondre les-dites choses, puis les verse, & sera cōme or.

On prend aussi du tartre, farine de feues, tuthie, d'vn autant que d'autre, laisse les bien tremper avec vinaigre, puis les laisse essuyer, & les mets liêt sur liêt, pour chacune once de cuiure vne once de la poudre susdite, & prendra couleur comme dessus.

Pour faire vermillon.

Reduis en poudre vne partie de souffre, & le mets en vn pot plombé, le laissant là fondre, puis y adjouste deux parts de Mercure, les meslant trebien que le Mercure s'esuanuisse, laisse le puis refroidir, & le reduis en poudre delicee. Mets le en vn alembic ou en vn pot bien plombé dessus à gueule estroite, mettant dessus vne piece de fer, & quand icelle piece n'est plus humide, il le faut luter avec lutum sapientiaë, & le brusler au fourneau à sublimer.

Ou prens deux parties de vif argent, la tierce partie de souffre vif, mets le souffre en vn alembic de verre au fourneau le mettât sur les charbons bruslans, laisse le à long temps fondre, & puis prens ton vif argent, & le verse au souffre, les meslant dru & menu avec vn baston iusques à ce qu'il deuienne dur; puis les broye sur le marbre en poudre, & les mets en vn verre qui ayt le col long d'vne paulme ou dauantage: il le faudra luter vn doigt d'espes ou dauantage, & le mets sur vn trepier au feu, l'estouppant tresbien par dessus. Fais-le premier chauffer tout lentement, c'est à scauoir par l'espace de demy iour, puis fais le feu de plus grand en plus grand iusques au soir iusques à ce que tu en voyes sortir vne fumée rouge avec flamme rouge: car adonc est il bruslé asses, & le faut ôter du feu, & laisser refroidir de soymesme iusques à l'endemain, romps puis ton alembic, & tu trouueras du vermillon.

¶ Pour faire azur.

Pré demy once de sel armoniac reduit en poudre, vne once de souffre puluerisé, fais les fondre en vn pot vernissé sus le feu, & quand le souffre sera fondu, mets y dedans le sel armoniac, & deux onces de mercure, remue les bien avec vñ bastõ & les laisse refroidir, & estant refroidi reduis-le en poudre & le mets en l'alembic ou dans vn pot plombé le lutant trebien de l'espaisseur de deux doigts avec lutum sapientie, & le laisse secher, laissant vn petit ouuert le pertuis d'enhaut. Mets-le puis apres sur vn trepier luy donnat au commencement vn petit feu de charbons, mets la couuerture de fer dessus le trou du pot, & la regarde souuent si elle n'est plus humide, alors bouche le trou avec lutum sapientie, & fais vn bon grad feu dessous vne heure de long, l'augmentant tousiours iusques à ce que tu voyes premierement vne fumée iaune puis bleüe, & quand tu les auras veües, laisse le refroidir, & l'ouure, tu trouueras vn bon Azur au fond. Ou,

Preñ vne part de sel armoniac, vne once de souffre blanc, trois parts de Mercure, mesle les ensemble, & les brule en l'alembic de verre iusques à ce qu'il en sorte vne fumee bleüe. Ou,

Preñ demy once de sel armoniac puluerisé, vne once de souffre puluerisé, mets-le en vn pot, & y adiouste le sel armoniac puis apres, & deux onces de mercure, mesle les bien avec le baston, laisse les refroidir, puluerise les, & brusle en l'alembic comme le vermillon.

¶ Pour faire verdet.

Preñ arayn ou cuyure limé, arrouse le avec vrine vieille & sel armoniac, mets-le cuyure sur vn ajs au soleil, & quand il se sechera arrouse le de chef iusques à ce qu'il deuiene verd, ainsi se fait le verdet. Ou,

Preñ cuiure batu comme vne platine, nettoye-le bien, puis broye atrament sur vne pierre avec vrine, & en oings la platine de tous costez, puis la laisse essuyer au soleil, mets la puis dans vn pot plombé sur les charbons, la laissant bien chauffer par l'espace de deux heures, et aucunefois ouurant le pot par en haut, & quand tu en voiras sortir fumee noire, oste le pot du feu, & le laisse refroidir, & ouure le pot pour en oster la platine la puluerisant entre les mains, & ce que ne se veut encores pulueriser, fais

RECEPTES DE

fais derechef en toutes choses comme deuant, iusques à ce qu'elle se puisse rediger en poudre, puis la laue avec eau chaude, ou vrine dans vn bassin, & le laisse reposer car le cuiure yra au fons & l'atrament nagera dessus, verse la hors & seche le cuiure au soleil. En apres pren de ladite poudre vne liure de tartre calciné deux onces, bats le ensemble avec vrine d'enfant & les laisse secher, puis les mets en ton pot & les brule comme deuant à grand feu iusques à ce que tu en voie sortir vne fumee verte, laisse le puis apres refroidir & ouure ton pot, tu trouueras vn beau verd.

¶ Pour faire blanc de plomb.

Pren du plomb autant que tu veul nettoye-le à deux costez & le coupe par lames larges de trois doigts, & longues d'vne paulme ou d'auantage, pertuisant chacune lame par le bout, enfille les d'vne corde, & pren vne laye de bois de chesne ou vn pot de trois palmes de long qui aye la couuerture bien nette, pens puis tes lames en rondeur autour du pot par dedens, & y verse deux pots de bon vin-aigre dedens & vne poignée de sel, les mouuant ensemble sur le feu iusques à ce qu'ilz soyent sur le bouillir, couure puis le pot bien fort, que il ne puisse respirer, & le mets en lieu chaud le laissant la dix iours de long, ouure le puis & tire les lames de plomb dehors, tu trouueras à chaque costé des lames d'vn doigt d'espes de couleur blanche, oste la ius avec le cousteau & la mets dâs vn verre net. Pens puis les dites lames de plomb dans le pot, comme dessus le courant bien comme dit est, & le mettant en lieu chaud, & au dixième iour pren la couleur blanche, & prends derechef le plomb au pot, iusques à ce que tu aye assez de couleur amassée, broye la puis apres tout ensemble dans vn mortier, y adioustant vn petit d'eau per l'espace de demye heure. iusques à ce qu'elle deuiene espeüe comme boullie, mets puis la-dite poudre dans vn pot ou deux & les mets au soleil & les laisse secher & endurcir, tu auras alors ton blanc de plôb, mais il faut noter, que il faut tousiours reprendre les lames dans le pot, à chacunes fois, au si long temps qu'elles dureront, & si le vin-aigre diminue le renouueller.

¶ Pour faire Boras des Orfeues.

Pren amidon vne part, mastix vne part, euforbe deux parts, reduis

réduis le tout en poudre, & le boulis tant qu'il deuiene espes, mets le puis en vne phiole de verre, & l'enfouis soubs le fumier, & le laisse là l'espace d'un moys ou plus long temps.

¶ *Pour faire lutum sapientie.*

Lutum sapientie est vn mortierou boüe pour luter ou plastrer les alembics ou pots qui se môt sur le feu à celle fin qu'ilz ne se fendent ou creuent. Pour faire ce lutum sapientie. Pren de la meilleure terre de potier qui se trouue, mets la dans vne escuelle de terre ou autre vaisseau, & verse dessus du vin demeslé avec fiente de cheual & reiettant les plus long poils de la fiente, & mesle le plus subtil tout ensemble iusques à ce qu'il soit espes comme papin de laquelle tu puisse coler, adiouites y toutesfoirs tousiours de bon sel pour garder de fendre.

¶ *Pour luter avec du linge lequel ne se brule pas.*

Boute le linge en eaue salee, puis le laisse essuyer de soy mesme puis le mouille en claire d'œuf bien batue, & quand tu en voudras luter, donne luy au dessus vne couche bien deliée du dessusdit lutum sapientie.

¶ *Pour resouder verres.*

Pren minium la moytié autant de chaux viue & farine vola tile & claire d'œuf dedans tout cecy soit mouillé vn drap de linge & tenu contre le feu afin qu'il soit tenace & ainsi bellemēt mis sur la fendure du verre.

¶ *Autre lutum sapientie.*

Pren terre de potier bien nettoyée deux parts, fiente de cheual vne part, quelque peu de poudre de briques & limature de fer & platre ou chaux viue & demesle les avec eaue salée & claire d'œuf & en fais vne paste pour luter.

Ou bien pren la terre seche, & l'étampe bien deliée, & passée par le tamis & y verse dessus fleur de farine de blé couche sur couché, puis claire d'œuf & vinaigre & mesle ensemble. Emplatre puis les verres & alembics de cela & les laisse secher à lombre & ne feront point de faute au feu. On peut aussi prendre pour demesler sang de beuf au lieu d'eau.

30 CINQUIEME TRACTE TOU-

chant toutes separations d'or, d'argent, de cuiure & autres matieres, & comment on les pourra experimenter & traicter vtilement, chose profitable à tous orfeures, marchans & autres qui en ont affaire.

¶ Pour separer l'or de l'argent.

Pour separer, bats bien menu l'argent auquel tu pense qu'il ayt de l'or, puis le coupe par petites pieces, lesquelles mettras en eau forte, dans vn verre de separation sur petit feu, iusques à ce qu'il soit chaud & qu'il iette des clochettes. Verse puis l'eau hors dans vne tasse de cuiure & le laisse refroidir, par ainsi l'argent s'atache autour de la tasse lequel laisse secher dās la tasse, & quand tu auras versé l'eau hors, fons l'argent dans vn tais, puis ote aussi l'or hors du verre de separation & le fonds en vn.

¶ Autrement.

Pren l'argent doré, lute-le sur vn tais avec plomb, iusques à ce qu'il grenote ou barbote, puis le verse aussi delié q̄ tu peus sur quelque chose, puis le coupe par pieces tortillées & courbées, & les mets dans le verre de separation, verse y dessus eau forte qu'elle auance d'un doigt, estoupe le pertuis par haut qu'il ne respire, puis le tiens à feu lent iusques à ce que l'argent soit dissout en l'eau, l'or demeure au fons qui est noir, puis verse hors l'eau dās vne tasse de cuiure cōme dessus, & verse dessus eau nette, l'argent viendra à coaguler, & yra au fons: verse puis l'eau hors derechef, & seche l'argent avec chaleur subite. Puis apres le mets dans vn tais ou cruset & le fonds, & estant fondu le verse, fay semblablement de l'or, & quand tu le mets au cruset, adiouste y vn peu de boras.

¶ Autrement.

Pren antimoine, mets le dans vn cruset aigu, & le fonds. Pren aussi l'argent auquel est l'or, & le fonds, & le verse dans l'antimoine, l'or yra au fons, & l'argent demeurera dans l'antimoine. Pren puis demy once de cuiure, deux onces de plōb & l'antimoine, laisse les fondre ensemble, & les verse dās vn tais, l'antimoine se brule, & le cuiure & argent demeure sur le tais

¶ Pour separer or & argent sans feu, & eau forte.

Prend deux parts de sel armoniac, vne part de souffre, reduis les en poudre, puis oings ta vaisselle, escuelle, ou toute autre chose dorée, premieremet avec huile d'oliue, puis esparde-
ras ladite poudre dessus, & quand elle sera ainsi attachee mets
la au feu & la bats dessus vn vaisseau d'eau, l'or tōbera dehors.

¶ Pour separer l'or & l'argent avec vne poudre.

Prend vne huitieme de souffre, vne seizieme de sel, trois onces
de sel armoniac, deux onces de minium, et faites cōme dessus.

¶ Pour rendre l'or plus doux.

Prend mercure sublimé, sel armoniac, autant d'vn que d'autre,
reduis les en poudre, puis mets l'or dans vn tais, & quand il se-
ra fondu, mets y quelque peu de ceste poudre & il sera doux.

¶ Autrement.

Prend demy once de vitriol, demy once de verdet, demy on-
ce de sel armoniac, demy once d'ars vstū: le tout meslé avec eau
forte, laisse les ainsi reposer en chaleur passable par deux iours,
puis les laisse endurcir, fay cela par trois fois avec l'eau forte, et
le laisse secher, reduis les en poudre & mets tousiours sur demy
once d'or vne dragme de poudre, verse le par trois fois dedans,
& il sera plus doux.

¶ Pour rendre plus doux or & argent.

Prend miel & huile autant d'vn que d'autre, & estainds l'à
dedans trois ou quatre fois l'or ou l'argēt embrasé, il sera plus
doux.

¶ Pour rendre plus doux tous metaux, & autres choses non molles
de telle sorte qu'elles seront, douces & molles pour se
laisser forger.

Prend mastix, encens, myrrhe, borax, vernix, de chacun de-
my once, puluerise le tout ensemble, & en verse de la grosseur
de deux ou trois pois, sur les choses non douces, & deuiendrōt
douces & molles. Prend tel metal que tu veux, embrase-le sur
les charbons & l'estainds en eau de sel armoniac, il deuien-
dra mol.

¶ Huile qui rend tous metaux doux.

Si ton argent n'est doux, mets le fondre & y verse dedans
cest huile. Prend salpetre, tartre, sel, verdet, boullis tout ensemble

ble iusques à ce que l'eau soit toute consommée, versé dessus de l'vrine, laisse le ainsi consumer, & tu en auras huile laquelle tu verseras dans ton argent ce pendant qu'il fond, & tu le rendras dous.

¶ *Pour separer l'or du cuiure.*

Fay vn fourneau avec vn trou auquel on puisse bouter vne broche ou estoupe laquelle tu puisse tirer hors, & dessous au fons du fourneau vne fosse, que le roy qui est l'or puisse demorer dedans. Pren deux foys autant de plomb que de cuiure, & le mets sur la fosse au fourneau, versant tousiours si long temps, qu'il ny aye plus de plomb, pren puis vn fer à ce propre pour en oster l'escume qu'il deuienne tout cler & net, car alors sera le cuiure bien préparé. Pren puis sel commun vn quart, de soufre vn quart, de salpêtre vn quart, orpigment vn quart, estampe les bien tous quatre dans le mortier, & versé la-dite poudre sur le cuiure quand il comence à couler & fondre, l'or s'en ira au fond, tire la broche dehors, & le roy demeurera en la fosse, tire le puis apres avec plōb, ou antrimoine, & tu trouueras l'or.

¶ *Autrement.*

Pren antimone, fais le fondre avec ton cuiure, & estant fondu le faudra bien escumer, versé-le puis dans vne escuele de pierre y adioustant bien vitemēt autāt de vis argent, couure la d'vne autre escuele & les touille bien ensemble, la poudre attire à soy l'or & quand il sera refroidy, ouure les, tire le mercure dehors, & le mets dans vne autre escuele laquelle mettras sur le feu, à celle fin que le mercure s'en voye en fumee, tu trouueras l'or au fons.

¶ *Poudre à separer or & cuiure.*

Pren sel armoniac, verdet, de chacun vne part, salpêtre, deux parts, antimone autant que tous les autres ensemble, puluerisè les & fay comme deuant, l'or & le cuiure se separeront.

¶ *Pour lauer l'or ius du cuiure.*

Prends le cuiure doré, & le boute en eau, pour le mouiller, boure le puis au feu & le laisse vn peu enflamber, & l'estains en eau froide, l'or en sortira, puis le frotte ius avec vne brousette de fil d'arain & yra ius.

¶ *Pour rassembler l'or hors du fil de drap d'or.*

Brule en poudre le fil d'or, & broye la-dite poudre bien deliée sur le marbre, & la mets dās vne basfin, verse puis dessus ceste poudre eau de tartre & argent vif, & fay comme deuant, tu auras fin or.

¶ Pour dorer que ne se puisse effacer par eau que ce soit.

Pren deux parts d'ocre, d'eux parts de pierre ponce bruslée iusques à estre deuenue blanche, tartre de la grosseur d'vne noisette, broye les susdites couleurs ensemble avec huile de lin & cinq gouttes de vernix, passe les par vn linge & tu auras la matiere.

¶ Pour rassembler en vn l'or qu'on a raclé ius des lettres & images.

Pren la racleure & la mets tremper en vn verre plein d'eau que la croye sur laquelle l'or à este estendu soit bien molle, laue la puis apres entre les mains, & separes au mieux que vous pourrez la croye de l'or, prenez le residu, & le broyez sur le marbre, ce fait mettez le de-rechef dans vn verre, puis mets tartre broyé biē menu dans vne tasse de cuiure, & y verse l'eau dessus, laissez la bien bouillir, apres verse icelle eau derechef au verre sur la matiere raclee, adioustant en l'eau du vif argent, & les touillant bien ensemble par vne bonne espace. Le vif argent attire à soy tout l'or, verse puis l'eau hors, & mets le vif argent dans vne piece de cuir de chamois, laquelle lieras bien par haut puis fay vn pertuis avec vne eguille par lequel tu presseras & feras sortir le vif argent, & ce qui demeurera sera fin or & quand l'or n'est pas trop beau, luy fais comme à l'or precedent.

¶ Pour donner couleur d'or à l'estain.

Pren safran, & le mets en eau bien gommee & les touille bien ensemble, adiouste y vne tierce partie de vin-aigre, & met tant tout ensemble dans vn petit pot. net, les laisseras reposer vne nuit, puis y adiouste vn petit de vin-aigre rectifié, & touille les bien ensemble, & laisse bien bouillir sur les charbons, iusques à ce qu'il deuiene espes comme miel, passe-le puis tout chaud par vn linge en pressant bien la couleur dehors en vne escuele, tu auras lors couleur pour dorer ton estain.

¶ Pour oster la doreure d'vne tasse dorée par dedans.

Pren

Pré pyrethre, & le fai bouillir en fort vinaigre de sorte qu'il n'en puisse sortir ne fumee ne respiratiō aucune, verse le en vne tasse dorée par dedās, l'or se desfera et yra au fons. Probation: iette dedans vn anneau d'argent doré, & tu en trouueras l'experience.

¶ Pour rendre l'or dous apres la fonte ou liquation.

Pren autant de lingots d'or que tu auras fondu, & les mets vne nuit dans vn fourneau de ciment dans vn pot, laisse les embraiser, non toutesfois si fort qu'ilz se fondent, ilz seront puis apres beaux & dous.

¶ Pour donner couleur à l'or qu'il deuiene dous.

Pren sel armoniac fixé avec chaux viue, car il est fort bon & fait son operatiō fort propice & subtilement, mais il vaut mieux prendre vne partie de viride eris préparé, puis fondre l'or, ainsi pourrois tu coulourer ton or. Le viride eris se prepare en ceste sorte: delaye le viride eris en vinaigre, & le passe par vn feutre, & le coagule, et quand il commencera à s'espessir, mets dedans du sel armoniac, et le laisse endurcir de longue main, ou bien verse le sur vn marbre net et fais puis fondre l'or avec, et le garde bien: car il sert aussi à autres choses.

¶ Pour fondre or iusques à douze & neuf carats.

Pour vn marc d'or, verse y deux mars d'antimoine et vn quart et demy de plomb.

¶ De neuf carats.

Pour vn marc d'or, vn marc d'antimoine sans plomb.

¶ Pour boullir or & argent afin qu'ils reçoient belle couleur.

Pren tartre bien broyé, verse dessus eau de puis, ou eau de pluye, ce que tu boulliras là dedans sera beau.

¶ Pour donner couleur à l'or.

Pren cheueux d'homme de la grosseur d'vn doigt, mets les sur charbons vifs, et tiens ton or là dessus avec les tenailles.

¶ Pour donner pois à l'or.

Pren eau nette, fonds du plomb et le iette en icelle, par plusieurs fois, le plus souuent est le meilleur, voire quand ce seroit vingt fois, pren puis l'or lequel tu veux rendre pesant et l'enflamblé dix ou douze fois, et l'estains en la-dite eau: tu le trouueras iuste.

¶ Pour purger argent & l'affiner.

Quand vous voulez laisser couler l'argent sur vn tais soit de monnoye ou argent greuele, il le faut premierement faire tout bellement puis le mettre avec vn plomb vn autre tais le laissant écouler quand vous voudrez.

¶ Pour rendre l'argent doux.

Mets sur vn autre tais tire premier le cuiure dehors par dessus le tais, à fin qu'il ne se perde, puis le mets dessus le feu, & quand il commencera à couler ou liquefier mets dedans vn marc de fin argent, vnè once de cuiure doux & les liquefiez ensemble, il sera doux.

¶ Pour affiner l'argent.

Mets l'argēt en vn tais & à chacun marc d'argent adioutez y trois onces de plōb. Puis les laissez fondre ensemble tant que la fleur deuiene rouge. Mettes les puis apres en vn test adiouttant à chaque marc d'argent six onces de plomb, puis le descoules & sera fin.

¶ Pour faire l'argent bel & blanc.

Mets tartre & sel puluerises dans vne poëlle de cuiure, verse eau de pluye dessus, & les laisse bien bouillir, car elles deuiendront blanches. Toutesfois auant que bouillir les faut flāboyer, & ne faut mettre aucun fer dedans la poëlle, car l'argēt en deuiendroit rouge.

¶ Pour tirer l'or & l'argent de quelque monnoye.

Prenez en autant q̄ vous pouez, tant plus tant mieux: mettes les en vn vaisseau de terre ou de fer, lequel soit biē employé par dessus, mets y mercure crud autant qu'est de besoing, touilles le tout bien ensemble avec les mains iusques à ce que le mercure ayt attiré à soy l'or ou l'argent, puis mets le mercure en vne piece de peau de chamois & l'estrains bien fort, & ce qui demeure au cuir, s'appelle Amalgama, mets le en poëlle de fer à trois pieds, & y faits dessus bon feu de charbons, le mercure s'en va en fumée, & la lune demeure, ou on le fait escouler bien sur vn tes. Et si par cas d'auenture il y auoit de l'estain meslé, lequel empeschait la matiere de couler, mets y dess^{us} poudre de verre de venise sur le tes avec le plomb & monnoye, & souffle bien, & s'il ne veut encore couler ou fondre, adiouste y

R E C E P T E S D E

antimoine de la grosseur d'un demy pois, & non dessus, à fin qu'il ne vous derobe vostre or, ou argent & rompe vostre tes, & sans faute il commencera au couler.

¶ Pour sçauoir si l'argent a en soy de l'or ou non.

Tires avec vostre argēt vne ligne bien grosse sur la pierre de touche, puis pren vne dragme de verdet bien puluerisé avec sel armoniac, demeslez les bien avec bon vinaigre qu'ilz deuiēnt tout d'une couleur, mouillez en ladicte ligne faicte avec vostre argent, si l'argent contiēt en soy de l'or, la ligne demeure quelque temps belle, & s'il n'en contient point, la ligne ne demeure belle & s'efface du tout. Si vous en voulez auoir meilleure espreuue & plus seure, au lieu de vin-aigre mettes y eau forte car elle efface incontinent la ligne s'il ny a point d'or dedans.

¶ Pour argenter le cuyure.

Pren poudre de tartre, d'alun, & de sel, puis pren feuille d'argent, & la broye bien sur la pierre, puis pren la-dite poudre & la mets dans vn vaisseau plombé y versant eau dessus. Puis boute dedans vostre cuyure poli ou tout ce que voulez argenter, le y laissant quelque temps. Et regardes quand il sera argenté ce que pourras sçauoir si aucunesfois tu le frotes avec les vergettes de fil de laiton.

¶ Pour amortir le Mercure qu'il puisse endurer le marteau.

Mets-le en vn mortier de fonte, & y verse dessus huile d'oliue ou de laurier, puis le mets sur vn petit feu & le laisse boullir là dedans, mais garde toy q̄ la fumée ne te nuise, car elle est mal saine, verse y souuēt de l'huile dedās, & aussi fort vinaigre distillé, à fin qu'il puisse boullir là dedans & par ainsi se mortifier, puis le tires hors, car il est dur et peut endurer le marteau.

¶ Pour d'orer acier ou fer.

Prent vne part de tartre, à demy autant de sel armoniac, autant de verdet, & vn petit de sel, faits les boullir ensemble en vin blanc, puis en vernisses vn harnois vni avec les brouettes & le laissez secher, En apres doxes le avec or molu, cōme font les Orfeures.

¶ Pour separer or & argent du metal ou fer.

Mets mercure dans vn creuset d'Orfeure le chauffant sur le feu adioustant & meslant parmy quelque peu de verre de venise

nise brisé bien menu les meflant ensemble. Induifes le fur l'argent doré, mets-le sur le brafier, qu'il soit chaud, puis le frottes avec vne plume pardeffus vne vaiffellec, fais passer le mercure par vn linge, tu trouueras l'or molu dans le linge, lequel tu reduiras apres avec Salpêtre.

¶ Pour donner couleur au Cuiure de sorte qu'il ressemblera à Or en couleur, qu'il puisse endarer le feu vne ou deux foys, & qu'il soit dous pour le laborer.

Pren demy once de Cuiure, demi once de lapis calaminaris deux dragmes de Tuthie, flamboye bien puis apres le cuiure & estains par trois fois en eau de puis. Flamboye semblablement le lapis Calaminaris par trois fois, & l'estains aussi à chacune foys en eau de puis, fay pareillement de la Tuthie: Quand le Cuiure sera resolué, pren pour chacune demy once de cuiure, vne once de miel, & les boullis si long temps ensemble, iusques à ce que le miel deuiene noir & du tout sec qu'il se puisse pulueriser, Puis broyé le miel, lapis Calaminaris & Tuthie, puis fais les boullir tout ensemble si long tēps que le cuiure soit du tout defait & le fonds ou tu veus & ta chose sera acheuée.

¶ Pour donner au cuiure couleur d'or & le rendre fusible, qu'il endure le marteau & se laisse mettre en œuvre comme or.

Pren cuiure autant que tu veus, lequel mettras au feu dans vn creuset d'Orfeure, comme si on vouloit fondre l'or crud, & quād il aura asses de feu, soufflez les charbons et poudre arriere. Pren cantarides bien puluerisées. Iette d'icelle poudre autāt dedans qu'il viene à estinceler & luire, alors y en aura assez. Oufes-le du feu, prē la racine d'Armoisé & la brule, & en estains & frotte le cuiure, le plus sera le meilleur toutesfois non par trop aussi. En ceste sorte le cuiure en sera beau & net, & sera rendu forgeable pour en forger couppes, gobelets & tout ce que tu voudras.

¶ Argent d'Estain à faire vaiffelle ou autre chose.

Pren estain bien cler & fin, mets le avec vray & naturel estain au feu, à celle fin qu'il se puisse purger et nettoyer de toute poudre & ordure, & quand il sera bien nettoyé & escumé mets le derechef sur le feu. S'il y en a vn marc, pren demy once

de mercure ou quelque peu d'auantage & quand il se viendra à esleuer en la premiere chaleur, pren aussi poudre de can-
tarides & la iette dedans & vn floquet de cheueux de femme,
qui se puissent bruler là dedans . Ayant eu du feu assez & que
tout sera fondu ensemble verse dedans la poudre dessus-dite,
l'arroufant premieremt vn peu avec eau d'Armoise, & l'oste
tout doucement du feu, & le laissez refroidir de longue main.

¶ *Pour facilement argenter vaisselles de cuiure par dedans*

& par dehors.

Pren deux parts de mercure, trois parts d'Estain, fonds pre-
mier l'estain en vn creuset, & puis adiouste le mercure, Mou-
uez les bien ensemble, puis les verses hors & laissez refroidir,
& pilez bien en vn mortier tât que tout soit reduit en poudre.
Pren puis alun & le pile aussi en vn mortier, & deuiendra com-
me vne poudre blanche, laquelle mettras sur le marbre garnie
d'argille aus costes, puis mettes la-dite pierre de marbre dans
vne caue humide, mettât dessous vn verre, l'alü se tournera en
eau sur le marbre & coulera au verre, & quand tu voudras ar-
genter la vaisselle de cuiure, pren la-dite eau d'alun & en oings
ta vaisselle, & la laisse secher, fais cela par deux ou trois fois,
& le laisse ouuert, à fin que le fond soit meilleur, pren la poudre
que tu as faicte & la frotte dessus, & deuiendront blanches &
ressembleront argent.

¶ *Pour argenter vaisselles de cuiure par dedans & par dehors.*

Pren vne part de azur, deux parts de Mercure, trois parts
d'Arsenic blanc, mesle les ensemble, puis fonds autant de gres-
se en vne poëlle, en ostant les ordures & nettoiyât tresbien, puis
les mesle ensemble & en fais comme vn onguent, oingnez en
vostre vaisselle par dedans & par dehors tresbien, puis la met-
tez en vn vaisseau de chesne neuf, ou bien dedans des fueilles
de chesne nouvelles le courât tresbien, fouissez le soubz la ter-
re en vn endroit ou le Soleil luyt tresfort, le laissant ainsi l'espä-
ce de trois moys, puis la tire hors, & la nettoye tresbien avec
eau & brousettes. Tu trouueras ton experience.

¶ *Eau rouge qui fait ressembler à Or tout cequi est estaind dedans.*

Pren ceste pierre que les hauts Alemans appellent galit-
senstein qui soit verde, laquelle briseras bien menu, mets la
en vne ampoule de terre bien plombée, laquelle boucheras

d'vne

d'une couuerture biē iuste, Induis la bien avec argille, & laisse fēcher, puis la mets dans la fournaise bien ardante tousiours la laissant là par trois iours & trois nuités. Tire la puis dehors, & la laisse bien refroidir, Ouure la, & ce que t'ouueras dedans garde le bien. Puis le mets dans vn sublimatoire lequel mettras sur charbons ardans à fin qu'il puisse là boullir bien tost, apres quand il aura bouilly, tire le derechef hors du feu, & le remue bien avec vne cuilliere de fer, le mettant puis apres derechef sur le feu, laisse-le boullir derechef quelque espace, puis l'oste, & le remue derechef ainsi continuāt par l'espace de trois heures. Puis tire le hors du sublimatoire, & le brise bien, le mettant dans vne autre ampouille la bouchant tresbien comme deuant par en haut, puis la mets en fiente de cheual ou tu la laisseras par 8. ou 9. semaines, & tout se tournera en eau laquelle distilleras par l'alembic. Pren la-dite matiere & la fais coaguler sur le feu, puis la broye sur la pierre, & la mets en vn verre, lequel boucheras tresbien par dessus, & mettras sous fiente de cheual le y laissant huit iours & huit nuités ou d'auantage, Alors tu auras la vraye eau seruant à la matiere: icelle garderas tresbien & nettemēt en vn verre. Ceste eau a telle vertu, car elle est rouge comme sang, & est forte. Pren lames de cuiure ou autre chose toute brulante, & l'estainds dans icelle eau, elle deuiendra rouge comme or, dequoy on peut faire ce qu'on veut. Ceste matiere à pareillement telle vertu que elle brusle comme eau de vie, & si on y met dedās quelque matiere dure comme fer ou autre il deuiendra molle comme bois & brulera au bout comme vne chandelle.

¶ *Eau separatiue bien forte.*

Prē vne liure de vitriol, deus liures de salpetre, et vne liure d'alū

¶ *Eau de tartre.*

Verse en vne escuelle pleine d'eau, vne poignée de sel, & autāt de tartre, dedans cela on boullit l'argent, qu'on veut blanchir.

¶ *Pour blanchir cuiure.*

Pren sel armoniac puluerisé, & lamine de cuiure mesle les bien ensemble, liēt sur liēt en vn creuset lequel boucheras tresbien avec lutum sapientie, mets le sur le feu, & le laisse fondre petit à petit, le sel armoniac tirera toute la rougeur hors du

cuiure puis laue les platines de cuiure avec vin-aigre à fin d'en oster la poudre, & distille le vin-aigre hors de la poudre & ton cas sera parfait.

¶ *Autrement.*

Fonds ensemble cuiure & plomb, & les verse en la decoction du ius de Ioubarbe & deuiendra blanc.

¶ *Pour faire que l'estain ne craque point.*

Pren sel fort & commun, & miel autant d'un que d'autre selon la quantité que vous aures d'estain, verses vostre estain douze fois dedans, puis coulez vostre estain, car par ainsi il se purgera, & laissera le craquer.

Mets cela en vn pot, lequel luteras treshien & le boute au fourneau vn iour & vne nuit, tu trouueras vne chaux d'or.

42 **TRAICTE SIXIESME TOUCHANT**
quelques operations Alchimistes, comme pour faire or,
argent, calciner les planettes, & autres matieres,
& pour en tirer des meismes eau & hui-
le qui sont de merueilleuse
operation.

¶ *Pour faire Or de Mercure.*

Fais eau forte de trois pars de vitriol, de deux de Salpêtre & d'une part d'alun de plume, Dissolues en icelle vne liure ou deux de Mercure cru, puis en distilles l'eau. Verses la derechef dessus, ou biẽ autant d'eau nouvelle mettes la en vn alembic de verre à col long, lutes-le biẽ avec son receptacle, puis le mettes es cendres chaudes, distilles derechef icelle eau de Mercure à petit feu, iusques à ce que le mercure deuienne rouge comme vn sang, & qu'il ne rende plus la fumée par haut. Ce qui aduendra au bout de trois mois. Experimentes-le l'espace d'un mois, de deux ou de trois. Le mercure se fixera sans doute, reduise-le quant & quant avec salpêtre ou boras, & il se tournera en or.

¶ *Pour conuertir le cuiure en Or.*

Fonds de l'airain, & verses dedans les œufs d'un brochet, & le fiel d'un tureau, & graine de jusquiame, s'il ne vient à failir, en dedans trois iours sera Or.

¶ Pour prendre salamandres pour s'en seruir.

Quand vous voires les salamandres coucher & dormir au soleil chauffés deux gants qui soyent longs, & les alles ainsi tout bellement prendre, auant qu'elles iettēt leur venin (lequel est iaulne) puis les mettes en vne vaisselle ou verre, dans lequel soit de sang humain.

¶ Pour affiner Or avec les Salamandres.

Pren deux liures de grain limé, vn pot de laiēt de cheure, neuf salamandres, mets le tout en vn pot large par dessous, & estroit par haut, couures le de sa couuerture biē serrate laquelle ayt vn trou au dessus, fouisses le pot en terre humide si profond que le dessus de la couuerture ou est le trou paroisse seulement, à fin que les salamandres puissent auoir air & qu'elles ne meurent point. Laisles ainsi iusques au septiesme iour apres midy. Tires alors vostre pot dehors, vous trouueres que les salamandres contrainctes de faim auront mengé le erain, & la grande force du venin contraint le cuiure à se tourner en or. Faits puis apres vne fosse de la profondeur de deux doigts dans laquelle mettes vostre pot avec les salamandres, puis faites alentour vu feu de charbons qui brule haut & bas, moins toutesfois par bas que par haut, pourtant met on le pot en terre à fin que le cuiure ne se fonde. Et quand il vous semblera que les salamandres serōt brulées en cendre, ostes le pot du feu & le laisses bien refroidir. Ce faiēt verses le cuiure & la poudre en vn vaisseau a lauer & verses de l'eau dessus, nettoyant le cuiure de ladite poudre, puis le pendes en la fumée & le laisses bien secher, & tu auras de bon or, faites le nettoyer à vn Orfeure.

¶ Argent de salamandres.

Pren neuf salamandres, vne liure de Mercure, mets les en vn pot plombé, avec vne couuerture bien serrante, verse dessus laiēt de cheure tant que les salamandres soient couuertes, fermes-le puis & le mettes en vn fumier quatre semaines de lōg, porte le puis en quelque lieu separé, & les brule à part, toy retirāt de là car la fumée t'occiroit. Et quād vous semblera qu'il ne fume plus, romps-le, & tu trouueras vn fin argent.

On le faiēt aussi en semblable maniere que l'or. On prend

neuf salamâdres, deux liures de mercure, on met le tout en vn pot comme dessus, & vn petit feu à l'entour, car elles mengēt le mercure, & puis on les brusle comme dessus.

¶ *Autrement.*

Mets vingt salamandres en vn pot, deux liures de mercure avec, lutes tresbien ton pot avec lutum sapiētie, & le mets en fumier de cheual l'espace de quatre semaines, puis les mettes sur le feu, & soufflez bien par l'espace de quatre heures, laisse-le refroidir, puis brise le pot, & le mets sur vn tes avec plomb, tu auras vne matiere infallible.

Toutesfois premier il faut mettre les Salamandres en vn verre avec vne demy liure de mercure, & vieilles tuiles brisees menu comme farine, & quand elles auront consumé cela en vingt iours & qu'elles ne voudront plus menger faictes comme dessus.

¶ *Pour faire crocus martis.*

Pren Crocus martis autant que tu voudras, lequel soit limé de acier, laue le bien de fort vin-aigre, vingt ou vintcing fois, mets-le sur vn four & laisse secher. Quand il sera bien sec, versele en vin-aigre ou eau forte & ce si souuent iusques à ce qu'il y aye esté quatre semaines, puis le mets en vn four de reuerberacion, par quatre iours & quatre nuicts, & il jette des clochettes en haut lesquelles osteras, car icelles sont bonnes, metz d'autre derechef dans le four iusques à ce qu'il soyent de semblable sorte

¶ *Pour faire Aes vstum ou Crocum veneris.*

Pren vne platine de cuiure, de sel commun vne liure, frotte les ensemble, & les trempe en vin-aigre, mouilles en la-dite platine, verse-le & estains en eau salée, ce faictes si souuēt qu'il n'y demeure plus rien. Tu trouueras au fond le crocus veneris préparé.

¶ *Coagulatio Mercurij.*

Pren demy once de lune, six onces de mercure, fais en vne paste, & laue bien ton mercure avec vin-aigre & sel commun, Pren puis once & demy de lune laquelle limeras bien menu, & mettras en vn voire avec le mercure, & le mercure se coagulera bien dur de plus en plus.

¶ *La Mere de toutes eâues pour faire tous met aux liquefiâbles.*

Pren vne liure de Sel nitrum, vne liure de vitriol, pile chacun à part soy, puis les mesle ensemble en vn mortier distille la-dite eau, sans y adiouster quelque eau. Pren vne once de la-dite eau, vne once de vin non distillé, mets les ensemble en vn verre, & il s'allumerônt de eux mesmes, de sorte qu'on en pourroit allumer la chādelle, c'est aussi la Mere de toutes couleurs.

Item pren trois onces de l'eau sus-dite, trois onces de mercure, la quatrième partie de Soulphre vif, mets les dissoudre tous ensemble en vn verre. Et quand ilz seront dissoulds, laisse en sortir la fumée tu trouueras le mercure fixé bien rouge. Ainsi peut on fixer tous les spiritus. Si tu veulx faire icelle eau du tout forte adiouste aux sept parts des choses sus-dites vitriol & salpêtre, vne liure de chascune, & les distilles, remettant l'eau dedans vn verre, elle sera tant forte, qu'elle rompt & fer, & toutes choses forgées.

MANIERE DE CALCINER, PURGER, & reduire en certaine mesure les sept Planettes.

¶ *Pour calciner le Soleil.*

Pren vn pot ou phiole de verre qui ait le col long & large de la grandeur d'vn florin d'or en iceluy liquefie Saturne, & quand il sera fondu, bouche le pertuis d'enhaut du meilleur or que tu saches trouuer, faicts bon feu & aspre dessous, & retourne souuent la piece d'or, de laquelle tu as bouché le pertuis, à fin que la vapeur du saturne puisse mieux penetrer à trauers de la piece d'or, ce faicts si souuent iusques à ce qu'il se puisse reduire en poudre facilement.

¶ *Calx lune.*

Faites-en en toute telle maniere, d'vne piece d'Argent.

¶ *Calciniatio solis.*

Pren autant d'or que tu veulx, lequel limeras le plus delié que tu pourras, icelle poudre mettras en tresfort vin-aigre le y laissant par neuf iours, puis l'oste & la seche au soleil, & la moulds bien menu, puis y adiouste autant d'eau de sel Arme-
niaç les demeslant tresbiē ensemble, laisse la secher, & le moulds

ou broye derechef avec eau de sel armoniac, ce que feras par sept fois. Et la septiesme fois tu le lairas secher & sera bon calx solis.

¶ *Calx lune.*

Fais tout ainsi comme dessus calx lune avec platines ou lamine d'argent aussi deliées que pourras trouuer sinon qu'il faudra broyer apres l'argēt avec tartre calciné, ou avec sel commun preparé, & le lauer avec eau pure. Et le laisseras secher comme dessus & sera Calx lune.

Mais si tu veux preparer ledit calx lune & en faire calx solis. Pren calx lune & le broye bien menu en tartre calciné, & le laisse ainsi couler de la pierre en vn verre. puis le laisse secher, pren apres crocum martis, laisse le derechef secher, & mesle le crocus avec vn peu d'alun, eau verde & broye le Calx avec ledit crocus martis, iusques à ce qu'il deuienne aussi rouge que vermillon, finalement broye-le avec eau de sel alkali, & le laisse bien secher, & le brusle iusques qu'il est liquifié, alors en fais vne fonte, & il sera aussi rouge qu'or, d'iceluy puis tu assurement faire sol, comme s'apprendra par apres.

¶ *Pour calciner venus.*

Venus le calcinera en ceste maniere. Pren arsenicū album et le reduis en poudre, & le broye fort biē avec huile. Pren puis cuiure limé & l'oiings dudite huile, puis mets les stratum super stratum avec le cuiure & sel commun preparé. Ce faictes si souuent iusques à ce que vostre creuset soit plein, estoupe le puis apres avec lutum sapientie, & le mets sur les charbons en vn fourneau à vent par l'espace de trois heures, & le laisse refroidir, Romps-le, & laue la chaux qui y est avec eau chaude ou vrine, iusques à ce que tout se tourne en sel, laisse-le puis secher & sera calx alba. Si tu la veux faire rouge, fais-la avec croco martis & eau de sel Armoniac.

¶ *Autrement.*

Fondez bien venus sur le feu, verse dedans Arsenicum album, ou soufre purgé, mesle les ensemble iusques à ce qu'ilz ne fument plus, puis les verse en vn autre vaisseau, & les laue biē nets avec eau, & les touille comme dessus. Ce fais par trois fois, garde les puis en vn pot de terre.

¶ *Autrement.*

Lamines de cuiure mouillées de vin-aigre, dedans lequel soit dissout sel commun préparé, & estant ainsi mouillées, seiches les, les mettant depuis sur deux fers dedans vn fourneau de calcination, haut qu'il ne touchent aux charbons, trois heures de loing, les tirant apres dehors esteynds les en vin-aigre avec sel, alors plye les lamines d'vn coste & d'autre de sorte q̄ les escail les superficieles brullées en tombent dedans le vin aigre, puis mouille de rechef ces lamines dedans le vin-aigre avec le sel predict, laissés les calciner dedans le fourneau comme est sūdict, & cecy fait tant de fois iusques à ce que les platines ou lamines soyent toutes cōsumees, apres escoules en le vin-aigre & trouueras le poudre ou fond, laquelle broye tresbien avec boras faict de tartre, & avec huyle de tartre, comme est deuant dict de sorte que à vne liure de poudre adiousteres deux onces de boras & demye once de calce saturni, & quant sera tout ain si broyé, laisse le seicher, le mettant dedas vn cruset faisant grād feu dessous, insques à ce qu'il se liquefie, alors versé le dedans vn vaisseau de fer, engraisse de quelque suif & le trouueras blāc & doux, apres pourras faire argēt de ce la cōme par apres diray & saiches que cecy soit vne des meilleures purgations & proufitables &c.

¶ *Pour calciner Saturnus.*

Pré vne partie de plōb, vne partie d'estain, mets les en vn cruset fais les fondre en vn four à vêt à grād feu, les remuāt ensemble avec vne culiere de fer. Et la poudre q̄ tu trouueras là dedans tire la hors avec la culiere & la garde. Ce continueras si long temps iusques à ce que tout soit tourné en poudre. Mets la en vn pot nouueau & la brusle en charbons, remuāt trēbien la poudre avec la culiere, iusques à ce qu'elle deuiene blanche, alors garde la bien nette. Mais il faut noter q̄ l'estain se doit calciner blanc seul, toutesfois il ne se tourne pas si tost en poudre comme le plomb. Parquoy il y faut faire grand feu dessous & le continuer tousiours iusques à ce qu'il se tourne en poudre, puis fay comme dessus est dict de plomb, & estain, si tu veux reduire la poudre de plomb & d'estain en leur premier estat, pren vne liure d'icelle poudre, demy once de boras de tartre,

tre, frotte bien ces deux avec huile de tartre, & les laisse secher, puis les mettras fondre en vn creuset sur vn grand feu, car si le feu n'estoit grand, l'estain se tourne en verre blanc, & le plonib en iaulne.

¶ *Calcination de Iupiter ou Saturnus.*

Pren lames d'estain lesquelles couperas bien menu en pieces & mettras en vn pot nouueau, vn licet de chaux viue, puis vn des pieces de lame, & fais ainsi stratum super stratum iusques à ce que le pot soit plain, puis le lute avec lutum sapientie, & le mets en vn four à calciner vn iour & vne nuit, ou d'auantage, puis tire l'estain dehors, & le fonds bien & le verse en vin-aigre, & le broye & reduis en cendres. Ce fais par trois fois, il deuiendra aussi dur que luna.

De mesme sorte calcineres vous aussi vostre plomb, & quand vous le voulés verser, verses-le en eau qui est faicte de sel commun preparé & de cendres, Estaindes-le quatre ou cinq fois en la mesme eau, puis le broye bien menu & le laisse secher, & le mets en vn pot, lequel boucheras tresbien par haut, mets-le au four vn iour & vn nuit, puis le tire hors. Tu trouueras vne chaux verde de laquelle en peu de temps feras le Sol.

¶ *Pour calciner l'estain & le faire blanc & dur.*

Fonds bien de l'Estain qui est cler, verse-le en vinaigre, puis en eau de mercure, Estainds-le souuent là dedans & deuiendra espes comme lune,

Item fais vne lessiue de cendres de sarments de vingne & vin aigre estainds par sept fois Iupiter là dedas, puis douze fois en laict de cheure recent, y adioutant poudre d'Arsejic blanc. Il deuiendra blanc & dur comme Lune.

¶ *Pour calciner Mars.*

Pren-le, & le fais bien delié, & purge tresbien, puis le fais flamboyât & l'estainds par sept fois en huile de lin, le Mars deuiendra mol. Ce faict pren les lames ainsi faites deliées, & les coupe par picettes, & les mets stratum super stratum avec mercure crud, lute tresbien ton creuset & le mets en vn four à calciner par vn demy iour à grand feu à fin que la matiere deuiene là dedans toute flamboyante. Laisse la puis apres refroidir, & tire la matiere dehors, il est blanc comme vraye lune & le garde au

de au besoing. Il faut premier mouiller le Mars avec huile de lin auant que le mettre stratum super stratum comme dessus.

¶ *Purgatio Veneris.*

Pren huile de lin, & en oinds ta venus, puis espars Arsenic sublimé par tout sur ta venus, mais stratum super stratum en vn creuset, lequel tresbien luté mettras en vn four à vent, laisse le ainsi fondu quatre ou cinq heures. Puis le laisse refroidir, & le reduisant en pains.

¶ *Pour calciner alun.*

Pren alun & le brise bien menu, mets en à demy plain vn pot nouveau, lute le pot tresbien par dessus, puis le mets vn demy iour dans le four à calciner, & le laisseras ainsi brusler tant qu'il deuiene comme cotton. La galitsenstein se calcine en mesme sorte.

¶ *Pour preparer sel commun.*

Pren sel blanc, verse dessus vrine vieille dans laquelle ayt trempé vn iour de long chaux viue, mesle les bien ensemble six fois le iour, & le laisse reposer la nuict, passe l'vrine par vn feutre, & mets tout ce qui est dedans en vne poelle plombée, les meslant tresbien ensemble tant que deuiennent eau. Puis les boulis sur charbons tant que deuiennent dures & les reduis en poudre & mets en vessie de beuf la liant tresbien par haut, puis là pends en vn chaudron plein d'eau chaude, la laissant là tant que le sel se tourne en eau. Ce feras par dix fois, à la derniere fois laisse les brusler tant qu'il soit en feu & tout rouge, puis le laisse refroidir, ainsi se prepare le sel commun.

¶ *Pour preparer sel armoniac.*

Pren dix liures de sel préparé, verse dessus vrine chaude d'un homme sain qui n'ait beu que du vin, & laisse dissoudre le sel en icelle vrine, & aller au fond, puis le passe par vn feutre dedans vn chaudron, adiouste y suye de four d'un boulinger, les faisant boullir ensemble. Quand iceluy sel sera sec, verse dessus vrine humaine, & ce faites si long temps iusques à ce que dix pots de vrine soient consommés aux dix liures de sel. Il faut prendre garde que le chaudron ne s'espance quand l'vrine boulit. Si par cas d'auenture elle s'esleuoit tellement que il y eut d'anger qu'elle s'epanchast, verse y dessus eau claire, & les mesle

mesle ensemble iusques à ce que tout se tourne en eau, laisse le reposer & iette le clair dehors, & le boullis si longuement qu'il deuienne sec, lequel estant sec osteras, & mettras en vne escuelle neuue, & le mets secher au soleil. Puis le sublimeras en ceste sorte:

Pren lesdites dix liures, & dix liures de fer limé, & les mel-le bien ensemble, & mets en vn vaisseau qui s'appelle rotunda, le lutant tresbien avec lutum sapientie puis le mets sur vn trepier dans vn four à sublimer, faisant tresbon feu dessous vn iour durant, tant que le vaisseau soit tout rouge dessous, laisse-le puis refroidir la nuit iusques au matin, & l'ouure, tu trouueras au dessus du vaisseau du sel blanc lequel osteras & y ad-ioustant autât de sel commun préparé, les broyeras tous deux bien ensemble sechement, & mettras en vn vaisseau à sublimer l'espace de demy long iour d'esté faisant petit feu & lent dessous, laisse les refroidir, broye les derechef & fais sublimer côme dessus. Ce fais par trois fois, puis le garde, car il est bon.

¶ Pour faire sel alkali.

Pren cendres clauellées, chaux viue autant d'un que d'autre & les mets en trois chapeaux l'un dessus l'autre, à fin que ce qui distille d'un chapeau tombe en l'autre, verse puis l'eau de celui de dessous en celui de dessus ayant vn pot plombé dessous, fay souuent ainsi passer icelle lessiue, tant qu'il ne demeure plus d'amaritude es cendres. laisse reposer icelle lessiue la nuit, & la boullis le matin en vn pot plombé iusques à ce que l'eau s'esuanouisse & deuiene dure. Laisse la puis refroidir, tu trouueras vne pierre appelée Alkali, icelle pulueriseras & en empliras vn nouveau pot à demy sans le couvrir, & le mets en vn four à calciner faisant du commencement petit feu iusques à ce qu'il boullisse, puis vn grand feu iusques à ce qu'il commence à fondre comme plomb, verse-le puis bien visté dans vn autre pot, & le laisse la refroidir, ce sera sal Alkali, lequel se garde en vn verre.

¶ Pour faire sel boras.

Pren tartre calciné en la sorte que nous dirons apres, iceluy reduis en poudre, & verse dessus eau chaude, iusques à ce qu'il se dissoude, le remuant tresbiu avec vn bois, puis le passe

par vn linge, & faictz comme dessus, aufsi long temps q̄ l'eau demeure trouble, puis le passeras par vn sac tāt qu'elle deuiene clere, & qu'elle aye tiré l'amaritude hors des lies ce qu'on sçaura quand les lies ne piqueront plus à la langue. Pren puis sal commune preparatum, & y adioustant eau de tartre les verse ensemble dans vne poelle de fer les boullant tant que deuiennent espes, verse-les puis en vn pot nouveau, iusques à ce que soyēt durs. Tu renuerſeras par fois le pot, & quād le-dit pot se voudra fendre ou attacher laisse le refroidir, & le ouure, tu auras sel Boras philosophorū lequel est aufsi bon q̄ le vray boras.

¶ *Eau de Mercure.*

Pren vn quarteron de mercure sublimé & fixé, autant de pierre galitsenstein, broye les ensemble sur le marbre, puis les ayant mis en vn sac de toile, feras vne fosse dās fumier de cheual le mettras dans vn verre en icelle fosse, ne touchant point à la fosse de nulz costez à fin qu'il ne s'ordisse fay deux entōnoirs & pends le sac avec le mercure & pierre galitsenstein par dessus le verre, le courant d'vn bon fort linge de sorte que rien ne puisse tomber dedans: puis mets dessus du fien assez, & le laisse ainsi deux semaines de long, iusques à ce que le mercure soit distillé comme eau hors du sac. Si leau n'est affès blanche broye la derechef avec la pierre galitsenstein & fais comme dessus, le continuant iusques à ce que l'eau soit bonne ad Lunam faciendam.

¶ *Aqua salis Armoniaci.*

Pren sel armoniac autant q̄ tu veux, autant de claire d'œuf, mesle les bien ensemble, y adioustant vn peu de vin-aigre fin qu'il puisse mieux couler, pends le par dessus vn verre en vn fumier cōme dessus est dit de l'eau de mercure, ou bien le mets sur vne pierre bien vnie & glissante en vn celier humide, clināt vn petit la pierre d'vn costé & mettant vn verre dessous avec vn infusoire, & le cimente à costé de la pierre à fin qu'il ne puif se couler qu'en l'infusoire, passe-la puis par vn feutre & la garde bien.

¶ *Aqua lactis virginis.*

Pren litarge, reduis-le en poudre, & le mets en vne poelle avec bon vin-aigre de vin, fay-le boullir à petit feu, & le passe
par

par vn feutre blanc tant qu'il deuienne cler, & ce pendât qu'il distille verſe le touſiours derechef dedans, tant qu'il eſt cler, & blanc. Pren puis axungiam vitri, fais en poudre & la paſſe par le ſamis, & en fais tout ainſi que du litarge, il en ſortira auſſi de l'eau, icelles deux eaües melleras enſemble, & deuiendront blanches comme laiçt, & s'appelle lac virginis.

¶ *Aqua ſalis Alkali.*

Pren ſel alkali, ſel armoniac, & claire d'œuf, broye-les avec bon vin-aigre, & fais cõme deſſus eſt dit de l'eau de Mercure.

¶ *Aqua Croci Martis.*

Reduis en poudre pierre galitsenſtein verde, empris en vn nouueau pot, & le bouche bien. Brule en toute telle ſorte com me deſſus eſt dict de l'alun. Quand il ſera rouge comme vermillon il ſera aſſez. Verſe puis de bon vin-aigre en vn alembic, et le diſtille au fourneau à petit feu. Ce fais par trois fois. Puis verſe y dedans autant que en la pierre galitsenſtein rouge, les mouuant tous les iours enſemble avec vn fer, trois iours de long. Verſe-les derechef en vn alembic, & les diſtille comme deſſus. Si l'eau n'eſt rouge aſſez, mets d'auantage de la poudre fuſdite, les touillant enſemble, & diſtillant comme deſſus, ce ſera tresbon crocus martis pour faire or.

¶ *Pour calciner le tartre.*

Pren tartre de vin blanc, laue-le avec eau chaude, & le laiſſe ſecher. Puis emplis vn pot qui contient vn quarteron du dit tartre, le couurant par deſſus & mettant en vn four à calciner & le laiſſe bruler iuſques à ce qu'il n'en ſorte aucune fumée. Laiſſe le puis refroidir, & reduis en poudre, & mets en vn autre pot, le lutant tresbien avec lutum ſapientie, laiſſe le puis en vn four à calciner, ou y ait trebon feu l'eſpace de trois iours ou d'auantage, iuſques à ce que le tartre deuiene auſſi blanc que ſel, lequel tu garderas en lieu ſec & chaud.

¶ *Pour calciner eſcailles d'œuf.*

Laue eſcailles d'œuf en leſſiue couliffe, laiſſe les puis ſecher, tire premier ou apres ius les pellicules de dedans. Mets les puis en vn grand pot, ſur le feu, & brule en cendres les remuant tresbien. Mets-les puis en vn petit pot, & fais en com me du tartre. Quand elles ſeront brullées auſſi blanches com

me croye, elles seront assez.

¶ *Pour calciner Tutia.*

Tutia rouge ou iaulne este la meilleure, icelle mets en vn creuset, lequel mettras au feu, & laisseras bien embraser. Estains le puis en bon vinaigre. Ce fais par neuf fois, puis la broye bien menu, comme farine sur vne pierre & la garde.

¶ *Aqua lunaris.*

Pren cent œufs de gelines, oste en le iaulne, & bats bien le blanc, mets-le en vn verre & l'estoupe, ttesbien par dessus, & le mets en fiente de cheual, par quatorze iours, alles y tous les iours, & en ostes le sien d'alentour avec vn baston, le laissant ainsi vne heure de long à fin qu'il puisse auoir air, puis le couvre derechef. Et quand il aura este assez long temps, il en viendra vne eau laquelle tu verseras en vn autre verre & laisseras reroidir, & ce qui estoit coagulé dessus l'eau, iette-le au long, & mets dedans chaux d'œufs, que l'eau auance par dessus de quatre doigts de large. melle les ensemble & verse derechef dedans le verre, le bouchant tresbien, & le mets derechef sous la fiente, le laissant là aussi long temps, comme au parauant, tire le puis dehors & le verse en vn creuset, les remuant tresbien, mets y dessus feutre blanc, & à mesure qu'il distillera reuerse-le dessus, continuant ainsi iusques à ce que l'eau soit clere, iette hors les lies, l'eau est bonne ad lunam & solem.

¶ *Aquacausata.*

Pré deux liures de cédres delie de vin brulée, vne liure de cendres de coques de noix, deux liures de cendres de tuiaux de feues vne liure de cendres de sarments de vigne, melle toutes ces cédres ensemble & y verse dessus de l'eau, & y adiouste chaux viue, pour chacune liure de ladite matiere y faudra mettre deux liures d'eau, puis les laisser boullir ensemble vn bouillō, & les laisser reposer vn iour & vne nuit, le remuant six fois le iour. Verse puis apres le cler, en vn chaudron. & y adiouste vne once d'Arseñic, vne once de réagal, vne once de tartre calciné, & vn quarteron de sel armoniac, reduis-le tout en poudre & le verse en l'eau, & le laisse boullir iusques à moytié, laisse le refroidir, puis le mets en vn alembic, & le distille comme est dict. Quand il ne voudra plus distiller laisse le refroidir, & ouure l'alembic

R E C E P T E S D E

l'alembic, & verse y de nouveau, & distille en ceste sorte par cinq fois, & en garde l'eau distillée. On coagule & fixe en icelle mercure comme est dict autre part: garde aussi les lies, car elles sont bonnes pour endurcir le Mercure.

Pren Mercure, mets-le en vn creuset, & le fais chauffer, verse icelles lies dedans & les melle ensemble, cela tuō le mercure & le rend dur & noir, de sorte qu'estant refroidy est aussi dur qu'une pierre, lequel tu pourras sublimer.

¶ *Aqua caustica.*

Pren vne partie de sel alkali, vne partie d'alun commun, vne partie d'alun de plume, vne partie de pierre galitsenstein blanche, vne partie de sel armoniac, deux parties de sel cōmun préparé, broye les tous bien menu sur le marbre & les mouille avec vin-aigre ou eau ardent, & les mets en vn verre, lequel fouiras sous le fumier le y laissant par trois semaines. Tout sera tourné en eau, verse icelle eau en vn creuset & fais comme dessus avec le feutre, le distillant par le feutre en vn autre creuset. Garde le ainsi en vn verre, car elle est bonne à faire argent, le feutre doit estre agu par le bout & large par haut,

¶ *Aqua auripigmenti.*

Pren quatre pars d'orpigmet, deux pars de sel armoniac, vne part d'ecailles d'œufs calcineés, et vne part de sel cōmun: broye les bien sur le marbre, mouille les avec vinaigre et les laisse couler de la pierre, en vn verre en la caue, ou mets-les en vn verre, sous le fumier tant qu'il deuienne eau, puis la distille comme eau forte.

Mais en broyant l'orpigment, il faut boucher la bouche & les pertuis du nez, pour la fumée de l'eau laquelle est nuisible.

¶ *Aqua de sale communi preparata.*

Pren vne liure de sel commun, vn quarteron d'alun, broye les sur le marbre avec vin-aigre, & la laisse escouler ius de la pierre comme dessus, & la distille par le feutre & sera faite.

¶ *Eau de iaulnes d'œufs.*

Pre iaulnes d'œufs, boullis biē durs, pile les & mets en l'alembic, la premiere eau qui en sort, est blanche, l'autre rouge & epesse, mais quād elle est froide est plus subtile & liquide. Tout ce qu'on frotte d'icelle eau recouure tousiours bōne couleur d'or.

Huile

¶ Huile de tartre.

Pren tartre blanc calciné, broye le bien menu sur le marbre, & le laisse couler en vn verre, comme dessus est dit du sel Armoniac & de crocus Martis, apres que tout sera coulé au verre tu le passeras par le feutre tant souuent iusques à ce qu'il deuiene cler, Garde le en vn verre net.

¶ Oleum laterinum ou Petroleum.

Pren vne tuille nouvelle sur laquelle n'ait esté aucune eau, fais la chaude, & la mets tremper en huile de noix, iusques à tant qu'elle ne boiue plus, puis le puluerise & mets en vn alambic, & la faiéts distiller. Quand elle ne distillera plus, iette la hors, & y en mets de l'autre, & fais comme dessus iusques à trois fois, & tu auras ton huile.

¶ Oleum benedictum.

Pren huile d'oliue au lieu d'huile de noix, & fais comme dessus.

¶ Oleum Sulphuris.

Pren vne liure de Soulfhre bien puluerisé, vne liure d'huile de seméce de lin, mets-les en vn pot plôbé & les boullis ensemble, iusques à ce qu'il y viene vne escume rouge dessus. Verse y du vin-aigre dedans, l'huile se commence à esleuer ostant l'escume la garde, & tiens l'huile nette. Laue puis le soulfhre bien net, & y verse dessus huile de noix, & le laisse boullir comme deuant, & quand il deuiendra rouge comme dessus, verse y derechef du vin-aigre, & en escume l'huile, & la garde avec la premiere. Ce fais si long temps iusques à ce que le soulfhre ne fume plus soit qu'il soit mis sur charbons ardens, ou sur vne platine chaude, laue le alors en eau chaude, & le laisse secher. Mets-le puis en vn sac espes, & le lie de sorte que le soulfhre se puisse bien estendre dedens. Mets en vn pot de chaux viue, quatre doigts d'espes, & estéds dessus le sac ou est le soulfhre, puis verse du bon vin-aigre dedans qu'il auance d'vne paulme par dessus la chaux & le laisse boullir vn iour entier, tire puis le soulfhre hors du sac, & le laue bien en eau chaude. verse l'eau hors, & le laisse secher, ce sera sulphur purgatum & preparatum.

RECEPTES DE

¶ *Nota.*

Pren ce que tu as dessus assemble, & fais vne lessiue forte de chaux viue, & des cendres clauellées pren deux fois autant d'icelle lessiue, & les boullis ensemble iusques à ce qu'elles deuiennent comme vn saumon, l'escume d'iceluy mettras en vn verre lequel laisseras sous le fumier dix iours. Broye la puis & mets en vn alembic, & distille comme dessus est dict, & ce qui demeure en l'Alembic, est oleum fixum sulphuris, d'icelle hui le fixe on toutes especes.

¶ *Pour purger le Soulfre.*

Pren soulfre commun, pile-le bien menu, & passe par vn tamis. Mets-le en vn pot plombé à trois pieds, & verse dedans bon vin-aigre, laisse-le boullir lentemēt vn iour, & vne nuit, escume-le avec vne culiere de bois qui soit pleine de petits peruis. Quand le vin-aigre aura ainsi boulli, avec vn iour & vne nuit, adiouste y vrine vieille qui ait aussi bien boulli & soit bien escumée, & puis passée par le feutre. Laisse-le ainsi boullir avec l'vrine deux iours & deux nuits, & escume cōme deuant, & le passe si long temps par le feutre iusques à ce que l'eau deuiene clere. Puis laisse le seicher au soleil & sera purgé.

¶ *Pour sublimer le Soufre.*

Pren sulphur purgatum, comme i'ay enseigné cy dessus au chap. de Oleo sulphuris duquel tu veux: d'iceluy prē vne liure, soulfre calciné comme est dict au chapitre precedent, vne liure, des paillettes de fer brisé bien menu vn quarteron, broye les bien & passe par le tamis, puis les mets en vn alembic, lequel ayt vn pertuis par haut, lequel boucheras avec vne piece de lamine de fer, lute biē le sublimatoire qu'il nepuisse respirer, & le mets en vn four à sublimer faisant petit feu dessous, regarde par fois l'enbas de la lamine lequel n'estant plus humide, bouche le trou avec lutum sapientie, et fais le feu vn peu plus grad, & le laisse ainsi par six heures. Puis oste le & ce qui est attaché dessus, frotté-le ius avec la patte de lieure. Touille le derechef avec les lies qui sont demeurées dessous, & le remets dedans, & sublime comme dessus. Ce fais par trois fois & tousiours ce que tu trouueras au haut frotte le ius & garde, & broye les lies à part, & fais comme deuant iusques à ce qu'elles ne fu-

ment

ment plus sur le feu, iette les alors dehors, & pren vne partie de ce soulfhre sublimé, deux parties de sel commun préparé, broye les bien ensemble & sublime comme dessus, mettât premier vne lamine sur le trou. Ayant fait cela par cinq fois, prendu soulfhre deuant sublimé, & le broye avec deux fois autât de sel commun préparé, Et le sublime si souuent iusques à ce que le Soulfhre deuienne aussi blanc que neige, alors il en aura assez, garde-le.

¶ *Oleum ouorum.*

Prend escailles d'œufs pilées, desquelles soient ostées les pellicules, garde les. Prend puis les iaulnes d'œufs et les bats bië fort en vn pot, & mets en vn verre sous le fumier chaud de cheual par huit iours de long, puis Poste, mets puis les escailles dessus-dites en vn alembic, & le lute tresbien & distille ainsi par trois fois, en viendra *Oleum ouorum*.

¶ *Oleum auripigmenti.*

Prend auripigmentum, & le brisé menu, boullis-le ensemble avec *Oleum lunare* en vn petit pot plombé, Quand il sera consommé à demy, mets-le en vn alembic & le distille, prend puis les lies & les broye sur le marbre, & les mets derechef dās l'alembic, & verse derechef dessus icelle huile, ce fais par trois fois, & le garde, il est bon ad fixationem.

¶ *Oleum lunare.*

Prend autant que tu veus de aqua lunaris cy dessus descrite, distille-la en vn alembic, iusques à ce qu'elle deuiene seiche, tu auras ton huile duquel on fixera toutes especes, & on coagulera aussi le Mercure.

¶ *Oleum sulphuris.*

Broye soulfhre avec tartre, en forme de boulie, mets le en vn verre sur vn feu de charbons vifs par trois iours, broye les alors derechef, & les distille par l'alembic, cela s'appelle *oleum sulphuris*.

¶ *Pour sublimer le Mercure.*

Prend vne liure de mercure, vn quarteron de sel armoniac verse dessus bon vin-aigre, qu'ilz soient bien liquides melle les ensemble & laisse ainti reposer iusques à l'endemain, broye les bien ensemble sur le marbre, car il faut que tout soit reduit en poudre auant que verser le vin-aigre dessus. Quand tu l'au

R E C E P T E S D E

ras tellement broyé que le Mercure ne paroistra plus, laisse le seicher, & le broye bien fort ainsi sec sans vin-aigre, mets-le alors dans l'alembic & le sublime au four à sublimer, comme dessus est dict du Soulfhre, serre bien le feutre à l'alembic à fin que rien n'en puisse respirer, les deux premieres heures tu feras vn petit feu dessous premierement, iusques à ce que l'humidité sorte par haut, ce que tu cognoistras à la vapeur estant à la lamine, bouche puis le pertuis & fais plus grand feu dessous deux heures de long, puis augmente le feu quatre heures de long, puis le laisse petit à petit refroidir, & l'ouure, tu trouueras le Mercure aussi blanc que fleur en haut, & ce qui tient à costé, & couche sur les lies, frotte le ius avec vne plume, & broye avec les lies & fort vin-aigre comme dessus, laisse le seicher, puis sublime comme dessus. Ce fais iusques à ce que les lies ne fument plus sus les charbons. Pren puis le Mercure sublimé, & deux fois autant de sel commun préparé, melle les ensemble, & sublime en vn alembic, comme deuant. Ce fais par trois fois. Sublime les lies cōme est dict iusques à ce qu'elles ne fumēt plus sus les charbōs, iette les alors. Et si le Mercure n'est aussi blanc que neige, pren vn autre sel commun préparé, & le sublime derechef iusques à ce qu'il soit assez blanc.

¶ Pour grader l'or.

Pren vitriol, salpêtre, verdet, alun, & en fais eau forte calcine cuiure, & or ensemble dans icelle eau, il montera au plus haut qu'il scauroit, pren puis le cuiure dissolu en l'eau, argent aussi dissolu en eau forte, mets ces deux ensemble en vn creuset & les fonds, tu gueras de l'or iusques à seize degrés.

¶

F I N.

